

L1

ECCLESIAE GALLICANÆ HISTORIARVM,

Tomus Primus.

A PRIMO CHRISTI IN GALLIIS
Euangelio, ad datam Ecclesiæ pacem.

*Res à Fidelibus præclarè gestas, eorum contra Idololatriam, & Hæresim pugnās, ac triumphos,
& Synodorum decreta.*

QVATVOR LIBRIS COMPLECTENS.

ACCESSIT SECVNDÆ PARS, QVÆ VETERA
monumenta ex MS. eruta, in fidem Historiæ describit.



PARISIIS,
Apud IOANNEM CAMVSAT, in vico Iacobæo
ad insigne Aurei Velleris.

M. DC. XXXVI.
CVM PRIVILEGIO REGIS.



ILLVSTRISSIMIS
ECCLESIAE GALLICANÆ
PRIMATIBVS,
METROPOLITIS, EPISCOPIS,

CVNCTISQVE SACRO ORDINI

ADSCRIPTIS:



FIDELIVM CHRISTI LEGATORVM,

ET TESTIVM, QVORVM PRÆCLARÆ

res gestæ hoc in opere describuntur:

RELIGIONIS, ET CONSESSVS

SANCTISSIMIS SVCCESSORIBVS,

Nascentis ejusdem Ecclesiæ.

HISTORIAM,

FRANCISCVS BOSQVETVS,

Prætor Narbonensis, M. L. D.



HISTORIARVM

ECCLESIAE GALLICANAE

TOMI PRIMI.

CHRONOLOGIA.



NONO tertio Olympiadis CXCIV. Au. LIB.I.

gust. Imp. XIII. & M. Plautio COSS.

Dominus noster Iesus Christus nascitur.

Anno Tiberij Imp. XVIII. Olympiadis CCII. Anno tertio, Christus in cruce salutem humani generis operatur.

Anno à Christi natiuitate XXXV.

Mora Hierosolymis in Christianos per-

secutione, qua Stephanus lapidibus obrutus est, profugi Lazarus, & Maximinus, cum Maria Magdalene, Martha, & alijs Massiliam applicuisse vulgò creduntur.

A. C. XLIV. Claudij Imperatoris II. Petrus Romam venit.

A. C. XLV. Petrus in varias prouincias discipulos misisse dicitur: Ex his Gallias pleròque accepisse ferunt.

A. C. LXI. Neronis V. Paulus solutus vinculis in Hispaniam iussu, & in transitu Viennæ Crescentem, Arclate Trophimū, Narbonē Paulum Episcopos instituisse traditur.

A. C. LXVI. Neronis Decennalibus primain Christianos Romanorum persecutio, qua in Galliis aliqui passi dicuntur.

A. C. XCH. Domitiani IX. secunda persecutio, qua cæcos Gallos quosdam Episcopos, Dionysium, & alios, aliqui sine fideliteste tradunt. Caranus in Galliis martyr dicitur.

A. C. XCV. Clemens Romanus Episcopus discipulos in

A

2 HISTORIARVM ECCLESIE GALLICANÆ

Gallias misisse non incerta traditio est.

A. C. Centesimo. Traiani primo, tertia Christianorum persecutio.

L I B.

I I.

A. C. CXXIII. Adriani IV. commota in Christianos persecutio quarta, eiusdem Imperatoris rescripto repressa.

Anno C. C. XXVIII. Illā missus in exilium Iustus Viennensis Episcopus.

A. C. CLXII. E piscopi à Sixto Romano in Gallias missi leguntur.

A. C. CLIV. Antonini XV. repressa Imperatoris edicto Christianorum persecutio, aliquantū in Galliis tepuit.

Circa hæc tempora Polycarpus in Gallias discipulos misit. Exinde inter Asiaticam & Gallicanam Ecclesias magna necessitudo intercessit.

A. C. CLXV. redit ab exilio Iustus Viennensis: ad eum scribit Pius Romanus.

A. C. CLXVI. recruduit sub M. Aurelio in Galliis persecutio, coronatur Verus Viennensis, illi Iustus succedit.

Scribunt Pio Romano Martyres Gallicani per Attalum. Iusto referibit Pius.

A. C. CLXVII. vel CLXVIII. Aniceto sedente Romam petit Polycarpus.

A. C. CLXIX. M. Aurelij Imp. VII. Christianorum quarta, secundū alios quinta persecutio Smyrnæ coronatur Polycarpus, ad annū superiorem retulit Eusebius quo Gallorum martyrium narrat, licet post Montani prophetiam contigerit: initio persecutionis scripsit, quod in illa, anno ipsi incognito & incerto euenerat.

A. C. CLXXIII. Pseudopropheta Montani in sceleribus auspiciis oritur.

A. C. CLXXVIII. Aurelio in Galliis res Sequanorum turbatas componente, Andeolus, Benignus, Thyrsus, Andochius, Flocellus, & alij, pro Christi nomine occumbunt.

A. C. CLXXIX. Grauior in Galliis persecutio Imperatore Romam reuerso, Lugduni plurimos Christi martyres coronauit.

Montani spiritus Gallorum iudicio damnatur.

Irenæus Romam ad Eleutherum legatur.

A. C. CLXXX. Reuersus à legatione Romana Irenæus, in vacuam Pothini Lugdunensis cathedram eligitur.

A. C. CLXXXII. Commodo imperante pax Ecclesiæ data est, quæ vigente Paulus Narbonensis, & alij Episcopi in Gallias venire potuerunt.

A. C. CXCIV. Victore Romæ sedente, propter Paschatis celebrationem variis diebus actam, crebra fuere Episcoporum Concilia.

Duo in Galliis eam in rem coacta.

A. C. CXCIX. Seuerus victo Albino Lugdunum diripuit, Irenæum cum populo Christiano occidit.

A. C. CCX. in Britanniam proficiscens Seuerus, in Galliis contra Christianos sæuit.

A. C. CCXIII. à Seueri morte, quæ hoc anno contigit, triginta octo Ecclesiasticæ pacis anni numerantur. Per huius pacis interualla, Episcopi Romæ in Gallias missi sunt.

In Concilio Narbonensi per eadem tempora celebrato, Paulus eius urbis Episcopus purgatur.

Christi fides per Galliis latissime prædicatur.

A. C. CCXLIX. Pontius Philippos Imp. Christi fidem docet.

A. C. CCLI. vltimus pacis Ecclesiasticæ annus.

A. C. CCLII. Primus persecutionis Decii, eiusdem Imp. & Grati Cōsulatu notatus, Saturnini Tolosatis martyrio illustris.

Hac Decianæ persecutione Dionysius Parisiensis, & plures alij in Galliis passi.

A. C. CCLIII. Romæ de lapsorum reconciliatione quæstio agitata, Cleri & vicinorum Episcoporum decreto terminatur.

A. C. CCLIV. Romæ post longum interpontificium Cornelius eligitur.

Nouatianus secedit, & pseudo-Episcopus constituitur.

Nouatus Presbyter à Nouatiano in Africam legatur.

Nouatiano Martianus Arelatensis adhæret.

Corneho sedente, Aniciensis cathedræ translatio facta traditur.

A. C. CCLIV. Nouatianus Romano Concilio damnatur.

Lupicino Viennensi, Cornelius Romanus scribit.

4 HISTORIARVM ECCLESIE GALLICANÆ

A. C. CCLVII. Primum in causa Martiani Arelatensis Gallorum Concilium.

A. C. CCLVIII. Vel sequenti, secundum contra Martianum Concilium.

A. C. CCLIX. Valerianus Imperator in Christianos edicit.

A. C. CCLX. Taurinus Ebrosensis imminentem à Barbaris Galliarum depopulationem prædicit, & legationem mittit ad Sixtum Romanum.

Sixtus in Gallias discipulos legat.

A. C. CCLXIII. Alemanni Gallias vastant.

A. C. CCLXVI. Salonino Gallieni filio in Galliis occiso, Posthumius imperat; incerti Gallieni anni Posthumii tempus incertum reddunt: at post decimum Gallieni annum imperium cœpit, & septem annis rexit.

A. C. CCLXX. Posthumius Victorinū in collegam asciscit.

A. C. CCLXXII. interfecto posthumio, Lollianus in Gallia imperat.

Alemanni iterum Gallias depopulantur.

Lollianus occiditur.

Victorinus composita factione Agrippinæ percussus. Victorinus filius, Cæsar ab auia Victorina appellatus: qui & ipse puerulus statim interfectus est.

Murius triduo imperat.

Victoria Mater castrorum appellata, Tetricum Aquitanix Præsidem ad Imperium Galliarum euehit.

Tetricus Burdegale purpuram sumit.

A. C. CCLXXIV. Aurelianus à Tetrico Gallias recipit, & in Christianos animaduertit.

A. C. CCLXXV. Redit in Gallias Aurelianus.

A. C. CCLXXX. à Probo Alemanni Gallia cuncti, septuaginta nobilissimis ciuitatibus receptis.

A. C. CCLXXXIII. Carus Narbonensis cum filiis imperat. Carinus Gallias regit.

A. C. CCLXXXV. Diocletianus Carinum ad Murgum profligauit.

LIB. IV. A. C. CCLXXXVII. Maximianus aduersus Bagaudas in Gallias venit.

Legio Thebæa coronatur.

TOMVS PRIMVS.

A. C. CCXC. Maximianus contra Carausium mouet.

Multi in Galliis Christo testimonium reddunt.

A. C. CCXCII. Constantius & Galerius Cæsares appellati.
Constantius Gallias regit.

Pax cum Carausio inita est, relicta illi Britannia.

A. C. CCXCIX. Carausius ab Allecto occisus.

A. C. CCCII. Allecto ab Asclepiodoto Praefecto Prætorio
deuicto, Britannia recipitur.

A. C. CCCIII. Crudelissimis Imperatorum edictis, Ec-
clesiæ clausæ sunt, & dira persecutio cœpit.

A. C. CCCIV. Diocletianus & Maximianus purpuram
deponunt, Imperii successotibus Cæsaribus.

Constantius Imperator Gallicanæ Ecclesiæ pacem reddit.





Conspectus libri Primi.

- C**apite I. Galliarum diuiso, & huius historia fines.
- II. De primis in Gallis Euangelij præconibus.
- III. De Maria, Martha, Lazaro, & Maximino.
- IV. An Apostoli in Gallis prædicauerint, an illorum discipuli?
- V. De Crescente Viennensi.
- VI. De Trophimo Arelatensi.
- VII. De Paulo Narbonensi.
- VIII. Traditionis circa Apostolorum discipulos rationes repetita.
- IX. XI. De Petri discipulis, eorumque traditio enucleata.
- XII. De Memmio Catalaunorum Episcopo.
- XIII. XIV. XV. De Frontone Petrocoriorum.
- XVI. De Georgio Vellaunorum.
- XVII. De Clemente Mediomatricum.
- XVIII. XIX. De Saturnino Tolosatum.
- XX. De Mansueto Leucorum.
- XXI. De Eucharis, Valerio, & Materno Treuirorum.
- XXII. De Sauiniano, Potentiano, Altino Segonensium.
- XXIII. De Martiali Lemonicum.
- XXIV. XXV. De Episcopis à Clemente Romano in Galliam legatis.
- XXVI. XXVII. De Dionysio Parisiensium.
- XXVIII. De Regulo Siluaneensium.
- XXIX. De Luciano Bellouacorum.
- XXX. De Taurino Ebroicorum.
- XXXI. De Eutropio Santonum.
- XXXII. De Gatiano Turonum.
- XXXIII. De Ursino Biturigum.
- XXXIV. De Nicasio Rothomagorum, & Sixto Remorum.
- XXXV. De Iuliano Cenomanorum.
- XXXVI. Traditionis errores repetiti: Seneri & Gregorij Turonensis loca perpenda.

Conspectus libri secundi.

- C**apite I. Repetita Hadriani gesta, & Sixti Romani missio.
 II. An sub Antonino Pio in Gallia martyres?
 III. Sub Antonino missi à Polycarpo discipuli.
 IV. Andochius, Benignus, Thyrsus, & Andeolus Smyrnâ in Gallias veniunt.
 V. VI. Tergemini Leonilla nepotes à Benigno ad Christum conuersi.
 VII. Imperatorum vsque ad M. Aurelium in Christianos edicta repetita.
 VIII. Vero Episcopo Viennensi martyri, succedit ab exilio reuersus Iustus, ad quem Pius Episcopus Romanus scribit.
 IX. Pio rescribunt martyres Lugdunenses de Iusti electione, ad hunc iterum Pius dat litteras, martyrum curam commendantes.
 X. Polycarpi Romam aduentus, eius martyrium.
 XI. Aurelio in Gallias agente passi martyres.
 XII. Andeoli martyrium sub Aurelio.
 XIII. An in Columbam Senonensem Aurelius animaduertit?
 XIV. Andochij & Thyrsi martyrium.
 XV. Floccelli pueri passio.
 XVI. Diuione Benignus caditur.
 XVII. Tergeminorum, Leonilla, & aliorum martyrium.
 XVIII, XIX, XX, XXI. Lugdunensium martyrum certamina.
 XXII. Eorum numerus, nomen, & sacra memoria.
 XXIII. Marcellus Lugduno profugus caditur.
 XXIV. Fugæ socy Valeriani passio.
 XXV, XXVI. Alexandri, & Epipodij certamen.
 XXVII. Symphorianus hac Aurelij persecutione passus.
 XXVIII. Plures alij sub Aurelio Gallicani martyres.
 XXIX. De Montani pseudopropheta Gallorum iudicium.
 XXX. XXXI. Legatur Romam Irenæus à Gallis, aduersus Blastum, & Florinum scribit.

Conspectus libri tertij.

- C**apite I. Irenaeus Lugdunensis Episcopus eligitur, oritur de Paschate controuersia, Concilia indicuntur.
- II. An Victoris ad Desiderium epistola sit legitima?
- III. Primum de Paschate Concilium.
- IV. Polycrates Ephesinus in decessorum more perseverat, ad Victoris scribit, contra rescribit Victor.
- V. De Victoris ad Paracodam Viennensem epistola.
- VI. VII. Secundum de Paschate Gallorum Concilium, & eius litterae.
- VIII. Vbinam & a quibus fuerit celebratum?
- IX. Pace data Ecclesiae sub Commodio, Episcopi in Gallias mitti potuerunt: expensa Pauli Narbonensis, & Sapricij Proconsulis tempora.
- X. XI. Decursa Pauli acta ex vulgari traditione.
- XII. Seuerus Albini defectionem Lugduni vindicante, Irenaeus cum sua Ecclesia caditur, laudatur Irenaeus.
- XIII. Notatur error temporum in morte Irenaei.
- XIV. Zachariae presbyteri Lugdunensis cladi superstitis pietas.
- XV. XVI. Irenaei discipuli Ferreolus, Ferrucio & alij ad martyrium caelestibus visionibus excitati.
- XVII. Seuerus in Britanniam proficisciente, grauis in Gallias persecutio.
- XVII I. Felix, Fortunatus, & Achillei martyrium.
- XI X. Ferreolus, & Ferrucio cæsi.
- XX. Status Ecclesiae Gallicanae post Seueri mortem.
- XXI. A Seueri morte triginta octo pacis Ecclesiasticae anni incipere, per quos plures in Gallias Episcopi missi.
- XXII. Eorum res gesta narrata sequenti ordine.
- XXIII. Paulus Narbone praedicat, & in Concilio purgatur.
- XXIV. Actorum Pauli veritas asserta, Dionysij Parisiensis aetate confirmata.
- XXV. Saturninus Testosages, Vascones, & Hispanos ad Christum conuertit.
- XXVI. Hortante Pontio postmodum Gallicano martyre Philippi Imp. Christo credunt.

- XXVII. *Gatiani Turonensis missio.*
 XXVIII. *Finis pacis Ecclesiastica, Dionysij passionis tempus.*
 XXIX. *Saturnini, Papuli, Amaranthi, & aliorum martyrium.*
 XXX. *De Biturigum Ecclesia, Vrsino Episcopo, Lufore & Leocadio.*
 XXXI. *Eugenius Tolerantius in Gallis pro Christi nomine caesus.*
 XXXII. *Roma, Nonatiani schisma, pro Ecclesiae disciplina, contra Cornelium oritur.*
 XXXIII. *Martianus Arelatensis schismatici communicat, & lapsos sine spe Veniae reijcit; illum coactus Concilium Galli deponunt.*
 XXXIV. *Certior temporum calculi iactus, & de Lupicino Viennensi.*
 XXXV. *De Aniciensis Cathedra translatione vulgarum traditio.*
 XXXVI. *Valeriani persecutio, Pontij martyrium.*
 XXXVII. *Taurini Ebroicensis, de futura Alemannorum vastatione predictio.*
 XXXVIII. *Gallienus pacem dat Ecclesiae; à tyrannis Galliae turbantur.*
 XXXIX. *Alemannorum duce Chroco Galliarum vastatio, & Christianorum persecutio.*
 LX. *Chrocus Aruernorum templum diruit. Victorinus, Cassius, Priuatus Gabalitanus, & alij Christi martyres.*
 LXI. *Aureliani persecutio, & atroci martyrium.*
 LXII. *Columb Virginis certamen, Claudij, Iusti, & aliorum pro Christo cades.*
 XLIII. *Sabiniani, & Sabine passio.*
 XLIV. *Iterum Gallias depopulantes Alemanni à Probo expulsi.*
 XLV. *Sub Caro & filium irtyres in Gallia.*
 XLVI. *Missi Romae in Gallias Euangelij praecones.*

Conspectus libri quarti.

- C**apite I. *Diocletiani & Maximiani persecutionis exordia: armata in Bagaudas Thebea legio sanguine suo consecratur.*
 II. *Status Galliarum sub Maximiano, Carausio assumente Imperium.*
 III. *Diuiso inter Caesares Imperio, Galli Constantio cesserunt: an sub eo persecutio durauerit.*
 IV. *Victoris Massiliensis certamen.*
 V. *Rictio Varo, Crispino, & Daciano damnantibus plurimi martyres.*
 VI. *Treueris innumerabiles.*

- 10 HISTORIARVM ECCLESIE GALLICANÆ
VII. Remis Macra, Suesione, Valerius, & Ruffinus.
VIII. Ambianis Firminus.
IX. Quintinus Auguste Veromanduorum.
X. Victoricus & Eusebianus.
XI. Iustus puer.
XII. Suesione, Crispinus, & Crispinianus. Rictij Varij mors.
XIII. Elusa, Lupercius sub Daciano.
XIV. Aginni, Vincentius.
XV. Gaprasius, & Fides.
XVI. Sub Crispino, Ferreolus & Iulianus.
XVII. Genesius, Arelate.
XVIII. Victorinus Pictaviensis.
XIX. Plures alij in Galliis passi.
XX. Galliarum sub Constantio status, usque ad Imp. abdicationem,
& Gallicanæ Ecclesiæ pacem.





ECCLESIAE

GALLICANÆ

HISTORIARVM.

LIBER PRIMVS.



ECCLESIAE, sponsæ tuæ, variam per diuersa sæcula pulchritudinem descripturus, IESV CHRISTE DOMINE NOSTER, æternæ tuæ sapientiæ auxilium imploro. Non enim alteri quàm sponso, aut ei, cui sponsus commiserit, sponsæ virginis mysteria, & dotes sacras licet palàm proferre. Illius per Gallias imperium, pro fide tibi data in tuos hostes certamina, gloriosos te duce triumphos, & prudentissimam in æternitatis tuæ Regnum filiorum suorum educationem, narrare in animo habeo: Tu adde vires infirmo, præbe lumen cæco, & per obscuras antiquitatis

incertæ tenebras, ac dolosos aduersariorum amfractus, spiritu sancto tuo mentem meam, & calamum, ad veritatis, & gloriæ tuæ certissimum scopum dirige.

I. Gallicanam Ecclesiam certis, & non mutandis finibus conscribere difficile est: maximè, propter varias Galliarum diuisiones. Nam illæ pro arbitrio Imperatorum, modò tres, modò quatuor, tum septem, postea verò decem & septem prouincias sortitæ sunt. Iulius Cæsar, qui Gallias propè omnes primus Imperio Romano adiecit, illas in Aquitaniam, Celticam, & Belgicam diuisit: Narbonensis, quæ iam antea iuris erat populi Romani, inter Gallicanas prouincias, à Iulio omissa, ab Augusto numerata est. Ita vt vniuersa Gallia, in Narbonenses, Lugdunenses, Aquitanos, & Belgas sub Augusto distributa fuerit. Fortè hanc diuisionem Narbone peregit Augustus, vbi ipso VII. & Agrippa III. Cons. A.V.C. DCCXXVII. ante Christum natum XXIV. Conuentu Galliarum habito, census à tribus Galliis, quas pater vicerat, actus; & prouinciæ Galliarum diuisæ sunt. Successu tamen temporis, hæ quatuor prouinciæ subdivisæ fuerunt, donec inter Præfectos Prætorio vniuerso orbe Romano à Constantino partito: quicquid Præfecti Prætorio Galliarum Vicario per Gallias cessit, Galliis adscriptum. Quapropter cum dispositioni Vicarij septem prouinciarum, Germania superior, & inferior, atque omnis à Rheno ad Oceanum, Mediterraneum, Pyrenæos, & Alpes, tractus pareret: illæ omnes prouinciæ Gallicanæ dictæ sunt. His tandem prouinciis, quæ primò tantum septem fuerant, decem adiectæ sunt, ipsis primis in secundas

prouincias diuifis. Quæ mox propter feptem prouinciarum in vnum conuentum, & firmiſſimum inter eas propinquioris ſocietatis vinculum, illarum vniuerſo Concilio quotannis Arelate confirmatum: iam totus Galliarum tractus, in duas quaſi adminiſtrationes diſtributus: quarum illa decem non antiquas, iſta ſeptem, item non priſcas, ſed promiſcuas, antiquas, & nouas prouincias complectebatur. Verùm poſteà barbaræ gentes occupatis Galliis, & pro cuiusque Imperio diuiſis, ſua nomina dederunt. Quamobrem, perpetuam, & immutabilem, per hiftoriæ ſeriem, Galliarum diuiſionem, hoc in exordio ſtatuiere non poſſumus. Sed vt intra quædam ſpatia Hiftoria noſtra decurrat, quos Galliæ limites natura impoſuit, illa agnoſcet. Igitur quidquid Rheno, Oceano, Mediterraneo, Pyrenæis, & Alpibus includitur; quidquid Aquitani, Belgæ, Celtæ, & Narbonenſes incolunt, Hiftoriæ noſtræ materiam dabit. Hiſce finibus deſcriptis, à primis Religionis in Gallia parentibus, auſpice Deo, illa ſumat exordium.

II. Primos Chriſti Euangelij in Gallia præcones, non eoſdem, non iſdem temporibus, æquè omnes agnoſcunt. Nam plerique, Petrum & Paulum Apoſtolos, eorūque diſcipulos, primos referunt Eccleſiæ Gallicanæ authores: Quidam Clementem, & proximè ſuccedentes Romanos Pontifices; à quibus primos Galliarum Epiſcopos miſſos volunt. Alij poſteriori ſæculo, à Chriſto nato annum circiter centeſimum ſeptuageſimum, Galliis Chriſti lumen illuſiſſe. Hæc adeò tamen incerta ſunt, vt neutrum eorum aſſeri conſtantiſſimè poſſit. Primæ opinionis auctores ſolus anti-

quitatis amor longa post tempora in eorum animis flagrans, ad vniuersæ Ecclesiæ primordia, in statuendo Gallicanæ principio deduxit. Alios dubia antiquitas ad certiora posteriorum temporum monimenta impellens, illa dedit Galliarum fidei principia, quæ indubitata fuerunt. Horum autem ut certior aliqua ratio nobis constet: An ipsi Apostoli, vel legati ab illis discipuli, in Galliis Christi fidem prædicauerint, indagare debemus: narratâ tamen prius Occidentalium omnium primâ, si vera foret, Mariæ, Marthæ, & Lazari prædicatione.

III. Mota Hierosolymis in Iesu Christi discipulos persecutione, Stephanus Diaconus, ut Apostolorum Acta describunt, lapidibus obrutus, primum Christo crucifixo testimonium sanguine suo reddidit. Exinde acrioribus Iudæorum odiis vexati Christiani, varias in orbis partes dispersi sunt. Martha, & Maria, Lazari à mortuis excitati sorores, vnâ cum ipso fratre, & Marcella ancilla, (quæ prædicanti Christo acclamasse dicitur his verbis, Beatus venter qui te portauit, & vbera quæ suxisti) ac Sedonio (qui à natiuitate cæcus visum accepit à Christo) Maximino ex Septuaginta duobus discipulis à Petro Apostolo commendatæ, mari se commiserunt. Quibus diuino ductu ad oram Prouinciæ appulsis, Massilia Lazarum, Aquæ Sextiæ Maximinum Episcopos acceperunt. Maria solitudinem penetrans, vitam inter Angelorum choros transegit, & locum penitentiam suâ, & corporis sepulturâ posterioribus sæculis celebrem reliquit. Martha verò, miraculis toto illo tractu illustrior, ad Rhodani fluminis ripam Draconis fu-

gandi causa ab incolis aduocatur. Ille Tarascus dictus, Auenionem inter, & Arelatem, cuncta vastabat, nautis æquè ac viatoribus, terrâ, & flumine infensus. Què vbi precibus suis, signo crucis, & aquâ benedictâ mansuefactum, Martha suo cingulo alligauit, & populo transfigendum dedit; ab eo locum nomen mutasse, & Tarasconis accepisse tradunt. Illic Martha reliquam vitam ab incolis exorata duxit, Auenionensibus, & Arelatensibus beneficia multa conferens. Hæc vulgaria horum sanctorum Acta testantur, quorum fidem multa eleuant. Ipse primùm auctor nouus, qui posterioribus sæculis ex vulgi sermonibus ista composuit, atque multa veritati historię parùm consentanea tradidit: vt cum Petrum Apostolum discipulis suis Gallias diuidentem, Bituricas Austregisilo (qui post annum quingentesimum vixit) Lugdunum Irenæo (qui secundo ab hinc sæculo Lugdunensibus præfuit) commendasse refert. Tum scriptorum vtriusque linguæ, & Imperij auctoritas aduersatur, qui Mariam Ephesi dormiuisse, & inde corpus eius cum fratre Lazaro Constantinopolim translatum; Marcellum, & Synthicen in Mysia, inde in Prouinciā Marcellæ corpus allatum fuisse memorant. Prætercà, si vera est illa prædicatio, nō iam à Petro & Paulo, sed ab illis mulieribus, Occidens Christi religionem primùm accepit. Attamen illa traditio aliqua etiā auctoritate subnixa est, aduersus quam absit vt sentiam, si per Ecclesiam non licet. Hac noua traditione præmissa de Apostolis eorumque discipulis inquirendum.

IV. Petrum & Paulum Apostolos Occidens suæ re-

ligionis autores colit: nec ab aliis Italia, Galliæ, Hispaniæ & Affrica, quàm ab his Apostolorum Principibus, eorumve discipulis, se fidem accepisse gloriantur. Philippus enim in Gallogræcia, non in Gallia prædicauit. In Gallias Petrum profectum fuisse non legitur. At Paulus, secundum animi sui in Epistolâ ad Romanos propositum, in Hispaniam proficiscentem, Narbonensem prouinciam lustrasse non est nupera traditio. Nam licet illa Pauli in Hispaniam profectio, communi omnium suffragio non recipiatur: vincit tamen authorum tam Græcorum, quàm Latinorum illam asserentium maior numerus. Hoc in transitu Viennæ Crescentem, Arelate Trophimum, Narbone Paulum Sergium Episcopos constituisse ferunt. Circa singulos rei veritatem perquiramus.

V. Crescentem ipse Apostolus Paulus II. ad Timotheum cap. IV. ait se in Γαλατίας misisse: quo loco Theodoretus Gallias interpretatur: & Epiphanius illos arguit erroris, qui Galatiam, seu Gallogræciam, non Galliam intelligunt. Hæc autem Crescentis missio, in annum primum Pauli Romam aduentus incidit; idcirco Viennæ à transeunte Paulo relinqui non potuit, nisi iam antè Viennâ Romam redierat. Quocumque tamen modo res se habuerit, Crescentem destinatum Gallogræcis, in transitu per Gallias, Viennensem, & deinde Moguntinam Ecclesiam instituisse referunt Martyrologia, quibus ambarum Ecclesiarum tabulæ cōsentiunt. Verùm non rectâ ibat Crescens in Gallogræciam, per Gallias, & Germaniam iter habens: & stupenda illa miracula in peregrinatione

nimis

mis flexuosâ à Crescente patrata, historiæ fidem minuunt. Atque adeò fuit obscura, & incerta hæc de Crescente narratio, vt Latini, & Galli, Crescentem in Gallogræcia obiisse vno ore affirmant: Græci verò in diuersas eant sententias, & eorum aliqui, illum in Gallia sub Nerone decessisse referant.

VI. Trophimum, cuius Paulus meminit II. ad Corinthios cap. IV. & Acta Apostolorum cap. XX. & XXI. eum ipsum esse qui primus Arelatenſi Ecclesiæ à transeunte Paulo datus est Episcopus, Arelatensium constans est traditio, scriptorum authoritate, & aliquibus monumentis confirmata. Nihilominus tamen nouam esse hanc traditionem, illam asserentium authorum ætas indicat. Neque illa Papæ Zozimi epistola, à Martyrologio Romano in opinionis confirmationem illata; illi adſtipulari videtur. Tantum enim abest vt illa epistola (quam non extare rectè notauerat Baronius, antequam ex Codice Arelatensis Ecclesiæ numero quinto inter Epistolas Zozimi relata fuisset) hanc Pauli institutionem asserat; quin potiùs illam omninò destruit. Enimuerò cùm Zozimi, & Leonis Pontificum Romanorum, tum Narbonensis prouinciæ Episcoporum ad Leonem Epistolæ, ex Archiuis Ecclesiæ Arelatensis (si modò legitimæ sunt, quod infra enucleabimus) editæ, diligentius illas intuenti mihi, Pauli missioni contrariæ esse videntur. Ait Zozimus Trophimum à sedē Romana missum, non ergo à Paulo, non etiam à Petro. Cur enim dignitatem Arelatensis Ecclesiæ per Romanæ sedis eminentiam extollens, de Petro,

& Paulo, per quos illi cathedræ omnis authoritas, tantum splendoris Arelatenſi collaturis tacuiſſet: Et quamvis Narbonenſes Epiſcopi in libello ad Leonem, Petro Trophimi miſſionem adſcribant; tacet tamen Leo, nec Petrum illius Eccleſiæ agnoſcit authorem. Cæterum figuratum loquendi modum illorum eſſe exiſtimo, qui à Petro Trophimum miſſum eſſe affirmant; Nam Petrum pro Petri cathedra accipiunt: atque ita Epiſcopi Narbonenſes, cum Zozimo Pontifice conuenient.

VII. In eodem Pauli tranſitu, Narbone Paulum Sergium, priùs Cypri Proconſulem, Epiſcopum ordinatum fuiſſe vetus eſt fama, quam Græci, & Latini poſterioris ætatis ſcriptores collegerunt. Ipſius tamen Narbonenſis Eccleſiæ tabulæ, hac in re fluctuant. Nam Petrus Hulardi Preſbyter Eccleſiæ ſancti Pauli Narbonæ, qui anno Chriſti M. CCCLXIV. ex variis antiquis monumentis Pauli vitam concinnauit: Eum Apoſtoli Pauli iam cæſi monitu, Cyprio Romam, inde Narbonam veniſſe ſcribit. Et cum ſibi ipſi Stephani Papæ VIII. epiſtolam obiecit, quæ Paulum ab Apoſtolo in Hiſpanias proficiſcente, & in reditu ipſas illi commendante, Narbone relictum eſſe refert: modò iterum Cyprum rediſſe, modò incerta, & futilia alia reſpondet, vt ſe expediat. Verùm Pauli Acta manuſcripta, quæ infra referam, ſilent de Paulo Apoſtolo, & de Sergio Cypri Proconſule. Præterea in antiquiſſimo Romano martyrologio legitur XI. Calendas Aprilis Narbonæ ſancti Pauli Apoſtolorum diſcipuli, nulla Pauli

Apostoli facta mentione.

VIII. Quo igitur pacto in posterorum mentes irrepsit illa opinio, ut hos tres viros Pauli discipulos crederent? Nullam aliam traditionis illius rationem video, quam homonymiam. Nam Crescentem, & Trophimum Pauli discipulos fuisse; & Paulum Sergium Proconsulem Cypri, inter primos Pauli triumphos sub iugum Christi redactum, Saülo Apostolo, ut olim Romanis victas gentes, nomen Pauli dedisse legerant. At cum eiusdem nominis sanctissimis viris suæ fidei primordia deberent, hos eosdem esse, tum ob insitum antiquitatis amorem, tum propter vehemens studium erga primos suæ religionis authores, facillimè sibi persuaserunt. Cum etiam Imperatorum edictis combusta, & barbararum nationum incursionibus direpta essent veterum Patrum monumenta, solùmque ferè illorum nomen reliquorum actorum obliuioni superesset: libera cuique data est vetustissimos illos patres veris, fictisve laudibus extollendi occasio. Primos Episcopos illos fuisse, eorùmque aliqua præclara facinora à maioribus per manus acceperant, Apostolicos viros nouerant: confestim discipulos esse Apostolorum, qui primi in Occidente Christi fidem prædicarunt, & propter similitudinem nominum, eos ipsos, quorum in certioribus actis mentio, existimare. Tum, si quæ præclare acta in sacris libris, aut certissima traditione incertæ personæ adscripta fuerant, his discipulis in maius eorùm decus assignare. Hæc in actis Crescentis, Trophimi, Pauli, Mar-

Velaunū Georgium, Petrocorios Frontonem, Turonos Gatianum, Catalaunos Memmium, Bellouacōs Lucianum, Cenomanos Iulianum, Treueros Valerium, Eucharium, Maternum, Tullos Mansuetum, Mediomatricos Clementem, Remos Sixtum, Bituricas Vrsinum, Sanctonas Eutropium, Aruernos Austremonium, & plerōsque alios, quos singulæ Galliarum Ecclesiæ primos Episcopos venerantur. Verumtamen hæc etiam in re anceps est, cū Scriptorum, cū traditionis fides: Nam si cūctorum suffragia in vnum collegerimus, illa in diuersas ire partes, & hæc hos Petro, hos Clementi; illa alios aliis Pontificibus adscribere animaduertemus. In hoc tamen vno conueniunt, vt vel à Petro, vel à proximis successoribus maiorem illorum numerum missum esse affirmant. De Frontone, Georgio, Memmio, Materno nemo ferè posteriorum dubitat, quin à Petro prædicandæ in Galliis fidei potestatem acceperint. Dionysius, Martialis, Paulus, Iulianus, Gatianus, Sixtus, & alij modò à Petro, modò à Clemente, modò ab aliis intra prima à Christi passione sæcula missi dicuntur. Tot in historiam errores induxit obscura antiquitas, quæ primum vel per Scriptorum incuriam neglecta; vel propter sæculi iniquitatem intacta, vel si scriptis mandata iniuria temporum aboleta, & ad posterorum vorum restitura, non sine labe, & macula, qualiscumque demum superest, ad nos vsque peruenit. Priora sanctorum gesta, vel Romanorum crudelitæ, vel nationum barbarie damnata, aliquam illo-

rum solùm memoriam posteris reliquerunt : quæ nec incorruptam antiquam puritatem , nec priscam rerum gestarum fidem intactam, per tot sæcula dilapsa seruare potuit. Quare dum posterì, vel antiquitatis Ecclesiasticæ studiosi , vel sanctorum intercessionibus obstricti , restituendis illorum actis animum nimia religione affectum applicuerunt, plerumque rumores ex ore vulgi colligentes , sibi que plusquàm deceret indulgentes, veterum patrum vitas, & acta conscribere. Cæterùm quia humanæ menti quoddam antiquitatis studium natura indidit, quo cuncti ferè populi ad consecrandas origines suas impulsì sunt; eo amore Christiani præditi, de fidei suæ antiquitate inuicem decertarunt. Maxime verò propterea quòd magnum semper pro religione præiudiciu tulit antiquitas, quæ fidem ab ipso legislatoris ore acceptam, posteritati venerandam reliquit. Tantò enim illibata religio, quantò ad suum authorem magis accedit ; tantò purior, quantò scaturiginibus propinquior, & tanto nobilior, quantò, vt principes fluuij, ab altioribus fontibus emanat. Inde inter Christianos de fide discerptantes, semper ad Apostolicas Ecclesias recursu est ; vt ex ipsarum antiquissima traditione omnis dubitatio tolleretur. Tantùmque vigit in Christianorum animis ille antiquitatis amor, vt nulla gens à fidei Christianæ cunabulis tam dissita reperta sit , quæ non ab Christi discipulis eam se accepisse prædicarit. Ac cum Petrus Apostolorum Principatu, & vrbis suæ dignitate cunctis præcelleret, ex

incertæ tenebras, ac dolosos aduersariorum amfractus, spiritu sancto tuo mentem meam, & calamus, ad veritatis, & gloriæ tuæ certissimum scopum dirige.

I. Gallicanam Ecclesiam certis, & non mutandis finibus conscribere difficile est: maximè, propter varias Galliarum diuisiones. Nam illæ pro arbitrio Imperatorum, modò tres; modò quatuor, tum septem, postea verò decem & septem prouincias sortitæ sunt. Iulius Cæsar, qui Gallias propè omnes primus Imperio Romano adiecit, illas in Aquitaniam, Celticam, & Belgicam diuisit: Narbonensis, quæ iam antea iuris erat populi Romani, inter Gallicanas prouincias, à Iulio omissa, ab Augusto numerata est. Ita vt vniuersa Gallia, in Narbonenses, Lugdunenses, Aquitanos, & Belgas sub Augusto distributa fuerit. Fortè hanc diuisionem Narbone peregit Augustus, vbi ipso VII. & Agrippa III. Cons. A.V.C. DCCXXVII. ante Christum natum XXIV. Conuentu Galliarum habito, census à tribus Galliis, quas pater vicerat, actus; & prouinciæ Galliarum diuisæ sunt. Successu tamen temporis, hæ quatuor prouinciæ subdiuisæ fuerunt, donec inter Præfectos Prætorio vniuerso orbe Romano à Constantino partito: quicquid Præfecti Prætorio Galliarum Vicario per Gallias cessit, Galliis adscriptum. Quapropter cum dispositioni Vicarij septem prouinciarum, Germania superior, & inferior, atque omnis à Rheno ad Oceanum; Mediterraneum, Pyrenæos, & Alpes, tractus pareret: illæ omnes prouinciæ Gallicanæ dictæ sunt. His tandem prouinciis, quæ primò tantum septem fuerant, decem adiectæ sunt, ipsis primis in secundas

prouincias diuifis. Quæ mox propter feptem prouinciarum in vnum conuentum, & firmiſſimum inter eas propinquioris ſocietatis vinculum, illarum vniuerſo Concilio quotannis Arelate confirmatum: iam totus Galliarum tractus, in duas quaſi adminiſtrationes diſtributus: quarum illa decem non antiquas, iſta ſeptem, item non priſcas, ſed promiſcuas, antiquas, & nouas prouincias complectebatur. Verum poſtea barbaræ gentes occupatis Galliis, & pro cuiuſque Imperio diuiſis, ſua nomina dederunt. Quamobrem, perpetuam, & immutabilem, per hiftoriæ ſeriem, Galliarum diuiſionem, hoc in exordio ſtatuerè non poſſumus. Sed vt intra quædam ſpatia Hiftoria noſtra decurrat, quos Galliæ limites natura impoſuit, illa agnoſcet. Igitur quidquid Rheno, Oceano, Mediterraneo, Pyrenæis, & Alpibus includitur; quidquid Aquitani, Belgæ, Celtæ, & Narbonenſes incolunt, Hiftoriæ noſtræ materiam dabit. Hiſce finibus deſcriptis, à primis Religionis in Gallia parentibus, auſpice Deo, illa ſumat exordium.

II. Primos Chriſti Euangelij in Gallia præcones, non eoſdem, non iiſdem temporibus, æquè omnes agnoſcunt. Nam plerique, Petrum & Paulum Apoſtolos, eorūve diſcipulos, primos referunt Eccleſiæ Gallicanæ authores: Quidam Clementem, & proximè ſuccedentes Romanos Pontifices; à quibus primos Galliarum Epiſcopos miſſos volunt. Alij poſteriori ſæculo, à Chriſto nato annum circiter centeſimum ſeptuageſimum, Galliis Chriſti lumen illuſiſſe. Hæc adeo tamen incerta ſunt, vt neutrum eorum aſſeri conſtantiſſimè poſſit. Primæ opinionis auctores ſolus anti-

quitatis amor longa post tempora in eorum animis flagrans, ad vniuersæ Ecclesiæ primordia, in statuendo Gallicanæ principio deduxit. Alios dubia antiquitas ad certiora posteriorum temporum monimenta impellens, illa dedit Galliarum fidei principia, quæ indubitata fuerunt. Horum autem ut certior aliqua ratio nobis constet: An ipsi Apostoli, vel legati ab illis discipuli, in Galliis Christi fidem prædicauerint, indagare debemus: narratâ tamen prius Occidentalium omnium primâ, si vera foret, Mariæ, Marthæ, & Lazari prædicatione.

III. Mota Hierosolymis in Iesu Christi discipulos persecutione, Stephanus Diaconus, ut Apostolorum Acta describunt, lapidibus obrutus, primum Christo crucifixo testimonium sanguine suo reddidit. Exinde acrioribus Iudæorum odiis vexati Christiani, varias in orbis partes dispersi sunt. Martha, & Maria, Lazari à mortuis excitati sorores, vnâ cum ipso fratre, & Marcella ancilla, (quæ prædicanti Christo acclamasse dicitur his verbis, Beatus venter qui te portauit, & vbera quæ fuxisti) ac Sedonio (qui à natiuitate cæcus visum accepit à Christo) Maximino ex Septuaginta duobus discipulis à Petro Apostolo commendatæ, mari se commiserunt. Quibus diuino ductu ad oram Prouinciæ appulsis, Massilia Lazarum, Aquæ Sextiæ Maximinum Episcopos acceperunt. Maria solitudinem penetrans, vitam inter Angelorum choros transegit, & locum poenitentiam suâ, & corporis sepulturâ posterioribus sæculis celebrem reliquit. Martha verò, miraculis toto illo tractu illustrior, ad Rhodani fluminis ripam Draconis fu-

gandi causa ab incolis aduocatur. Ille Tarascus dictus, Auenionem inter, & Arelatem, cuncta vastabat, nautis æquè ac viatoribus, terrâ, & flumine infensus. Quê ubi precibus suis, signo crucis, & aquâ benedictâ mansuefactum, Martha suo cingulo alligauit, & populo transfigendum dedit; ab eo locum nomen mutasse, & Tarasconis accepisse tradunt. Illic Martha reliquam vitam ab incolis exorata duxit, Auenionensibus, & Arelatensibus beneficia multa conferens. Hæc vulgaria horum sanctorum Acta testantur, quorum fidei multa eleuant. Ipse primùm auctor nouus, qui posterioribus sæculis ex vulgi sermonibus ista composuit, atque multa veritati historię parùm consentanea tradidit: vt cum Petrum Apostolum discipulis suis Gallias diuidentem, Bituricas Austregisilo (qui post annum quingentesimum vixit) Lugdunum Irenæo (qui secundo ab hinc sæculo Lugdunensibus præfuit) commendasse refert. Tum scriptorum vtriusque linguæ, & Imperij auctoritas aduersatur, qui Mariam Ephesi dormiuissè, & inde corpus eius cum fratre Lazaro Constantinopolim translatum; Marcellum, & Synthicen in Mysia, inde in Prouinciā Marcellæ corpus allatum fuisse memorant. Præterea, si vera est illa prædicatio, nō iam à Petro & Paulo, sed ab illis mulieribus, Occidens Christi religionem primùm accepit. Attamen illa traditio aliqua etiam autoritate subnixa est, aduersus quam absit vt sentiam, si per Ecclesiam non licet. Hac noua traditione præmissa de Apostolis eorumque discipulis inquirendum.

IV. Petrum & Paulum Apostolos Occidens suæ re-

ligionis autores colit: nec ab aliis Italia, Galliæ, Hispaniæ & Affrica, quàm ab his Apostolorum Principibus, eorumve discipulis, se fidem accepisse gloriantur. Philippus enim in Gallogræcia, non in Gallia prædicauit. In Gallias Petrum profectum fuisse non legitur. At Paulus, secundum animi sui in Epistolâ ad Romanos propositum, in Hispaniam proficiscentem, Narbonensem prouinciâ lustrasse non est nupera traditio. Nam licet illa Pauli in Hispaniam profectio, communi omnium suffragio non recipiatur: vincit tamen authorum tam Græcorum, quàm Latinorum illam asserentium maior numerus. Hoc in transitu Viennæ Crescentem, Arelate Trophimum, Narbone Paulum Sergium Episcopos constituisse ferunt. Circa singulos rei veritatem perquiramus:

V. Crescentem ipse Apostolus Paulus II. ad Timotheum cap. IV. ait se in Γαλατίας misisse: quo loco Theodoretus Gallias interpretatur: & Epiphanius illos arguit erroris, qui Galatiam, seu Gallogræciam, non Galliam intelligunt. Hæc autem Crescentis missio, in annum primum Pauli Romam aduentus incidit; idcirco Viennæ à transeunte Paulo relinqui non potuit, nisi iam antè Viennâ Romam redierat. Quocumque tamen modo res se habuerit, Crescentem destinatum Gallogræcis, in transitu per Gallias, Viennensem, & deinde Moguntinam Ecclesiam instituisse referunt Martyrologia, quibus ambarum Ecclesiarum tabulæ consentiunt. Verum non rectâ ibat Crescens in Gallogræciam, per Gallias, & Germaniam iter habens: & stupenda illa miracula in peregrinatione

nimis

mis flexuosâ à Crescente patrata, historiarum fidem minuunt. Atque admodum fuit obscura, & incerta hæc de Crescente narratio, ut Latini, & Galli, Crescentem in Gallogræcia obiisse vno ore affirmant: Græci verò in diuersas eant sententias, & eorum aliqui, illum in Gallia sub Nerone decessisse referant.

V. I. Trophimum, cuius Paulus meminit II. ad Corinthios cap. IV. & Acta Apostolorum cap. XX. & XXI. eum ipsum esse qui primus Arelatenſi Ecclesiæ à transeunte Paulo datus est Episcopus, Arelatenſium constans est traditio, scriptorum autoritate, & aliquibus monumentis confirmata. Nihilominus tamen nouam esse hanc traditionem, illam asserentium authorum ætas indicat. Neque illa Papæ Zozimi epistola, à Martyrologio Romano in opinionis confirmationem illata; illi adstipulari videtur. Tantum enim abest ut illa epistola (quam non extare rectè notauerat Baronius, antequam ex Codice Arelatenſis Ecclesiæ numero quinto inter Epistolas Zozimi relata fuisset) hanc Pauli institutionem asserat; quin potius illam omninò destruit. Enimuerò cum Zozimi, & Leonis Pontificum Romanorum, tum Narbonensis prouinciæ Episcoporum ad Leonem Epistolæ, ex Archiuis Ecclesiæ Arelatenſis (si modò legitimæ sunt, quod infra enucleabimus) editæ, diligentius illas intuenti mihi, Pauli missioni contrariæ esse videntur. Ait Zozimus Trophimum à sede Romana missum, non ergo à Paulo, non etiam à Petro. Cur enim dignitatem Arelatenſis Ecclesiæ per Romanæ sedis eminentiam extollens, de Petro;

& Paulo, per quos illi cathedræ omnis authoritas, tantum splendoris Arelatenſi collaturis tacuiſſet? Et quamvis Narbonenſes Epifcopi in libello ad Leonem, Petro Trophimi miſſionem adſcribant; tacet tamen Leo, nec Petrum illius Eccleſiæ agnoſcit authorem. Cæterum figuratum loquendi modum illorum eſſe exiſtimo, qui à Petro Trophimum miſſum eſſe affirmant; Nam Petrum pro Petri cathedra accipiunt: atque ita Epifcopi Narbonenſes, cum Zozimo Pontifice conveniunt.

VII. In eodem Pauli tranſitu, Narbone Paulum Sergium, prius Cypri Proconſulem, Epifcopum ordinatum fuiſſe vetus eſt fama, quam Græci, & Latini poſterioris ætatis ſcriptores collegerunt. Ipſius tamen Narbonenſis Eccleſiæ tabulæ, hac in re fluctuant. Nam Petrus Hulardi Preſbyter Eccleſiæ ſancti Pauli Narbonæ, qui anno Chriſti M. CCCLXIV. ex variis antiquis monumentis Pauli vitam concinnavit: Eum Apoſtoli Pauli iam cæſi monitu, Cyprio Romam, inde Narbonam veniſſe ſcribit. Et cum ſibi ipſi Stephani Papæ VIII. epiſtolam obicit, quæ Paulum ab Apoſtolo in Hiſpanias proficiſcente, & in reditu ipſas illi commendante, Narbone relictum eſſe refert: modò iterum Cyprum rediſſe, modò incerta, & futilia alia reſpondet, ut ſe expediat. Verùm Pauli Acta manuſcripta, quæ infra referam, ſilent de Paulo Apoſtolo, & de Sergio Cypri Proconſule. Præterea in antiquiſſimo Romano martyrologio legitur XI. Calendas Aprilis Narbonæ ſancti Pauli Apoſtolorum diſcipuli, nulla Pauli

Apostoli facta mentione.

VIII. Quo igitur pacto in posterorum mentes irrepsit illa opinio, ut hos tres viros Pauli discipulos crederent? Nullam aliam traditionis illius rationem video, quàm homonymiam. Nam Crescentem, & Trophimum Pauli discipulos fuisse; & Paulum Sergium Proconsulem Cypri, inter primos Pauli triumphos sub iugum Christi redactum, Säuilo Apostolo, ut olim Romanis victas gentes, nomen Pauli dedisse legerant. At cum eiusdem nominis sanctissimis viris suæ fidei primordia deberent, hos eosdem esse, tum ob insitum antiquitatis amorem, tum propter vehemens studium erga primos suæ religionis authores, facillimè sibi persuaferunt. Cum etiam Imperatorum edictis combusta, & barbararum nationum incursionibus direpta essent veterum Patrum monumenta, solùmque ferè illorum nomen reliquorum actorum obliuioni superesset: libera cuique data est vetustissimos illos patres veris, fictisve laudibus extollendi occasio. Primos Episcopos illos fuisse, eorùmque aliqua præclara facinora à maioribus per manus acceperant, Apostolicos viros nouerant: confestim discipulos esse Apostolorum, qui primi in Occidente Christi fidem prædicarunt, & propter similitudinem nominum, eos ipsos, quorum in certioribus actis mentio, existimare. Tum, si quæ præclare acta in sacris libris, aut certissima traditione incertæ personæ adscripta fuerant, his discipulis in maius eorum decus affingere. Hæc in actis Crescentis, Trophimi, Pauli, Mar-

tialis, & aliorum Galliæ Episcoporum observare cuique facile est. Horum duos, Trophimum, & Paulum discipulos Apostolorum vetustissimum Romanum Martyrologium appellat: non quod ipsos Apostolos, sed proximos eorum successores audiuerint. Nam discipulos Apostolorum, tum eos, qui ab ipsis Apostolis edocti fuerunt, tum illos, qui discipulos Apostolorum habuerunt Magistros, accipere debemus. Hoc enim modo Irenæus Gallicanæ Ecclesiæ maximum lumen, vir Apostolicorum temporum, & Apostolorum successor dictus est, eo quod à Polycarpo Ioannis Apostoli discipulo Christi religionem accepisset. Quapropter licet à discipulis Apostolorum fundata fuerit Ecclesia Gallicana; non ideò tamen ad ipsorum Apostolorum ætatem, aut proximè succedentia tempora illius primordia necessario referenda sunt. Etenim per longa curricula vitam transigentes Apostolorum discipuli, in suprema ætate ad Gallias Episcopos mittere potuerunt. Polycarpus Smyrnæ Episcopus, Apostolorum discipulus, in ipso ictu martyrii, annos octoginta se Christianam vitam professum fuisse gloriatus: Pothinus Lugdunensis Episcopus sub persecutoris Aurelij gladio nonagenario maior, serò, & diù post Apostolos in Galliis Christi fidem annunciarunt.

IX. Hos ergo Apostoli Pauli discipulos, in Galliis ad Christi fidem predicandam relictos fuisse traditum est. Alios quoque à Petro Episcopos missos fuisse constans fama fuit; ad quorum acta, breuiter explicanda, temporis rationem proponamus.

X. Anno Imperij Claudij II. à Christi Passione XII. Petrus Apostolus in totius orbis Imperij folio Christianæ religionis thronum collocaturus, Romam venit, iudicans ex vrbe omnium matre in reliquas Christi fidem faciliori via progressuram. Inde discipulos in varias occidentis partes prædicandi Euangelij causa misisse, Gallias ab eo suos Apostolos accepisse ferunt. Multos refert maiorum ad nos usque dilapsa traditio, quæ tamen in illis sigillatim recensendis parùm sibi constat. Etenim quidam eos omnes, qui in aliqua Galliarum prouincia primò Christum annunciarunt, à Petro missos fuisse volunt: alij verò non cunctis prouincijs, sed solum quibusdam primos Episcopos Petrum dedisse tradunt. Inter hæc fluctuat hodierna traditio, quæ ab aliquot seculis in Ecclesijs Gallicanis inualuit. Illis autem omninò aduersatur priorum sæculorum auctoritas, quæ nullos à Petro, vel alijs Apostolis missos Episcopos Gallicanam Ecclesiam instituisse, sed stabilita primùm in Italia Christiana fide, Petri successores Romanos Pontifices Galliarum misertos, varios successu temporum Episcopos delegasse narrat. Nos Ecclesiæ iudicio hunc nodum dissoluendum relinquentes, paucis, ne illud desideretur, Petri legatorum historiam delineabimus.

XI. De tribus Pauli discipulis iam satis suprà, ut inutilis sit repetitio, licet ab aliquibus inter Petri discipulos numerentur. Ergo alios à Petro missos referunt, in Aquitaniam Martialem, Tolosam Saturninum, Parisios Dionysium, Narbonam Paulum,



Velaunū Georgium, Petrocorios Frontonem, Turonos Gatianum, Catalaunos Memmum, Bellouacōs Lucianum, Cenomanos Iulianum, Treueros Valerium, Eucharium, Maternum, Tullos Mansuetum, Mediomatricos Clementem, Remos Sixtum, Bituricas Vrsinum, Sanctonas Eutropium, Aruernos Austremonium, & plerosque alios, quos singulæ Galliarum Ecclesiæ primos Episcopos venerantur. Verumtamen hæc etiam in re anceps est, cū Scriptorum, tū traditionis fides: Nam si cunctorum suffragia in vnum collegerimus, illa in diuersas ire partes, & hæc hos Petro, hos Clementi; illa alios aliis Pontificibus adscribere animaduertemus. In hoc tamen vno conueniunt, vt vel à Petro, vel à proximis successoribus maiorem illorum numerum missum esse affirmant. De Frontone, Georgio, Memmio, Materno nemo ferè posteriorum dubitat, quin à Petro prædicandæ in Galliis fidei potestatem acceperint. Dionysius, Martialis, Paulus, Iulianus, Gatianus, Sixtus, & alij modò à Petro, modò à Clemente, modò ab aliis intra prima à Christi passione sæcula missi dicuntur. Tot in historiam errores induxit obscura antiquitas, quæ primum vel per Scriptorum incuriam neglecta, vel propter sæculi iniquitatem intacta, vel si scriptis mandata iniuria temporum aboletæ, & ad posterorum vorum restituta, non sine labe, & macula, qualiscumque demum superest, ad nos vsque peruenit. Priora sanctorum gesta, vel Romanorum crudelitæ, vel nationum barbarie damnata, aliquam illo-

rum solùm memoriam posteris reliquerunt : quæ nec incorruptam antiquam puritatem , nec priscam rerum gestarum fidem intactam , per tot sæcula dilapsa seruire potuit. Quare dum posterì , vel antiquitatis Ecclesiasticæ studiosi , vel sanctorum intercessionibus obstricti , restituendis illorum actis animum nimia religione affectum applicuerunt , plerumque rumores ex ore vulgi colligentes , sibi quæ plusquàm deceret indulgentes , veterum patrum vitas , & acta conscribere. Cæterùm quia humanæ menti quoddam antiquitatis studium natura indidit , quo cuncti ferè populi ad consecrandas origines suas impulsì sunt ; eo amore Christiani præditi , de fidei suæ antiquitate invicem decertarunt. Maxime verò propterea quòd magnum semper pro religione præiudicium tulit antiquitas , quæ fidem ab ipso legislatoris ore acceptam , posteritati venerandam reliquit. Tantò enim illibata religio , quantò ad suum authorem magis accedit ; tantò purior , quantò scaturiginibus propinquior , & tanto nobilior , quantò , ut principes fluvij , ab altioribus fontibus emanat. Inde inter Christianos de fide disceptantes , semper ad Apostolicas Ecclesias recursum est ; ut ex ipsarum antiquissima traditione omnis dubitatio tolleretur. Tantùmque vixit in Christianorum animis ille antiquitatis amor , ut nulla gens à fidei Christianæ cunabulis tam dissita reperta sit , quæ non ab Christi discipulis eam se accepisse prædicarit. Ac cum Petrus Apostolorum Principatu , & urbis suæ dignitate cunctis præcelleret , ex

cuius petra suæ fidei riuum certatim singuli deduxerunt. Ipsique Romani Episcopi vt in volentes potestatem suam assererent, nouis subinde legationibus, antiquatam fermè persecutionibus fidem, iterum promulgantes, orbis vniuersi religionem, quod à sede orbis principe, præcipua religionis matre, Petri cathedra deriuasset, figurato quodam loquendi modo ab ipso Petro emanasse prædicarunt. Hæc prima existimo traditionis hodiernæ fundamenta; quæ ne procaciter negligere videar, eorum Episcoporum, qui à Petro missi dicuntur res gestas ex ipsius traditionis monumentis Historiæ nostræ commendabo.

XII. Memmius ex clarissima Memmiorum Romana familia oriundus cum Dionysio Parisiensi, Sixto Remensi, Eucharior Treuerensi, Sabiniano Senonensi, Sinicio Sueuonensi Episcopis, & aliis sex eiusdem ordinis viris, ac Donatiano Diacono, & Domitiano Subdiacono à Petro missus in Gallias venit. Verum cum iam ad decem, & octo millia passuum processissent, Domitianus obiit. Recurrit ad Petrum Memmius, & acceptam ab eo vestem mortuo imponit, & suscitatur. Pergit Catalaunum ciuitatem Belgarum: at à Gentilibus repudiatus, in speluncam vrbi vicinam, quæ Buxeria dicitur, secessit: è qua miraculorum fama ab accurrente populo in urbem deducitur. Ad eum Poma soror septimo Episcopatus anno accedens, miraculis vniuersæ regioni innotuit. Ipse senio confectus, prodigiis clarus, anno Episcopatus sui nonagesimo Nonas Augusti

gusti felicem animam Deo reddidit. Ex quibus Memmium ad annum Christi centesimum trigessimum quintum peruenisse oportet.

XIII. Frontonem eius acta narrant de Tribu Iuda, patre Simeone, matre Frontonia, ex Lycæonia finibus oriundum: iubente Christo à Petro baptisatum, & in septuaginta duorum discipulorum numerum adscriptum, post Domini mortem Petrum Romam secutum fuisse. Româ, post multa patrata miracula, secundum diuinam reuelationem, vnâ cum aliis discipulis in Gallias mittitur. Cum autem ad lacum Vulsinum peruenissent, Georgius Frontonis comes assiduus moritur: sed admoto baculo Petri, ad quem auxilium petiturus Fronto redierat, suscitatur. Obstupescit tanto miraculo Gentiles, certatim in baptismum ruunt, ex quibus septuaginta duos secum Fronto duxit in Galliam. Superatis Alpibus quisque in delegatam prouinciam pergere: Fronto, & Georgius, Velaunos accedere, à matrona quadam in vi-co extra urbem, quæ Villa dicitur, ad Bornam flumen excipi, Christi fidem, & Regnum cælorum annunciare, Gentilibus instare, ad Euangelium vi-quadam diuina rapere, Idola destruere, Ecclesias ædificare. Interea illa, quæ sanctos Christi Pontifices matrona susceperat, diuino somnio monita, proximum Velaunensi urbi montem, qui Anitium, seu Podium dicitur, noctu ascendit. Eius cacumini infixus lapis instar altaris; dormientem illam excepit. Tum beatas mentes lapidem illum circumeuntes, & Reginam diuino diademate refulgentem, in medio

coronæ sedentem videre sibi visa est : Cuius nomen sciscitanti responsum est , eam esse cœli , & terræ Reginam , Christi discipulis Georgio , & Frontoni amicam. Expergesta visionem admiratur , & refert Episcopis , qui futuram loci religionem animo prævidentes , hunc visionis locum , ne animalibus pateret , sepius imperarunt. Hic posteri Virginem Mariam Podiensem honore peculiari coluerunt. Cæterum dum Christi Euangelium iam apud Velaunos agnoscitur : Georgio vale dicit Fronton , & cum Aniano , Frontasio , Silano , Seuerino , & aliis discipulis Petrocorios perrexit. Hic dæmonem eiecit , Maximillam baptizat , maritum eius *Chilpericum* paralyti sacro Christi lauacro liberat , eodẽque sacramento liberos eorum *Attinium* , & *Gelasium* cum ducentis aliis peracto triduo ieiunio in Ecclesiæ sinum recipit : deinde cæcum illuminat , & *Aurelium Ciuitatis Comitem* vlceribus sanat. Ille Christianæ fidei zelo accensus , Frontonis , eiusque successorum *Episcoporum potestati , & temporali dominio se suosque successores subiecit , palatium tradidit* , in quo Saluatori Domino , Beatæ Virgini Mariæ , & Ioanni Baptistæ Ecclesiam Fronto dedicauit. Illidij , & Benedictæ filium à mortuis suscitatum , & Pascenij filium , pariter ad portam Romanam rediuiuum , cum aliis septem millibus baptizat. Simulachra Deorum diruuntur , infante referente eos cum cultoribus in inferno torqueri. Martis templum vanis suis Idolis spoliatum , quæ signo Crucis euerfa , & quantumvis vociferarentur igni tradita , Protomartyris

Stephani cultui cessit. Hoc in templo Fronto suam cathedram fixit, & institutos septuaginta duos clericos, secundum Apostolicam regulam religioni inservire iussit. Discipulos exemplo Christi binos, & binos in Evangelij prædicationem mittit: Ipse indefessè in vrbe Christi opus vrget, Veneris statuum signo Crucis evertit; è qua draco exiliens cultores suos partim flatu, partim cauda enecat; exsuscitatos Fronto baptizat, dracone in desertum amandato. Interea Claudius Imperator Britannicam expeditionem suscipiens, quæ in annum Christi quadragesimum quintum incidit, *Squirium cognatum Annibali Romani Senatoris filium* in Aquitaniam mittit. Coram Squirio impietatis, & novæ superstitionis reus Fronto sistitur, & tentantis eum percutere, apparitoris dextera erecta dirigit, fulgore Frontonem ambiente. Inde ad locum, qui dicitur Podium, cum discipulis secedit, & Virgini Deiparæ Ecclesiam ædificat. Concurrit ad pastorem Christianorum multitudo: Discipuli Frontasius, Seuerinus, Seuerianus, & Silanus à Squirio damnantur IV. nonas Ianuarij, & cum frequentes ad Frontonem turbas Squirius compescere nequireret, Frontonem relegat. qui seditionem in Squirium motam componens, à Christo noctu consolatione accepta, & Calpodio presbytero Ecclesiâ commendatâ, cum Aniano presbytero, Nectario & Cronopio densa silvarum ingreditur. Fælix exilium, quod tot, tantosque à vera Religione exules, in patriam, & Christi regnum reduxit!

XIV. Longum, & stupendum Frontonis iter describitur, quod breuissimè delineo. Ad vicum *Presiacum* veniens; incolas ad Christi fidem conuertit: Apud *Brantonium* Mercurio in puluerem redacto mortuum suscitatur, & Ecclesiam Saluatori consecrat. Engolismæ pauci Euangelium recipiunt; apud Santonas dæmones eiicit, Burdegalæ oraculis silentium imponit; idola destruit, altare Protomartyri dedicat, cæmeterium benedicit; insurgentibus flammis verberatus, ab vrbe eiicitur, iussu *Sigeberti Comitis*, qui in criminis sui pœnam eadem nocte paralyti afficitur. Eiecto à puella dæmone, ad Blauiam castrum transfretat, carceribus vinctos liberat; Præfectum, & populum baptizat, & Ecclesiam in Saluatoris honorem construit. Santonas iterum redit, luce in itinere cæco redditâ, à Christianis cum honore susceptus ibi diutiùs commoratur. Indè in Pictones paucis conuersis, ab *Arcadio Comite* verberibus cæsus expellitur. Verùm monente Angelo redit, quosdam baptizat, & Nectarium Episcopum instituit. Cenomanis à *Juliano* Episcopo suscipitur. In secundam Lugdunensem regrediens, ad fluuium *Neronâ*, in loco, qui dicitur *Foresta de Passagio* confedit; *Eufriaci loci Domini* filium mortuum suscitatur, incolas baptizat, Ecclesiam construit, clericos instituit. Sueffione fidem prædicat, & ad locum, qui *Negoliacus* nuncupatur ad flumen *Doronæ* ab incolis rogatus accedit. Regionem horrendus draco vastabat, quem Fronto in eum expuens, interfecit. In eius beneficii gratiam, & admirationem, eius prædicationi incolæ dant

manus, & Ecclesiam ædificant. In ea dum Pentecostes festo sacras vestes Fronto indutus ad altare sacra factururus accessisset, vinum defuit; accum diu, multumque ob loci penuriam frustra expectaret, tacitus secum illachrymans preces ad Deum fudit. Tum ecce subito columba niue candidior aduolans rostro phialam vino plenam affert, quæ ex incognita materia composita, longa per tempora multis miraculis celebris, in eadem Ecclesia seruata est. Ex hoc loco à *Duce Lotaringo* aduocatus dæmonem ab eius filia fugat, & à Clemente Metensi Episcopo Metas deducitur. In itinere adolescentem à serpente liberat, in vrbe energumenos sanat. Tandem in Lemoicinum pagum redit; & in Briuensi regione, in loco qui Nogentius dicitur, ad fluuium Dordonix resedit: Draconem, & serpentes signo crucis expellit, Ecclesiam construit, & cum discipulis orationi vacat, trecentis vicibus die, totidem nocte genua coram Deo flectendo.

XV. Hæc fuere Frontonis peregrinationis prodigia. Quem ubi rediisse Squirius ab Angeli monitu accepit, septuaginta camelos cibariis onustos ad eum mittit: mox ipse subsequens baptizatur, & Georgij nomen accipit. Occurrente populi multitudine Fronto in urbem reducitur, eiusque precibus accurrentis mulieris puer in feruens æneum lapsus, ludens, & incolumis seruatur. Multis patratis miraculis Agennensibus, & Burdegalensibus iterum prædicat Christum, & Martham Tarascone cum Georgio inuisit. Inde Tolosam properans fidem annunciat, &

puerum, qui eius audiendi desiderio flumen trajiciens submersus fuerat, post triduum vitæ restituit. Petrocorios reuersus, acceptâ Apostolorum Petri, & Pauli morte Ecclesiam, quæ in hodiernum diem S. Petri Senioris, ædificat. Cùm autem anno primo Vespasiani Petrocoriis sacra faceret, ductus est à Domino in exequias Marthæ Tarasconem: ac cum à Diacono benedictionem ad Euangelium legendum petituto excuteretur, ad se redit, & quæ peracta essent Tarascone narrat: Rogat insuper vt eant quæsitû annulû, & chirothecas, quas, dum ad corpus Marthæ sepulchro tradendum se aptaret, illius Ecclesiæ Cemelarchæ commendauerat. Rem ita se habuisse missi nuncij referunt, & annulum, ynamque chirothecam reportant, aliâ in tantæ rei testimonium Tarascone relictâ, in qua & adhuc visitur. His aliisque præclaris rebus peractis, inter sacrorum solemnia Fronto mortem imminere à Christo monitus, populum conuocat, sepulchrum iuxta discipulos martyres præparat, Anianum successorem nominat, & sacris peractis beatam animam efflat VIII. Cal. Nouembris, Anno Resurrectionis Christi XLV. Vespasiani II. Monitus diuina reuelatione Georgius Velauensis ad exequias venit. Hactenus ex gestis Frontonis, quæ Anianum, Cronopium, & Sobaldum Episcopos eius successores scripsisse ferunt. Illa tamen & sermonis character, & propria cùm hominum, rùm locorum vocabula à nupero quodam & ridiculo scriptore non ante quadringentos, aut circiter annos composita fuisse cuiuslibet intuenti demonstrant.

Alia eiusdem Frontonis legimus acta in veteri manuscripto, quæ Aquitanum cum faciunt, ab Isquirino Præside relegatum, in Ægyptum profectum, inde Romam ad Petrum, & multa alia complectuntur superius à nobis allatis simillima, aliæque ex Fronti Abbatis actis excerpta. Hic enim vnus est ex erroribus horum vitarum sanctorum Patrum scriptorum, vt nulla temporum ratione habita, in vnus vitam congerant, quæcumque aliis eiusdem nominis sanctis accidisse cognouerint. Chronopium Frontonis comitem hæc acta scribunt. At Chronopius Conciliis Agathensi, & Aurelianensi primo & secundo interfuit, quem annos nonaginta vixisse auctor est Fortunatus in eius Epitaphio. Alium etiam auctorem agnoscit Concilium Lemouicense de Martialis Apostolatu habitum anno M. XXXI. Illic enim Abbas Solemniacensis Fronti dignitatem examinans, nouam ait eius esse vitam ab Hausberto Engolismensi Chor-Episcopo circa annum Christi DCCCCLXX. captandi lucri causa compositam. Atque in Fronti antiquitatis assertores inueniens, negat illum Apostolum, qui Petrocoriis natus; negat primum Euangelij præconem, qui apud suos in scholis Christianorum sacram Scripturam edoctus in clericum detonsus fuerit; qui prodigia multa, miracula nulla ad subuertendam Idololatriam patrauerit. Ex quibus certò colligimus eam, quam superius secuti sumus Fronti vitam, orante in Concilio illo Abbate, scriptam adhuc non fuisse. Namque si tunc temporis cognita, neque

prodigia Fronti virtute patrata, neque Apostolatium eius negasset. Posterior solum, quam supra citauimus, pro legitima agnoscebatur; cui tamen iusto titulo spuriam notam inurit ille Abbas, tum ab auctoris ætate qui circa annum 970. scripsit, tum ab eius damnata lucri cupiditate. Georgium Frontonis comitem, Velauni primum Episcopum habuere, cuius acta illustriora eiusdem Frontonis gesta comprehendunt.

XVII. De Clemente à Petro in Gallias misso dicturis occurrit nominis similitudo, quæ eundem cum Romano Episcopo Clemente apud plerosque fecit. Pugnant tamen ipsius acta, quæ licet à Petro cum aliis primis Episcopis in Gallias missum narrent, alium tamen ab Episcopo Romano agnoscut, & in Gallia occubuisse tradunt. Ille Gallias ingressus, in Belgica apud Mediomatricas confedit. Amphitheatro urbis multitudine serpentium referto, tanta pestiferis eorum flatibus erat illata ciuibus clades, ut iam vrbe deserta, infecto circum aëre, ipsos in agros sæua calamitas sequeretur. Iam permixtae brutorum hominumque cædes fœtore pestem augebant, & ingrato aduersus morbum remediis reluctantem mortalium labore, vel immortalium Deorum auxilium, vel suprema regionis ruina expectabatur. Cum veri Dei, non vanorum demonum minister Clemens, Christi religionem beneficio publico Belgis persuasit, Non Alexicacis, sed cœlesti pane munitus, vastam Mediomatricum ciuitatis solitudinem ingreditur, serpentibus Magistri nomine imperat,

imperat; eorum Ducem corpore ingentem alligat,
& sequente longo angui magnam in vicinum Sal-
liae flumen trahit, ac Christi, quæ pollebat authorita-
te, in loca animalibus omnibus inuia, nullo itinere
lato deportat. Concurrit multitudo salutis publicæ
Christo Deo votum solutura; eius religionis sacra-
mento se adstringit, Idola destruit, atque vno salu-
tari baptismi laticro mentis, & corporis sanitatem
recipit. Longa per tempora Metenses edocuit Cle-
mens, Petro Apostolo Basilicam; aliam Ioanni Ba-
ptistæ dedicatæ baptisterio, tertiam crypta miranda,
& fonte limpidissimo ornatam construxit. Eius acta
diu, multumque barbarorum incursionibus deper-
dita latuisse refert eius vitæ author.

XVIII. Saturninum etiam à Petro missum fuisse
volunt: cuius acta triplicia, & omnino diuersa legi-
mus in manuscriptis codicibus. Quorum alia *Egeæ
Regis Achaia, & Cassandra filia Regis Ninivite Ptole-
mai filium*, ex Ioannis Baptistæ discipulis, postmo-
dum inter septuaginta duos Iesu Christi connumerat-
um, Romam cum Petro venisse; inde in Gallias ab
eo missum, Nemausi Honestum Hamelij, & Ho-
nestæ filium baptizasse, Presbyterum ordinasse, &
secum Tolosam duxisse narrant. Tolosæ Quiriacen
uxorem Agathonis Senatoris leprâ per baptis-
mum mundat, Oraculis silentium imponit; in A-
quitaniam pergit, Elusæ Ecclesiam cendit, Hone-
stum Pompeiopolim præmittit, & sequutus, Sena-
tores Firmum, Firminum, Fortunatum, cum aliis
quadraginta millibus baptizat. Inde Hispanias lu-

strat. Tolosam reuersus, ultimo supplicio pro Christi nomine afficitur, anno ætatis LXX. à Christi passione XXXIX. Multa adduntur de Firmo, & Firmino, quæ inferius suo loco describemus. Hæc autem acta ex antiquis Saturnini gestis, præcipuè ex his, quæ Honestus discipulus scripsit, horum author se excerpisse testatur. Secunda acta prioribus aliquantum similia; cum ex collegio Apostolico, cum Petro ad Gentes missum *sub Claudio Principe* (scriptum erat prius sub Maximiano, & Diocletiano Principibus, sed expunctum est, ut Claudio poncretur) *qui curis potiebatur Imperialibus, Decioque, & Grato qui Consulatu fungebantur.* Narrantur deinde reliqua, quæ in prioribus actis, his solum omissis, quæ de Toletis, & Primatiis in superioribus scripta fuisse mox dicemus. Scilicet hæc rescissa sunt, quia horum author fuit Hispanus, Gallorum Episcoporum in Hispanos authoritatem respuens: Nam subnectitur: *Explicit Passio sancti Saturnini Tolosani Pontificis, quæ scriptorum vitio fuerat deprauata, sed à Borello Ausonensi Scholastico est correctæ, quæ ab eiusdem literato auctore fuerat dictata.*

XIX. Tertia vero acta quæ legimus illa sunt, quæ retulit Surius tomo VI. de quibus, pluribus infra agemus. Cæterum omittenda non existimamus, quæ illa prima acta de Metropoli Elusana à Saturnino constituta narrant his verbis. *Cumque perge et de Tolosa ad Helyzonam Ciuitatem, venit ad vi um, qui vocabatur Villa Clara, pro eo quòd orto sole semper clarescit mons, qui vocatur Clarus: ubi postea edificata est ciuitas,*

qua nunc Auxis appellatur, & ibi audita beati Petri A-
 postoli passione; edificauit Ecclesiam in nomine ipsius super
 fluium, qui Gerius appellatur. Perrexit autem inde Hel-
 zam ciuitatem, & qui ibi tunc non credebant in Christum,
 ad eius prädicationem ciuitis conuersi crediderunt. Omnes
 itaque in vnum conuenerunt, & accepto consilio edificaue-
 runt Ecclesiam in honorem Beatae Mariae Virginis Matris
 Dei, ibique beatus Saturninus constituit Episcopum nomine
 Paternum, qui de Tolero audiens famam eius venerat ad
 eundem, & cum eo septem annis fuerat commoratus, &
 docuit eum omnem Ecclesiasticam doctrinam; eandemque
 sedem Metropolitanam esse constituit, vt esset honorabilior
 aliis ciuitatibus, qua in circuitu erant, & vt ad eum con-
 uenirent omnes Episcopi ad Concilium, sicut mos est Episco-
 porum suffraganeorum. Ac inferius cum de prädicatione
 Saturnini in Hispania verba faciunt, hæc scribunt.
 Statuitque de quibus Ecclesiis conuenirent ad Concilium
 Toletanum, videlicet de Pampilonia, atque Nazaria, seu
 & Rotta, nec non & de aliis. Eas verò qua vicina sunt
 montibus niualibus, conuenire præcepit ad Concilium Elyza-
 na ciuitatis. Hæc, modò ab authore actorum in anti-
 quitatis similitudinem ficta non sint, antiqua esse
 gesta demonstrant. Nam quamuis à Saturnino hæc
 eo ordine disposita fuisse mihi non persuadeam; at-
 tamen cum Elusam Nouempopuloniae metropolim
 agnoscunt, quæ ante nongentos annos solo æquata
 Ausciis ius metropolicum cessit, non à scriptore nu-
 pero illa fuisse composita existimo. Mortem verò
 Saturnini eodem modo singula gesta referunt, de
 qua nobis dicendum inferius.

XX. Ex Petri discipulis, Leuci Belgicæ populi, Mansuetum Episcopum habuerunt. Cuius acta iussu Gerardi Tullensis Episcopi Azzo Abbas descripsit; quem Gerardum ex ipsis actis constat Gauzolino successisse, anno Christi nongentesimo sexagesimo tertio. Porro Mansuetum, natione Scotorum, cum aliis discipulis Româ à Petro missum fuisse declarant. Socros eius accipe ex gestis Sinicium Remorum, Fœlicem, & Clementem Mediomatricum, Memmium, Catalaunorum. Leucis Rex *Leô* imperans gentiliū cultibus prophanis deditus, Clementem Christum prædicantem aure surda præteribat. Instabat Clemens; & ad humile propter ciuitatis muros tugurium secedens; venientibus turbis salutis verbum proferebat. Regina à domesticis prædicationem accepit: virum quemdam, genere ignotum, sermone, vultu & habitu peregrinum, Christum Deum colendum, publicè asserere. Illa Regis absentia captata, Mansuetum optat audire, eius prædicationi credit: ac dilatum metu mariti baptismum, postmodum vnâ cum Rege, & vniuerso populo hac occasione recepit. Solemnes ludos populus coram Rege agebat, cum vnicus eius filius ad vrbis murum ludens in Mosellam decidit. Turbatâ finire Regiâ, dormienti Reginæ Mansuetus adstitit, ac iusti doloris misertus, filium rediitum pollicetur, in idò Christi religionem profiteatur. Perquiritur Christi sacerdos, & tertio die repertus, ad Regum, & populi lacrymas, ac publicam Christi confessionem, pueri corpus exanime è flumine suis precibus eruit; ac ite-

rato Christianitatis publico voto, vitæ restituit. Nar-
rat quæcumque in inferis vidisset puer, & parentes,
& populum ad Christianam religionem hortatus,
baptismum petit. Plaudit multitudo, votoque pueri
assentiens, Rege cum familia præeunte, saluari bap-
tismo Christianis mysteriis initiatur. Tum Idola
destrui, Ecclesiæ construi, & communi omnium suf-
fragio Mansuetus in Pastorem præfici. Ecclesias,
beate Virgini, Stephano, & Ioanni Baptiste ad Fon-
tes Mâsuetus dedicauit; Eoque in suburbano, in quod
primùm adueniens diuerterat, consciâ sibi solitudi-
ne, noctes insomnes orationibus deinceps trans-
egit. Hoc etiam in loco Ecclesiam sancto Petro de-
dicasse eadem acta scribunt, cum Apostoli mortem
accepisset, in eaque longa per tempora vitam transe-
gisse; & tandem sepultum fuisse. Hæc ex gestis ab
Azone descriptis, qui multa Mansueti miracula sub-
ijciens, obliuionem rerum gestarum hac ratione ex-
cusat. *Quod vel propter irruptiones barbararum gentium,
vel propter scriptorum inopiam, sine dubio sunt prætermissa
vel perditæ.* Ex qua gestorum amissione orta est huius
Mansueti confusio, cum Mansueto Scoto, ut hic per-
hibetur, qui Concilio Turonensi interfuit.

XXI. Eadem Belgica prouincia à Petro Eucha-
rium, Valerium, & Maternum accepit, qui in Treue-
ricæ vrbis Episcopatu inuicem sibi successerunt. Eu-
charius Episcopali ordine insignitus, Valerius Dia-
conus, Maternus Subdiaconus Româ in Gallias pro-
fecti sunt. Iam vbique disseminato verbo Christi ad
quoddam Galliæ castrum Elegia nuncupatum per-

uenerant. (Illud Eligiam Argentinensis Diocesis vicum aliqui volunt) cum Maternus febris correptus obiit. Ea morte commotus Eucharis, messi, quam multam fore animo praeuidebat, subtractum hunc operarium agere dolens, commendato terrae Materno, Romam cum Valerio repetit. Rem gestam Petro narrat; ereptum sibi Maternum reddi precatur, cum ut Euangelij praedicationi subsidio sit, tum ut Gentes, Christi, quem praedicant à mortuis resurrexisse, veram diuinitatem per Materni resurrectionem agnoscant. Solatur Eucharis Petrus, & hanc temporalem Materni mortem plurimis saluti fore spondet: datoque suo baculo iubet Materni corpori imponi, & defuncto dici. *Praecipit tibi Petrus Apostolus, ut in nomine Christi Iesu à morte resurgas, & commissum ministerium nobiscum perficias.* Redit Eucharis, Maternus effoditur, & accepto Petri mandato resurgit. Ad hanc diem apud Hellum vicum tertio miliari à Selestadio distantem in Alsatia sepulchrum ostendi, in quo Maternus quadraginta dies iacuerit, Rhenanus est author. Hanc etiam obrationem Romanum Episcopum baculo, seu pedo pastoralis non uti, quòd Eucharis Petrus tradiderit, Innocentius III. scripsit lib. 1. mysteriorum Missae cap. 62. quamvis Glossa ad c. vnic. *Extra. de sacra unctione*, eiusdem Innocentij, ad baculum Martiali datum à Petro referat. Vtraque tamen Ecclesia, Treuirensis, & Burdegalenensis, hunc Petri baculum summa cum veneratione custodit.

Materno coram multitudine suscitato; illa Dei

Eucharij potestatem admirata, eum se colere profite-
tur, & ab Episcopo, secundum beati Petri prophe-
tiam, baptismi gratiam recipit. Inde progressi Petri
discipuli Treueros veniunt, urbem Galliarum nobi-
lissimam, & Belgicæ Metropolim. At cum Eucha-
rius verbum Dei publicè prædicaret, sacerdotum
Idolorum factione lapidibus à populo impetitur: &
mirum dictu! pars turbæ extento brachio dirigit,
pars ad colligendos lapides inclinata, capite, mani-
búsque in terram fixis hæsit: cunctisque eum corpo-
ris habitum, quem ad Eucharium percutiendum
composuerant, rectum, fixum, incuruum, immobiles
seruarunt. Sola iudicii vis ad crimen agnoscendum,
solæque linguæ libertas ad veniam exposcendam, à
numine verbi sui præconem vindicante, relicta
sunt. Professi Dei virtutem, corporis libertati Eu-
charij precibus restituntur. Hanc Prædicationem
Christi, insigni miraculo Eucharis consignauit.
Cum enim Matriona Albana nomine illi interesset,
filium domi obiisse nunciatur: Accedit rogatus Eu-
charius, & in nomine Christi mortuum suscitatur, eum
cum matre & familia baptizat, & sacris vñibus do-
mum dedicat. Crescebat in dies Christi religio,
quam per visum persuasus vnus ex Senatoribus am-
plexus est; eumque secutus populus Treueris tantum
in numerum creuit, vt in fluuiio, qui mediam ciuita-
tem perlabitur, per triduum baptizaretur; & ex infu-
sione sacri olei, nomen Oliuæ fluuium accepisse fe-
ratur. Tandem miraculorum fama celebris Eucha-
rius, anno Episcopatus vicesimo tertio, VI. Idus De-

cembris, Valerio Ecclesia commendata, decessit, & in templo, quod extra mœnia vrbs extructum, sepultus est.

XXII. A Petro Sauinianum, Potentianum, & Altinum Galliæ receperunt. Senonas ad Christi fidem Sauinianus adduxit, & ab Gentilibus occisus, successorem habuit Potentianum martyrij consortem. Cum eo pariter passi Eodaldus, Altinus, & Serotinus. Petro viuenti Ecclesiam dedicasse fertur Sauinianus, quæ Petri viui posterioribus sæculis nomen habuerit. Linum quoque Petri in cathedra Romana successorem Vefontios accepisse volunt, multosque alios Petri discipulos singulæ Galliarum Ecclesiæ venerantur. Ego verò, quamuis traditionem, quæcumque illa sit, reuerear, hæc tamen omnia ad cò ab historica veritate aliena, mihi non persuadeo. Nam tot erroribus priscas narrationes obduxit antiquitatis amor, & Petri principatus studium, vt quâ agendum sit, non agnoscam. Itaque accelero, & ex his amfractibus erumpendi desiderio, cursim hæc omnia peragro; iamque metam aspiciens, vnum Martialem Petri discipulum præcipuum absoluo.

XXIII. Martialis à Petro consanguineo iussu Christi cum Marcello, & Elizabeth parentibus baptizatus, præcipuis Domini actionibus interfuit. Petrum Antiöchiam, inde Romam secutus, in Gallias cum Alpiniano, & Austricliano, Christi fidem prædicaturus mittitur. In itinere mortuum Austriclianum apud *Elfam vicum* accepto Petri baculo suscitauit. Tulli Arnulphi filiam à dæmone liberat; Neruæ *Cæsari*

stri Domini, Neronis Imperatoris consanguinei filium à dæmone necatum, in nomine Iesu vitæ restituit, & cum tribus millibus hominum baptizat. Ad *Ergedium vicum* Idola destruens, à sacerdotibus templorum caditur, qui imminente vindicta Dei obcæcantur, neque prius lumen recipiunt, quàm Christum Deum fatentibus dæmonibus, simulachris omnibus confractis, ipsi pedibus Martialis aduoluti sunt. Lemouicûm urbem ingressus, à Susanna hospitio excipitur, eam cum filia Valeria baptizat, furiosum sanat, à Flaminibus cæsus in carcerem conijcitur. Pro Martialis libertate natura conspirat, vndique fulgura, & tonitrua cælum turbant, terra motibus quatitur; Flamines fulgure tacti cadunt; & prodigiis commotus populus accurrit ad carcerem. Martialis de dæmone triumphans egreditur, turba acclamante, Flamines suscitatur, eorûmque de Christi diuinitate audito testimonio, viginti duo hominum millia baptizat. Iuuante populo Idolorum templum destruitur, & Christianis vñibus consecratum Protomartyri dicatur. Vixit Susanna bonis suis Ecclesiæ relictis, eiûsque filia Valeria se virginem Deo consecrat. At cum eius sponsus *Stephanus Dux* (hæc sunt actorum verba) *tenens Principatum à flumio Rhodani vsque ad mare Oceanum, Vafconum, atque Gorthorum gentem regendi habens potestatem vsque ad montes Pyrenæos*, eam ducturus Lemouicas venisset: Valeria iam Christo desponsata nuptias renuit, & Stephani iussu capite plectitur. Pœnituit tamen Stephanum, & ad Martialis pedes prouolutum Christi misericordia re-

cepit. Baptizat illum Episcopus cum omni comitatu; munera in Ecclesiam conferuntur, *Clero annona, & redditus destinantur; hospitales domus construuntur,* & ad Valeriæ sepulchrum Ecclesia à Stephano ædificatur. Interea à Nerone Stephanus cum exercitu euocatus Romanam pergit, Petrum Apostolum inuisit, & nudis pedibus cum omni exercitu coram eo prosternitur. Lætatur Apostolus tantam multitudinem à Martiali in Iesu Christi numeros adscriptam, & acceptis discipuli prodigiis, *Stephano cadus Valeria veniam indulget. Ducentas libras auri à Nerone sibi datas, Petro Stephanus offert:* Ille ad Martialem deferri, & Ecclesias ædificari iubet. Redit exercitus in Gallias, & Stephano Duce ad Martialem properat, pro reditu gratias acturus. Cum ad Vigennam fluuium confedisset, *Arcady Comitius filius Hildebertus à dæmonibus demersus est.* Martialis dæmonibus imperat, corpus ripæ restituitur, ipsi dæmones Æthiopum habitu videntur, & mira de inferno, ac suis nominibus declarant. Excitatur tandem Hildebertus, quæcumque in inferis vidisset, *ipsumque purgatorium ignem,* describit. Deinde caput torondit, exercitationem seueram professus: Arcadius patet in tanti beneficii gratiam, Ecclesiæ bona contulit. Stephanus, missis per omnes nationes sibi subditas edictis, Idola destrui, & Christum coli imperat; ac reliquam religioso cultu vitari transigens, quatuor vicibus per anni quatuor tempora, quot annis, cum subditis populis Martialem inuisit: & in cilicio, cinere, & ieiunio tres dies in Ecclesia sancti Stephani orationibus vacat. Iam per om-

nes Gallias miraculorum famâ, & vitæ sanctitate notissimus Martialis, *Sigebertum Comitem Burdegalensem* paralyti liberat, dato suo baculo Benedictæ illius vxori. Huius hortatu diruuntur Burdegala Idola, *Ignoti qui colebatur Dei* templo seruato, cuncta regio Christi fidem accipit, & multa hominum millia à Martiale baptizantur. Insignis iterum miraculis eius baculus, qui religiosè à Benedicta seruatus, in hodiernum diem custoditur. Hic ille est Martialis baculus, quem à Petro accepisse vulgò creditur. Accepto beatorum Apostolorum Petri, & Pauli martyrio, inceptam Ecclesiam perficit, aptat sibi, Stephano, & Valeriæ sepulchra; Protomartyri, & Apostolis oratoria dedicat; *lampadibus, crucibus aureis, & pretiosissimis cimeliis Ecclesiam ornat*, & magno cum apparatu præsentè Stephano Duce, & conuiuis peregrinis administrante, illius dedicationem celebrat, Dæmonum eiectione, & miraculis illustrem, quæ in vltimum Neronis annum incidit. Quadraginta Clericos in illa Ecclesia instituit, hospitalem domum in quingentorum pauperum victum ædificat, & Aurelianum futurum sibi successorem consecrat. Tum pedibus omnes Gallias circumire, & vbique verbum Domini prædicare. Tandem lato decreto, vt omnes Aquitani quotannis vicibus quatuor Lemouicensem Ecclesiam adirent, instanti dormitionis suæ die Aquitanos conuocat, missâ celebratâ, orationem habet ad portam Calcineam benedicit populo, & animam Deo reddit Episcopatus sui anno 28. Christi 74. Vespasiani anno tercio, ætatis suæ 59. pridie Ca-

lendas Iulij. Hæc ex actis Martialis, quæ Aurelianus discipulus, & successor scripsisse dicitur. Verum quis vel ea percurrens legitimum authoris nomen agnosceret? qui sub Vespasiano, Stephanum, Vasconum, Gothorum, Aruernorum, & Bituricensium Ducem, Sigebertum Burdegalenfium Comitem, Hildebertum, Arnulphum, & alios in his actis nominatos vixisse credet? Quis ridicula dæmonum nomina, quis eorum nugæ, quis veris nihil similes de inferis relationes recipiet? Omitto Aquitaniam omnem ad Christi fidem redactam; quæ trecentos post annos tota demum subiugata est. Splendida Ecclesiarum ornamenta, earumque dotes, Clericorum, & Canonicorum certus numerus, Xenodochiorum constructio, & his similia, apud plurimos fidem minuent; atque, si vnum Martialis nomen exemeris, reliqua omnia ficta videbuntur. Hæc ita Ioannes Hesiælius Louaniensis doctor iam ante multis erroribus aspersa notauit, ridicula, deliria, & contrarias Scripturæ sacræ propositiones authoris, ipse stilo suo confodit, quem Lector consulat. Certè Aurelianus Martialis discipulum hæc ipsa quæ habemus scripsisse manifestissimè falsum est; atque ipsi illorum assertores, ex actis Aureliani solù excerpta fuisse scribunt. Quo autem tempore illa primùm visa sint, incertum: nisi tamen coniectura nos fallat, paulò ante secundam Martialis translationem quæ anno Christi 994. contigit, composita fuisse videntur. Nam scriptor miraculorum quæ in secunda translatione visa sunt, acta sancti Martialis antiqua periussè, à

barbaris nationibus Aquitaniam vastantibus direpta, ipsisque alia substituta fuisse declarat. Ergo post pullos ab Aquitania barbaros restituta fuit Martialis vita, aliquot ante secundam translationem annos. Inde nata Apostolatus in vulgi animis opinio, tandem Concilio Aquitanorum anno M. XXXI. assereta, quidquid contrà Iordanus Lemouicensis Episcopus, & veteri suæ Diœceseos consuetudine, pro certissima lege in mediū proferret. Nam ad ea tempora à Romano Episcopo Martialis missus fuisse, & circa Decij annos in Galliis vixisse, infra hos annos per Gallias eius discipulos prædicasse credebatur. Hos inter Ausonius Engolismensis primus Episcopus sub Chroco Vandalorum Rege circiter annum Christi CCLX. passus est. Neque alia latissimæ Martialis prædicationi tempora succurrunt, quàm illi pacis Ecclesiasticæ anni à Seuerò ad Decium. Inualuit tamen contraria opinio, in cuius subsidium, cum à ple-risque oppugnaretur, confictæ sunt Martialis duæ Epistolæ circa annum Christi MLX. Philippo primo regnante: Hæc enim verba ad calcem earum Epistolarum leguntur.

Hæc duæ Epistola, Domitiani persecutione aduersus omnem Dei Ecclesiam vbique feruente, recondita fuerunt in sacrario beati Petri, videlicet in Basilica prædicti Apostoli, in tumulo cuiusdam, in qua etiam Pontificum sepultura antiquius solebat haberi, ubi hætenus, vt in titulo scriptum reperimus, latuerunt. Nostro autem in tempore Philippo Rege regnante sunt reperta, quæ nimia vetustate consumpta, signis, & literis penè nobis incognitis (vt mos antiquorum sue-

rat, scriptæ, vix tamen legi potuerunt, largiente Domino nostro Jesu Christo, cui laus debetur, honor omnis, & victoria in sæcula sæculorum Am. n. Hæ Epistolæ ad Burdegalenses, & Tolosanens scriptæ, ipso Concilij tempore, quo quæstio de Apostolatu Martialis agebatur in fidem posteris faciendam confingi, & terræ mandari potuerunt, exemplo antiquariorum qui numismata in priscorum similitudinem cusa, rubiginem, & aliquam antiquitatis notam contractura in terram fodiunt, adulterato vultu post aliquot annos eruenda. Ac demum sub ipso Philippo, casu pridem ab illarum artifice præuiso, è terra erutæ, fidem posteris fecerunt. Verùm adeò fuerunt rudi arte compositæ, vt impostura cuilibet, vel parùm acuto primo intuitu appareat: Falsa enim, & Evangelio pugnantia continent: Ex Hieronymi versione sacram Scripturam citant; Galliarum Regem Stephanum, Sarrapas, & alia, quæ ex ipsa vita excerpta sunt, ridiculè nobis obtrudunt: Illa sagaci ingenio Cardinalis Bellarminus omnium oculis exposuit, ad quem lectorem remittimus. Nos enim tot figmentorum, & fabellarum tædio, ad certiora documenta properamus.

XXIII Descripsimus Petri & Pauli legatorum acta, quæ vel certa antiquitas ad nos trāsmissit, vel antiquitatis emula posteritas cōfinxit. Illa, si vera sunt, ad posteriora tempora, quibus illos credimus vixisse, reduces: quæ, ne delicatis animis nouatores videamur, à sedibus, quas fixit posteritas, non mouimus. Si falsa, & fabulosa; authores argue, quorum mentem, & sæ-

pissimè verba secuti sumus, ne aliquid omisisse dicamur. Itaque absolutis Apostolorum legationibus, successorum missiones attingamus.

XXIV. Vlpio Trajano, & Acilio Glabrione Consulibus, Domitiani Imperatoris anno X. Christi LXXXIII. Cleto Pontifici Romano Clemens suffectus est, quo sedente vehemens in Christianos fuit persecutio, Nerua Imperium capessente repressa anno Christi LXXXVIII. Illa in Gallia passos fuisse ferunt, Dionysium Parisiensem Episcopum, Eutropium Santonensem, Lucianum Bellouacensem, Nicassium Rothomagensem, Maximianum, Iulianum, Quirinum presbyteros, Scubiculum Diaconum, Caranum, Patientiam virginem, & alios, quorum maximam partem in Gallias Clemens miserat. At cum tandem sub Nerua Dionysius à Clemente missus dicitur, nimirum post Ioannem Apostolum edicto Neruæ ex Insula reuersum, & plerique eorum, qui in Gallia sub Domitiano passi feruntur, Dionysij committes fuerint, sine dubio ad posteriora tempora referendi sunt. Ita tamen confusa res est, ut ipse Dionysius, qui demum Neruæ imperante Athenis in Gallias migrasse dicitur, sub Domitiano martyrij coronam accepisse legatur. Itaque, incerto anno à Clemente in Gallias legatorum Episcoporum, acta repetamus.

XXV. Inter Clementis Legatos præcipuus est Dionysius, nominis famâ, & Apostoli Pauli magisterio: quare illius discipuli, vel socij, antiquiores Galliarum Episcopi passim dicuntur. In his Regu-

lus, qui & Syluanectensis, & Arelatenfis Episcopus, Sanctinus Meldensis, Iulianus Cenomanensis, Lucianus Bellouacensis, & quicumque primi in Galliis Christianæ religionis authores vulgò creduntur.

XXVI. De Dionysio incertum est, etiam inter eos, qui Areopagitam illum esse dicunt, quo demum tempore in Gallias venerit. Plures tamen illum à Clemente Papa cum Regulo, Rustico, Eleuthero, & aliis plerisque missum referunt. Eius acta, sub Domitiano Imperatore, iudicante Fescennino Sisinnio Præfecto, capite plexum fuisse narrant. Illa iubente ipso Dionysio à Sanctino, & Antonino discipulis conscripta, & Anacleto Papæ oblata, à methodio Græcè edita, ab Anastasio Bibliothecario latinè redita, scribit Hincmarus Remensis Episcopus. Plerique verò contra eorum actorum fidem, alium ab Areopagita Dionysium Parisiensem asserunt. Aristidis authoritatem producunt in medium, illius nempe Atheniensis, qui in eo opere, quod de religione Christiana sub Adriano composuit, Dionysium Areopagitam eodem imperante martyrium Athenis subiisse refert. Vetus etiam martyrologium asserunt, quod Areopagite memoriam Athenis diæ tertia Octobris, & Parisiensis diæ nona celebrat, ut hodie quoque in plerisque Galliæ Ecclesijs observatur. Præterea de novitate opinionis excipiunt, quæ octingentis ab hinc annis nata sit; anterioribus sæculis Ecclesia Gallicana contrarium sentiente, & vix tandem, nec omnino, in illam de Areopagita sententiam illapsa. Nam perditis Græcorum rebus, qui à Francorum Regibus

gibus suppetias postulabant, ingenio Græco factum est, ut sancti Dionysij monachis, penes quos maxima Galliæ pars rerum erat, suo Dionysio dignitatem Arcopagiticam, & Pauli Apostoli doctrinam tum primum affingentibus, ultro applauderetur, & veris, fidei monumentis tota res confirmaretur. Non facile tamen Francorum prudentiores, Græcæ adulationi crediderunt: Non ipse Ioannes Scotus, qui eo tempore primus Dionysij Arcopagitæ opera in latinum sermonem vertit. Ille in Epistola ad Carolum Magnum scribit: Non antiquos patres, qui Arcopagitæ Dionysij meminerunt, sed novos quosdam, neque nominis famâ, neque doctrinæ auctoritate celebres, hunc Arcopagitæ eundem cum Parisiensi temerè affirmare, hunc Clemente Petri successore sedente Romam venisse, in Gallias ab eo Legatû, cum Rustico, & Eleuthero martyrium subiisse. Tandem varias primis Ecclesiæ temporibus Episcoporum translationes, ab historicis diligenti cura notatas adducunt, & nusquam inter illas Arcopagitæ Athenis in Galliam translatio legitur; quæ si reuera contigisset, propter viri dignitatem obseruanda fuerat. Verùm hæc omnia, quibus respondent sententiæ vulgaris assertores, Arcopagiticam dignitatem Dionysij solum oppugnant, quæ cum in id tempus, quo primum in Galliis hæc opinio cœpit, nos historia nostra deduxerit, diligentius expendemus. At Dionysium in Galliam à Clemente missum non fuisse minimè probant: Et si Seueri, & Gregorij auctoritatem inferius à nobis explicandam excipias, nihil

est quod opponi possit : Nam omnes ferè scriptores, & passiva Dionysij acta consentire videntur. Verùm ante Caroli Magni & Ludouici Pij imperium, nullo Dionysio Parisiensi eam ætatem, & dignitatem adscripsisse : ab eo verò tempore, non omnes Gallos huic nouæ traditioni manus dedisse legimus. In Concilio Lemouicensi superiùs à nobis relato Clericus quidam Engolismensis vulgarem de Dionysio opinionem arguit, ipsumque Arcopagitam omnino negat. Id olim se, vulgi sententiam sequutum, existimasse fatetur : at Marcelli martyris vitâ perlectâ mutasse sententiam. Illic enim Dionysius, & Saturninus fratres, Egeæ filij, Româ à Clemente missi, & Sixto Papa, ac Laurentio hortantibus Marcellus alter frater secutus in Gallias. Quæ licet confusa, & falsis, verisque composita maximè perturbata sint, lucis tamen radium aliquem immittunt, & veritatem nobis afflant. Saturninus Egeæ filius dicitur in vita sua, missus cum Dionysio ad Gregorium : Sixtus autem, & Laurentius anno Christi CCLX. octauo post Saturnini passionem anno, vixere. Quia tamen inualuit ea opinio, vt à Clemente missus dicatur Dionysius, ex actis res eius gestas repetamus. In quibus primum obseruatur non à Clemente, sed à successoribus Apostolorum missum Dionysium narrari. Illa diuersa sunt ab his, quæ Surius ex antiquis, & Hincmaro ; politiori etiam stylo in duobus manuscriptis codicibus reperta. Quorum præfatio, veterum sanctorum vitas in obscuro, & incerto diu iacuisse, ac è longi temporis silentio horum

authorem illa eduxisse, testatur. Addit comites Dionysij, Saturninum Tolosæ à tauro tractum, Paulum Narbonę domesticâ calumniâ impetritum, quieuisse. Huius præfationis pars in actis ab Hilduino compositis legitur, quem reliqua de Lisbio, aliisque, quæ in hac vita defunt suo imperio, & arbitrio inseruisse, cui-libet vtraque acta cõferenti constabit. Dionysius Parisiis Christi fidem promulgans, iam destructis idolis & magnâ gentis parte in sacram religionem conscriptâ, misso per prouincias Christianorum exterminij edicto, cum Rustico, & Eleuthero Diaconis & comitibus assiduus à Frumentarijs deprehenditur. Nô hæc Domitiani fuit persecutio, cùm adhuc à Clemente eo imperante missus non esset Dionysius: sed longè posterioribus sæculis illâ fuisse oportet, cùm propagatâ per orbem vniuersum Christi religione, contra Christianos edicta per prouincias mitti, Idololatriæ interfuit. Comprehensi hi tres Christi præcones, capite plectuntur; ac cùm illorum corpora Christianorum cultui percussores eriperent, & in Sequanam immergenda deferrent: à Catulla, matronâ ad Christi fidem toto corde inhiante, ad epulas vocantur. Iâ per iocos, pocula, liberaliorésque propinationes, propositum obliti, sacro furto dant locum. Et Catullæ familia, religionis, studij, artisque dominæ conscia, clâm subrepta Sanctorum corpora, in agro iam arato, sexto ab vrbe, aut potius Castro, Parisiorum lapide, condidit. Pace tandem Christianis redditâ, Catulla beata corpora exhumata ornatissimo sepulchro commendasse dicitur, quod in Galliis nisi tertio demùm aut incipiente quarto Christianæ re-

ligionis sæculo publicè licuisse arbitror. Ex quibus confirmari videtur illorum opinio, qui posteriorem Apostolorum temporibus Dionysij Parisiensis ætatē asserunt, Seuerò Sulpitio, Gregorio Turonensi, antiquissimis Martyrologiis, primā traditione, posteriorumque etiam ab octauo sæculo sententiā subnixi. Aduersus quā arma mouit Hilduinus Abbas S. Dionysij, & Græcorum autoritate fultus, ad Apostolorū tēpora Patronū retulit: in cuius sententiā, à discipulo Hincmaro Remēsi Episcopo laudatā, vniuersa ferè Ecclesia gallicana octingentos per annos ad nostra fermè tēpora pedib⁹ iuit, donec hoc sæculo viri docti priorē opinionē reposuerūt. Quibus absit, vt ego scriptis meis, in hac, aliavē partē præiudiciū aliquod ferā.

XXVII. Ex Dionysij locis Regul⁹ Arelatēsis Episcopi dicitur, Cuius acta referunt, Dionysiu Gallias ingressum, Arelatē cōcussio Martis simulachro, quod sumā veneratione colebatur, tēplum ei⁹ Petro & Paulo dedicasse, & cōuersis ad Christum populis baptisterium cōstruxisse. Cum autē in Celtas Dionysius pergeret, Arelatē Regulum Episcopum constituit, quē aliqui Trophimi successorem, & inde in Syluanectensem Ecclesiam translatum fuisse scribunt. At hic Regul⁹ Quintini socius, ad Maximiani Imperium reductus, veram Dionysianæ ætatis epocham demonstrat.

XXVIII. Lucianū Presb. Bellouacos misit Dionysius, ibi Præfecti Iuliani satellitibus caprū, & cū duobus pueris Maximiano & Iuliano pro Christo cæsum.

XXIX. Acta Taurini Ebroicensis ab Adeodato eius filio (baptismatis scilicet regeneratione) conscripta; Tarquinij, & Eutychiæ Romanorum filium di-

cunt, sub Domitiano natum; propter visionem matris futuras Taurini virtutes portendentem, Dionysio Areopagita suscipiente, à Clemente Romano Pontifice baptizatum. Cum autem in Gallias Dionysius proficisceretur, ab Eutychia rogatus, secum Taurinum duxit, Ebroidensibus Episcopum constituit iam ante-germano eius Gaugerico in ciuitate Camerata ordinato. Ebroidis Lucii filiam Euphraxiam combustam suscitavit, eius fratrem Adeodatum actorum scriptorem baptizat, & postmodum presbyterum ordinat. Dianæ simulachrum in laudem Taurini loquens, horrendam dæmonis imaginem, iubente Taurino, populo emittit. Templum purgat Taurinus, & in honorem Virginis Mariæ dedicat. Multa eius miracula hæc acta recitant, Cambisem, & Saras magos, & Sacerdotes Dianæ ad Christi fidem conuersos, Licinii filium Pascasium, & alios à mortuis suscitatos, & vniuersam ferè gentem ad Christi religionem adductam. Adeò tamen illa omnia confusa sunt, ut veritatis lumen aliquod vix luceat. Nam sub Domitiano natus, quomodo à Dionysio baptizari, & in Galliis Episcopus ordinari potuit, si Domitiani tempore cæsus est Dionysius? Aiunt acta, Licinium; fortè Præsidem, patrem Taurini auum suum nominare: mox & ad Sixtum Romanum Episcopum, si modò iam martyrium non confecisset, legationem à Taurino missam, mox Romam illum venisse, & accepta à Sixto benedictione in Gallias rediisse. Præterea, paulò post eius obitum Gallias à Barbaris occupatas referunt, quorum aduentum præuidens Tauri-

mus, precibus suis salutem animarum populi sui obtinuerat, vrbis vastatione æterno consilio decretâ. Tum addunt mortuum Taurini corpus præsentem angelo extra urbem sepultum, pollicente salutem Taurino è sepulchro loquente, & angelo mortui defensionem, quem viuum tuitus fuisset. Hæc omnia perpendens, & Galliarum à barbaris gentibus depopulationes repetens, ad Alemannorum sub Gallieno irruptionem referenda Taurini tempora existimo. Nā eodem imperante Sixtus secundus Episcopus Romanus passus est, circa annum Christi ducentesium sexagesimum. Quare Taurinum longa ætate prouectum, sub Valeriano, & Gallieno, cum aliis Episcopis, de quibus Gregorius Turonensis, Saturnino nimirum, Paulo, Gatiano, & Stremonio missum fuisse oportet.

XXX. Vnum Eutropium à Clemente Santonas missum refert Gregorius Turonensis *lib. 1. Miraculorum cap. 56.* nulla eius acta superesse referens, atque adeò præter nomen, vitam eius obscuram fuisse, ut neque martyr crederetur, nisi Palladio Santonensi Episcopo circa annum sexcentesium eius corpus in Basilicam eius nomini constructam transferenti, ipse Episcopus suum martyrium, iectusque securis in capite vestigium reuelasset. Rectè itaque ad rumorem, & famam Eutropij missionem refert Gregorius, cum ad illa vsque tempora historia passionis eius lecta non fuisset. Si modò Clementis nomen Glossema non est, vnum ex his quibus hi Gregorii libri aspersi sunt.

XXXI. Gatianum etiam Turonensem Clementis discipulis annumerant, contradicente Gregorio eiusdem Ecclesiæ Episcopo, qui ad annum primum Decij refert à Papa Romano missum, & expansum ipsius Gatiani, tum successorum annis, eo anno venisse certissimè probat.

XXXII. Bituricensibus Vrsinus, vnus ex discipulis Domini, Nathanaël scilicet, à Clemente datus est, quem sancti Stephani sanguinem in Galliam tulisse, & in Ecclesia Protomartyri dedicata collocasse ferunt. Illam in ædibus Leocadij principis, quem cum filio Lusore baptizauerat, Vrsinus edificauit. Leocadii filius Lusor, vel Luso in albis migrasse dicitur à Gregorio Turonensi *de glor. Conf. cap. 92.* & in Dolensi vico sepultus, cuius memòria iv. Nouembris in Monasterio Dolensi celebratur. Verùm hæc, vulgari Epocha posteriora esse illa demonstrant, quæ de Biturigum ad Christi fidem conuersione refert idem Gregorius *lib. i. Hist. cap. 31.* inferius à nobis describenda.

XXXIII. Dionysio alius adiungitur comes Clementis discipulus, Rothomagensis Nicasius, cum Quirino, & aliis passus. Illo cæso longum inter-pontificium fuisse volunt, donec Mello à Stephano Papa circa annum Christi CCLXV. mitteretur. Qui si vt immediatè, ita pauco interiecto tempore successisset, iam Nicasium cum aliis Episcopis ipso secundi Christiani sæculi initio venisse dicendum erat. Addunt & Sixtum Remensem, quem tamen ipse Remensis Hincmarus à Sixto Ro-

manæ, secundo scilicet, missum aſſeuerat.

XXXIV. Cenomanensem Iulianū Dionysij quoque comitē, ad hunc locū vltimū seposui propter eius vitam, à Lethaldo Monacho ad Aueſgaudū Cenomanensem Episcopum scriptam, circa annum Christi millesimum. Hic enim Monachus contra suorum traditionis temporum authoritatem primus omnium arma mouit, Gregorii Turonensis opinionis acerrimus defensor. Posteaquam acriter in eos qui sanctorum memoriae miraculorum figmentis illudunt, verba fecit: Iulianum Dionysii locum non à Clemente, qui sub Traiano vixit, sed à Sixto, qui Decio Imperatore sedit, missum ait, Gregorii auctoritate opinionem confirmans. Tandem decreſcente persecutione Ecclesiae pace restitutā, ad informandam rudem adhuc Ecclesiam Gallicanam sanctissimos viros à sede Romana delegatos, Lugdunensibus Fotinum, Arelatensibus Trophimum, Narbonē Paulum, Tolosæ Saturninum, Aruernis Austremonium, Lemouicibus Martialem, Turonicis Gatianum, Parisiacis Dionysium, Cœnomanis Iulianum. Hæc tamen stare non possunt, cum Pothinus sub Aurelio passus sit, nec eius comites ad octuaginta ab eius morte annos peruenisse probabile sit. Diuersis ergo temporibus missi, neque Pothinus hos inter numerandus. Hic autem Iulianus Romana nobilitate clarus facundia, & iustitia celebris, Cenomanos fortitus, multa patrat miracula, mortuos suscitatur, Idola confringit, Ecclesias construit, vtque *nouus agricola opacato siluam ingressus nunc ferro, nunc igne vititur, quo iaciendis*

ciendis seminibus tellus carens sterilis praearetur. Sic Iulianus, Cenomanicum penetrans solum, veteres quercus, annosaeque fagos, id est vetusta gentilicis sterilia vanaque figmenta euertere missus: & ferro correctionis usus est, quo peccata delinquentium feriret, & igne adustionis, quo iam emundatum solum ad promerenda diuini amoris semina aptum exhiberet. Qua Letaldi comparatione delusus Galliae Christianae author, Iulianum adoratas à Gallis quercus euertisse multis probauit. Sed reliquia Paganorum (sunt verba Letaldi) quae quasi fragmina tabularum de naufragio errorum euaserant, indignè ferentes laudem nominis Christi dilatari, & simulachrorum suorum portenta pessundari, vnanimiter insurgunt contra sanctum: maleficum clamantes, qui sub nomine pietatis vanis prestigiis euertere corda populorum, ipsoque videntium oculos frustraretur, falsa pro veris asseveret, hominem crucifixum Deum affirmaret, Deorum immortalium, quos Romanus orbis à saeculo colit, culturam erroneus euacuaret: virum exuri debere vt eius interitus exemplo aliquis impostor, & temerarius terretur, ne contra Rempublicam, timendumque numinum reuerentiam, quibus orbis constat, & alitur, quoquo modo vltius oblatrare nueretur. In his Iulianus nullo modo territus, verum ad pugnam contra diabolum alacris accinctus, ad locum iuer accelerat, quo caput erroris eorum male suasa religio desinebat. Nam in vico, cui Arcanas vocabulum est, templum erat, & in eo Iouis simulachrum, falsorumque innumera portenta Deorum, quae vario errore delusa gentilitas priscis temporibus erexerat, ad suam & sequentium perniciem populorum. Ad quae destruenda cum Iulianus lorica fidei inducus, galea salutis pro-

sectu; gladio spiritus sancti præcinctus præparatur. E diuerso; rusticana; & ignobilis manus, pro defensione Deorum, qui sibi auxilij opem ferre nequibant, obstinatissime resistere armatur. Sed Iulianus imperterritus inter frementes, & garrientes insipientium voces, templum ingressus, inuocato vero Dei Iesu Christi nomine, simulachrum enorme, ipsoque visu terribile, in cinerem resoluit, sola sanctæ institutionis autoritate. Ut verò insani populi cognoscerent, cui ætæneus cultum Deisatis exhibuissent, euerso simulachro immanissimus erupit Draco; qui factò imperu contra proprios cultores, flammâ sulphureâ, & atroci verberè caudâ, deuorum sibi phalanges in mortem capis ardentes vrgeret. At illi eius contra Deum suum petunt auxilium, quem paulò antè vociferantes maleficum totis nifibus elaborabant ut eum incenderent viuum. Porro Iulianus verus Dei athleta eleuata cum signo Crucis in sublime dexterâ, draconi imperat, ut nulum amplius ledens concitus fugiat, & loca humana cultura prorsus carentia perat. Ad cuius imperium Draco sensissimus & fugit viuacissimè, & in eos ius amisit ledendi, quibus vltierius fraudem exercere permissus non est seducendi. Tunc vniuersi cum gladio iam sunt socij in euertendo falsitatis sacro, ac demum sancto renati lauacro, per manus sancti Pontificis dogmate beatificantur Christiano. Cuius facti fama velox per omnes totius provincie percurrentes populos, ita pristini erroris cunctas abrasit nebulas, ut vix aliquis inueniretur, qui Iesum Christum Deum, & Dominum non confiteretur. Hactenus verba Letaldi.

Iulianus his miraculis clarus, maximè Defensoris primarij cuiusdam viri conuersione illustris, commendatâ Turibio presbytero, (qui cum Panatio,

Diacono, prædicationis comes fuerat) Ecclesiâ; animam Deo reddidit. Hæc ex dictis actis, quæ quàm simillima notamus esse actis S. Frontonis suprà à nobis allatis, adeò vt illa ex his, vel ex illis hæc conflata fuisse videantur.

XXXV. Quid per aliorum, qui Apostolorum discipuli vulgò asseruntur, acta, prodigiis, & historicis erroribus plena, hæc historia ire labores? Paucorum apud Gallos nomen infama fuit, quos credula nimium posteritas, ad Apostolorum tempora non retulerit. Quando tamen illud erat eorum historię fundamentum, Dionysium, & septem illos iam toties nominatos Episcopos, Legatione Apostolica insignitos: Prædicationis socij plerique alij adiuncti sunt, in quos Deciana, aut sequentium Imperatorum persecutio demum animaduertit. Eorum acta suis locis descripturi, si quæ historię digna iudicentur, ad martyrologia, & vitarum sanctorum collectiones tẽ modo remittimus.

XXXVI. Hactenus Petri, & Clementis discipuli illustriores, quos ab ipsis Romanis Episcopis primos fidei Christianæ authores se accepisse Gallia prædicat. Multi tamen contra sentiunt, & ad posteriora sæcula referunt, Seueri Sulpicii, & Gregorij Turonensis auctoritate freti, quàm explicari locus hic desiderat. Et quidem Seuerus lib. II. sacræ historię Lugdunensium martyrium narrans, scribit. *Sub Aurelio deinde Antonini filio persecutio quinta agitata. Actum primum intra Gallias martyria visa, serius trans Alpes Dei religione suscepta. Priscos martyres, quorum res*

gestas hoc libro descripsimus, Seueri obiciunt illi; qui hodiernę traditioni adherētes, cū ipsa ferē Christi religione Gallicanam Ecclesiam natam fuisse autumant. Ego verò licet illa antiquitas luce clarior mihi non appareat, tamen martyrio Lugdunensium Christi fidem in Galliis priorem fuisse, ferē pro cōmpto habeo: neque idē Seueri auctoritatem eleuatam existimo. Ille breviori scribendi modo minū dixit, quā sensit, & se susceptam religionem, ac tum primū visa martyria scribens, non idē tamen fidem prius prædicatam fuisse negavit. Illustria, & in omnium oculis martyria intellexit, quæ dēum sub Aurelio Galliarum conspectui exhiberi cōperunt, suscepta iam Christi religione. Nam antea & rara, & quasi propter commune impietatis crimen illata Christianis supplicia, nondum à populis religione suscepta. Verū ubi prædicatā latē per Gallias fide, Christi nomen notius esse cōpit, Christianorum multitudine ad martyrium accurrente; tum primū eorum damnatio Galliis spectaculo esse, & cuilibet illorum martyria cognita. Hanc Seueri fuisse mentem quis negabit, si Pothini longam ætatem, Iusti & Veri Viennensium tempora repetat; si Eutropium Santonum Episcopum à Clemente missum fuisse, Tolosam Saturninum, Biturigas Vrsinum, à discipulis Apostolorum accepisse apud Gregorium Turoensem legat. Non tamen ipse Gregorius contrarium sentit, asserens Trophimum, Gatianum, Paulum, Dionysium, Saturninum, Austremonium, & Martialem iam sub Decio missos fuisse. Etenim Eu-

tropium à Clemente, Vrsinum, & Saturninum à discipulis Apostolorum missos, non ex sua mente, sed ex traditione refert. Sed demus eum ex sui animi sententia dixisse. Quis inde in historia error? Lógior vita primis fidei præconibus data est, vt liberius, & diutius religioni adesse possent. Testes Ioannes, Polycarpus, Memmius, Pothinus, Taurinus, & alii. Verùm annos centum quinquaginta Christianam vitam eos egisse oportuit: tot enim à Clemente ad Decii tempora intercedunt. Ita sanè, si omnes à Clemente missi, si omnes ad Decii annos peruenerissent. At aliqui ante Decium, aliqui sub Decio obierunt. Iam suprà Apostolorum discipulos, horumque Apostolicos viros dici monuimus: qui cùm ad proximos secundo Christiano sæculo annos peruenerint, missi ab illis discipuli, vsque ad Decium, & sequentes Imperatores perdurare potuerunt. Cæterùm Gregorius Turonensis non sub Decio missos Episcopos, sed iam antea missos, cùm sub illo passi sint, manifestissimè probat ex actis Saturnini. Quæ cùm Consulibus Decio, & Grato notata sint, ad ipsum martyrium, non ad missionem referri debent. Cùm autem illos septem Episcopos simul venisse in Gallias traderetur, certum missionis tempus ignorans Gregorius, sed Saturnini martyrium ex Coss. actorum eius comperit habens, iam sub illis Consulibus in Galliis fuisse scripsit. Episcoporum illa in prædicando Euangelio societas, multos in nostram historiam induxit errores. Etenim quando certum erat Episcopos à Romanis Pontificibus in Gallias missos, à scriptoribus mis-

sionem alicuius narrantibus, itineris, & prædicationis socij alij omnes juncti sunt. Ita Dionysius, qui nominis fama cæteris celebrior erat, alios ferè omnes Episcopos collegas ab illis accepit. In Paulo, Trophimo, Frontone, & reliquis idem obseruatum est. Quasi non prius raris legationibus tentata Gallia, submissis clam Episcopis fidei mysteriis initiata sit, donec paulatim crescente fidelium numero, maior Christi messis plures mercedarios expetiuit. Non enim ampla primùm colonia ducta est, sed vnus, & alter, Romanorum Episcoporum, & Polycarpi discipulus rem aggressi, hisque cæsis, & aucto Christianorum numero alii subinde missi sunt. Hunc religionis in Galliis progressum manifestissimè probant acta Saturnini à Gregorio citata, quæ sensim, & per gradus, *tardòque processu* (non vt Surius contra manuscriptorum fidem suo more corrumpit, *parique processu*) Christianam religionem in Galliis promulgatam fuisse narrant. Ac cum raræ paucorum religione Christianorum Ecclesiæ consurgerent, sub Decio, & Grato Coss. primum, & summum Christi sacerdotem iam Tolosani ciuitatem habuisse. Nulla in his actis aliorum Episcoporum mentio, neque etiam ex illis missionem eorum repetiit Gregorius, sed ex traditione, quæ à Sixto Romano Episcopo missos prædicabat. Verùm cum Sixtus demum anno Christi CCLX. Valeriano, & Gallieno quartum Coss. Stephano successus sit, qui ab illo mitti potuit Saturninus, iam Decio, & Grato Consulibus anno Christi CCLIV. passus? Diuersis itaque temporibus illi E-

piscopi in Gallias venerunt, non vno, eodemque simul, & semel. Sed quia eadem ferè fuit eorum ætas, & paruis intervallis alij alios secuti sunt, eodem tempore venisse vulgò relatum est. Garianus Turonensis à Fabiano circa annum Christi CCLI. missus dicitur à Sixto II. Genulphus & Peregrinus circa Christi annum CCLXI. & alij ab aliis. Eos autem ob restitutam in aliquibus, institutâ in plerisque locis religionem, primos suos Episcopos, & Apostolos posteri appellarunt. Quo verò tempore missi fuerint definire non facile duxerim. Sed tempora percurrenti occurrunt triginta, & octo anni pacis Ecclesiasticæ à morte Seueri, & Irenæi martyrio ad Decij imperium, quibus ad resarciendam illatam Antoninorum, & Seueri persecutionibus Ecclesiæ Gallicanæ calamitatem mitti, vel si iam missi, securè per hæc pacis tempora fidem propagare, & æternam sui memoriam tanquam Ecclesiæ fundatorum, aut restitutorum relinquere potuerunt. Rem ita actam argumento est longior horum Episcoporum vita, à duobus solum, Saturnino, & Dionysio, violenta morte finita, ab aliis illustri confessione per longa tempora transacta. Nam illa longissima pax Ecclesiæ, & vitæ securitatem, & populorum gratiam, & plausum illis Episcopis conciliauit. Ergo à discipulis Apostolorum Romanis Episcopis, Clemente circa annum Christi centesimum, Sixto primo circa centesimum quadragessimum (ad hos enim traditio refert) vel à Polycarpo circa annum CL. aut CLXVII. Pothinus, & alij. qui intra secundum Christi sæculum sub Aurelio, & Se-

uero passi sunt, & qui persecutionis superstites ad pacis Ecclesiasticæ post Seuerum annos peruenire, aut à succedentibus Romanis Episcopis, qui ad Decij, Gallieni, & subsequen-
tium Imperatorum tempora vixere, primi Gallicanæ Ecclesiæ institutores: aut restitutores mitti potuerunt. Incertum tamen est quibus annis singuli venerint, aut à quibus legationem acceperint. Hoc vnum constat ex Epistola Innocentij primi ad Decentium Eugubinum Episcopum, non ab aliis, quam Petri successoribus primos Episcopos Gallias recepisse. Itaque Polycarpi discipulis anteriores erunt Romanorum Legati: quos ante Clementem missos fuisse, propè est vt pernegem; ab ipso Clemente, credam; à successoribus, omninò asseuerem. Verùm has inter tenebras nullo præeunte lumine cæcutientes, fieri vix potest, quin varios in errores deuieamus, à quibus ad rectos veritatis tramites, æterno ab lumine nos reduci precamur. Atque iam aliqua spes votorum assurgit, dum hoc vno libro cunctis antiquitatis caliginibus inuolutis, emicantes proximo libro veritatis radios aspiciamus.



ECCLESIAE GALLICANÆ HISTORIARVM. LIBER SECVNDVS.

TANDEM, Deoduce, ex antiquitatis incertæ tenebris emerſimus, & per ſuccedentium temporum perſecutiones, licet obſcuram, certam tamen lucem intuemur. Iam enim Gallia Chriſti fidem agnoſcit, & ſuorum ciuium ſanguine illius veritati teſtimonium exhibet. Verum prius quàm illorum illuſtria martyria complectamur, quaſdam obſcuras hiſtorix nebulas diſcutere, & res Eccleſiæ Gallicanæ ſub Adriano dubias repetere iuuat.

I. Quinctio Nigro, & T. Vipſanio Aproniano Conſulibus, Anno Chriſti CXIX. Traiano ſucceſſit Hadrianus; qui cùm ſacra Romana diligentiffimè curaret, peregrina contemneret, Pontificis

Maximi officium perageret, facile Christianæ religioni bellum indixit. Illi pro eadem religione Aristides Atheniensis librum obtulit, in quo Dionysius Areopagita sub eo cæsus dicitur. Qui, si noster Parisiensis est, à persecutione Domitiani expunctus, ad proximam in Gallias Hadriani profectionem referendus est. Nam Hadrianus ita peregrinationis cupidus erat, ut omnia quæ legerat de locis orbis terrarum præsens velleret addiscere. Itaque compositis rebus urbanis anno Imperij secundo profectus in Gallias, omnes causarum libertatibus subleuauit, transcurtis Gallias, in Germaniam, & Britanniam transit: regressus in Gallias, Alexandrinam seditionem accepit. Per idem tempus in honorem Plotinæ, Basilicam apud Nemausum operemirabili extruxit. Post hæc Hispanias petiit, per Asiam, & insulas ad Achaiam nauigauit, & peragrato terrarum orbe in Siciliam nauigans, anno Imperij septimo Romam rediit. Hoc in reditu Iobita & Faustinus Christiani coram illo sistuntur, & Romam ducuntur: quare ad eius Romam in Gallias profectionem eorum martyrium non est referendum. At cum Romæ martyres latitantem Eleutherum Papam inuiserint, Aurelij, non Hadriani temporibus illorū acta restituenda sunt. Illa Sapricij meminerunt; quo in Liguribus Præside Paulum in Gallias venisse traditio est. Quare si sub Hadriano Sapricius, non sub Aurelio, ad Sixti missionem Pauli aduentum referemus, verum sine auctore. Cæterum Sixtus Romanus Episcopus Alexandro successit Hadriani anno XIII. Christi

CXXXII. Ab eo in Gallias missi dicuntur, Peregrinus, qui sedet Antisthodon, Genulphas, qui Cadurcis: At hunc Sixto II. tribuunt, fortassis etiam, & illum oportet.

II. Anno Christi CXL. Imperator Hadrianus moriens successorem reliquit Antoninum Pium: cui paternum genus est Gallia, vrbe Nemauso. Hic anno Imperij XV. edicto, quod apud Iustinum legitur, Christianos securè viuere iussit, & iam motam in eos persecutionem compescuit. Illa quidem in Gallia occubuisse dicuntur, inter quos Lucianus presbyter passus Aureliis, & Floccellus puer Augustoduni. Sed in Antonini nomine erratum existimo, cum & Aurelius successor Antoninus dictus sit: Nam Floccellum Imperatori in Sequanis agenti oblatum eius acta referunt, quò Aurelium profectum, & res turbatas composuisse certum est.

III. Antonino imperante, missos in Galliam à Polycarpo discipulos crediderim. Nihil enim est quod eius Romam aduentum expectare cogat: imò acta discipulorum, & omnia veterum monumenta, ab Asia missos referunt. Cæterum illa longissime errant, dum post Irenæi martyrium Polycarpum misisse scribunt. Nam Polycarpus iam ante Irenæum longo tempore martyr obierat. In eo tamen conueniunt Thyrsi, Andochij, Benigni, & Andeolii acta triplicia, vt monitum ab Irenæo iam extrema passo Polycarpum, hanc discipulis prædicandæ in Gallis fidei prouinciam demandasse affirmant: Quæ historice veritati manifestissime aduersari omnes fatebun-

tur. At ideòne rerum in illis actis narratarum fides mirabitur? An falsitatis in vno conuicta, in reliquis expungentur? Non ego tantum ausim facinus, sed illis neglectis, quæ saluo Historiæ ordine affirmari nequeunt; reliqua ex ipsis monumentis referam.

IV. Iam Andochius, & Benignus, presbyteri, & Thyrsus Diaconus in Gallias à Polycarpo Smyrnâ missi, Corsicam insulam appulerant: cum grauis orta tempestas soluentes è portu in portum reduxit, timorem ipsis nautis incutiens, cunctisque mortem intentans. Credidere Polycarpi discipuli, displicere maris Domino suam nauigationem, prædicandam fortè Insulani, quos prætergrediuntur; fidem, vel tantæ aliquid expeditioni deesse. Monente itaque Thyrso totam noctem insomnes precibus transigunt, vt remorantis tempestatis causas à Deo accipiant. Non fefellit eorum expectationem Dominus, qui per Irenæum, vt habent Acta, vel per alium æternæ voluntatis ministrum spiritum, alios certaminum suorum commilitones tribus diebus expectandos esse denunciat, cum quibus de Gallorum Idololatria victoriam reportent; ipsoque pariter momento ab eodem vel Irenæo, vel Angelo monitus Polycarpus, dimittit Andelum, & socios, tertio die Corsicam appulsuros. Hoc supplemento accepto læti Corsicâ soluunt, & flatu secundo Massiliam veniunt: Inde regiones finitimas, quâ Rhodanus fluit, ingressi, Lugduni confederunt. At monente Angelo Andecolum Subdiaconum Carpentoractem mittunt: Ipsi in Sequanos, & Eduos profecti, Christi

fidem prædicant. Andeolus Carpentoractem tendens, Rhodano cum mercatoribus quibusdam euectus, in oppido quodam, quod Bergoiate Acta nominant, Christum annunciat.

V. Benignus autem, Andochius, & Thyrsus à Fausto Aduorum nobilissimo, qui clàm Christianam religionem profitebatur, suscepti, filium eius Symphorianum, totamque familiam baptizarunt. Tum eius precibus Benignus Lingonas pergit, & Leonillæ Fausti sororis ex filio nepotes, Speusippum, Eleusippum, Meleusippum à Nemesis sacrificiis euocatos, Christi mysteriis initiat. Illorum animos mirandis visionibus ad fidem suscipiendam Deus præparauerat: quas dum à Leonilla, & Benigno salutis verbum acciperent tergemini narrarunt. His verbis eas retulit Vvariharius in eorum vita ad Cerannium Episcopum Parisiensem scripta circa annum Christi DC.

Primus Speusippus visionem suam narrauit, dicēs.
 “ Videbam me in sinum auæ meæ receptum, mamillæ suæ plenitudine lactis abundantia saturari,
 “ quæ compellebat me, etiam suis montis dicens:
 “ Speusippe, bibe lac salutiferum magis, vt plus bibendo melius possis summâ virtutis constantiâ in certamine positus, contra aduersarios gloriosâ promereri victoriâ. Finiâ primæ visionis sententiâ
 “ Eleusippus ait: Credite, & me huiusmodi visionem vidisse: Vidi in cœlo super sedem magnâ sedentem quasi ex electo, & gemmis maiestatis potentia radiantem; cuius splendor inmensus meum

" obumbrabat aspectum, & ob stuporem nimium
 " pavor cordis mei terruit intellectum. Tunc vultu
 " sereno me vocans ad se, ait: Noli timere, coronam
 " victoriæ promerebis. Tertio loco Meleusippus vi-
 " sionem suam exposuit. Vidi & ego nescio quem
 " Regem magnum, satis singularia scepra tenen-
 " tem, qui nos tres pariter ad suam militiam prouo-
 " cabat, præclaris baltheis accingebat, in gno nos
 " pretio à captiuitatis vinculis redimebat, perpetua
 " libertatis nostræ præmia literis aureis scribebat,
 " donis nos indeficientibus simul remunerabat. Su-
 " per his ad me exhortandum addidit, dicens: Me-
 " leusippe, vos tres fratres in meo palatio collocare
 " decreui, & æternis præmiis pariter coronare, auiā
 " vestra perpetui diebus, ac noctibus pro vestra sa-
 " lute supplices preces effundit, vt recto tramite gra-
 " dientes, liberati de tenebrosa caligine, verum lu-
 " men contemplari possitis, & de condemnatione
 " mortis ad vitam perueniatis perpetuam. Hæc, &
 " alia plurima adhortationum verba mihi Rex,
 " quem dixi, narrauit in visu.

VII. Anno Christi CLXIII. Antonino Pio suc-
 cessit M. Aurelius Philosophus, cuius sub Imperiō
 fremebat iterum aduersus Christianam religionem
 diabolus; & quidquid prioribus persecutionibus
 emiserat, maioribus animis indignans, hac quinta re-
 petebat. Nero, malum nomen, Apostolorum Prin-
 cipes damnans, non hoc vnum inter tot scelera bo-
 num factum fecisse videbatur. Alter caluus Neio
 Domitianus ciuium cadibus, calamitatem nostram

miscuerat. Trajanus superstitioso, & ciuili animo religionem Christianam aliquando persecutus, tandem nec damnauerat, nec absoluerat. At cum Gentilium inuidia, & falsum Gnosticorum Christianorum nomen, Romanos Magistratus, & plebem, potius quam Imperatorem in nos commouissent, noluit id suo Pij cognomento deesse Antoninus; sed edicto proposito Christianos viuere, & religionem suam colere permisit. Ad hæc frendens daemon, malis authoribus damnatam, Pio liberatore absolutam religionem ægrè tulit. Inferos mouet, plebem rituum suorum tenacem in nos armat: ac quæ nostris militare sub signis debuerat, cæcam philosophiam, in nostram necem pertinacissimam induxit. Marcus Aurelius Antoninus Philosophus superstitioni, quam à teneris annis imbiberat, illigatus, vanisque eius professoribus nimium addictus, Christi religionem, quæ utramque videbatur impugnare, omnino profligari, vel edixit, vel passus est. At viri sancti quorum pectori vera Christi philosophia infederat, sæuientes vndecumque populum, & magistratus impeterrito animo excipientes, feroces quosque eorum ictus, patientiâ, & spe sua retuderunt. Galli præcipue hoc in certamine constanti animi gloriâ cunctos superarunt. Paulatim progressa persecutio demum agente in Gallis ipso Imperatore, horrenda quæque, & extrema tentauit.

VIII. Anno Christi CLXVI. plures in Gallia martyres passi sunt. Verus Viennensis Episcopus Apostolorum discipulus, qui à Trajani temporibus in Gallia

confessione celebris, cum aliis Christo testimonium morte sua reddidit. Eius in locum substitutus est Iustus presbyter, qui anno superiore ab exilio, in quod ob Christi confessionem sub Hadriano missus fuerat, rediens, Romæ Pium Episcopum inuiserat, vel fortè in ipsa vrbe exilij tempus transegerat (licet exul videri nequeat, qui in vrbe omnium matre, & patria degit;) vel Adriani morte finito exilio, nondum Viennam redierat, sed Romæ vixerat, ibi cum eodem Pio necessitudinem contraxit, cuius indices literas hoc anno ante Veri decessum accepit. Illis Iustum, eorum, quæ Romæ post eius discessum acta fuerant, certum reddit: nimirum, ab Euprepia (quam familiari inter Christianos vnus Dei filios, & in vna adoptione fratres, loquendi modo, sororem appellat) dicatam anno superiore Ecclesiasticis vsibus domum, nunc Missis faciendis inservire. Cherinthum Primarchem Satana, id est hæresim Cherinthi Apostolorum temporibus noti, vel ipsum adhuc etiam viuentem, multos à recto fidei tramite diuertere Presbyteros, qui ab Apostolis educati ad hos annos peruenerant, à Domino vocatos; Timotheum & Marcum morte sua bonum Christi testimonium reddidisse. Inuicem quid circa ipsum Iustum ab eius Romæ discessu actum sit, nosse cupit, & postulat; ac demum Soteris, & Eleutheri presbyterorum salutatione Epistolam claudit.

IX. Vicissim Pio rescripserunt Martyres Viennenses, per Attalum Pergamenum, illum Lugdunensi martyrio illustrem. Fortè contra Cherinthum li-

teræ

teræ scriptæ sunt, vt tandem ab eius errore Christiani cessarent, quem à Dei martyribus scirent esse damnatum: Ratum enim erat apud omnes, martyrum sub ipso mortis ictu supremum arbitrium. Insuper Pio Veri Viennensis martyrium, & Iusti in eius locum electionem, ac gloriosa contra fidei hostem certamina scribunt. Contrà Pius anno Christi CLXVI. Iusto rescribit, eumque ad dignè implendum accepti Episcopatus ministerium hortatur. At præcipuè hoc in procelloso persecutionis tempore, martyres illi commendat. Cùm enim multi, vel poenarum grauitate, vel præmiorum illecebris à fide deficerent; vel quia neglecti, in testimonio exhibendo animo essent imbecilliore; Iustum eos frequenter in carceribus inuifere, animos addere, & necessaria administrare oportere. At ne falso martyrum nomine sacro-sanctæ religioni illuderetur, Spiritu sancto martyria prius esse probanda, eorùmque, qui legitimam pro Christi fide victoriam reportassent, beata corpora, eo honore, & curâ excipienda esse, quæ Christi Domini membra decet, quamque Apostoli erga Stephanum impendissent. Vtque vnus esset in Ecclesia spiritus, & vna charitas; beneuolentiam erga subditos illi commendat: ita vt à Presbyteris, & Diaconis, non vt primus, non vt maior, sed vt Christi minister obseruetur. Plebs denique vniuersa eius sanctitate, & patrocinio defensa, vt patrem, vt pastorem reuereatur. Addit, ab Attalo Romanorum in hac persecutione martyrum nomina fore vt accipiat, quos inter, Pastorem presbyterum, qui iam ante

K

titulum Ecclesiæ Romæ condiderat. Certum etiam ait se factum imminentis exitus, quare communionem eius, & memoriam flagitat, ut dignam ministerio suo mortem eius precibus à Domino consequatur. Salutat eum nomine pauperis Senatus Christi apud Romam constituti.

X. Anno Christi CLXVII. Pio successit Anicetus: sub quo Polycarpus Smyrnæ Episcopus Romam venit; unde in Gallias suos discipulos eum misisse aliqui volunt: nos ad superiora tempora retulimus. Anno Christi CLXIX. eiusdem Polycarpi illustre martyrium post transactos in religione Christiana octoginta sex annos, fœlici recordatione celebrat Ecclesia Gallicana, quæ Martyres, Confessores, Episcopos, ipsamque fidem illi debet.

XI. Imperatoris Aurelij anno XI. Christi CLXXIII. pseudo-prophætia, quæ secundum Phrygas nominatur, accepit exordium, authoribus Montano, Priscillâ, & Maximillâ insanis vatibus. Illa ab Ecclesia Gallicana, authoribus Lugdunensibus martyribus, damnata est. Quorû martyrum certamen ad annum Aurelij decimû septimum cum Eusebio referemus. Alios tamen martyres sub hoc Imperatore in Galliis agente passos fuisse constat ex eorum actis. Cùm enim circa annum Imperij XVI. confecto bello Marcomannico, expulsis barbaris gentibus, quæ in Gallias irruerant, res in Sequanis turbatas censurâ, & authoritate represserit, ad hoc tempus eorum martyrum necem referendam esse existimo. Etenim hæ turbæ, quæ censurâ, & authoritate magis,

quàm viribus, aut armis comprimendæ erant, propter religionem, cuius Sequani cultores erant inter Gallos superstitiosissimi, commotæ videntur. Martyrum acta Aurelianum, non Aurelium persecutionis authorem agnoscunt. Verùm cum Aurelianus demùm circa annum Christi ducentesium septuagesimum imperauerit, frustra discipulos à Polycarpo in Galliam missos, sub eo passos dicemus. Præterea Tergeminos anno ætatis vicesimo quinto, & Symphorianum anno vicesimo cæsos eadem acta scribūt. Illi tamen à Benigno baptizati fuerant, Symphorianus quidem tertium ætatis annum agens. Itaque expungenda sunt, quæ in illis actis de Severo Imperatore, & Aureliano successore, & Aurelij nomen reponendum est. Huius edictum in Christianos referunt acta Thyrsi, Andochij, & Fælicis.

XII. Illa priusquam attingamus pauca nobis de Aurelij per Gallias itinere, & de Andecoli martyrio præmittenda sunt. Nam de hoc sedet animo dubitatio, an ad Seueri tempora referre debeamus, fidem eius actorum secuti. Etenim in ipso itinere antequam ad demandatam urbem Carpentora tensem peruenisset, ac vix fratribus Lugduni relictis vale dixisset, à Severo damnatum fuisse tradunt. Atque hunc Seuerum Aureliani, sub quo socij Benignus, Thyrsus, Andochius, passi dicuntur, patrem fuisse. Verùm his fidei historię omninò contrariis, superest, ut vel longo post sociorum martyrium tempore, dum Lugdunum cum Albino pugnam initurus Seuerus tenderet, in Andecolum animaduernerit: atque ita Martyrologij

sententia confirmabitur, quod Andeolum sub Seueropassum in territorio Viuariensi testatur. Nutabunt autem eius acta, quæ licet sub Seuero, referant, confestim tamen ab Andeoli Lugduno missione in itinere accidisse volunt. Vel tempus actorum sequentes, non sub Seuero, sed sub Vero, id est, Marco Aurelio passum Andeolum dicamus: hancque sequi coniecturam magis placet. Nam Marcus Aurelius Antoninus, Veri proprium nomen habuit, ascito in Imperij partem Lucio postea communicatum, & ab antiquis Scriptoribus Verus dictus est. Quare facilis fuit Veri nominis in Seueri mutatio, ut apud Tertullianum in Apologetico, Verus pro Seuero, & Eusebius de persecutione sub Aurelio verba faciens, eam sub Vero Antonini Pij filio, & successore accidisse refert. Cum ergo in Marcomannos moueret Aurelius, Viennensem provinciam ingredienti occurrit Andeolus, ad cuius prædicationem vniuersa regionis multitudo conuenerat. Causam turbarum sciscitans Aurelius, perëgrinum quemdam de nouo Deo differentem, has turbas coëgisse accepit. Quem accedere iussum, de nomine, de patria, de vitæ instituto interrogat. Andeolus vocor, inquit ille, cum fratribus ad Christi religionem promulgandam ab Episcopo Polycarpo ex Oriente missus. Ingentibus promissis tentat Aurelius, & ad deorum religionem colendam hortatur. At ille præmia, & pœnas despiciens, caducarum rerum harum vile pondus, & æternarum pretium comparans, audacter precibus Imperatoris acquiescere recusat. Extenditur ad

trochleas, ac dum inter verbera, & spinosos vectes, implorato Christi auxilio, pro supplicis continuas illi gratias redderet, soluitur, & ad ulteriorem Rhodani ripam deductus, in obscura Martis templi crypta conclusus est. Ipsa nocte frequens fuit in carcere resurgentium beatarum mentium concursus; quæ Andeolum ad constantiam hortatæ, cum ipso laudes Christo concinentes, vulnera curarunt. Referentibus ista custodiis, ad Aurelium ductus, atque interrogatus, iterum à Polycarpo vna cum sociis ad prædicandum Euangelium se fuisse missum respondens, nouo supplicio additus est. Nam robore ad ensis formam dolato, in Crucis figuram caput illi diuiditur, & subplumbatum ad lapidem corpus cathenis alligatum in Rhodanum projicitur. Sed impellente Dei manu in ripam ejectum, cum per quinque dies expositum, Imperatoris metu à nemine terræ mandaretur. Concurrunt turbæ, illæsum, ac intactum per tot dies corpus admirabundæ, donec matrona, quædam Tullia in villam pergens, acceptâ à multitudine necis aduenæ causâ, clàm illud noctu cum domesticis Christianis subtrahens (in eo loco, quem Gentibus à prædicatione Andeoli gentibus ab ipso laudata, ab Imperatore derisa, dictum volunt) sepulturæ mandauit. Celebris fuit apud Viuarios Andeoli memoria, in Martyrolog. Calend. Maij, à quo & Burgum ad Rhodanum nomen accepit.

XIII. Inde Lugdunensium fines Aurelium ingredientem, in Christianos sæuisse probabile est. Cum enim in grauissimum longè bellum proficisceretur,

fuorum numinum contemptorum, & hostium sanguine, eorum opem, & auxilium querenda esse arbitrabatur. Verumtamen ad secundam in Gallias propter Sequanorū turbas profectiōē, Thyrsi & sociorum martyrium referendum est. Illorum acta, in extremis Gallia partibus agentem Aurelium Senonis edictum contra Christianos scripsisse referunt. Quo Lato, eadem in vrbe Senonensi Columba virgo extrema pati potuit; aiunt enim acta sub Aureliano ab Oriente in Gallias profecto Senonis passam, quæ & Aurelio à Parthico bello redeunti conveniunt. Atque illud quod inter blandientis Aurelij verba legitur, nimirum Columbam si Deos agnosceret, religionis suæ præmium Aureliani filij nuptias reportaturam, nullo modo ad Aureliam, cui vnica filia, sed ad Aurelium, & eius filium referri potest: Actorum tamen fidem sequuti, Columbæ martyrium ad Aureliani tempora remittimus, hocque Aurelij contra Christianos edictum Sequanorum turbis adscribimus.

XIV. Marcus Aurelius, circa annum Christi CLXXVIII. res in Sequanis turbatas censurâ, & autoritate repressit. Quos motus ob religionem excitos existimo, & in eos latum edictum Senonis, quod in actis Andochij, & Thyrsi legitur, Hi è domo cuiusdam Fœlicis Christiani extracti, redeunti Senonis Aurelio apud Sedelocum exhibentur. At postquam diù cruciati, minis, & præmijs frustra tentati, & crudelissimè cæsi Christum Deum confessi essent, ac in ignem projecti, & incolumes egressi, Au-

relio impietatem, & crudelitatem obieciſſent, capite plexi ſunt VIII. Calend. Octobris. Progrediente inde Auguſtodunum Aurelio, Fauſtus cum Symphoriano filio annum XV. agente noctu accurrit, & ſancta corpora ſepulturæ tradit.

XV. Aurelio Auguſtoduni agenti, Floccellus puer Chriſtianus exhibetur. Iam ille iubente Valeriano Præſide in equuleo ſuſpenſus, ad beſtias damnatus, necatis leonibus incolumis euaſerat. Cæcum, mutum, & ſurdum ſanitati reſtituerat, in rogam iniectus, extincto per imbrem repentinum igne, illæſus: quare illi quaſi maleficarum artium gnaro, lingua, manusque clavis confixæ ſunt. Tandem Imperatori oblatus, veſtibus ſuis ſpoliatur, lineam induitur, & extra ciuitatem ductus XV. Calend. Octobris capite plectitur. Hi paſſionum dies in Martyrologijs etiam notati, prius Auguſtoduni, quàm Sedeloci Aurelium fuiſſe demonſtrant, contra actorum fidem. Quorum authoritatem ſequentes, vel euntem Aurelium, & per Gallias tranſeuntem, aut alias redeuntem è Germania, in Floccellum ſæuiſſe ſcribere oportet. Nam martyrologia, & ipſius acta, ſub Antonino, & Valeriano Præſide paſſum ſcribunt, non ſub Aurelio. Verùm Aurelius, & Antoninus dictus, nec in Gallias uſquam Antoninus Pius veniſſe legitur, nec eius moribus hæc in Chriſtianos ſæuitia conuenit.

XVI. Auguſtoduno Diuionem caſtrum tendit Aurelius, ubi quo furore Chriſtianos perſecutus fuerit Benigni præſbyteri, & martyris acta declarant.

Illa non Aurelio, sed Aureliano Benigni martyrium
 mendosè adscribunt, vt suprà ostendimus. Cum au-
 tem per Gallias cæsis innumeris Christianis, Diui-
 onem castrum, tum primùm muris circumdatum per-
 uenisset Aurelius, & templorum loca designaret, de
 Christianis inquit. Terentius Comes Hierophan-
 tam quemdam, peregrino vestitu, & victu, multa
 prodigia patrantem, Deum aliquem nouum prædi-
 care refert. Repertus ille in villa, quæ Spaniacus, ad
 Imperatorem ducitur, se Benignum nomine, Chri-
 stianum, & Polycarpi discipulum fatetur. Non eius
 animum Imperatoris terreculamenta, non pollicita-
 tiones, mouere, sed inuictus Christi confessor hilari
 vultu verbera suffert: de sacrificatis gustare coactus,
 signo Crucis vasa confringit, Idola diruit, & Idolo-
 thytà in fumum, aëremque conuertit. Adplumban-
 tur pedes cippo, ignitæ, & acutissimæ subulæ digitis
 inferuntur, concluditur cum duodecim famelicis ca-
 nibus: At inuisente quotidie Angelo, & cœlestem
 panem ministrante, sexto die incolumis egreditur.
 Tandem damnante Imperatore, spiculis, & transfi-
 xo vecte ferreo illi contractum est caput. Discedente
 Diuione Aurelio, Leonilla martyris corpus aromati-
 bus conditum sepulturæ mandauit. Plura de mira-
 culis ad Benigni sepulchrum, & cippum, in quem
 eius pedes plumbo affixi fuerunt, editis, Gregorius
 Turonensis, qui ad Gregorium Episcopum Lingo-
 nensem Historiam passionis sancti Benigni ex Italia
 delatam fuisse scribit.

XVII. Hac eadem Aurelij persecutione, Terge-
 mini

mini fratres cæsi sunt. Cùm enim à Benigno Christi fidem accepissent, Nemesis simulachrum, & cuncta quæ domi colebant Deorum Idola euerterunt. Cuius rei fama per Lingonas delata, Iudicem & Sacerdotes in fratres excitat: Illi obiurganti populo Christum prædicant, Quadratus Speusippum, & Eleusippum pugno percutit. At Meleusippus: Cur, inquit, tanti beneficii participem cum fratribus me non fecisti? Quid vni mihi optabile martyrij nostri principium inuides? Vna nostrum confessio, vna sit etiam per eadem supplicia remuneratio. Interrogant Iudices, & constantissimos illos in confessione nullomodo mouentes, Leonillam auiam aduocant, quæ se ad illorum salutem pertinentia persuasuram pollicetur. Ingressa ad nepotes, de constanti eorum cõfessione exultans, inter gaudij lachrymas, & charitatis amplexus. Bono, inquit, animo charissimi nepotes, fide vestrà maiorum omnium gloriam superaturi. Illi pro momentaneis rebus vanitati, hominibus, dæmonibûsque militantes, in æterna supplicia sæculo excessere: Vos pro Christo Deo pugnantes confessione vestrà de hostibus triumphaturos, æterna corona, & immortalitas manent. Non hæc diuersa pœnarum genera, non illæ sæculi illecebræ animos moueant; breuia sunt, & si Deo placet, leuia quæcumque in corpus parantur, menti non nocitura: inania sunt, & fluxa, quæ in æternorum compensationem vobis apponuntur. Certiora igitur, & duratura eligite, inutilia, & caduca spernite. Cælestia repetite monita, & promissa, quibus misericors Deus

vos primum suos fecit, measque has lacrymas, mea vota, meamque pro salute, & religione sollicitudinem, meos hos canos, auiamque vestram ne spernite, néve desertione vestra priorem omnibus suppliciis mihi mortem inferte. Inter hæc amplexata nepotes Leonilla dimisit. At Iudices commotos auiæ autoritate Tergeminos existimantes, illos interrogant, & eandem fidem profitentes, arbori manibus, & pedibus ligatis suspendi iubent. Ipsi iam quasi in viam crucifixi Domini imaginem efformati, inter verbera exultant, & gratias Deo referunt. In ignem conijciuntur, exardet ignis, & lambit corpora, at non lædit, Christusque soluens vincula, deficiens illius fomes illæsos fratres destituit. Obstupescit populus, ipsique Iudices mirantur. Sed fratres, cum æternitatis momentum imminere præuiderent, & obuios angelos cernerent, genua flectunt, & delaturis in cœlos spiritibus animas reddunt. Tam illustri martyrio mota quædam mulier Iouilla, marito, & unico filio relicto, inter furentes Gentilium turbas veloci cursu progressa: *Et ego Christiana sum* exclamat, Christum colo, Deos vestros contemno, malos, & vanos dæmones assero, neque illis sacrifico. Corripitur illicò, & capillis suspensa, ad Deorum cultum verberibus compellitur: perstat tamen in confessione, & cum Leonilla Tergeminorum auiæ ad vicum Vrbatum, secundo ab vrbe Lingonica miliario, deducta, capite plectitur. Excipiebat hæc acta martyrum Neon, qui Iouillæ confessionem secutus, Turboni perficienda dedit. Horum omnium

Turbonis, Neonis, Iouillæ, Leonillæ, & Tergemini-
 norum memoria, eadem die decimaſeptima Ianua-
 rij celebratur. Acta ex illis antiquis deſcripſit Vvar-
 riharius iuſſu Cerannij Epifcopi Pariſienſis, qui
 martyrum acta Euſebij exemplo vndecumque col-
 ligebat. Cæterum ſub Aureliano Imperatore, Qua-
 drato, Palmato, & Hermogene Præſidibus hæc ac-
 cidiffe, illa teſtantur, ex iam ſuperius à nobis nota-
 tiſad Aurelij tempora referenda.

XVIII. Anno M. Aurelij Imperatoris XVII.
 Chriſti CLXXIX. magnis animis pro Chriſtiana
 religione in Gallia certatum eſt; adeò vt propter il-
 luſtris certaminis famam, tunc primum in Galliis vi-
 ſa martyria Seuerus Sulpitius ſcripſerit. Eius memo-
 ria, in Epistoſa Lugdunenſium, & Viennenſium
 Chriſtianorum ſcriptis mandata, ad nos uſque per-
 uenit. Tantorum autem patrum eloquentiam quis
 audeat imitari? Spirat adhuc in charta beatus marty-
 rum animus, & calet ſanguis pro nomine Chriſti ef-
 fuſus: viſa, tacta, tolerata loquuntur, ipſiſque verbis,
 vel quæ ex martyrum ore collegerunt, quibùſve illos
 ad ſupremam victoriam hortati ſunt. Ne tamen pro-
 poſitum mutafſe videamur, illa ad ſecundam partem
 ſepoſita, ſtylo, & more noſtro proſequamur.

XIX. Lugduni Munatij Planci Coloniae ad Rho-
 danum, Pothinus Epifcopus nonagenario maior,
 Chriſti fidem prædicabat. Cùm populo in adoran-
 dum illius nomen malè precante, loca publica, Bal-
 nea, ipſeque in publicum conſpectus, Magiſtratum
 edicto Chriſtianis interduntur. Tum plebs com-

mota, passim correptos ad tribunal raptat; de religione interrogatos, ac Christianos se profitentes in carcerem ad Præsidis aduentum Magistratus coniecit. Illi, ubi iam venerat, impietatis, & horrendorum criminum rei Christiani sistuntur, adstant accusatores, & testes. Tum serui ethnici vnà cum Dominis capti, tormentorum metu, in eos, ad liberaturi iudicis nutū & mentem, flagitiosa quæque fingentes; tum alij, qui Christianis quondam necessarij, nunc in illos à dæmone arrepti, antiqua familiaritate verbis suis fidem faciebant. Omnes Thyestes epulas, incestus Oedipodis, & alia nefanda scelera obiciunt. Ea omnia dum nullius sibi conscij Christiani negant, grauibus suppliciis à Præside damnantur. Non tulit iniustam sententiam Verius Epagathus, clarus genere, sed fide illustrior adolescens; at è turba prorumpens temerè aduersus innoxios latum iudicium, magis scuitiæ quàm æquitatis rationem habitam, accusatorum esse commenta quæcumque obiecta fuissent, nec victu horrendo, vel mixtione nefariâ vitam polluere, quam in omni temperantia degerent; audiri saltem reos, calumniatorum fabulas attentius perpendi; se veris rationibus, si venia daretur, illas diluturum, fratresque nullius criminis reos liquidò probaturum. Indignans ad hæc verba populus circumstrepit, & ipse Præses iuuenilem audaciam non tolerans, vt illum vnà cum clientibus pari crimine inuolueret, Christianus an esset interrogauit. Clarissima voce Epagathus, se hoc ipsum esse proclamat, quare in reorum numeros relatus, exinde Chri-

stianorum *Advocatus* appellatus est. Pluribus adolescentis constantia animos addidit, qui dehinc impavidi Christi nomen professi sunt. Atrocitas suppliciorum genera, parumque in fide mens constans ad Christianum nomen abnegandum decem fideles adegere. Ex quibus Biblis mulier, cum fide negatâ, horrenda in Christianos debacchata, Christianitatis absoluta, at tanquam eorum criminum rea, ad supplicium extremum duceretur. Resumptis cælesti virtute animis ipsos inter carnifices, pium scelus quo erat absoluta agnoscit, eaque propter quæ erat damnata pernegat, ac quasi futuri supplicij imagine in præsentem conspectâ, serio ad mentem rediens, calumnias suas retractat. Me miseram, inquit, quæ Christianæ innocentie conscia, præ tormentis, quæ non vito, futura non recogitans, tot calumnias effutii. Impudentem mulierem, quæ vno momento noxia, transactam per tot annos vitæ puritatem conscientie meæ obiiicio. An univर्सæ meæ vitæ, an vni, in quo nec perduro, momentaneo scelere credendum est? vnum, cumque verum Deum religiosissimè colunt Christiani, quos impietatis damnatis. Sobriam, & temperantem per omnia vitam degunt, quibus nefaria conuiuia obiiicitis; ac cum etiam animalium irrationalium sanguine abstineant, quis liberos eos vorare sibi persuadebit? Incestus quæ aduersus illos profertis, quorum magna pars cælebs, alia legitimas, nec consanguineas vxores per tempora non nouit? In eos tandem furere desinite, quos solum nostræ calumnie reos fecerunt. His dictis Chri-

sti martyr extremis tormentis, è calumniosissimo Christianissimum caput obiecit. Intereà perquisitus diu senex Pothinus, solo martyrii desiderio viuens, reliqua infirmus, suique impotens, à tumultuosa plebe comitantibus Magistratibus ad Præsidis tribunal deferitur. Hic totius impietatis author, Christi præsul, eiusque minister accusatur. A Præside de Deo, quem Christiani colerent, quisnam ille esset, interrogatus: Si tu dignus sis, inquit, cognosces. Non intellexit Præsides Episcopi responsum, quo non hominum verbis, aut opere, sed diuino lumine ab his quos eo dignos iudicasset Deus, ipsum agnosci demonstrauerat. Sed breui, & contumelioso responso contemptam maiestatem suam, diris in Pothinum pœnis vindicauit, quibus ille post biduum in carcere Deo animam reddidit.

XX. Pastorem suum ubi Christiani præeuntem videre, vestigia eius quisque insequi, elato animo tanti viri testimonio, Christi nomen profiteri. Inde in plures Christianos sæuitum: quos inter Sanctus Diaconus Viennensis, Maturus Neophytus, Blandina ancilla, & hera eius, sæpè feris obiecti, candentibus cathedris impositi, & nouo pœnarum genere cruciati, Christo testimonium perhibuerunt. Ex his Sanctus, de patria, de genere, de nomine interrogatus, ad singula Christianum se esse respondet. Ac cum infixis per membra ignitis verubus, & candentibus laminis æneis, totum eius corpus combustum, & in rugas contractum, ipsam corporis formam amisisset: paucis ab hinc diebus iterum tormentis applici-

tum, cum ne manus quidem tractationem pateretur, priorem formam ultra spem innouatam recepit. Blandina verò, lassatis, nondum satiatis constantiæ suæ tortoribus, ea sola corporis parte qua libera erat, non seruili, sed ingenuo animo, Christiana sum, & nihil apud nos admittitur sceleris, exclamat. Eorum alter Attalus, Pergamenus genere, Gallicanæ Ecclesiæ columna, & firmamentum, cum à tumultuosa multitudine iterum ad supplicium peteretur, per Amphitheatrum circumducitur, præcedente eum tabula, cui inscriptum, *Hic est Attalus Christianus*. Insultat populus, ad hanc præstitutam diem, cum sociis qui iam agonem impleuerant, ad bestias damnatum postulat. Et iam tradebatur, nisi Præses eum Romanum esse edoctus, iniussu Imperatoris de ciuis capite nolens decernere, in carcerem retrudi mandasset. Relatione ad Imperatorem missa, induciæ Christianis datæ videntur; quibus martyres in carcere detenti, reconciliandis Ecclesiæ lapsis operam nauarunt. Plurimum eam ad rem eorum intercessio poterat, quæ effuso in testimonium fidei sanguine adhuc cruenta, Ecclesiæ oblata, quò animo reijci potuisset? Laudanda eò magis illorum deprecatio, quò de suo testimonio non elati in ignauos, sed debilibus compatientes, illos sacris altaribus reconciliari postulabant, quos alij martyres, plerumque tanquam molles, & turpiter lapsos à sua communione expulerunt. Iuuit maximè Gallorum martyrum studium, deploranda etiam apud Gentiles, lapsorum conditio. Hi enim viles fidei suæ desertores, vt ho-

micidæ, & eorum omnium, quæ de Christianis fingebantur, scelerum rei, Gentilibus odio, & contemptui in carceribus detinentur. Præterea crimine illaudato, martyrum testimonio à Christianis culto, constantiâ ab Ethnicis prædicatâ, ac quod maximum, mente culpæ consciâ, & spe futurorum destitutâ, facile in gratiam vocantis Ecclesiæ rediere. Hilari vultu reuersos transfugas martyres excipiunt, & congregatâ in vnum Ecclesiâ, quæ illorum lapsu diuisa fuerat, intercessionibus suis pacem præstitere. Tantum in eorum mentibus Christianæ charitatis desiderium infederat: qui ne claro & familiari martyrum nomine lapsis errorem viderentur exprobare, illud quasi vanum, solo confessorum accepto, repulerunt. Adijcientes, hos demum martyres verè nominari, quorum certum, & non mutandum fidei testimonium, mortis præsentis, & æternæ vitæ sigillo Christus obsignasset. Eodem tempore Alcibiades martyr, quasi creaturis Dei uti nollet, ex diutino viuendi instituto in carcere solo pane, & aquâ victitabat, quamobrem cum inclusis vnâ fratribus, qui communibus cibis vescerentur, vitæ austerioris exemplo offensus esset, & hæretico spiritu quarundam rerum, ut malarum esum improbare videretur, seriò ab Attalo monitus, communem fratrum viuendi modum amplexatus est.

XXI. Dum errantes colligunt martyres, & Christo, & Ecclesiæ secundò parturiunt; relationi Præsidis Imperator rescribit. Eos qui Christum profiterentur fustibus cæcos extrema pati, qui verò abne-

garent,

garent, in principio mercatus dimitti debere: temporis scilicet rationem habens; ut multitudo, quæ ad nobilissimum Lugdunensium mercatum ex orbe toto confluebat, cum explodendæ Christianæ religionis exemplum, horum transfugio, aliorum suppliciiis, tum nefaria, & horrenda sectæ crimina audiens, concitatum in eam odium, in patriam reportaret. Iamque aderat mercatus dies, pompâ, & ludis celebris, ut ad confluentium utilitatem voluptas accederet: cum martyres ad tribunal adductos, iterumque interrogatos, Romanos quidem securi plecti, reliquos bestiis obici Præses decernit. Ac dum illi, qui iam pridem pudendum Christiano nomini repudium miserant, in pompam, ostentationem, & sectæ ludibrium exhibendi, denuò interrogantur, maxima pars, quæ se iterum in Christi castra receperat, à priori calumnia desistit, desertionem suam damnat, & se è Christi ordinibus proficitur. In hos dum quæstio habetur, Alexander genere Phryx, arte medicus, multis ab hinc annis ob Christi prædicationem Galliæ cognitus, vnumquemque ad sacræ fidei confessionem, nutu, & signis hortatur. Quod deprehendens multitudo, quæ circumstabat, tanta Christianorum mutatione attonita, & indignans, Alexandrum totius rei authorem perit. Is testimonij occasionem arripiens, interroganti Præsidi se Christianum esse respondet, & audaci prouocatione ad bestias damnationem elicit. Huic postridie iunctus Attalus, quem suæ sententiæ parum tenax Præses in populi gratiam denuò bestiis obiectabat, Amphi-

theatrum ingreditur, noua pœnarum genera passurus. Atque vbi in candenti cathedra sedens, propriæ carnis nidorem olfacit. Ecce, inquit, ad multitudinem conuersus, humanas epulas, quas vestra sæuitia parat: antehac incognita scelera, nobis pudenda, nobis fœlicia, quæ summi Dei fideles testes nos exhibent. Rogatur de Dei nomine; illum non hominum more nomen habere respondit. Ille enim extrâ quem nihil, in quo omnia, quo ab alio distinguitur nomine non eget. Paribus addictus supplicij Alexander, totus Christo inhærens, dum nec suspirium dolori permittit, vnâ cum Attalo gladio vitam finit. Extremum solemnem diem claudit Blandina, quæ præmissa cum aliis martyribus adolescente Pontico, post cruces, bestiarum morsus, taurorum ictus, tandem ense jugulata est. Hic fuit nobilissimi certaminis exitus, quo alij carceris pedore, alij ipsa inter tormenta, ad quadraginta octo necati sunt. Sacra corpora canum laniatibus exposita, eorumque membra à bestiarum immanitate reliqua, etiam frustula minutatim incisa, & vstulata, ne à Christianis humarentur, continuis militum custodiis seruata sunt: nec preces, neque ipsa pecunia redimendis sacris corporibus vltra modum oblata, crudeles animos flexere: dum Ethnica multitudo, cadaueribus illudens, Deorum virtutem, Christianorum victri-
cem proclamaret. At tandem sexto die longioris cussis disceptati, cuncta, quæ ex corporibus supererant, comburunt, & collectos cineres in Rhodanum mittunt: Eo consilio, vt eorum resurrectio, cuius certa

spes inter supplicia animos addebat, nouamque augebat religionem, impediretur, nescij Deum qui cuncta creasset, minima quæque recolligendi modum optimè nouisse.

XXII. Plura de hoc insigni pro Christo Gallorum certamine Lugdunenses epistolâ suâ complexi fuerant, e qua superiora ad vniuersâ historia Ecclesiastica lucem Eusebius delibauit. Illam in composito de martyribus syntagmate omninò integram descripserat, ad quam eos remittit, qui martyrum, partim capite obtruncato, partim bestiarum feritate, partim ergastuli fœtore, vitam, & testimonium Christo reddentium numerum, & nomen cognoscere desiderant; etenim illa tum Martyrum catalogum, tum Confessorum, qui tantæ persecutioni fuere superstites, numerum pandebat. At cum Eusebii liber perierit, ad Gregorium Turonensem recurrendum est, quem ipsam Epistolam legisse, & ex ea nomina martyrum descripsisse, ab eoque hausisse Adonem in martyrologio mihi facilè persuaserim. Scriptoris tamen manus quibusdam mendis aspersit martyrum nomina, quæ eam ob rationem diuersa sunt apud Gregorium, & Adonem. Porro vterque quadraginta octo passos scribit, at Gregorius tantum quadraginta quinque nomina refert. Illa itaque ex Adone, & Gregorio, alterum, ex altero corrigentes, describamus. Vettius, Epagathus, Zacharias, Macharius, Alcibiades, Siluius, Primus, Albina, Grata, Rogata, Æmilia, Potamia, siue Posthumia, Pompeia, Rhodone vel Rhodana, Biblis, Quarta, vel Quartia, Materna,

Elpenipsa, Stamnas; ex his duabus vnam solum facit Ado, Helves quæ & Amnas, rectius ut existimo, scriptum enim erat, Helves ipsa est Amnas, apud Gregorium. Atque hæc sunt eorum nomina in quos ferro animaduersum est. Bestiis autem traditi sunt, Sanctus, Maturus, Alexander, Attalus, Ponticus, & Blandina. Hi verò in carcere spiritum reddiderunt, Pothinus Episcopus, Aristeus vel Arescius, Cornelius, Zozimus, Titus, Iulius, Zoticus, Apollonius, Geminianus, Iulia aliàs Iulias, Aufonia, Æmilia, Gamnite vel Iamnica, Pompeia, Alumna vel Domna, Iusta, Trofima vel Trifime, Antonia. Horum corporibus exustis, & cineribus in Rhodanum jactis, propter disperditas beatorum martyrum reliquias ingenti mœrore Christiani affecti sunt. Eo tamen in loco, in quo combusta fuerant, cum sacras excubias, & vigilias agerent, apparuere martyres integri, & illasi, ac neminem periisse attestati, reliquias colligi iubent. Lætum accepere nuncium reliqui Christiani, & recollectos sacros cineres, sub altari Basilicæ, quam dedicarunt Apostolorum Principibus, summo cultu condidere. Huius diei, quam miraculorum appellant, memoriam quorannis posteri per discesum Rhodani cum hymnis, canticis, & missarum solemnibus celebrarunt. Locus tanti certaminis Athanacum dicitur, Abbatia sæculis posterioribus insignis, à quo Athanacenses martyres dicuntur, testimonio suo, & suppliciis celebres, & miraculis clari, quæ ad eorum sanctos cineres sæpissimè edita sunt, antiquioribus etiam patribus, ut Augustino cognita.

XXIII. Quinquaginta Christianos hac Lugdunensis plebis persecutione in carcerem trufos acta S. Marcelli Cabillonensis testantur, ex quo numero quadraginta octo tantum extrema passis, Marcellum, & Valerianum superstites fuisse volunt. Hi patefactis carceribus, secundum vocem Domini ad aliam ciuitatem persecutionis causa progressi sunt. Marcellus Sequanos ingressus, apud Latinum quemdam diuertit, qui cum Martis equestris, Mercurij, & Mineræ simulachra in atrio collocata cultu superstizioso veneraretur, ea manuum hominis opera sensu carentia, & vnum verum Deum intelligens, vnà cum familia Christo credidit. Cum autem, vt habent acta Marcelli, non irritò labore aliquandiu illic Marcellus egisset, audit feruere locis omnibus persecutionis procellam. Tunc Cabillonensem viam carpens in Præsidem Priscum solemnia epularum cum apparatu prophani sacrificij numinibus suis immolantem incurrit, & ab illo hospitalitatis studio ad conuiuium inuitatur. Sed sanctus Dei martyr ab illis epulis abhorrens, conuiuas obiurgandos potius censuit, quàm inuitandos. Ea verò reprehensione, vt Christianum se esse declarauit, omnium ea sententia fuit, nouis cum suppliciis excrucians, & ad arboris ramos naturâ diffusos toto corpore duris restibus alligandum; atque ita vi adductis ramis, & postea laxatis, membris omnibus discerpendum. Sed sancto martyre fidei constantiâ in confessionis suæ proposito constanter perdurante, cruento persecutori, nequissimæ crudelitatis consilio, illud atrocius visum

est, ut sub populi conspectu diuersis pœnarum generibus conficeretur. Iubet eum itaque ad Saturni statuum duci, quæ Araris ripæ imminabat, & ad Solis simulachrum, quod ab alia fluminis parte colebatur, quibus si nolit sacrificium offerre, gladio caput eius amputari: At fides martyris cælesti virtute confirmata, frangi non potuit. Sic verò quoties esset interrogatus, respondit. Quisquis Deum viuum totis animi viribus, & perfectâ cordis fide complexus est, insensibilibus Idolis numquam sacrificabit; quæ cum sint ex aëre, & saxis confecta, nefas planè est, animam cœlitus datam, vitæ suæ authore neglecto, ea colere, quod quidem diabolus in humani generis certissimam peniuiem hortatur: se verò numquam eò adductum iri, ut tam prophanis sacrificiis contaminetur, ut potè qui Christo quotidie hostiam sinceram offerat; potius verò præcedentium exempla sequiturum, cum quibus æternæ beatitudinis præmium expectet. Cernens Præses nec minas, nec supplicia reformidantem, furentis iracundiæ stimulis incitatus, inaudito crudelitatis genere, defodi eum iugulo tenus, & rectum stare iubet, ut sepultura viuo esset ad pœnam, quæ vitâ functis impenditur ad requiem. Atque in hunc modum inuictus Dei martyr secundò Cabillione milliario viuens in Christo sepelitur, & in tertium diem in Dei amore, & laudibus perseverans, impollutum Domino reddidit spiritum: sancti corporis exuias nobis ad patrocinium derelinquens.

XXIV. Marcello è viuus sublato, Priscum Lug-

dunum properantem, in Valerianum Marcelli socium animaduertisse referunt acta *manuscripta* eiusdem Valeriani. Hic enim Sequanos ingressus Trinorchij ad Ararim confederat; eum Gentilium multitudo, acceptâ Marcelli nece, Præsidi defert. Perquiritur, & Crucis signo, quod in cellula habebat, & fronti ipse infigebat, agnitus; & ad Præsidem deductus sacrificia repudiat, & postquam stipiti appensus ungulis ferreis diù multumque fuisset laniatus, gladio vitam posuit.

XXV. Eadem Aurelij persecutione Alexander, & Epipodius ab Lugdunensi calamitate profugi, passi sunt. Alexandrum Græcum, & Epipodium Lugdunensem acta scribunt. Alius tamen est hic Alexander, ab illo, qui Phryx natione Lugduni capite plexus est, ut suprà ex Epistola Lugdunensi narrauimus. Hi ergo Alexander, & Epipodius in vico, qui propter Ancisam petram situs est, Christianæ viduæ fidei commissi, sub eius humili tugurio latebant. Instat persecutor, & sagaci perquisitione repertos, latebris eruit; Ac cum violentâ manu Epipodius traheretur, hæsit pes limini, sed calceo relicto eripitur. Hunc mulier miraculis post mortem celebris, tanquam pretiosum martyris legatum recepit. Captos interrogat Præsides, & postquam Christianam religionem animo constanti profitentes audit, remoto Alexandro, Epipodium blanditiis tentat, tanquam ætatis imbecillitate ab insidiis minùs securum. At dum ille constanti animo vanæ superstitionis turpitudinem Præsidi obiiceret, & inanium Deorum impotentiam

exprobraret, accenditur irâ Præses, & aureum os Epipodij, sacra eloquentiæ sedem, pugnorum ictibus cædi iubet. Illato dolore constantior Epipodius, perfusus cruore dentibus, Christum, inquit, Deum confiteor, precariam ab illo recepi animam, lubens illi restituam; ille qui dedit, & redemit illam, recipiat; non enim perit, quæ in suum principium redit: caducum est quidquid amittitur; vita ipsa, quæ perdi videtur, in melius mutatur, non tollitur. Rumpit hæc verba, Præsidis furor, & equuleo suspensus Christi confessor, à lictoribus circumstantibus impresso vngularum ferro latera proscinditur. Durat tamen Epipodij constantia, in quam multitudo indignans, aut saxis obrui, aut membratim discindi, aut crudelissimæ neci dedi tumultuatim rabido clamore postulat. Ad has furoris voces metuit Præses, ne per seditionem turbatâ iudicij maiestate, ordini legum reus eriperetur, turbæ subductum Epipodium, extra tribunal capite plecti iubet.

XXVI. Interempto Epipodio, ut spatium multitudinis furori daretur, comprehendatur est Alexandri examen; quem elapso die ad Præsidentem deductum, ac eius illecebris tentatum fuisse acta memorant. Quos in futuræ necis certitudinem socios Christianos variis suppliciis afflictos Præses demonstrabat, Alexander in constantiæ exemplum assumens, diu crudelissimè cæditur, ac, ne pœnarum numero victoriam suam æstimans certaminis longitudine delectaretur, celerrimam mortem Præses intentat, & damnat

damnat ad Crucem. Ille simillimam Christo mortem amplectens, soluto iam verberibus corpore, solutari signo munitus, animam efflauit. **XXVII.** Hanc Aurelij postremam persecutionem, primum populi seditione coortam, postmodum Imperatoris rescriptis decretam fuisse constat ex Epistola Lugdunensium. Edicti contra Christianos verba, referunt acta Symphoriani elegantiori stylo conscripta; cuius hac ipsa Aurelij persecutione martyrium celebre fuit. Non enim ad Aureliani tempora peruenire potuit, qui a Benigno baptizatus est. Natus autem erat annos tres Symphorianus dum baptismi gratiam accepit, & quantum decimum agebat cum patre Fausto Benigno martyri iusta persoluens: ac tandem anno vicesimo pro Christi fide passus est, ut ex actis illorum martyrum patet. Itaque Benigno anno Christi **CLXXVIII.** ab Aurelio damnato, Symphorianum demum anno Christi **CLXXXIII.** occubuisse oportet. Ille cum Berecynthiæ statuat solemnem pompam per Augustodunensem urbem Gentilium turbam plaudente delatam adorare hollet, Heraclio consulari sistitur. Interrogat Iudex, Christianum agnoscit, & officio respondente, nobili familia natum. Legitur Imperatoris edictum sacrificare renuentes Christianos, quia legum præcepta violant, extremis suppliciis addicendos. Contemptæ diuinitatis, & maiestatis Imperatoris reus Symphorianus cæditur: ac cum Deorum vana figmenta, & inania nomina explicaret, sententiam mortis Heraclius tulit. Eductur ex urbe,

& mater è muro filio acclamat: Nate, mi nate; plus morte timendum, plus omnibus optandum Deum præ oculis habe. En vt ille certamini tuo gloriæ coronam impositurus, te cum angelis expectat. Perge audacter, & breui triumphaturus imbellem hunc inimicum cum Christi gratia expugna. Matris verbis accensus Symphorianus militi caput obtulit; extemplo pro Christi fide abscissum.

XXVII. Plures alios hæc tempeſtas ſub Aurelio in Gallis excitata, in portum ſalutis ſecundo martyrio detulit. Veneranda ſub Aſclepiade Præſide, Seuerinus, Exuperius, & Fœlicianus Viennæ, atque alibi multi, qui ſub Aureliano, vel Seuerò, vel Antonino paſſi vulgò dicuntur, vt iam ſupra notauimus, & ſuis locis inferius proſequemur, cùm ad eorum Imperatorum tempora peruenerimus. Modò ad Lugdunenſium, & Irenæi, qui in Eccleſiæ Gallicanæ decus tantæ cladi ſuperfuit, reſgeſtas redeamus.

XXIX. Paulo ante hos annos Monranus genere Phryx, malo ſpiritu arreptus, cœpit ſublimia, & Chriſtianæ humilitati, inſolita verba loqui, arcana animorum pandere, peccata cuique palàm obiicere, & futura prædicere. Deluſit plurimos ars diaboli, quæ ſimularis religionis virtutibus inſtructa, maiorem per Aſiæ partem colebatur. Ille temperantiam probans, caſtitem laudans, frequentia ieiunia indicens, & ſe promiſſum à Chriſto ſpiritum liberalius accepiſſe jactans, prophétiam ſuam plerique perſuaserat. Eapropter Aduocatus, & Paracletus appellatus, Maximilla, & Priſcâ mulieribus, actis eodem

spiritu, in consortium adscitis, cunctam Asiam in factiones diuisit. Iam ipse Romanus Pontifex Eleutherus, de fuco nihil cogitans, ex more pacis literis in Asiam missis, Pseudo-prophetis communicaturus, ostium Ecclesiæ inscius hæreticis pandebat; nisi à Praxe de dolo, & mendacio monitus, illas reuocasset. Torquebat plurimum Gallicanam Ecclesiam affinis Asiaticæ tumultus, quem ut pro viribus compesceret, coactis in vnum fidelibus, prudens, & rectum de Pseudo-prophetis iudicium tulit. Iam antea de Montano sententiam tulisse patres Gallicanos, inuere videtur Eusebius, qui illos iudicium iterum dedisse scribit. Quale autem fuerit, coniecturâ possumus assequi ex eius verbis, qui ἰδιαι χρίσιν διδάσκει, καὶ ὁποῖο δόξαν ἔχει appellat, id est non priuatum, vt vertunt, sed Gallorum proprium, & eorum modestiæ singulare, & prudens, rectæque fidei maximè conueniens. Damnaſſe itaque credo Montani ludibria, eapropter Orthodoxū dictum, non tamen Asiaticos ab vnitae Ecclesiæ abscidisse, & à sua communione remouisse. Hoc enim in fulmine Ecclesiastico vibrando, valdè moderatos fuisse Gallicanos Episcopos, cū ex hac, tum ex Paschatis disputatione constat. Potius Asiaticos sibi fidei consanguinitate coniunctos, ad pacem, & vnitatem hortati sunt. Prudens ergo iudicium, quod non temerè Ecclesias Montani præstigiis delusas à communione abscindens, discussis, & damnatis Pseudo-prophetiæ erroribus Ecclesiæ pacem intulit: Eò tamen magis venerandum, quò pluriū martyrum cruento testimo-

nō confignatum erat. Hi dum adhuc essent in vinculis, fratribus, qui in Asia, & Phrygia, & Eleuthero Romano Episcopo literas scripserant, quibus ad pacem, & concordiam in Ecclesia stabiliendam hortabantur. Quæ autem concordia rescatis à communione Ecclesiis constitui poterat? Hoc Gallicani Concilij decretum, & illas martyrum Epistolas, Irenæus presbyter Lugdunensis ad Eleutherum Episcopum Legatus detulit. Ille tum ut rerum in Galliæ gestarum certiorum Eleutherum redderet, tum ut turbatam Montani dogmate pacem Ecclesiæ componeret, Romam mittebatur. In hanc enim rem martyres, inter cruciatus, & supplicia, ad Romanum Episcopum scripserant, cuius maximam in rebus Ecclesiasticis auctoritatem agnoscebant. Irenæum ergo Gallicani patres delegant, & prisco Ecclesiæ more, suis literis, ab eius communione, & presbyterij gradu commendant. Illas retulit Eusebius libro quinto.

XXX. Ob varias autem quæstiones, missum ad Eleutherum à Gallis Irenæum, scribit Hieronymus: & certè dignam tanto viro fuisse Legationem oportuit. Non diu illum Romæ egisse constat ex Eusebio, qui anno sequenti eum in sedem Pothini substitutum fuisse refert; ac vix in Asiā transire potuisse, ut illi existimant, qui scriptam ad Phrygas, & Asiaticos Epistolam eum detulisse volunt. Cæterum Romæ agens, de Florini & Blasti hæresibus certior factus, in Gallias reuersus contra eos scripsit libros in modum Epistolarum: ad Blastum vnam, quam inscripsit de

schismate; alteram ad Florinum de monarchia, siue quòd Deus non sit fabricator malorum; nam Florinus contrariam illi sententiam videbatur acriter propugnare. Cuius etiam causâ, quandoquidem in errorem Valentinianum lapsus fuerat, librum de Ogdoade scripsit. Quia verò in his libris Irenæus institutionis suæ rationem reddit, ex Eusebio epistolæ ad Florinum partem hanc inferere visum est.

XXXI. Ista dogmata Florinè, vt tecum agam humaniùs, sanæ doctrinæ, & sententiæ non sunt. Ista dogmata sunt Ecclesiæ repugnantia, vt-pote, quæ eos, qui illis obsequuntur, in maximam impietatem deiiciant. Ista dogmata, ne hæretici quidem, qui erant extra Ecclesiam, vniquam affirmare audebant. Ista dogmata, præbyteri, qui ante nos fuerunt, quique erant ipsorum Apostolorum discipuli, minimè tibi tradiderunt. Vidi enim te cum adhuc puer essem, in inferiori Asia apud Polycarpum, cum & in aula Imperatoris splendide vitam degebas, & sedulo te Polycarpo probare nitebaris. Nam ea, quæ tunc gerebantur (cognitio enim quam à pueris combibimus vnà cum ætate accrescit simul, & quasi vinculo cum ipso animo penitus copulatur,) multò firmitus in memoria insident, quàm quæ nuper præterierunt: adeò vt locum in quo sedebat beatus Polycarpus cum dissereret, illius eò aduentum, & introitum, formam, & modum vitæ, corporis effi-

„giem , disceptationes , ac sermones , quos apud
„multitudinem habebat , & vt necessitudinem ,
„ac vitæ vsum cum Ioanne , & reliquis , qui
„ipsum Dominum vidissent , se habuisse narra-
„ret , & quo pacto memoraret eorum sermones .
„Quin etiam quænam ab illis de Domino audi-
„uisset , quomodo de miraculis eius , ac de virtu-
„tibus , & de doctrina , denique sicut ab illis ,
„qui fuissent suis oculis verbum vitæ conspicati ,
„omnia scripturis verè consentientia narraret ,
„videar mihi posse ritè perconsulere . Hæc eo tem-
„pore per Dei misericordiam , quam erga me
„ostendebat , studiosè , & attentè audiebam , at-
„que non chartæ , & literis , sed interiori mentis
„cogitationi mandabam , & perpetuò Dei iuuan-
„te gratia ingenuè , & exquisitè recordatione re-
„nouo . Atque coram iam certè Deum contesta-
„ri possum , illum beatum , & Apostolicum pre-
„sbyterum Polycarpum , si eiusmodi dogmata
„fortè audiisset , continuò exclamaturum , & au-
„res obturaturum , ac de more suo dicturum
„fuisse . O bone Deus , in quæ me tempora re-
„seruasti , vt ista patiar , atque ex eo loco , quo vel
„sedens , vel stans ea audiisset , extemplò planè au-
„fugiturum .

Talis fuit Irenæi apud Polycarpum senem institu-
tio , talis doctrina , post hac ex Galliis in totum or-
bem diffusa . Eius reliquas res gestas sequenti libro
prosequemur .



ECCLÉSIAE GALLICANÆ HISTORIARVM.

LIBER TERTIVS.

I. **A**NNO Christi CLXXX. reuersus à legatione Romana Irenæus, in vacuam Pothini cathedram eligitur. Eius Episcopatus annum circiter decimum quartum, Eleuthero Romano successit Victor, cuius zelo propè factum erat vt inconsutilis Christi tunica discinderetur, nisi consiliis suis Irenæus vnitatem solidasset. Vetus erat de Pascharis Dominici celebratione quæstio, ea ab Episcopis Asiæ iam pridem mota, sub Aniceto Romano Episcopo solui non potuerat. Venerat Romanam Polycarpus, qui priscum decimo quarto lunæ die, quo Iudæis olim præceptum, Pascha Dominicum celebrandi morem, ab Apostolo Ioanne ad sua

tempora perseverantem docebat. Contrariam consuetudinem adstruebat Anicetus, cum vniuersa Ecclesia, die solum Dominica Christi Paschatis memoriam recolendam; at cum neuter alteri suum institutum persuaderet, firmata inter ambo pace, Polycarpus in Asiam rediit. Eleuthero sedente, Montanus Pseudo-propheta Pascha Asiaticum obseruat, quare retractata vetus est quaestio. Tunc autem primum post Anicetum de Paschate actum conijcio, ex eo quod Irenaeus ab Aniceto ad Sotherum Asiaticis pacem cum Romanis fuisse scribit, de Eleuthero tacens, qui sine dubio propter Pseudo-prophetiam ab eorum communione abstinuit, & Paschatis obseruationem decima quartâ lunâ damnauit: Nam Beda de Paschate decretum illum tulisse refert, & Ado in Chronico scribit. *Victor decimus tertius Roma Episcopus, datis latè libellis constituit, Pascha die Dominico celebrari, sicut & condecessor eius Eleutherus, à decima quarta luna primi mensis vsque in vicesimam primam.* At Victore succedente Eleuthero, dum Asiatici duce Polycrate Ephesino priscum decimæ quartæ lunæ morem repeterent, vt tandem ea controuersia sopiretur, synodi ab Episcopis vbique terrarum indicuntur: Palestinae Theophilus Caesariensis, & Narcissus Ierosolymitanus: Ponticae, Palmas: Corinthiaca, Bacchilus: Romanae, Victor: Gallicanae, Irenaeus: Alexandrinae, Osroënae, & alijs, alii praesiderunt. Agitata quaestio, communi calculo hunc finem sortitur: Pascha Dominicum ex institutione maiorum die Dominica, qua Christus resurrexisset, esse celebrandum. Decretum

tum quæque Synodus circularibus literis ad singulas prouincias mittit, vt vna esset orbis vniuersi sententia. Fertur Victoris ad Desiderium Viennensem epistola, quâ, repetitâ veteri consuetudine quam Desiderium à presbyteris, qui Apostolos viderant, ait accepisse, à decima quinta luna, ad vicefimam primam Pascha esse celebrandum probat.

II. Hunc autem Desiderium inter suos Episcopos non describunt certiores tabulæ Viennensis Ecclesiæ, neque ipse Ado, qui Dionysium tantum agnoscit sub Imperio Commodi, Pertinacis, Iuliani, & Seueri, eumque discipulorum Christi auditorem eruditissimum scribit : quæ verba fortè authorem huius Epistolæ cò impegerunt, vt Desiderium discipulos Apostolorum audiisse dixerit. Hanc porrò Epistolam scripsisse nobis aliundè non constat, quàm ex fide eius, qui in sua bibliotheca plerisque incertæ fidei actis refertâ primus edidit. Siquidem Victor suam de Paschate sententiam per Gallias promulgaturus, cur ad hunc Desiderium, aut Dionysium, per quem reliquis fratribus innotesceret, potiùs quàm ad Irenæum scripserit, non video. Irenæus enim æquè, ac Desiderius Apostolorum discipulos audierat, iam ante sub Eleuthero Romanæ Ecclesiæ notus, scriptis celebris, sua legatione illustris, Ecclesiam proximâ persecutione claram administrans, tantæque vir auctoritatis, vt ab Eusebio Galliarum Ecclesias rexisse dicatur. Ipse etiam solus vniuersæ Ecclesiæ Gallicanæ nomine, ad Victorem scripsit, à quo sine dubio literas per eum fratribus Gallicanis (quod hæc Epistola

Desiderium facere imperat) innotescendas acceperat.

III. Itaque scribente Victore conueniunt Galliani patres, quo loci non liquet, solum nomen Irenæi, qui tunc Gallias regebat, vnâ cum decreto secundum Victoris sententiam lato, ad nos historia transmisit. Futurum maximi ponderis Gallicanæ Ecclesiæ iudicium erat, quæ à Polycarpo contrariæ sententiæ assertore instaurata, eius discipulos Episcopos habebat. Ait tamen Beda in libro de Æquinoctio Vernali, qualecumque illud sit Concilium Theophili Cæsariensis referens, Gallos, in quamcumque diem octauus Calendarum Aprilium incidisset, Pascha celebrasse. Verum quis illi contrariam Gallicano decreto opinionem sine authore vindicanti, fidem adhibebit?

IV. Hac communi de Paschate sententiâ, Ecclesiæ inuicem coalescere, & communionem dissidiis dissipatam refarcire videbantur: Nisi vnus Polycrates in contrario decessorum more perseuerasset. Quem Victor suarum partium existimans, vniuersæ Ecclesiæ sententiæ refragantem compescere, atque Catholicam vnitatem, quæ è sua cathedra effluxa in ipsam refluere, solidam, & benè compactam seruare. Polycratem literis monet; ne animi sui sensa tanti æstimare velit, vt totius orbis iudicium respuat; ne à communi sententia desciscens, se à communionem Catholica separet. Vno spiritu ducta vniuersa Ecclesia, in vnâ mentem concurrit, nec patitur mores diuersos, quæ vna sit. An non tu alios obseruans, aliâ

statuis, & à communione nostra imprudenter te subducis? Num tibi vni ex tot millibus vera sententia credita est, & totum orbem aberrare contigit, te vno rectam viam ingresso. Auertat Deus ab Ecclesia sua tantum facinus: quin tu potiùs aliorum fratrum exemplo, vicinos Episcopos conuoca, vt eorum consilio, si fortè vniuersæ Ecclesiæ charitati, nostrisque monitis nihil dederis, ad meliorem mentem redeas. Ad eam te, frater, hortamur, non ampliùs in communionem Ecclesiæ, ni vnà cum ea sentias, recepturi. Perculere Polycratem tanti Episcopi verba, & pertinacem suæ traditionis obseruatorem vix ad vocandum Cōciliū cōgeregere. Pendebat dubius animo iram inter, & conscientiam: ac tandem ne inter tot Ecclesiæ vniuersæ synodos, ipsasque post Victoris minas, & circulares Ecclesiarum diuersarum literas, mala conscientia incertum synodi euentum metuere, néve solus id vnū sentire videretur, totius Asiæ, & vicinarum prouinciarum Episcopos conuocat, & ex eorum sententia iuxta priscum Asiæ morem, die decimaquartâ lunæ Pascha esse celebrandum decernit. Hac de re epistolam ad Victorem, & Ecclesiam Romanam scripsit; nam aliquoties ad Episcopum, & Clerum Romanum, vel eius Archidiaconum literæ inscribebantur. Ita accipienda est inscriptio Epistolæ Constantini Miltiadi, & Marco apud Eusebium: Marco nempe Romani Cleri primo, qui post Siluestrum Miltiadi successit; qui mos ad sequiora tempora durauit, vt patet ex Epistolis Petri Damiani, Papæ, & Ildebrando Archidiacono scribentis; primos quoque Romanos

Episcopos, non tam suo, quàm Ecclesiæ Romanæ nomine ad alias Ecclesias scripsisse testis est illa antiquissima Clementis Epistola, quæ post tot sæcula primam nuper lucem vidit. Hac Epistolâ Polycrates, se vnâ cum collegis traditum morem constâter obseruaturum profiteretur. Nam illa fuit, inquit, cùm Philippi Diaconi, Ioannis Euangelistæ, Thraseæ, Sagaris, Polycarpi, & aliorum, qui per Asiam Christi fidem nunciarunt, tum septem decessorum Episcoporum, qui mihi cognatione coniuncti fuerunt, perpetua obseruatio. Hanc ego ab illis acceptam, per longam ætatem seruauì, cuius ad annum quintum supra sexagesimum iam perductæ beneficio datum est, quid probare debeam nouisse. Sacra Scriptura, quam vniuersam studiosè euolui, contra terribilia fortis animos addit, neque ipsos fratres, quibus per diuersas orbis partes communico, hac nulla de causa timeo à communione mea se subducturos. Cæterùm intentatis ad terrorem comminationibus quid conturber? qui non proprio spiritu ductus priscae traditioni adhæreo; sed ex fratrum mente, qui in hanc rem supra numerum collecti, vitæ meæ per tot annos in Christo traductæ conscij, pedibus in meam sententiam iuerunt. Turbatur Victor ad hanc epistolâ, & literis ad Ecclesias scriptis, cunctos Asiæ, & finitimarum prouinciarum Episcopos, tanquam ab vniuersa Ecclesia dissentientes, à communi vnitæte separare tentat. Leguntur hac de re scriptæ à Victore Epistolæ, ad Paracodam Viennensem. Hunc sub Seuero clarum in fidei doctrina, clarum in confessio-

ne, mansisse in Episcopatu vsque ad Maximini tempora, scribit Ado in Chronico.

V. Eam autem Victoris epistolam esse voluit ille, qui primus eam edidit, quamvis eius temporis characterem non habeat, & longè aliud à Victoris de Paschate sententia, & Asiaticorum contentione decretum contineat. Nam præcipua de Paschate controuersia in eo vertebatur, an lunæ decimæ quartæ die quolibet, vel solùm Dominico ab ea luna festum Paschæ agi deberet; ac pro Dominico die Victor sententiâ tulit, de quo tamen nulla in hac epistola mentio. Præterea Ecclesiæ in Orientalem, & Occidentalem diuisio, quæ tunc temporis nondum nata, sæculi posterioris authorem arguit. Tunc enim primùm Ecclesiæ Orientalis, & Occidentalis nomina audita sūt, cum pro Arrij opinione, & Athanasij ordine, diuisi Orientis, & Occidentis Episcopi Philippopoli, & Sardicæ horrendum Ecclesiæ schisma pepererunt. Certè ante illam diuisionem, Ecclesiarum, quæ ad Occidentem, & ad Orientem, facta est mentio, non eo tamen sensu, vt diuersum aliquod, & separatum communionem corpus efficerent, sed vt per diuersos orbis tractus, Christi fidem prædicatâ esse demonstrarent, & à Solis occasu, aut ortu dictæ, aliis finibus ab his, quos posterior diuisio dedit, Ecclesiæ descriptæ erāt. Adde non Orientalem Ecclesiam, sed Asiaticam, quæ posterioribus tantùm sæculis Orientalis propriè dicta est, contrariam Victori opinionem asseruisse. Nā Pontica, Palestina, Osroëna, Achaïca, & alia Orientalis Ecclesiæ, vnâ cum Victore sentiebant. Itaque me-

ritò suspectam hanc habebimus epistolam, quam, qualiscumque sit, spuria, vel legitima, vel ipsam, vel similem scripsit Victor, Asiaticos omnes fratres excommunicatos declarans.

V I. Non æquis auribus has Victoris literas Episcopi acceperunt: Galli maximè, vnitatis Ecclesiæ defensores, schisma odere. Monente procul dubio Irenæo iterum conueniunt, & confirmato secundum Victoris sententiam lato priori Concilio, de Paschate decreto, Pontifici ad subducendam Asiaticis communionē hortanti, pacis Ecclesiæ gratiā audaci animo repugnant. Irenæus, doctrinā, sanctitate, & nouo Ecclesiæ suæ testimonio, Gallicanæ Ecclesiæ facillè Princeps, & rector, Concilij, ac fratrum nomine, Victori rescribit, & ipsum animos ponere, atque à priore sententia in æquiorē mentem redire hortatur. Equidem Pascha solo die Dominico celebrandū: at non propterea tot Dei Ecclesias, antiquæ consuetudinis traditionem obseruantes, excommunicandas esse arbitror. Non enim de Paschate solum, sed de ratione ieiunij institutam controuersiam; cū eo die, qui festus celebretur, ieiunium ante-Paschale soluendum sit. At quanta ieiuniorum varietas, singulis Ecclesiis suo more ieiunantibus: quæ tamen Ecclesiasticæ pacis rumpendæ, numquam suspecta fuit. In his enim minutis dissidiis fidei veritas asseritur, quæ nisi certa, inter tot homines de re minima dissentientes, vna esse non posset. Venit ad Anicetum Romanum senex Polycarpus, neque diuersis cū Paschatis, tū alijs ritibus Ecclesiasticam vnitatem sciderunt: atque

exinde Asiaticæ Ecclesiæ sub Pio, Higyno, Telephoro, Sixto, tam Romanæ quàm aliis Ecclesiis communicarunt. Quam mente nunc Victor pacē Ecclesiasticā à decessoribus seruata, à nobis disrumpi desiderat? suos quisque mores seruet, dum à fide Catholica, in qua communicamus, non aberret.

VII. Conueniebat Irenæi nomini pacis Ecclesiasticæ studium, ad quam per vniuersas Ecclesias stabi-
liendam, reliquis Episcopis illas spirantes vnitatem
literas de hac Paschatis controuersia scripsit. Tantum
autem apud Episcopos pondus habuerunt, vt, seruato
in recolendo Paschate die Dominico, precum, & lite-
rarum consortio Asiaticis contrarium morem obser-
uantibus communicauerint. Non enim talis obser-
uatio pœnâ Ecclesiasticâ damnata est, donec admixtâ
Montani Pseudo-prophetiâ, & Quarta-decimanorū
hæresi in prauum dogma abiit.

VIII. Hæc fuere sub Irenæo Ecclesiæ Gallicanæ
duo prima Concilia, quæ Lugduni vrbium maximæ,
& populosæ ab ipso Irenæo conuocata fuisse credi-
derim; nam licet in cunabulis adhuc esset, tandem cū
Ecclesiæ pace in potestatem euehenda Ecclesiastica
Iurisdictio, id tamen ætati (vt Palmæ in Ponto hac
eadem in causa) doctrinæ, & famæ Episcoporum da-
batur, vt volentes, & vltro illorum curæ finitimi epi-
scopi sese committerent. Urbis quoque Metropolis
dignitas prouinciales crebrius euocans, suis Episcopis
in reliquos Christianos peculiare ius aliquod, & pro-
priam quamdam sollicitudinem conciliabat. At ma-
xima Galliarum Metropolis Lugdunum, quæ Celta-

rum tractui, apud quos se degere testatur Irenæus; nomen suum dedit. Cæterum vniuersæ Galliæ episcopos his interfuisse Conciliis non constat, ipsæque Eusebij verborum ambiguitas omnes modò admittit, modò maiorem numerum excludit. At enim, Irenæus eorum, quibus in Gallia præsidebat, fratrum nomine scripsisse: quæ oratio, & de Gallis omnibus, & de his solum, quibus præsidebat Irenæus, scilicet Lugdunensibus intelligi potest.

IX. Fœlici pace circa hæc tempora sub Commodi Imperio fruebatur Ecclesia Gallicana, quæ resarcienda, prioribus persecutionibus, illatæ calamitati episcopis spatium dedit: illâ enim fauente potuerunt à Romanis Pōtificibus Episcopi in Gallias mitti. Pauli quoque Narbonensis aduentus, si vulgaria eius acta sequamur, ad hæc tempora referendus est. Illa Episcopum Româ in Gallias properantem Lunæ apud Ligures in manus Saprificij Proconsulis incidisse narrât. At ex pluribus Saprificiis duos animaduerto, quorum temporibus Pauli ætas conuenire potest. Vnus Saprificius Præfectus vrbi sub Valeriano in actis Stephani Papæ, qui ante Præfecturam, dignitatem Proconsularem in Liguribus fortè exercuerat, sub prioribus à Seueri morte Imperatoribus, quibus imperantibus septem Episcopos in Gallias venisse Gregorium Turonensem secuti existimamus. Alter Saprificius in locum Antiochi ad regendas Alpes Cottias ab Adriano missus fuisse legitur in actis Iobitæ, Faustini, & Martiani Dertonensis Episcopi martyri. At cum in ipsis actis ad Eleutherum Romanum episcopum martyres

res accessisse dicatur, iam non ab Adriano, sed à Marco Aurelio Sapricius Alpibus Præfectus erit. In qua dignitate cum Eleutheri tempora extremis sub Aurelij annis constitutum esse demonstrent, nihil obstat quin usque ad Commodi Imperium Sapricium Proconsulem durasse dicamus.

X. Venire ergo debuit sub Commodò Paulus in Gallias, secundum Ecclesiæ Narbonensis vulgarem traditionem; quæ profectum ex Cipro iubente Apostolo per visum, illum Romam venisse, ibique Ecclesiâ Paulo magistro dedicatâ, cum Stephano, & Ruffo Diaconis in Gallias properasse narrat. Lunæ in itinere Paulus cæco visum reddit, iubente Sapricio Proconsule post verbera cum Diaconibus in mare proiicitur, emerfus iterum cæditur: at repente Sapricio moriente liberatur. Inde Deiparæ constructâ Ecclesiâ Ticinum venit, plures ad fidem Christi conuertit: Ebroduni Neptuni simulachrum destruit, Arausione rogatu ciuium tribus mensibus moratur, B. Virgini Mariæ, & Iacobo fratri Domini Ecclesias ædificat, Episcopum constituit, Presbyteros, & Diaconos ordinat. Famâ Pauli aduentum Narbonensibus prænunciante, Arausionem illi accurrunt, Principes ciuitatis clauis vrbis offerunt Paulo, ea lege, vt ipse, ac successores eo iure Narbona potirentur, quo Petrus Româ. Arausione Arelatem progreditur, Ecclesiam Petro dedicat, Presbyteros, & Clericos instituit, naufragum in transitu Rhodani nautam vitæ reddit: & cum multis miraculis clarus ab Arelatensibus, & aliis quos pertrāsibat prouinciæ incolis rogaretur, vt apud ipsos

commorari vellet, abnuir, & ab Apostolo Paulo se Narbonensibus datum esse prædicat. Ecclesiam sanctæ Resurrectionis super Rhodani saxa ædificat, ac pèragratis Volscis, tandem Biterras aduenit. Exeunt obuiam Narbonenses cum lampadibus, coronis, & cymbalis, relictoque Biterrensibus Afrodasio Episcopo, Narbonâ cum pompa deducunt. Hic viduæ Principis ciuitatis viri filia à dæmone liberata Christi fidem agnoscit, vnâ cum matre velatur, dedicatis Ecclesiæ omnibus bonis. In eius palatio Dei-paræ virgini Ecclesiam construit, & Cleri ordines instituit. Stephano Diacono Ecclesiarum curam committit, Auenionensibus Rufum Episcopum ordinat: Tolosæ plurimas Ecclesias dedicat; Hispanias penetrat, Christi fidem vbique prædicans, ac tandem monente Apostolo Paulo Narbonam redit. Celeberrima duo cœmeteria Burdegale, & Arelate consecrasse dicitur cū Maximino Aquensi, Trophimo Arelatensi, Saturnino Tolosano, Frontone Petrocorio, Martiale Lemouice, & Eutropio Sanétonico: Aliud etiam Narbonæ, Magnatum, & Principum sepulturâ celebre. Tandem Hispaniâ, & Narbonensi Galliâ Christi sub iugum redactâ, imminere sibi mortem à Paulo Apostolo monitus, Stephano Ecclesiam Narbonensem regendam tradidit, eam Galliarum primam fore prænunciâns: ac cū populo, qui ad ægrum frequenter concurrebat, vltimum vale dixisset, obiit, & in Ecclesia Dei-paræ, quam prius in loco qui Albolas dicitur construxerat, à discipulis sepultus est. Scripsit ad caput eius in lapide porphyretico Stephanus hæc ver-

ba. HIC REQUIESCIT S. PAVLVS DISCIPVLVS APOSTOLI PAVLII, EPISCOPVS NARBONENSIS ECCLESIE. Quem lapidem in prima ipsius translatione, longa post tempora repertum fuisse volunt. Eius vitam discipuli tribus voluminibus descripsere.

XI. Hactenus exactis Pauli Narbonensis à Guilhelmo Hulardi presbytero Ecclesiæ sancti Pauli Narbonæ conscriptis sub Innocentio Papa sexto anno 1364. cuius auctoritatem ipsius ætas eleuat, quâ multis populi rumoribus prisca traditio aspersa erat, neque ipse ex illis tribus voluminibus, quæ discipulos Pauli composuisse dicit, sed ex vulgi sermone, & vſitatioribus (vt ipse loquitur) legendis acta concinnauit, eaque adeo confusè, & contra probatum etiam suo tempore historiæ ordinem, vt difficultatibus, quæ ex narratione oriuntur, explicâdis librum integrum dedicarit. In quo tamen non se expedit, nam modò Paulû Narbonensem ab Apostolo in Hispanias proficiscente iuxta Græcorum traditionem Narbonæ relictum fuisse asserit, modo negat, tum verò redeuntè ab Hispaniis Apostolum Romam secutum, & Cyprum profectum, inde Apostoli monitu Narbonam rediisse refert. Alia quoque plurima figmenta in vnum confert, quæ pro veris nobis obtrudit. Vt vt sit, posterioris sæculi traditionem ex superioribus actis habemus, quibus aduersantem referendam à nobis inferiùs Pauli vitam, quantumuis antiquam fateatur, nullius tamen auctoritatis esse idem scriptor asserit. Illa Paulum Episcopum, seu Papam (quod nomê quarti, aut quinti sæculi authorem denotat) simplici-

ter nominat: Acta verò Pauli discipulum constanter dicunt. His suffragari videtur vetustissimum Martyrologium Romanum, quod vndecimo Calendas Aprilis, qui dies Pauli Narbonam ingredienti dedicatus est, hæc habet: Narbonæ S. Pauli Episcopi discipuli Apostolorum. Verum cum Apostolorum discipulos ad hæc vsque Aurelij, Commodi, & Seueri tempora peruenisse, atque etiam illos, qui nō Apostolos, sed eorum discipulos audiuerant, Apostolorum discipulos, & Apostolicos viros appellatos fuisse probauerimus: quid vetat hunc Paulum Apostolorum discipulum sub illis Imperatoribus vixisse? At illū eundem cum Proconsule Cypri Sergio fuisse negāt eadē tempora, quamlibet inferior nostra traditio asseueret. Itaque si regente Alpes Cottias Saprício sub Aurelio Imperatore Paulus in Gallias venit: Commodο imperante, Narbonensibus, & Hispanis prædicauit. Sin verò post Seueri mortem cum aliis Episcopis Roma missus est, per triginta octo Ecclesiasticę pacis annos in Galliis vitam transegit. Huic vltimę sententię, alia Pauli acta, Gregorij Turonensis opinio, & antiqua traditio consentire videntur, quę, descripto sub Imperio Seueri Ecclesię Gallicanę statu, enucleabimus.

XII. Seuero imperanti Albini societas inuisa Gallias perturbat: Mouet in collegam Imperator, & eo propter Rhodanum cæso, flammâ, & ferro Lugdunū vastat. Circumdatam urbem à militibus iussu Seueri, & omnes Christianos occisos fuisse, acta Irenęi referunt. Quod non propter aliquod Christianorum fa-

cinus, sed propter factionem Albini, quæ Lugduni vigebar, imperatum est: Nam meritò Tertullianus in Apologetico nusquam Christianum Albinianum repertum fuisse scribit. Quare communi vrbis ruina obruti Christiani cum Irenæo Episcopo animas Deo reddiderunt. Verumtamen si post multa supplicia tandem Irenæus cæsus est, vt refert Gregorius Turo- nensis, publicæ cladi superstitem eum fuisse oportet: nisi direptionem per multos dies productam diuerso pœnarum generi spatium dedisse dicamus. Ergo Al-
 • bini defectionem vindicante Seuero innocens Ire-
 næus cum vniuersa Ecclesia sua cecidit, talem pro lon-
 go aduersus Gentiles, & hæreticos certamine coronâ
 meritus. Vir pacis Ecclesiæ studiosus, scriptis suis toto
 orbe celebris, fide, & religione clarus, puer à Polycarpi
 ore pependerit, inter eius brachia edoctus, qui Ioan-
 nem discipulum quem diligebat Iesus magistrū ha-
 buerat. Fœlix pietatis, & religionis successio, quæ ab
 ore Domini nostri in pectus Ioannis, ex hoc in Poly-
 carpum transfusa, ac demum ab Irenæo excepta in
 Gallias delata est! Beatam Ecclesiam, quæ ab ipsis A-
 postolorum discipulis fundata, crebris persecutionū
 procellis concussa, iterum à viro Apostolico in æter-
 nitatem stabilita est. Hic enim est ille Irenæus, qui ab
 Hieronymo vir Apostolicorum temporum, ab Epi-
 phanio sanctissimus, & priscus Theologus successor
 Apostolorum, & à Tertulliano eodem sub Impera-
 tore scribente, omnium doctrinarum acuratissimus
 explorator nuncupatur. Tanti viri scripta enumerat
 Eusebius: Epistolam ad Blastum de Schismate; alterâ

ad Florinum de Monarchia; librum de Ogdoade; librum breuissimum quidem, maximè tamen necessarium contra Gentiles, qui de Scientia inscribitur. Alium quem fratri cuidam nomine Marciano dedicauit in quo Apostolicæ prædicationis rationem, & modum exponit: & Librum de variarum rerum disquisitione. Diù latuerunt hæc opera, quæ cum diligentissimè perquireret Ætherius Viennensis Episcopus, rescripsit Gregorius primus neque gesta, neque opera Irenæi hæctenus inueniri potuisse. Tandem pars operum reperta, & in lucem edita est, partem etiam gestorum apud se esse testatur Baronius.

XIII. Polycarpo visum post martyrium Irenæum, mittendi in Gallias discipulos authorem fuisse, referunt acta Benigni, Thyrsi, & Andochij; at cum iam ante Polycarpum decessisse ex ipsius Irenæi verbis superius à nobis allatis constet, nullus dubitandi locus relinquitur, quin ante Aurelij persecutionem à Polycarpo discipuli legati sint.

XIV. Cladi Lugdunensi superfuit Zacharias presbyter, in Ecclesiæ restituendæ laborem cryptæ latibulo seruatus, qui beata martyrum ossa recolligens, Irenæum in crypta, super quam postmodum Ecclesia sancti Ioannis ædificata est, Epipodio, & Alexandro ad vtrumque latus compositis sepeliuit.

XV. Narratis Irenæi præclaris facinoribus succedunt acta discipulorum, quos per varias Galliarum prouincias Euangelij causa vir Apostolicus miserat. In his Fœlix Presbyter, Fortunatus, & Achilleus Diaconi Valentia ad Rhodanum miraculis clari extra

urbem in humili tugurio, illustrem exercitatione vitam transigebant. Vesonione in Sequanis Ferreolus Presbyter, & Ferrucio Diaconus eiusdem Irenæi discipuli, Christi fidem latè prædicabant. Tempus illorum martyrij incertum est. Nam Valentinorum acta sub Seuero, Vesoninorum sub Aureliano passosuisse narrant; at ex utrorumque actis, & insertis Epistolis, ac Cornelij Ducis nomine, constat omnes eodem tempore obiisse. Quare obseruato Irenæi martyrij tempore, statim post illum sub Seuero, à cuius morte pax Ecclesiastica cœpit, Christo supremum testimonium reddidisse dixerim. Illorum acta mortis instantis prænuncias visiones quasdam referunt, à Catholico eiusdè sæculi spiritu non alienas. Fœlicis hæc erat. Vidi locum, inquit, Fortunato, & Achilleo illam narrans, syderei splendoris coruscatione micantem, ineffabilem florum diuersitate vernantem, flagrantibus quoque aromatibus redolentem: tabernacula etiam stellantibus gemmis insignia, fulgentis auri decore radiantia; in quibus quinque agni niueo candore nitescentes, albertia lilia flore depicta croceo, pastu delectabili inuitante, insigni amœnitate carcebant. Quæ dum magnitudinis immensitate perterritus, & virtutis admiratione gauisus, intendo, audiui hæc dicere, diuinæ vocis reueratione probata. Euge serui fidei deuotione probati, Irenæi famuli, mei discipuli, qui talenta exigua multiplici locupletatione ampliata, parastis: introite in gaudium Domini vestri, quo vos faciet perpetuæ lætitiæ exultatione gaudere, fratrum vestrorum societati coniunctos. Cum de proxima

futura repromissionis spe hac visione cōfirmata Fœlix, & socij gratias Deo agerent: venit nuncius à Ferreolo, & Ferrucione, qui similem de instanti gloria reuelationem referret.

XVI. Horum epistolam habent acta verbis diuersam, eadem tamen utrobique complexam: Ferreoli acta stilo tenuiori conscriptam, & martyrum simplicitati magis conuenientem referunt his verbis. Viris piissimis, & in Christo fratribus Fœlici, Fortunato Achilleo: Ferreolus, & Ferrucio in Domino salutem. Qui moderatur sæcula, & disponit totius mundi climata, ipse seruis suis ad inuitationem bonæ confessionis arcana sui pectoris non negauit. Cū vigilata nocte me sopori dedissem, vidi reuolutam cœli paginam, & quinque coronas nimio splendore aureo, gemmisque insignibus adornatas, sydereoque fulgere nitore; & singulæ angelorum manibus deportabantur, & signū Crucis in medio portabatur. Quod cū admirarer, audiui vocem terribilem mihi dicentem. Venite Irenæi discipuli, percipite promissum vobis patris Regnum, ut quia fecistis voluntatē Domini in terris, pariter percipiatis promissum patris in cœlo. Viri sanctissimi fratres, quoniam nos Dominus ad martyrij coronam inuitat, confortemur, & oremus, vigilemus spiritu feruentes, ut non diabolus veniens furetur thesaurum nostrum. Rescribere Fœlix, Fortunatus, & Achilleus, Ferreolo, & Ferrucioni, quæ sibi quoque Deus reuelasset; inuicemque se ad martyrij palmam hortati sunt.

XVII. Iam pertotum orbem in Christianos Seuerus

uerus sæuebat cùm Britannicam expeditionem suscipiens anno Imperij decimo-sexto, circa Christi annum CCX. in Gallias cum exercitu venit. Hoc tempore passos Irenæi discipulos crediderim, cum aliud tempus non occurrat, quo Seueri exercitus in Galliis fuerit, nisi fortè non vniuersum exercitum, sed legiones quasdam quibus Cornelius præesset in Galliis degisse apud martyrum acta explicemus, vel potius Cornelium Prouinciæ Præsidem fuisse.

XVIII. Cornelius Dux exercitus Seueri Valentiaæ agens canentium Deo psalmos Fœlicis, Fortunati, & Achillei Christianorum voces accepisse dicitur: res sane difficilis inter crudelissima Seueri edicta, & Magistratuum inquisitiones, Christianis publicas Deo laudes reddere licuisse. Id ergo sibi permisit actorum scriptor, qui &, Alleluya, laudis vocem longa post tempora ab Orientali Ecclesia in Occidentalem translata, concinisse refert. At quocumque modo Cornelio oblatis sint, constat ab eo interrogatos, neque minis perterritos, blanditijsve allectos fortissimo Christum professos fuisse. Cornelius neruis cædi iubet, nec quicquam à proposito resiliens carceri includit: claustra referat Angelus, cuius monitu illi fulgentem electro Iouis statuam, Mercurij, & Saturni simulachra diruunt. Sistuntur iterum coram Cornelio, eiusque minas, & monita, Deorumque cultum deridentes, reuinctis post tergum manibus, renibus, cruribusque confractis circa rotas adstricti, fuliginosa suppositi, & compressi ignis nube contexti, diu noctuque continuatâ equulei extensio-

Q

ne suspenduntur. Addunt liētores his pœnis diēteria, & imprecationes: precibus, & Christi confessione respondent martyres; donec redeunte die Cornelius gladio in illos animaduerti iubet.

XIX. Claudius Vefontione ad Cornelium venerat, à quo martyrum necis causam accipiens, duos eandem Vefontione religionem profiteri, turbas mouere, suamque vxorem delusisse queritur. Dat literas Cornelius, quibus Ferreolum, & Ferrucionem in cæterorum exemplum interfici iubet, illos comprehensos, aut diis sacrificare, & ex ærario munera accipere, aut neci dedi, signo Crucis fronti impresso: ob Christum confessum ad trochleas extendi, flagellis cædi; ac cum in fide perstarent, in carcerem mitti, succedente die educi, & in liberæ confessionis pœnam linguis præscindi. Verùm æternæ potentæ verbum, consueto quod homini dedit ad vocem emittendam instrumento non indigēs, elingues illos loqui, suumque nomen in Gentilium dedecus, suorumque gloriam prædicare voluit. Non tulit Claudius hæc prodigia, sed animo furens triginta acutissimis subulis vnicuique manus, pedes, & pectus transfigit. Accùm subtilissimus dolor in gaudium à Domino verteretur, iubet capite plecti.

XXI. Anno Christi CCXIII. Seuerus Imperij sui XVIII. Eboraci in Britannia decessit, relictis successoribus liberis Antonino, & Geta. Interjectis ab eius morte annis VIII. & XXX. pax Christianis fuit, nisi quod medio tempore Maximinus nonnullarum Ecclesiarum clericos vexauit. Antonius Narbonensi

Proconsule occiso, cunctisque qui in Gallia res gerebant turbatis, licet odium tyrannicum meruerit, Christianis tamen pepercit, in nullosque animaduertisse legitur.

XXI. Respirantem è superioribus cladibus Ecclesiam Gallicanam præpotens Dei providentia iuuat, quæ tot restituendis priorum calamitatum damnis egregios viros sanctos Episcopos à sede Romana mitti, illisque tanto operi insudatibus, triginta octo pacis Ecclesiasticæ annorum spatia concedi voluit. Hos iam supra toties nominatos sedibus suis tandem restituamus. Dionysius Parisiensibus, Trophimus Arelatensibus, Paulus Narbonensibus, Gatianus Turonensibus, Stremonius Aruernis, Martialis Lemouicibus, Saturninus Tholosatis datus est. Omnes simul, & semel venisse antiqua traditio refert, quæ Gregorij Turonensis authoritate confirmatur. Hic tamè ad annos Decij refert propter Saturnini actorum cōsules missionis tēpus, cū passionis anno confundens. Nam Saturnini acta, Gregoriani æui traditionis regula, & fundamentum fuere. Verum non simul venisse eadē traditio conuincit, quandoquidem longā duxisse vitam in Galliis Saturninus, & alij sub Decio passi dicuntur : Gatianus autem primo Decij anno in Gallias venisse. Non ergo simul, & semel, sed per varia horum triginta octo annorum interualla, ab Episcopis Romanis in Gallias missi fuerunt. Quod nō solum traditio, acta, & Scriptorum fides confirmant: verum etiam discipulorum tempora manifestissime demonstrant. Etenim Martialis discipulus Ausonius

Engolismensis Episcopus, Vvandalis Gallias depopulantibus Galieno imperante passus est. Honestus & Firminus Saturnini discipuli, Regulus, & Quintinus, & alij Dionysij, vel discipuli, vel comites, aliique, qui hosce Episcopos magistros habuerunt, ad Riccij Vari sub Diocletiano, & Maximiano persecutionem perueniunt.

XXII. Statuto cum ex his, tum ex illis quæ superioribus libris à nobis narrata sunt, certiore horum Episcoporum missionis tempore, intacta superius eorum acta percurramus.

XXIII. Paulus scriptis pro fide editis, & pro Christi nomine inter supplicia confessione celebris, Seueri crudelitati in Galliarum decus ereptus Româ, in Gallias missus. Biterris in Narbonensi prouincia consedit, vnde ad vicinæ Metropoleos ciues sanctitatis eius famâ perlatâ, mittitur à Narbonensibus legatio, quâ sanctum Episcopum in urbem euocarent. Audit Legatos Paulus, & eorum desiderio annuens, substituto in suum locum, Aphrodisio Episcopo Narbonam venit. Cuius aduentus memoria quotannis XI. Cal. Aprilis summa celebritate à Narbonensibus colitur, & in antiquo Martyrologio Romano, hoc solum ingressus, non transitus die, Pauli nomen celebratur. Multos annos tamen ea in urbe, quâ in finitimis prouinciis Christi fidei prædicandæ instituta, cuius labori inuides humani generis hostis, duos Diaconos, quos intemperantiæ, & libidinis Episcopus arguerat, in eum commouet. Illi astu diabolico muliebres calceos, tanquam nocturni facinoris indices, Episcopi lecto supponunt.

Dolet Paulus vitam suam miraculis, & confessione claram, criminis, quod in diaconibus damnauerat, suspicione pollui, illam ut eluat, Gallicanos Episcopos, quos paucos fuisse eius vita testatur, Saturninum fortè, Afrodisium, ac si qui alij in vicinia erant, Narbonam conuocat, eisque vitæ suæ rationem, & famam iudicandam credit. Consedere triduo Episcopi, tanti viri innocentiam admirantes, cælesti etiam testimonio comprobata. Cum enim per triduum aquila in ædis sacræ culmine residens, à deferente coruo escam susciperet, neque missilibus, & frequentibus populorum clamoribus exterrita auolaret; Christianorum turba concurrit, aquilæ pertinaciâ, & sacerdotum iudicio certam Episcopi castitatem proclamans. Verum postquam à Paulo, ut vitæ suæ merita, vel calumniantium errores palam facere Deus dignaretur, populo, & sacerdotibus oratio indicta erat, & iam ipsa repetebatur. Diaconi à dæmone arrepti, furore subito perciti, & torquente conscientiam crimine sui impotes, cuncta incunditis clamoribus miscere, & paululum à cruciatu respirantes inuidiam erga Præsulem fateri, populum, sacerdotes, Episcopum rogare, se ab illo ob incontinentiam castigatos, in eum criminis infamiam referre voluisse. Cumque iterum, & atrocius à secretis tortoribus viscera rumperentur, interciulatus, & questus veniam iterum postulare. Negat Paulus suis precibus, qui sacerdotio indignus esset, solui posse, quos si innocentia sua ligasset, iam dudum se rogante, & offensam dimittente, bonæ menti reddi oportuerat, populum & sacerdotes ad orationem

iterum hortatur. Itaque vniuersa Ecclesiâ ad Deum
tertiò proclamante deseruere Diaconos mali spiri-
tus, illique priori sanitati restituti, dolos, & calum-
nias, quæque contra Episcopum moliti essent, mirâ-
tibus cunctis detexere. Tum prouoluti ad Pauli pedes
Episcopi, cum populo hæsitacionis, & si quam vel le-
uem habuerant, eius criminis suspicionis reos se pro-
fessi, cum veniam ab eo, tum eius erga Deum inter-
cessionem obnixè flagitant. Ille cunctis in gratiam
receptis, aquilâ è tecti culmine discedente, Concilium
dimisit, quo probatâ vitæ sanctitate, Paulus assiduam
ad fidem propagandam operam nauans, Narbonæ
consenuit.

XXIV. Huius Narbonensis Concilij de Pauli pur-
gatione acta refert vita eiusdem Episcopi, quam anti-
quam esse ipsius character probat, & ipsa Narbonen-
sium monumentorum traditio confirmat. Acta quo-
que Dionysij Parisiensis manuscripta consentire vi-
dentur, dum Paulum ita laborem domesticæ tribu-
lationis exercuisse dicunt, vt verum Domini esse fa-
mulum approbent, ea siquidem verba de Diaconorû
accusatione accipienda sunt. Ipsa Dionysij acta eius
socios in Galliarum prædicatione referunt Saturni-
num, ex quibus circa Saturnini necem Dionysij mar-
tyrium accidisse probabile est. Alij quoque Dionysio
socij adiunguntur, Iulianus, Nicasius, Regulus, Tauri-
nus, & alij de quibus libro primo actum est, quos ad
hæc tempora, quæ describimus reducendos esse cen-
semus. Quapropter illa, quæ dicto primo libro narra-
ta sunt in hunc locû transferenda, dū ad Saturnini res

gestas ex certioribus actis describendas properamus.
XXV. Saturninus Tolosæ Tectosagum ad Garumnam, Christi religione promulgatâ, in Hispanias eiusdem fidei prædicandæ gratia perrexisse ex veteri traditione dicitur; Iam ante Honestū Nemausensem præmiserat, qui verbo Christi Pompeiopoli prædicato, magistrum Saturninum euocauit. Ille accedens Pompeiopolim Fortunatum, Firminum, & Faustinum, plurimosque alios baptizat, ac latè prædicatâ Christi religione, plerisque in itinere præclaris facinoribus actis, Tolosam redit, cuius Ecclesiam Papulo discipulo in Hispanias proficiscens commendauerat.

XXVI. Anno Christi CCXLIX. duobus Philip-
pis Augustis Consulibus millesimus annus ab vrbe condita celebratus est, quo anno eosdem Augustos à Pontio, claro postmodum Ecclesiæ Gallicanæ martyre, ad Christi fidem redactos fuisse eius acta referūt.

XXVII. Año Christi CCLI. Decio Imperium capeffente, à Fabiano Romano Episcopo Gatianus in Gallias mittitur: cuius sedis anni quinquaginta, & vacationis triginta septem ad Lidorij secundi Turonensis Episcopi, Constantis quoque Imperatoris primum annum, ex Gregorij Turonensis calculo deducti, rectè missionem consignant. Ille pacis Ecclesiasticæ, & annorum triginta octo fuit vltimus.

XXVIII. Sequitur annus Christi CCLII. qui iam triginta, & octo-annis pacis Ecclesiasticæ elapsis, Decij Imperatoris, & Annij Grati consulatu notatus, Decianæ persecutioni initium dedit. Illâ multi in Galliis

occidere: duo præcipuè ex supralaudatis Romanorum Pontificum Legatis Episcopis, Dionysius, & Saturninus. Nam reliqui, vel iam longo senio absumpti cum grandiori ætate Romam venissent, vel fortè sæuissimæ horum temporum calamitati superstitites fuerunt. Dionysij martirium damnante Fescennio Sisinnio actum, libro primo descripsimus; quod ad hæc vel etiam posteriora tempora reducendum est. Iam enim cæso Saturnino illum occisum constare videtur, ex Eugenij Toletani itinere; qui Tolosæ post Saturninū sedens, mortem Dionysij accepit. Ipius etiam socii ferè omnes demum sub Maximiano cæsi sunt, quare tot annos præcessisse Dionysii necem non est probabile. Præterea ille Sisinnius Fescenninus, qui à Pseudo-dextro Crispinus dicitur, fortè ille ipse est Crispinus, qui circa Maximiani tempora Lugdunensium Præses in Ferreolum, & Iulianum animaduertit. Sed cum longum sit inter hos Imperatores interuallum, & hæc nullā aliā coniectura iuuentur, ad relicta Saturnini acta redeamus.

XXIX. Cum ergo Saturnini prædicatione Deorum simulachra Tolosæ obmutuissent, transeuntem ante Capitolium Episcopum Gentiles, taurum diis suis sacrificaturi, arripiunt. Fugiunt Diaconi, assidui in prædicatione Saturnini comites, furentis populi crudelitati solus Episcopus relinquitur; ac cum daemonibus immolare recusaret, Christum verum Deum esse fateretur, ipsorumque Deos vana demonia esse assereret: parato in sacrificium tauro funibus alligatur,

alligatur, atque acto stimulis in præceps tauro, inter primos Capitolij gradus capite colliso cerebrum excutitur, & corpus exanime, atque omni ex parte lacrum à furente tauro pertrahitur, donec eum in locum peruenit, in quo posteriori sæculo Ecclesia ædificata à tauro nomen accepit. Saturninum iam de martyrio securum, duobus Presbyteris suis imminentem mortem prædixisse refert Gregorius Turonensis, eosque rogasse ne se defererent; atque ubi fugientibus ministris se solum aspexisset, orasse dicitur, ne umquam Ecclesia sua ex his ciuibz Pontificem haberet, quod vsque nunc, ait Gregorius, in ipsa ciuitate ita euenisse cognouimus. Verum Tolosates Episcopos se depopulares suos posterioribus sæculis habuisse ferunt. Cæterum notandus est hic Scaliger, qui in Lætionibus Ausonianis Saturninum Rhetoræ existimat, nomina, & tēpora cōfundēs. Saturnini discipulus Papulus, qui viuēti magistro in onere Episcopali subleuando adiutor fuerat, in Tolosano territorio propter Christi fidem cæsus est, eo in oppido quod ab ipso nomen habuit, & à Ioanne vigesimo secundo Pontifice Romano cathedram Episcopale obtinuit. Vnâ, eademque Decij persecutione Saturninum, Papulū, Dionysium, & alios martyres eorū socios passos fuisse crediderim ex actis Saturnini, quæ cum in omnibus manuscriptis codicibus, tum apud Gregorium Turonensem Decio, & Grato Consulibus consignata sunt. Qui Consul is in annum Christi CCLII. incidunt, quo pacis Ecclesiasticæ triginta, & octo anni à morte Seueri, & anno Christi CCXIII. exordium

R

capientes finire debent. Ergo per illa tempora septē illi illustres missione Romana Episcopi securē Christi fidem prædicare, plurimosque sub eius iugum redigere potuerunt, & Decio iam persecutionem mouente, tum ij qui ex ipsis superstites fuerunt, tum illi qui eorum hortatu in Christi numeros conscripti fuere, morte sua testimonium perhibuerunt. In his Albix in Aquitanis Amarantus, & alij, qui sub Decio in Martyrologiis passi dicuntur. Ad hæc etiam Decij tempora referre debemus, vel martyrium, vel prædicationem eorum, qui septem illis Episcopis socij dati sunt, ita vt qui à Decij persecutione superstites fuerint, ad Valeriani, Chroci, Aureliani, & posteriorum Imperatorum tempora peruenisse dicantur.

XXX. Alij quoque eorum discipuli ad Chroci & Diocletiani persecutiones perdurarunt, vt Ausonius Engolismensis, & illi duodecim Quintini socij Dionysij vel comites, vel auditores. Vni ex illis, cuius nomen inuidit nobis historia (nisi illum ipsum Vrsinum, quem volunt Nathahelem ex ipsis Bituricensium actis, quæ Leucadium, & Lusorem ab Vrsino baptizatos scribunt, esse coniectemur) Biturigēs fidem suā debent. Apud quos dum Vrsinus, cū socijs Christum prædicans confedisset, neque desideratam in conuentus Ecclesiasticos domum obtineret, Leucadij Senatoris, & inter Gallos primi, qui è Vetij Epagathi martyrio Lugdunensi clarissimi genere trahebat originem, ædes accepit. In quarum pretium oblati in disco argenteo trecentis aureis: Ille tribus solū pro benedictione acceptis, reliquos remisit, ac cum

Lusore filio baptizatus, domum suam Christianis vſibus dedicauit. Luſor autem filius, in ipſis albis paulò poſt baptiſmum deceſſiſſe dicitur.

XXXI. Ad hæc tempora Eugenij Toletani, Dionyſij diſcipuli (quem eundem cum Marcello vno ex duodecim comitibus eſſe; hac in re ſolù Pſeudo-dextro crediderim) in Galliam proſectio referenda eſt. Iam cæſo Saturnino Tolofæ diù ſediſſe, & à quibuſdā Episcopum egiſſe dicitur: accepta morte Dionyſij, hymnum in eius honorem compoſuiſſe, & inde proſectum propter Pariſios cæſum. Honeſtus preſbyter, Paternus Eluſatum Episcopus, & alij Saturnini diſcipuli hiſce temporibus Nouempopulorum, Vaſconum, & Cantabrorum Eccleſiis à Magiſtro inſtitutis vitæ ſanctitate celebres præerant.

XXXII. Anno Chriſti CCLIV. tepuit Gentilium furor, atque induciæ potiùs, quàm certa pax Eccleſiæ datæ ſunt. Harù initio, in Romana Eccleſia hanc ob cauſam tumultuatum eſt. Vacante, Fabiani morte, Petri cathedra, crudo perſecutionis tempore, multi à fide defeſerant, quos non temerè, ſed pensâ pœnitentiâ recipiendos adhibito vicinorum Episcoporum Concilio Clerus Romanus, Nouatiano etiâ Preſbytero ſubſcribente, decreto lato ſanxiuit. Hic ex Gentili Philoſopho Stoïco extrema iam agens ſacro baptiſmate in lecto perſuſus, à Romano Episcopo per ambitionem, & gratiam ordinatus erat. Hos enim, quos *κλινικοὶ* Græci vocant, in lecto, & imminentis mortis articulo baptizatos, & aliqui malè Clynomenos, aut Clydomedos apud Cyprianum explicant,

vbi Thlibomenos, id est, afflictos, & pauperes legendum est; vitæ restitutos ad sacros ordines promoueri vetus Ecclesiæ observatio prohibet. Cumque post longum inter-Pontificium Fabiano successor eligeretur, Nouatianus turbas agere, Episcopatum ambire. A quo prælato Cornelio repulsus seditionem mouet, quasi Cornelius libelli subscriptione conscientiam polluisset, & lapsis temerè communicasset. Nam duò lapsorum genera his temporibus observabantur, alij Sacrificati, vel Thurificati; alii Libellatici, sic dicti: illi qui thure, vel sacrificiis Idola coluissent, erga quos Ecclesiæ decreto seueriùs actum est: hi, qui cum ad sacrificandum cogerentur, datâ pecuniâ se à sacrificiis redimebant, ac insuper vel per se, vel per alium, cui id mandabant, apud acta Magistratum, aut in libellis à Magistratu oblatis, se Christum negasse, & Idolis sacrificasse testarentur, & subscriberent. In quos moderatè se gessit Ecclesia, & post aliquam pœnitentiam recepit. Obseruata tamen certa tēpora, & gradus quidam, per quos lapsi Ecclesiæ recōciliandi decurrerēt, nec ante cuiquā Christiano illis communicare licebat, quàm peractâ indictâ ab Episcopo pœnitentiâ in Ecclesiam pœnis Ecclesiasticis absoluti solemniter recepti fuissent. Eorum criminum reum Cornelium Nouatianus infamat, & pace morte Decii Ecclesiæ redditâ, Confessores è carceribus excipit persuasos, nefas esse Christi martyres pollutis sacrificiis hominibus sociari. Frustra lapsos ad pœnitentiam recipi, quos solus Christus posset absolvere: Atque parum an libello, an thure, an terri, an coacti pecca-

uerint, interesse, Stoïco genio omnia peccata paria esse asserens. Urgebat itaque solutos vinculis, ne ad pollutum lapsorum cōmercio Corneliū accedentes, eiusdem criminis participes fierent. Hos in vnā partē, puram, & innocentem à suis vocatam, collectos, dum Sacro-sanctam Eucharistiam distribueret, ad tremēdum sacramentum coniurare coëgit, se ad Corneliū non reuersuros. Accesserat Romam sub ipso ferē persecutionis initio Nouatus Presbyter Carthaginensis, diuerforum criminum reus, Cypriani iudicium fauētibus eius latebris, & persecutione subterfugiens. A Nouatiano in communionem receptus, negatum à Catholica Ecclesia Episcopatum à suis accipere illi persuadet. Statuendum Cornelio aduersarium gradu, & ordine parem, Ecclesiæ suæ dandum Præsulem: suos faciliē, vt partis, & factionis maculam eluant, eam in sententiam ituros; scilicet ipsum qui Presbyter cuncta regit, & eos primus ab aliorum contagione liberauit, illicò eligendū. Quid de Cornelio, ne curet, vbi enim in ipsum consensum, vniuersam per orbem Ecclesiam tot martyrum Christi, tot Confessorum iudicium secururam. Annuuit Nouatianus, quem iniuriæ non oblitum torquebat ambitio, & opinionis suæ pertinaciū amantem mens Stoïca fecerat. Vocantur ex minima quadam Italiæ parte, vanā concordie spe delusi tres Episcopi, minimē mali homines, simplices, humanarūque artium ignari. Hi in conclaui inclusi, horā iam decimā crapulā oppressi, iuranti se numquā Episcopatum ambiuisse Nouatiano temulentas, & sacrilegas manus imponunt. Apparet quasi

ex taberna repente formatus Episcopus, eoque nomine per vniuersas Ecclesias pacificas literas mittit. Cornelium erroris, Idololatriæ, & pollutæ communicationis accusat: inuitū se à martyribus electū, vltro delatam dignitatē recusare nequiuisse. Adiciit decretum, ne lapsis Ecclesiastica communio tribuatur, Deo, penes quem tota sit dimittendi potestas, remissionem esse relinquendam.

XXXIII. Nouato, & aliis in Affricam legatis cum literis, non leue quibusdam insignium martyrum testimonium visum est: quo delusi, damnando schismatico adhæserunt Martianus Arelatensis Episcopus acceptis à Nouatiano literis, ipso fortē Nouato, dum in Affricam pergeret, ad maritimam Galliæ oram applicante, lapsos ab Ecclesia eiicit, & à Cornelii, eorumque, qui lapsos reciperent, communione se abstinere. Fortasse nondum ab Ecclesia Gallicana quidquā hac de re statutum erat, & cum vniuscuiusque Ecclesiæ Episcopus, iuxta verum, aut simulatum pœnitentium dolorem, aut propter martyrum intercessionem pœnā diminutā sacris mysteriis eos reconciliaret. Primus Martianus ostium Ecclesiæ illis occludere, extra atrium eiicere, pœnitentiam negare, quodque superbius, à fratrum eos recipientium communione se subducere. Attoniti rei nouitate, & viri fastu Galliarum Episcopi, in vnum deliberaturi conueniunt. At cum decretum aliud à prisca obseruatione non occurreret, audirentque tam Romæ, quàm in Affrica ab Episcopis diuersa sentientibus, hac de causa Ecclesiæ pacem esse turbatā, neque quis iure potiore certaret, agnos-

cerent, iudicium sustinent, donec scribente, communi nomine Faustino Lugdunensi Episcopo, hoc suo, & Irenæi exemplo futuræ potestati, semina iaciente, & Româ, & Carthagine rei veritatē acciperent. Non rescribens Cyprianus, secundis literis compellatur: ille Stephanum Romanum Episcopum, ad quem etiâ à Gallis scriptū fuerat, cōmunis curæ admonet. Pululantem hēresim communi studio extirpandam, iuandos consilio Episcopos, cūmque in suis Ecclesiis Romæ, & Carthagine lapsis post pœnitentiam communio permessa sit, eius literis illos monendos totâ schismatis causâ diligenter narratâ, vt superbientem Martianum, iam ante à se ipso abstentum, dubitantibus fratribus indemnatum, deponant, aliūquē substituunt. At quoniam ad ipsum prius totius rei transactæ series peruentura erat, quem elegerint Galli, & ad quem in posterum ab Affris scribendū sit, per ipsum accipiat. Scripsit procul dubio Stephanus, & ab eo iâ lati tã Carthagini, quã Romæ decreti, & Nouatianæ hærescos Galli facti certiores, iterū conuenere, ac pertinacem Martianum damnantes, alium communi suffragio suffecerunt. Hic veterum monumentorū fide destituimur, adeò vt nec loca, nec tempora horū duorum Conciliorum, neque alia eorum acta, vel Episcoporū nomina desinire possimus. Magno tamē exemplo, & vsui esse possunt, hæ qualescumque naufragæ antiquitatis tabulæ, ex Cypriani Epistolis collectæ. Nam Gallorum patrum consuetam in rebus Ecclesiasticis diiudicandis æquitatem demonstrant, inconsultis præcipuis Occidentis Episcopis Roma-

no, & Carthaginensi, neque nouum circa lapsos morem in Ecclesiam introducere, neque superbientem, & quantumuis se ab vnitatem communi separantem, collegam damnare voluerunt. Namque iure, circa lapsos trepidabāt, quis sub Aurelij persecutione ab ipsis martyribus recepti, quo iure nunc primum sub Decio reiici possent non animaduertebant. Succurrebat prius illud equitatis exemplum, at nullā lege latā, Romanorum, ac Carthaginensium nomen, quorum potiore circa hanc rem partem ignorabant, eorum animos suspendebat. Eius etiam iuris incerti, ne collegam damnantes, Italorum, & Africanorū partibus præiudicium aliquod ferrent, potestatem suam sustinuerunt: donec Romanorum, & Carthaginensium rerum certiores facti; iam ab antiquo morem in Galliis circa lapsos obseruatum lato decreto confirmarent, atque aduersantem Martianum nullā aliā aduocatā potestate suo imperio deponerent, & illi successorem eligerent.

XXXIV. Hæc sub tribus Episcopis Romanis Cornelio, Lucio, & Stephano acta sūt. Sub Cornelio, quidem anno Christi CCLIV. Nouatianus cum martyribus, & Confessoribus secedens, Pseudo-Episcopus constituitur: Nouatus in Affricam ab eo legatur; & Martiano communicat. Anno CCLVII. quo primū in causa Martiani Arelatensis Concilium, & anno proximè sequenti, vel LIX. secundo Concilio Martianus depositus est. Quæ omnia vno contextu propter historię ordinem descripta sunt. Nunc ad Cornelij tempora redeamus. Cornelii Romani Episcopi Lupicino

Lupicino Viennensi scripta legitur Epistola, qua edictorum ab Imperatoribus in Christianos scriptorum certiorum reddit, per Imperatorem Romæ agentem, neque publicè, neque in cryptis notioribus missas agere licere, eumque ad confessionem, & martyrij palmam hortatur. Hanc tamen epistolam suspectam falsitatis reddunt, cum Lupicini, tum Cornelij Episcopatus anni, nam Cornelio, ut iam diximus successit Lucius anno 255. Galli, & Volusiani secundo, Lucio Stephanus anno tertio Imperatorum Valeriani, & Galieni, Christi 257. Stephano Sixtus anno Christi 260. quo Imperator Valerianus captus est, sub quo demum Lupicinus Viennensis floruit, Florentino decessore in exilium misso, ex Adone in Chronico, qui tamen adeò perturbatè res aliquando describit, ut ob hanc solum temporum rationem ex eo deductam, epistolæ Cornelianæ fidem detrahere nolimus.

XXXV. Cornelio sedente, eoque auctore translata ab Euodio Velaunorum Episcopo in montem Anitium Ecclesiam, eius monumenta narrant.

XXXVI. Anno Christi CCLIX. Valerianus à quodam Ægyptio mago persuasus, in Christianos sæviit, rescripto ad Senatum dato, & missis ad Præsides prouinciarum epistolis, quâ persecutione in Galliis passos aliquos fuisse constat.

XXXVII. Anno Christi CCLX. Taurinus Ebroicensis imminentem Galliis ab Alemannis persecutione animo præuidens, crebris orationibus populi sui salutem postulans, decretâ à Deo, Galliarum vastatione, sibi commissi gregis fœlicitatem obtinet. Sixto Ro-

mano instante eius martyrio, suâque morte, legationem mittit.

XXXVIII. Valerianus in impietatis vindictam anno Christi CCLXII. à Persis captus est. Quo facto Galienus permotus, edictis per omnes prouincias propositis Christianos liberè agere, & in cœmeteriis conuenire permisit. Non ideò tamen imperante Galieno quieuit Ecclesia Gallicana, quæ licet Imperatoris Romani beneficio libera esset, eius tamen segnitie, & irrumpentibus Barbaris, & diuidentibus Tyrannis secunda non fuit. Nam Galieno propter luxuriam à militibus contempto, diuersi per varias Romani Imperij partes Imperatores electi sunt. Galli Posthumium Trans-Rhenani limitis Ducem, & Galliarum Præsidem, occiso Salonino Galieni filio in Imperatorem sibi præficiunt, qui talem se præbuit per annos septem, ut Gallias instaurauerit. At illo rebellione Lolliani interfecto, ipso Lolliano Victorinis, Victoria, & Tetrico succedentibus in nomen Imperij, Alemanni in Gallias irrupere, quas demùm Probus anno Imperij secundo, Christi CCLXXX. vindicatas à Barbaris Imperio Romano restituit.

XXXIX. Plures leguntur Alemannorum in Gallias irruptiones, sub quibus Christiani passi sunt. Inter alias illustris est Chroci eorum Ducis depopulatio, cuius tempus apud authores varium est. Nam Sigebertus Chroci, quem Chroscum vocat, vastationem ad annum Christi 412. & passos sub eo Florentium, Hilarium, Desiderium Lingonensem, & Antidium Vesuntionensem scribit. Cui conueniunt acta manu-

scripta Desiderij, & Antidij, quæ ad Honorij, & Theodosij tempora referunt. At Gregorius, & alij plurimi, Valeriano, & Galieno Imperantibus Chrocum Gallias ingressum, in Priuatum Gabalitanum, & alios sæuissè scribunt. Hunc, Chrocum Gregorius, Scorconem Priuati vulgaria æta, Herodem eadem æta apud Mombritiû appellant: constantius tamen est Chroci nomen, quem sub Valeriano, & Galieno Gallias peragatum fuisse ampliùs dubirandum non videtur, vel ante Valerianum captum, vel capto Valeriano, sub Galieno, vel Posthumio demum cæso sub tyrannis. Toties enim in Gallias hisce temporibus irruerunt Alemanni, donec à Probo ultra Nicrum fluuium, & Albim expulsi sunt.

X L. Chrocum matris suæ consilio collectâ Alemannorum multitudine in Gallias ingressum, cuncta vastasse, & antiquissima ædificia solo æquasse referunt. Rheno Ponte traiecto, Treueros & Mediomaticas depopulatur, ac cunctis quæ prætergreditur deuastatis, Engolismam obsidet. Sedebat ea in vrbe Aufonius Episcopus, Mauritanîa Sanctonum oppido oriundus, Martialis discipulus, clarus miraculis, qui pro suo populo longâ obsidione liberando animam positurus ad Chrocum exit. Tibi, inquit, Deus iustus criminum nostrorum vindex nos dedit; Tu illius in nos irâ exerce. At cum tibi resistendi populo primus ego author fuerim, in me solum vindica, & illû liberum dimitte. Horratur Chrocus ad Idololatriam Aufonium; seque Deum, & Deorum nuntium prædicans, sacrificare recusantem Episcopum capite ple-

ctit. Inde Aruernos penetrans, in vetus delubrum, quod patriâ linguâ Vasso Galli nuncupabant, opere miro constructum incurrit. Illi paries duplex, pedes triginta crassus; exterior lapidibus quadratis; interior minutis compositus, mulsuo, & marmore variatus; pavementum marmoreum, tectum plumbeum erat. Hoc funditus euertit Chrocus, & incendit, nullâ vel loci superstitione, vel operis structurâ, & antiquitate tactus. Seruus huius templi Victorinus dum Vicum, quem Christianorum vocant, eorum persequendorum gratia frequentaret, Cassij prædicatione, & miraculis motus, Christo credit, vnâque cum eo martyrij palmam reportauit. Alemannus latè Aquitaniâ vastatâ, obsidet castrum in Gredonensi monte apud Gabalos situ inexpugnabile, (eò vicinarum regionum incolæ Barbarorum metu confugerant,) iuxta montem ad vicum Mimatensem, in quo priores Episcopi Gabalitani erant sepulti. Priuatus Episcopus intra cryptam montis supercilio imminentem secesserat; neque inde, nisi sacrorum faciendorum causâ, progrediebatur. Cùm autem repulsi acriter Alemanni, capi posse castrum diffiderent, ad Episcopum accurrunt, & per interpretem orant, vt ad deditionem ciues suos hortetur. Absit (inquit Episcopus) vt rapacium luporum furori gregem exponam, pro quo vitam ponere debeo, & paratus sum. Instant Barbari, & fustibus cæsum ad sacrificandum compellunt. Negat Episcopus, & acrioribus flagris, ferro, flammis, nouisque pœnarum generibus cruciatus, in confessione perseuerat. Attoniti viri constantiâ Barbari, ad Gre-

donense castrum redeunt, & quam ipsi dare noluerant, ab obsessis pacem postulant. Exeunt ciues castris, Episcopo gratulabundi, & ad eius iam ferè exanimis pedes prouoluti, receptæ libertatis gratias agunt. Non diù tamen populi sui liberationi superfuit Priuatus, illatis enim à Barbaris suppliciis toto corpore concussus, paulò post animam Deo reddidit. Chrocus Galliis transcurfis, tandem impietatis suæ pœnas soluens, à Mariano Præsidente Narbonensi Arelate captus, & per victas vrbes cum ignominia traductus capite damnatus est. Quod Sigibertus ad Chrocum, qui sub Honorio Gallias est ingressus anno quadringentesimo duodecimo, refert. Hic autem Marianus Præses fortè, Macrinianus ille est, qui anno Christi 269. Galieni 15. Consul in fastis legitur.

XLI. Turbatæ his temporibus fuerunt à diuersis tyrannis Galliæ, quorum factionibus fortè aliqua Christiani passi sunt, cum crebræ Gallorum proscriptiones eo tempore legantur. Ita Victorino Imperiū inuadente, Cæcilium Argitium Arboricum, auum suum Aufonius scribit, Lugdunensi prouincia proscriptum, in Aquitaniam ad Tarbellos profugisse. Si qua tamen sub tyrannis in Galliis Christianorum persecutio fuit, illa capeffente Imperium Aureliano circa annum Christi CCLXXI. recruduit. Hic enim cum adhuc Tetricus ex Aquitaniae Præsidente Imperator factus Gallias obtineret, eas petiit, atque ipso Tetrico exercitum suum prodente, quòd eius scelera ferre non posset, debitas sibi legiones obtinuit. Qua expeditione an in Christianos sæuierit, vel cum iterum

in Gallias profectus Vindelicos obsidione barbaricâ liberauit , incertum est. Primum illius in Gallias aduentum anno Christi CCLXXIV. posteriore sequenti CCLXXV. notare possumus.

XLII. Venientem ab Oriente Aurelianum , post deuictam scilicet Zenobiam , ipso quarto Imperij anno incipiente , Gallias ingressum fuisse acta Columbæ martyris testantur. Illa Senonis octauo Calendas Ianuarias , quo die urbem ingressus dicitur Imperator , perquisitis Christianis , exhibetur. Hortatur Imperator vt fidem deserat , & in Deorum religionis præmium , Aurelianum Cæsarem filium suum in coniugem accipiat. Iridentis vana Imperatoris promissa Columbæ , in Amphitheatro recluditur , & vulgari corporis iuuenem Barucam nomine ad vim inferendam immissum , & irrumpente vrsâ de cauea , iamque illum dilacerante , nimio terrore constrictum , adiuratâ per Christi nomen vrsâ , ad Christi religionem adegit. Expauescens tanto prodigio Aurelianus , rogo impositam Columbam cum vrsâ incendi iubet ; at Columbæ precibus soluta aufugit vrsâ , & extincto igne per repentinum imbrem , Columba incolumis euasit. Maleficio id actum existimans Aurelianus , necandam licetoribus Columbam permisit , à quibus redemptâ Anobolarij sui munere oratione , & voce quæ eam inuitaret de cœlo auditâ , gladio vitam finituit pridie Calendas Ianuarias. Inde Treas proficiscens Aurelianus in Pa-

troclū animaduertit. Hic in sub-urbano Trecaſſino orationibus, & vigiliis vacans, ad Imperatorem delatus, Chriſtum abnegare renuit, neque carcere tri-duano, catenis ignitis, ſuſtibus, & flagris ad ſacrificandum coactus, gladio ad Sequanam damnatur ab Aureliano, vt abſumptū aquis cadauer, nullā à Chriſtianis religione coleretur. At auditā à Domino oratione, ſicco veſtigio flumen Patroclus tranſit, & indicante feminā à percufforibus repertus, duodecimo Calendas Februarias capite plexus eſt. Eius acta diū abſcondita, tandem ex Italia ab exercitu in Galliam delata fuiſſe ſcribit Gregorius Turonenſis libro primo miraculorum capite ſexageſimo quarto. Eadem in vrbe Tricaſſina Claudius, Iuſtus, Iucundinus, & quinque ſocij duodecimo Calendas Auguſti eodem ſub Aureliano paſſi ſunt. Quare vel longum tempus Treceſ commoratum fuiſſe Aurelianum dicemus, vel ad aliam eius profectionem referemus.

XLIII. Sauinianus in eodem Trecaſſino territorio à Præſide Criſpino, Aureliano iubente comprehenſus, cuſtodias ſuas quadraginta-octo milites ad Chriſti fidem conuertit. Aptatā eius capiti igneā caſſide, in ignem quoque miſſus, & ad vectes ferreos caſus, ſeruatur illaſus. Immiſſa in eum iacula intacto corpore ab vtroque latere aëre ſuſtinente ſuſpendeduntur, vnumque irridentis Imperatoris oculum ferit. Quare furens Aurelianus gladio in eum anim aduerti iubet; ſed capitis ſententiam executuri ſatellites precibus Sau-

niani obcæcantur , & ille Sequanam sicco pede transit. Accurrunt deinde milites, Sauinianum percutiunt, ipso timorem eorum reprimente , & sui sanguinis guttam ad Imperatoré deferri rogante. Ignosci sibi postulant à Sauiniano iam cæso , & caput abscissum ad pedes quadraginta nouem martyrum deferente. Accepto linteo sancti sanguine peruso, Imperator à vulnere iaculi sanatur. Cæso iam Sauiniano, Sauinam sororem, post perquisitum diu multumque fratrem, Romæ ab Eusebio Papa baptizatam, & multis miraculis claram, Trecas secundum diuinam reuelationem venisse, ibique paulò post sepultam fuisse aucta referunt. Quæ alia quoque multa veritati parum consentanea scribunt, ex quibus hoc vnum notasse sufficiat: Sauinam mortuam statim post mortem fratris, quæ anno Christi 275. contigit, ab Eusebio Romano Pontifice, qui anno 309. Marcello successit, baptizatam fuisse. Adeò incerta, & confusa sunt traditionis nostræ monumenta, quæ, ne singula percurrens tædio sim: hac eadē persecutione, decimo-octauo Cal. Decemb. eadem in vrbe Tricassina Venerandam martyrem, & alibi plerosque cæsos fuisse indico. Alij quoque, qui sub Aurelio passi sunt ad hanc persecutionem à plerisque referuntur.

XLIV. Aureliano cæso iterum Gallias Alemanni deuastarunt ; At Probus in Romani Imperij decus post momentaneum Taciti, & Floriani Imperium assurgens, asserto sibi Imperio circa Christi annum CCLXXX. cum magno exercitu Gallias petit, quæ omnes occiso Posthumio turbatæ fuerant, interfe-

cto

Æto Aureliano à Germanis possessæ. Tanta autem illic prælia foeliciter gessit, vt à Barbaris septuaginta per Gallias nobilissimas reciperet ciuitates, & cum iã in ripa Rheni Romana, imò per omnes Gallias Barbari securi vagarentur, cæsis quadringentis millibus, qui Romanum occupauerant solum, reliquias vltra Nicrum fluuium, & Albim remouit.

XLV. Probo succedens Carus circa annum Christi CCLXXXII. aut III. Carinum alterum ex filiis, hominem omnium contaminatissimum, adulterũ, frequentem corruptorem iuuentutis, cum nomine Cæsaris Galliis præfecit. Quem inter tot impuditiæ, & crudelitatis facinora, à Christianis manus non abstinuisse crediderim. Constantiæ in Gallia Pelagium damnante Euilagio Iudice sub Numeriano Imperatore passum iuisse refert Martyrologium Romanũ s. Calend. Septemb. Sed Numeriani loco Carinum reponendum esse non ambigo. Numerianus enim vnà cum patre in bellum Persicum profectus est: Carinus in Gallias, propter quod Carus se miserum dixit, quòd Carinum ad Gallias Principem mitteret, neque illa ætas esset Numeriani, vt illi Gallicanum, quod maximè constantem Principem quærir, crederetur Imperium.

XLVI. His sub Imperatoribus post Decij persecutionem ad restituendam Ecclesiam Romã missi varij Episcopi, quorum aliqui Dionysij, & aliorum septem Epi. coporum discipuli, aut socij dicuntur. Duodecim præcipuè Dionysio (vt quidam volunt) duce, Quintino (vt alij scribunt) in Belgicam vene-




ECCLESIAE

GALLICANÆ

HISTORIARVM:

LIBER QVARTVS.

I.  **S**ÆVISSIMAM omnium
persecutionem ingredimur,
quæ Diocletiano, & Maxi-
miano imperantibus vniuer-
sum latè orbem profligauit.
Carino ad Murgum occi-
so circa annum Christi
CCLXXXV. solus regnat
Diocletianus. Qui Helianum, & Amandum per
Gallias excirâ manu agrestium, & latronum, quos
Bagaudas incolæ vocant, populatis agris vrbes ten-
tare comperiens, Maximianum Cæsarem nuncupa-
tum ad eos comprimendos in Gallias mittit. Hanc
expeditionem iam Cósulem creatum Maximianum

T ij

fulcepisse videtur indicare Claudius Mammerlinus in Panegyrico, dum ait. Ipso primo sui consulatus die officia Consulis inchoasse, Imperatoris impleuisse, togam prætextam sumpto thorace mutauisse, hastam posito scipione rapuisse, à tribunali venisse in campum. Qui consulatus cum Diocletiani tertium collegio, in annum Christi CCLXXXVII. incidit. Cum autem Octodurum Valensium ciuitatem peruenisset, conciliandis sibi Dijs exercitum lustrari, milites sacrificare iubet. Thebæa legio Christiana ab Oriente euocata, ne sacrificiis nefandis pollueretur, ad octo millia passuum Agaunum secedit. Hæc legio in transitu Romæ à Marcellino Episcopo confirmata dicitur, contra temporum rationem. Cum enim Maximianus, statim atque Cæsar renunciatus est, in Gallias venerit (nam in eam rem creatus videtur) vel primo suo consulatu, cœpto iam Imperio, conuenire nequeunt profectionis huius legionis, & Marcellini Episcopi Romani tempora. Nam huius electio in annum Maximiani XIII. aut XIV. incidit. Porrò duæ fuerunt Thebææ legiones, quæ sub Magistro militum per Thracias militasse leguntur in Notitia Imperij Romani; prima Thebæorum Maximiana; altera tertia Diocletiana Thebæorum: Hæc, Diocletiana esse potuit, vel alia Thebæorū, quæ hac persecutione cæsa, & per Maximianum restituta, ab eo deinde nomen accepit. Secedentem legionem, intellecto eius proposito, per nuncios commilitonum exemplo ad immolandū Imperator hortatur. Verūm Mauritius Legionis Tribunus, Exuperius Signifer, Claudius vir

clarissimus, respondere: Velle legionem contra hostes pergere, ad militiam, non ad impietatem conscriptam, sub signis voluntatem Cæsaris expectare, mandata exequi paratam, modò ne Christianis hominibus nefarius Idolorum cultus imperaretur. Non tulit hæc verba Maximianus, sed decimum quemque recusantis legionis sorte ductum necari iubet, ac cum superstites ad sacrificandum in castra redire iussi, non parerent, decimus quisque pœnas luit: atque in reliquos, pari constantiâ vano Deorum cultu abhorrentes, totus exercitus irruptionem facit. Abiectis clypeis, corporibus aduersis, inermes Christiani furentes commilitones excipiunt, & quando pro cœlesti præmio certabant, indefensi ad vnum cecidere. Exercitus, ac si de hostibus victoriam reportasset, Dijs gratias per sacrificia, & epulas egit; quas inter Victor veteranus miles se tot Christi militibus superstitem querens, & Christianum se esse prodir, & à furente milite obtruncatur. Ex hac legione, tantæ cladi multos superfuisse vetera martyrum acta narrant. Ex quibus Solodori Victor, & Ursus primò iubente hoc Imperatore diris suppliciis excruciat, cœlesti lumine tortorum oculos perstringente erepti, deinde in igne missi, sed nullâ corporis parte læsi, nouissimè capite plexi sunt. Alios etiam ex hac legione sub Maximiano passos in Martyrologiis legimus, quos ad Maximiani in Carausium expeditionem referendos arbitramur. Huic Maximiani in Bagaudas profectioni Victoris Massiliensis martyrium eius acta adscribunt, quæ si veram temporum rationem ineunt, cum Vi-

toris martyrium in duodecimum Calendas Augusti, & legionis Thebæ clades in 10. Calendas Octobris incidant, prius Massiliæ quàm Octoduri venientem ex Italia Maximianum egisse oporteret, quod tamen itinerum rationi minimè consentaneum est. Requirenda est igitur alia Maximiani Massiliæ mora, qua in Victorem animaduertisse dicatur. Nunc Gallias ingressus leuibus præliis hostes fundit, aut deditos recipit, & quæta omnia relinquens Romam redit.

II Vix dum tamen rusticorum tumultu sopito, barbaræ nationes excidium vniuersæ Galliæ minantur. Neque solum Burgundiones, & Alemanni, sed etiam Cahibones, Erulique in has prouincias irruunt. Redit Maximianus, & paucis cohortibus magna internecione Barbaros delens, bellum confecit. Hoc in bello Carausius vilissimè natus, Menapiæ ciuis in strenuum ordinem militiæ promptioribus factis famam egregiam consecutus, enituit. Quare apud Bononiâ per tractum Belgicæ, & Armoricæ cum gubernandi artis, quâ adolescentiam mercede exercuerat, gnarus haberetur, pacandum mare, quod Franci, & Saxones infestabant à Maximiano accepit. Quo elatior, nec prædâ integrâ, aut prouincialibus redditâ, aut Imperatoribus missâ, cum suspicio esse cœpisset, consultò ab eo Barbaros admitti, vt transeuntes cum prædâ exciperet, atque hac occasione se ditaret, à Maximiano iussus occidi, purpuram sumpsit, & Britannias occupauit. Mouet in eum Maximianus iam Augustus à Diocletiano declaratus, & in paranda classe au-

num integrum Treueris infumit, ut testatur Claudius Mammertinus in Panegyrico, quem coram illo eo tempore in eadem vrbe dixit. In huius expeditionis subsidium milites ex Affrica euocati, quorum trecenti quinquaginta vnâ cum Gereone, Victore, Cassio, & Florentio Christianis ducibus, ad Rheni fluminis ripam pro Christi confessione cæsi sunt.

III. Intercæ orbe toto turbatur: In Ægypto Achilles Imperij insignia induit, Affricani Iulianus, ac nationes Quingentanæ; Orientem, Persæ Duce Narseo grauitèr quatunt. Imperatores in curarum Imperij partem Cæsares adsciscunt, Diocletianus Iouius Constantiû, Maximianus Herculus Galerium, & diuiso orbis Imperio Maximiano Affrica, Italiâque; Galerio Illyrici ora vsque ad Ponti Fretum; Constantio cuncta quæ trans Alpes Galliæ sunt obtigere: cætera Diocletianus cum Imperij summa retinuit. Hæc Annibaliano, & Asclepiodoto Consulibus circa Christi annum CCXCII. acta fuisse vero similius est. Quo anno Constantij in Gallias Imperij fœlicia Ecclesiæ auspicia statuenda sunt. Cû enim ille Christianam religionem colens à fidelium sanguine abstineret, nullam ab hoc anno, eius Galliarû administrationis primo, in Christianos persecutione fuisse aliquando existimabamus. Verum cum ab hoc tempore occupato contra Barbaros Constantio, neque fortassis Christi nomen agnoscente, pro consuetudine, & solito Gentilium furore multi in Galliis Christiani cæsi sint: ad Imperatorum abdicationem pacem Ecclesiæ differemus.

IV. Intra ea tempora plures, tam ipso Maximiano iubente, quàm damnantibus eius Præsidibus in Gallijs passi sunt. Maximianus ipse animo ferox, & semi-agrestis Massiliæ agens in Christianos curiosius perquisitos sæviit. Cum iam carceres impietatis reis implerentur, Victor miles sedulus Christi confessor noctibus singulis Christianorum domos frequentās, & ad constantem confessionem exhortans deprehenditur. Tribunali Magistratus exhibitus, non audit religionis abnegationem suadentes, ac cum constantissimè Christum profiteretur, propter dignitatem, ad Maximiani audientiam mittitur. Minatur Imperator, & ni sacrificaret, mille suppliciorum generibus frustra terreat. Nam Iesum semper prædicans Victor terrores, ac minas Imperatoris contemnit: Ille furens funibus vinctum per totam urbem, cum ignominia volutari iubet, eo ludibrio fore ut moueretur, existimans. At Victor ad tribunal Iudicis ex hoc fœlicissimo dedecore reductus, Deorum Gentilium vanitatem, & Christi diuinitatem eleganti oratione demonstrat. Urget iterum Iudex Asterius, cui in torquendo Victore dissentiens collega Eutychius, locum cesserat, & perstantem in Christi confessione Victorem iubet affigi, ac crudelissimè torqueri. Inter supplicia visus Victori Christus voce solatur, ac cum iam lassii tortores deficerent, de patibulo depositum in carcerem trudent. Nocte iterum à Christo inuisitur, lumine carcer impletur, cuius splendore custodiæ milites obstupefacti, ad pedes Victoris prouolui, Christum agnoscere, & Sacerdotibus aduocatis, in mari proximo

proximo baptizari. Hæc accipiens Maximianus Victorẽm tanquam authorem sceleris durius torqueri, & milites Alexandrum, Longinum, & Fœlicianum, nisi immolassent capitali sententia damnat. Præmissos martyres Victor sequi instantissimè postulat, at conclamantibus vndique turbis, iterum suspenditur, fustibus, & nervis cæditur, in carcerem retruditur. Post triduum Maximianus exhibitum sibi ad Ioui sacrificandum hortatur: nihil agens, in pistrinum duci iubet. Victor molæ suppositus quasi Christi frumentum teritur, & cùm machinâ ruptâ adhuc respiraret, gladio vitam finiuit. Efflante animam Victore, cœlestis vox quædam superintonuit dicens: Vicisti Victor beate, Vicisti. Eius corpus iussu Maximiani in mare projectum providente Deo in litus eijcitur, & à fidelibus in vicina crypta sepulturæ mandatur.

V. Hac eadem Maximiani persecutione sub Præsidibus Riçtio Varo, Crispino, & Daciano Christiani testimonium fidei vitæ suæ reddiderunt. Ex his plures vel iam moti à Diocletiano Romæ persecutione, vel prioribus sub Principibus, profligatæ in Gallijs fidei restituendæ causâ venerant. Hi Quintinus, Regulus, Valerius, Ruffinus, Eugenius, Lucianus, Crispinus, Crispinianus, Piaton, & alij simul Româ missi dicuntur, quorum aliqui p̃sorum Galliæ Episcoporum socij in aliquibus veteribus actis fuisse leguntur, vt superiori libro scripsimus; adeò historica veritas in incerto, & obscuro iacuit.

VI. Riçtius Varus, qui modò Præfectus Galliarũ, modò Belgicæ Præses dicitur, in prouinciis Belgicis

Imperatorum edicta sequutus, in multos Christianos animaduertit. Treueris Belgicæ primæ Metropoli plurimos cæsos fuisse constat ex Martyrologio, in quo pridie nonas Octobris innumerabilium. penè martyrum sub Riëtio Varo passorum Treueris memoria celebratur. Quorundam nomina refert Sigebertus in Chronico ad annum MLXXI. ex aurea inscriptione ad eorum tumulum posita; illi Palmatius, quem Consulem, & Patricium Treuerorum vocat, cuiusque cōmemoratio tertio Nonas Octobris, Thyrsus ex Principibus legionis Thebææ, septē vrbis Senatores Maxentius, Constantius, Crescentius, Iustinus, & tres fratres Hermogenis, Donati, & aliorum, quorum suis diebus memoria celebratur, Leander, Alexander, Soter, Hermilda, Papyrius, Constans, & Iouiuianus.

VII. Reliquas Belgarum vrbes Præses perlustrans, propagatâ iam latè religione Christianâ, in singulis Christianos inuenit, & damnat. Remis Belgicæ secundæ Metropoli Macram virginem in ignem pro Christi nomine proiectâ, & illæsam, mamillis deinde abscissis, squalore carceris afflictam, ac super testas acutissimas, & ardentes prunas volutam, ac inter preces, & gratias animam efflantem, fidelem persecutione sua Christo testem effecit. Remis egressus Valerium & Ruffinum in territorio Suessionensi variis suppliciis affectos, tandem capite plesti iussit, quorū corpora post modum Remos delata sunt.

VIII. Ambianos eiusdem prouinciæ ciuitatem Firminus Episcopus Christi religione imbuerat, in

quem vario pœnarum genere sæuiffisse, & capite dam-
 nasse Riëtium Verum, refert Martyrologium VII.
 Calend. Octobris. Verùm eius acta manuſcripta non
 à Riëtio Varo, ſed à Valerio Sebaſtio Præſide ex De-
 cij, & Valeriani Imperatoris edictis damnatum fuiſſe
 ſcribunt. Hæc tamen acta non cohærent. Etenim
 Firminus Pompeiopoli à Saturnino baptizatus, ab
 Honorato Saturnini Tolosæ ſucceſſore Episcopuſ
 ordinatus, peragratis Galliis Agenneniſibus Aquita-
 niæ populis, Aruernis, Andegauis, tandem Belloua-
 cenſibus Chriſti fide diu prædicatâ, Ambianos ve-
 nit; quæ nec ſub Decio nondum Episcopuſ, nec ſub
 Valeriano tam ſubitò, ſed per ſuccedentium Impe-
 ratorum annos peragere, & ad Diocletiani Imperium
 peruenire potuit. Niſi fortè ille Valeriuſ Sebaſtianuſ
 Riëtium Varum in Belgicæ adminiſtratione præceſ-
 ſerit: & illi Bellouaci occiſo, vt referunt acta Firmini,
 ſucceſſor dictuſ fuerit hic Riëtius Varuſ.

IX. Hac eadem in vrbe Ambianenſi Præſeſ Quin-
 tinuſ Romanuſ ciuem, Zenoniſ filiuſ pro tribu-
 nali interrogat, ac Chriſtianuſ eſſe accipienſ ſacriſi-
 care diis recuſantem ſæuiſſimis tortoribus addicit.
 Inter flagella gratiaſ agens Deo Quintinuſ, auxilium
 Dei ſenſit, hac voce confirmantiſ: Quintine conſtâſ
 eſto, viriliter age, Ego adſum tibi. Quâ voce tortoreſ
 in terram proſtrati ſe ipſoſ duriffimè torqueri exclamant.
 Præſeſ maleficio id peregiſſe Quintinuſ cre-
 dens, in carcerem retrudit: at Angèlo duce ille egre-
 ditur, & ad congregatam in medio ciuitatiſ multitu-
 dinem verba facienſ, ſexcentoſ ad Chriſti fidem con-

uertit. Clauso carcere *Quintinum* exiuisse milites mirantur, & cognitâ eius prædicatione Christum professi Præsidi cuncta referunt. Frendens ad hæc *Rictius Varus*, & milites malarum artium accusans, relictis suppliciis, astu, & dolo *Quintinum* tentat corrumpere. Verùm inuictus Christi miles aduersarij dolos, & artes eludens, iterùm supplicijs addicendus, *Augustam Veromanduorum* ducitur, vbi clauis, & verubus toto corpore transfixus, tandem ad tumultû *Augustæ Veromanduorum* imminentem capite plectitur. Proiectum in *Somenam* fluuium eius corpus quinquagesimum-quintum post annum, *Constantini* filijs imperantibus, ab *Eusebia Romana* matrona prope *Augustam Veromanduorum*, quæ ab ipso *Quentino* martyre postea nomen accepit, diuino monitu repertum fuisse scribunt. Qui anni à filiorum *Constantini* anno primo, Christi trecentesimo trigesimo-septimo enumerati, ad annum Christi ducentesium octuagesimum-tertium *Caro, & Carino* imperantibus nos reducunt. At cùm acta sub *Constantio Constantini* filio hanc inuentionem referant; eius solius anno primo, Christi 350. adscribendo martyrium *Quintini*, *Diocletiani*, & *Maximiani* anno 12. Christi ducentesimo nonagesimo-sexto accidisse oportebit. *Sigibertus* autem ad annum Christi CCCII. retulit.

X. *Quintini* cæde nondum cognitâ, *Victorius*, & *Fuscianus* eius prædicationis socij, *Morinis Ambianos* *Quintinum* inuisendi causa venientes, *Parisijs*, à *Gentiano* quodam *Ambianensi* sene quadrage-

simum secundum ante diem vixisse Quintinum accipiunt: quod pridie Idus Decembris contigisse constabit, si ad pridie Cal. Nouembris recurritur, quo Quintinus Augustæ passus est. Quare vel mendum esse oportet in dierum numero, cum Ambianis tertio Idus Decembris Victorius, & Fuscianus passi dicuntur, vel ad sequentem annum eorum passio referenda, quod magis placet. Ambianos sancta hæc martyrum synoris venit, viduatam pastoribus Ecclesiam consolatura. At Riëtio Varo indicari, post nares, & aures ingentibus ferreis clavis cudentibus (lingua Gallica iudes ferreas taringas vocat in actis martyrū) transfixas, oculos euulsos, iaculis membra confossa, cum Gentiano hospite capite plexi sunt.

XI. Ambianos hac eadem tempestate Iustus puer, prophetiâ clarus, cum patre Matthæo ad fratrem Iustinianum è seruitute redimendum Antissiodoro venerat. Quo à Lupo Domino accepto, dum eorum religionis indicium ad Riëtium Varrū deferretur, clam nocte aufugiant: insequuntur emissi à Præside milites, Matthæus, & Iustinianus hortâte Iustino speluncæ latibulo sibi consulunt: instant equites, offert se Iustinus pro sociis, & cæditur, caput abscissum deferret præ manibus, stans, & immotus, ac venientes patrem, & fratrem alloquitur. In Bellouacensi territorio hæc accidisse dicuntur, & Martyrij historiam versibus Beda descripsit.

XII. Belgicam per Christianorum cædes percurrens Riëtius Varus, tandem effusi sanguinis innocui pœnas luiturus, in Suessionensem ciuitatem venit. In

c1 Quintini focij Crispinus, & Crispinianus Christi fidem promulgantes, artem calceatoriam vt insinuandi per familias Euāgelij occasionem haberent, nullo recepto pretio profitentes. Præsidi exhibentur, Christum professi, ad throchleas extensi fustibus cēdūtur, fudes acutissimæ inter ungues, & carnem digitis infixę, in ministros diuina vi repulsę, plerosque perimūt. Alligatis collo molis in concretum glacie Axonæ fluuium demersi, neque saxi oppressi, neque frigore cōstrikti, neque aquis necati, abiectis molaribus lapidibus ad ripam incolumes emergunt. Vano aquarum supplicio liquefactum plumbum Præsides substituit, & arctatos vinculis immergi iubet. Orant martyres exemplo puerorum Babylonis, & exiliēs plumbi feruentis gutta oculum Præsidis lædit. Ad hæc ille furens, picem, oleum, & adipem plumbi misceri: at Angelus Dei martyres ab igne illæsos eduxit, ipsęque Rectius Varus furore percitus in ignem se projecisse dicitur. Cuius morte acceptrā octauo Cal. Nouemb. Maximianus tulit sententiam esse in Gallia tunc temporis agebat, à qua cū in Affricam anno Christi CCXCII. profectus sit, Rictij Vari persecutionem ante eos annos fuisse oportebit, si modo vera illa est Maximiani in martyres sententia; quæ vt Præsidis cædes fortassis in acta irrepsit.

XIII. Aquitaniam Galliarum & Tarraconensem Hispaniarum prouincias rexisse hac tempestate Dacianus legitur in actis martyrum: quod verum esse nō ausim affirmare. Nam diuersæ semper fuerunt Galliarum, & Hispaniarum administrationes, quæ &

duorum Vicariorum dispositioni, postea subditæ sunt. Fieri tamen potuit ut Daciani nomen, propter varias Christianorum in Hispanijs cedes, vicinis Aquitanis, & Narbonensibus cognitum, Gallorum martyrum actis à posterioribus scriptoribus insertum sit. Elusæ in Nouempopuloniæ Metropoli Dacianum egisse referunt acta Lupercij martytis, quæ Cæsaraugustæ natum post dictu horrenda supplicia, ac varia patrata prodigia capitali sententiâ à Daciano Elusæ damnatum scribunt. Hunc tamen Lupercium ciuem suum, & martyrem prædicant Cæsaraugustani, atque ipse Prudentius octauo libro Peristephanon hymno de decem, & octo martyribus Cæsaraugustanis, inter illos Lupercium numerat. Eius acta inter Aquitanorum martyrum historiam eleganti stylo descripta se legisse ait Scaliger in notis ad Aufonium, quæ eadem cum his quæ ex manuscripto codice edimus, esse non arbitramur. Elusates patronum, & tutelarem adhuc cum colunt.

XIV. Eadem Cæsar-augustana ciuitas se Vincen-
tium Aquitanis dedisse gloriatur. Iulianus autem To-
leranus Episcopus in illo carmine quod de illo com-
posuit, Gallia oriundum, Valerij Cæsar-augustani
ministrum, ab eo in Galliam missum, à Maximiano
gladio cæsum. Incognitum Agennensibus eius acta
restantur, apud quos cum certo die quorannis dæmō
suis artibus igneam quamdam machinam agitarer,
& concurrentis multitudinis animos in admiratio-
nem, suique cultum raperet: Crucis signo destruit ar-
tes diaboli Vincentius, & ab irato Præside post mul-

ta supplicia capite damnatur. Hunc cum Vincentio alio martyre Cæsar-augustano plerique erroneè confundunt; nam Hispanus varia inter tormentorū genera animam efflauit; Agennensis gladio plexus est. Huius acta ab incolis seruari scribit Gregorius Turo-nensis.

XV. Caprasij Episcopi Agennensis ministrum Vincentiū aliqui volunt. Hic cum Fides virgo Christiana diris supplicijs à Daciano-afflicta prunis, & craticulis imposita vexaretur, è vicina vrbi spelunca prorumpens Præsidi ad martyrium se exhibet, quod fœ-liciter vnà cum Fide capite obtruncato consumma-uit.

XVI. Illustre sub hac Maximiani persecutione martyrium est Ferreoli, & Iuliani. Crispino Præsidi Viennæ mota persecutione, Ferreoli Tribuni cōsilio in Aruernos profugit Iulianus, qui apud quamdam viduam latens, vltro se obtulit satellitibus, & cæsus est. In exemplum, & terrorem Viennensium Christianorum caput Viennam refertur. Interea Ferreo-lus sacrificare renuens in carcerem conijcitur, at pate-facto noctu ostio aufugit, Rhodanum tranat, & ad amnem Giers deprehensus à persecutoribus capite plectitur, aut vt volunt acta manuscripta Briuatem ductus, vnà cum Iuliano damnatur.

XVII. Genesius Arelatensis exceptoris officio fungens, sæuissima in Christianos iussa Iudicum excipere recusat, & tabulas ante tribunal projicit. Persecutores instant, & cum adhuc catechumenum, ac sacrum Christianæ legis lauacrum ardenti desiderio postulantem

postulantem comprehendunt, & capite plectunt. Multis miraculis insignem, scriptis suis celebrarunt. Hilarius Arelatensis, & Eucherius Lugdunensis.

XVIII. Victorinum Pictaviensem Episcopum ad hæc tempora referunt Martyrologia: virum inclytum, scriptis, & Martyrio clarum, ab Hieronymo laudatum, & obscuritatis reprehensum. Eius Commentarios in Genesim, Leviticum, Isaiam, Ezechielem, Habacuc, Ecclesiasticum, Cantica Canticorum, Apocalypsin Ioannis, & aduersus Hæreses, aliâque opera Hieronymus enumerat. Idem ille fertur, cuius scripta tanquàm Millenariis fauentia, notantur in Concilio Romano; & cum Victorino Aquitano Paschalis Canonis sub Hilario Papa scriptore peruersè confunduntur.

XIX. Plures alij hac tempestate in Galliis, fidele Christo testimoniū sanguine suo exhibuerunt. Novioduni Heradius, Paulus, Aquilinus, & duo alij. Tornaci, Piaton Quinctini socius. Cesserene in Narbonensi Prouincia, territorio Agathensi, Modestus, Tiberius, & Florentia; qui locus à Tiberio postea nomen accepit, & Abbatia fuit insignis. Remis Macra Virgo. Nannetis Donatianus cum fratre Rogatiano. Hic cum adhuc catechumenus sine baptismo timeret excedere, pacis osculum à fratre petiit, hanc communionem suæ fidei argumentum fore ratus. At frater audiri desiderium catechumeni, & sanguinis riuos sacri Baptismatis vices implere à Deo postulat. Tum pari voto Christum professi cæduntur. Alios Martyrologia, & singularum Ecclesiarum ta-

bulæ pro Christo cæcos testantur.

XX. Carausio, post sextum à data pace annum, ab Allecto circumuento, Asclepiodoti Præfecti Prætorij ductu, tertio Allecti Tyrannidis anno, Britanniam Constantius recepit, decimo postquam à Carausio fuisset occupata, hoc est, Anno Christi CCCII. Diocletiani & Maximiani XVIII. Anno sequenti eorum Imperij XIX. Orbe ferè vniuerso iam pacato, acrius bellum Christianis indictum est. Nam Paschate Ecclesiæ conclusæ, & in Christianorum necem noua Edicta proposita sunt. Hæc ad decennium in reliquis orbis partibus persecutio durauit, solùmque Constantij Imperium fuit à tanta tempestate liberum. Cum enim anno Imperij XX. Diocletianus & Maximianus purpuram exuerint, non est vero simile Constantium iam rerum Imperatorio sub nomine potentem, ritibusque Christianis, Eusebio auctore, religiosè adstrictum, in eam, quam profitebatur, religionem sæuuisse. Ergo ab hoc Imperatorum abdicationis anno, liberum effert caput Ecclesia Gallicana, & iam de Gentilium furore triumphans, hymnum victoriæ Christo concinit, ac pro consanguinearum Ecclesiarum calamitate vota offert. Atque ita decursis primorum Ecclesiæ Gallicanæ Patrum, aduersus Gentilium persecutiones cruentis triumphis, ad piam & innocuam de vitiis, & Hæresibus successorum victoriam firmatâ pacè properemus.

F I N I S.

P A R S
SECUNDA



PARS SECVNDA
HISTORIARVM
ECCLESIAE GALLICANÆ.

COMPLECTENS ACTA, QVÆ
*rerum in prima parte narratarum probationibus
inseruiunt, ex veteribus Manuscriptis
codicibus eruta.*

AD LIBRVM PRIMVM.

AD Caput XII. Mimij Catalaunensis hæc est
vita ex veteri Manuscripto.

NECIPIT vita sancti ac beatissimi Mimij Episcopi
& Confessoris, qui obiit in Catalaunica ciuitate,
Nonas Augusti.

Igitur beatissimus Mimius Episcopus, nobilis genere, de
ciuitate Roma oriundus fuit. Sed cum à sancto Petro Apostolo in
Episcopum benedictus fuisset, ad partes Galliarū ad prædicandū
verbum Dei missus est, vñā cum fratribus suis sancto Dionysio,
futuro Parisiensi Episcopo, & sancto Xestio Remensium Episcopo,
& sancto Eucharis Treuerensi Episcopo, & sancto Sauiniano Se-
nonis Episcopo, & sancto Senecio Suefionis Episcopo, & aliis sex

Episcopis, & Donatiano Diacono, & Domitiano Subdiacono, qui quasi ex vno vtero in Christo fratres esse noscuntur. Hi domino imperante ad prædictas partes directi fuerunt, & cum accepta ordinatione Pontifices velociter festinassent, & Româ in decem & octo millibus ad mansionem diuertissent; contigit vnum ex Officialibus S. Mimij, Domitianum scilicet *Subdiaconum*, qui à beato Petro Apostolo cum ipso fuerat ad officium *predicandi* destinatus, defunctum fuisse. Sed cum beatissimi nus Mimius ipsius Subdiaconi solatium ad officium sibi cognouisset deesse: eo sepulto continuè ad sanctum Petrum reuersus, lachrimabiliter ita suggessit, dicens: Domine sanctissime Magister cognoscat sanctitas tua Domitianum subdiaconum, quem mecum ad verbum Domini gentibus prædicandum direxeras, in itinere modò fuisse defunctum. Quod cum beatissimus Petrus audisset, cui à Domino potestas ligandi ac soluendi data esse dignoscitur, diuina inspiratione per-motus beato Mimio Episcopo fiducialiter respondit, dicens: Noli frater contristari de transitu filij nostri, sed accipe vestimentum meum, & reuertere ad locum sepulture eius, & super corpusculum eius impone, ita dicens: Imperat tibi Dominus Iesus Christus, & Magister noster sanctus Petrus, vt qualiter tibi mandauit, mecum ad verbum Domini gentibus prædicandum ambulare non tardes, vt lumen dominicum per nos omnibus pateat. Acceptâ igitur oratione beati Petri Apostoli, cum ad locum ipsum vbi defunctus fuerat peruenisset, & super corpusculum eius vestimentum sancti Pontificis imposuisset, auxiliante Domino continuò surrexit incolumis, qui mortuus iacebat in puluere. Tunc ait ad eum sanctus Mimius, surge frater Domitiane, eamus ad locum vbi à sancto Magistro nostro sumus destinati, & ad ciuitatem Catalauniceam recto itinere properemus. Multas quidem virtutes per seruos suos Dominus eo tempore in itinere dignatus est ostendere. Recipiebant enim debiles gressum, cæci visum, surdi auditum, & in qualibet infirmitate positi, beati Mimij precibus continuò ad pristinam sanitatem perueniebant. Cùmque iam ad dictam ciuitatem Catalaunis, vbi directi fuerant, accessissent, & ipsos propter gentilitatis errorem quo premebatur, noluisent accipere, diuina inspiratione per-motus cum

silentio ad speluncam deserti, quæ vocabatur *Buxeria*, à ciuitate ferè milliario vno distantem ire destinauit, vbi die ac nocte vigilabat, & orationibus vacabat: impleuit autè ibi circulum anni. Postea verò contigit, vt quidam nobilis puer in fluuiolo, qui est ad portam ipsius ciuitatis, nomine *Nauta* fati munus impleisset, & cum hoc parentibus nuntiatum fuisset, & super corpusculum ipsius defuncti planctum validissimum excitarent, audientes beatum *Mimium* virtutes assiduas in spelunca operantem, ad eius præsentiam deuotè accesserunt, lachrimabiliter postulâtes, vt filium eorum suis orationibus sibi redderet incolumem. Beatus verò *Mimius* eorum gemitibus cōpatiēs, genibus prouolutis in terra, Domino fufis precibus supplicauit, vt puerum eis redderet viuum, & populus in errore gentilitatis positus ad fidei cognitionem perueniret. Beatissimus itaque vir petitione à Domino obtentâ, surrexit de puluere. & puerum astantibus parentibus viuum & incolumem suscitauit de morte. Qui continuò beatissimi gratiâ, lauacrum expetiit sacri fontis, & dum parentes ipsius pueri tantam virtutem per seruum Dei factam vidissent, postulauerunt à sacerdote, vt cum dignis honoribus ad ciuitatem Catalaunicam, vbi ipsum antea propter gentilitatis errorem recipere noluerant, ad Pontificalem cathedram accederet. Et dum ipsum cum summa diligentia congregata multitudo populi ad ipsam ciuitatem adduceret, ad portam ciuitatis obuiam habuit leprosos tres, & cæcos similiter. Quibus in nomine sanctæ Trinitatis imposuit Crucis vexillum, & ad pristinam sanitatem ipsos statim perduxit. Ingressusque ciuitatem, occurrit ei quidam homo dæmonium habens, quem continuò similiter ad sanitatem pristinam reuocauit. Postea verò omni tempore vitæ suæ eleemosynâ, ieiuniis, vigiliis insistens, omnem populum Catalaunicæ ciuitatis diuinis eruditionibus, vt bonus pastor assidue gubernauit. Igitur dum ad speluncam, vbi fuerat ante conuersatus, quadam die ad orationem venisset, inuenit quemdam hominem claudum in grabato iacentem, quem orationibus suis sanum reddidit & currentem. Et dum fama beati *Mimij* in omnem terram autore Domino coram omnibus diuulgaretur, completo septimo Episcopatus sui anno, germana eius nomine *sancta Poma*, ipsum ex-

4 PARS II. HISTORIARVM

petit. Quam cum digno honore recepit, & postea tempore vitæ suæ, vt decuit, gubernauit. Illa verò mortuos suscitauit, ægrotos curauit. Et ita beatus Mimius Pontifex Episcopatū suum octoginta annis rexit, vt Apostolatū suū diuina pietas ei duplicaret in eorū, quem fidelem seruū probauerat in fide. Qui obiit Nonas Augusti, & sepultus est in oppido ciuitatis, vbi antea fuerat conuersatus, vbi etiam digna basilica, vt decuit ipsum, in altum nōscitur ædificata fastigium. Postea verò in eius locum S. Donatianus & Domitianus subdiaconus, quem mortuū ordinatione sancti Petri suscitauerat, qui etiam cum ipso fuerant ad prædicandū directi, Episcopatum in sua Catalaunica ciuitate in pace acceperunt. Ad cuius beati Mimij sepulchrum multas virtutes assidue diuina pietas dignata est ostendere, vbi recipiunt cæci visum, debiles gressus, surdi auditum, & dæmonia fugantur, & qualibet infirmitate oppressi ibidem cum fide integra postulantes, continuo pristinam recipiunt sanitatem. Regnante Domino nostro Iesu Christo, cui est honor & gloria in sæcula sæculorum. Amen.

AD Caput XV. In Cōcilio Lemouicēsi de Mar-
tialis Apostolatu habito Anno Chr. M. XXXI.
referuntur hæc verba Abbatis Solemniacensis.

TACET inquam frater, melius est vt fileas, quia quando nos in scholis magistrorum, mel & lac bibebamus, tu solam ruminabas fabam. Scripturam de sancto Fronto nouam, cuius tu auctoritate niteris, Gaubertus noster edidit, lucricausa, qui sub huius Lemouicæ sedis Episcopo Hildegario Chorepiscopus nobis extitit. Qua autem ratione ille potest esse Apostolus, qui indigena Petrocoricensis fuit. Profecto si ibi à puero psalterium didicit, sicut in eius gestis legitur, & ibi Clericus est factus, iā ibi sacerdotiū, & Christianitas erat, vbi scholæ scripturarum diuinarū, vbi Clericatus ordo erat. Legitur eum potius heremitam vixisse, quàm Episcopum. Dicere nescis quæ signa ille operatus est, vt Petrocoricenses conuerteret, potius ille Deo eos acquisiuit, qui omnē Aquitaniā cum Stephano Principe Galliarum ad fidem traxit. Neque

ECCLESIAE GALLICANÆ. 5

Frontus, neque Saturninus, neque Dionysius leguntur mortuos suscitasse. *Et infra.* Vbi autem est locus in quo Frontus Georgium legitur suscitasse? Porro apud Else monstratur semper locus, vbi Martialis Austriclinianum suscitauit. *Et infra.* Numquam vsque ad hunc hodiernum diem, qui est quinta Sabbati, factus est liber in toto orbe terrarum, qui in ordine Apostolorum per Letanias habeat scripta nomina Fróti, Saturnini, Dionysij, Iuliani, Austremonij, Vrsini, neque aliorum qui post Martialem in Galliam venerunt.

Ex his patet vitam à nobis hoc capite excerptam eius Concilij tempore adhuc non fuisse conscriptam: sed solum alia, quã accipe è veteri Manuscripto.

Vita sancti Frontonis Confessoris.

BEATVS igitur Fronto, terminis vrbis Petrocoricæ, ex loco, qui dicitur *Linicaessio*, felix luminis sumpsit exordium, quem mater egregia sub niueo pectore gestans, vt gemmam conspicuam, genuit cunisque locauit. Alitur ergo sacer diuino munere puer, plexus vndique vlnis dulcia vbera sugens. Cumque ad septimum ætatis suæ peruenisset annum, mater eius nomine Frontonia literarum cum studiis commendauit. Quo in opere positus, sancto insinuamine cælitis indeptus intra breuia annorum spatia mystica dogmata pertransiuit, & beati David Psalmigrapha sanctifico pectori commendauit. Parentes quippe eiusdem nolebant eum ad maiora studia literarum, Philosophorumque artis Gymnicæ deputari. At ille cælitis perfusus gratia Regis. Quid inquit prodest mihi terrena querere lucra, & dulcia quæsitâ labijs relinquere curæ? Melius est enim boni operis incœpta peragi, quàm manus in aratro poni, & retrò lumina verti. Tunc sibi comam beatus Fronto totondit, & duos ex suis famulis clericos ordinauit, cum quibus laudum canora psallens, pernox ineffabiles Deo gratias referebat. Audiens hæc Isquirinus Præses, iussit eum suis obtutibus præsentari. Cui inquit, nuper enim te propter multitudinem sæuissimè garrit, cur nostris muris per nouæ religionis culturam huic plebi mentem subuertere co-

6 PARS II. HISTORIARVM

naris, numinibúque nostris probosam referens religionem? Cui beatus Fronto respondit. Bonum est sperare in Domino, quàm sperare in homine: Melius est confidere in Domino, quàm confidere in Principibus. Tunc irà motus Præfex, voluit eum succumbere morti: Sed quia nobilium sanguine creatus erat, is suffragium plebis adeptus, vitæ ei terminos condonauit. Quem postea beatus Fronto ad baptismi gratiã, & vitæ æternæ gaudia reuocauit. Tale scilicet edictum Isquirius Præfex decreuerat, vt comam capitis in postero beatus Fronto tondere non deberet. Cúmque hæc acta essent mente consternatus Fronto ad semetipsum ait. Surgens age, rumpe moras Fronto, et tempus vt pedetentim valeas ingredi callê, & partes Ægypti ad horas aliquas accedas. Sumptisq; secum duobus pedissequis, Deo iubente, dulce peregit iter, & dum omnes Ægypti partes felici indagatione visitaret, inuenit quemdam hominem Dei, Apollonium nomine, cum quo pergens ad locum, vbi preces Deo fundebat, peruenit, erântque illi duo pariles adeo pro latronum custodia dracones, qui perpetim excubantes fores illius custodiebant. Quadam nocte, vt mos erat, latrones raptim venientes vt aliquid furtim subriperent, viderunt duos geminos attollentes colla dracones, trifulcísque linguis venenosa terga tumentes. Túc metu perterriti ceciderunt in terram, & facti sunt sicut mortui, quos vtrique serui Dei sic inueniêtes, pari oratione pro eis Deum deprecati sunt, & eos illicò pristinæ reddidit sanitati, & baptisati continuò crediderunt in Domino Iesu Christo. Cúmque latè, longèque perlustrans bonorum operû in norma beatus Fronto se florere vidisset, monitus à sancto Spiritu Romã aduenit. Et dum paucis inibi diebus moraretur, haud procul è vicinio, cuiusdam senioris filia dæmone correpta quatuordecim frendens expleuerat annos. Huc aduenientê beatû Frontû demones sensêre, & lasciui cœperunt tales inferre querelas. O Gallia, quæ nobis tormenta misisti! Quanta huic virtus hominî a Deo est, ante cuius conspectum sistere penitùs non valemus. Haud mora, continuò pedibus se beatissimi Fronti puella prostrauit. At ille intrepidus preces Deo fundere cœpit, dicens: Altæ sedis Dominator præfex, qui verticem cœli cuius in aspectibus dic noctèque

angelica turba perfultat, ter agios, sanctusque Deus vnus, sacraque Potestas; annue nunc meis precibus superna Majestas, & hanc tuam famulam, quam saeuus hostis inhabitat, pia miseratione saluare, & his daemionibus liberare digneris. Et completâ oratione liberata est puella, quæ tempore longo à daemionibus fuerat possessa. Fulgor enim fertur ipsâ horâ cœlo cecidisse, vt diuino iussu daemones cremarentur. Hæc audiens *beatus Petrus* honorificè eū recepit, & cognitis boni operis eius actis, secum eum assiduè voluit permanere. Cūq; in co gratiam Dei florere vidisset, plebi suæ ex qua ortus fuerat, eū voluit in munus luminis destinari, ita vt vrbis Petrocoricæ Episcopatus onus primus assumeret. Ille verò metuēs ne rursus ei Præses Isquirinus resistere conaretur, tunc magis, magisque à sancto Petro correptus est, atque vt onus Episcopatus perceptum psalmis, & hymnis compleuit, direxit eū cum Presbytero nomine Georgio. Tertio verò die iter agentibus reddens spiritum Georgius Presbyter, humanum corpus fessum reliquit. Beatus videlicet Fronto cum la chrymis, gemitūque eum condidit sepulturæ. Reuersus ad sanctum Petrum fleuit, & mœsto corde comitem sibi itineris datum plangebat esse defunctum. Ne desleas, inquit Petrus, sed hunc baculum sumens vade ad eum, & detecto ab humo cum oratione Dominum deprecans tange illum, tactusque resurgens tecum in itinere perget. Accepto quæ baculo iniūctum sibi opus exerceuit, & cū ad locum vbi eum sepeliera, peruenisset, innumera eum paganorum multitudo ad respiciendum quid ageret, circumsepsit. Tunc firmo robore, mentis effudit arua, & rursus euoluens baculo tetigit almo. Tunc ille bina lumina voluens sub fronte metalla, cælestem gaudens respexit luminis auram, & gratias Deo indefessis precibus concinebat. Non minima igitur populi multitudo ea hora cōuersa ad Dominum Deum, & pronā ceruice deprecantes, rogabant beatū Frontum, vt baptismi gratiam eisdem pro sua pietate largiretur. Quod Vir Dei gaudens annuit, eosque fonti regenerationis immerisit, & purificati per dies septem, Clericatus sibi officium, *prout soliti erant*, voce consonā deprecabantur. Protinūs Vir Dei gauisus resultans & psallens, Domino Deo gratias referebat. Gloria tibi perpetue, perennis, præcellæ, omnipotens.

8 PARS II. HISTORIARVM

Deus, qui nexos in tenebris ad lumen veritatis adducis, & mihi solatij gaudia subministras. Et iter ingrediens hortabatur cunctos in Spiritu sancto, credula mentis corda firmare. Tunc sibi ex ipsis septuaginta electos aggregat viros, cum quibus glorificans Deum Petrocoricam ingreditur urbem, ita dicēs: Edificationis vestræ, & mei solatij curam ferens, decreui aliqua vobis vtilia reuelare sapientiæ sacramenta, vt etiam ad vestrę humilitatis augmentum quicquid boni operis labor accesserit, gaudio implear spirituali, animo aduertite filioli vestris cordibus, quæ narrantur. Quid nuper in Cappadonis gestum sit, referam. Vos audientes clarorum virorum sectemini vitam. Hæc ago circuiens, & vtroque percunctans quia nõ quæro quod mihi vtile sit, sed quod omnibus vobis, vt salui sitis. Erat quidam senex à prima ætate Deo deuotus, & à beatissimo Petro vrbis Romæ ordinatus Episcopus, nomine Frōtus. Hic verò *septuaginta Monachos in ciuitate Petrocorica, in qua natus est*, ad seruiendum Domino congregauit, & quidem tempore in prædicta ciuitate cum eis habitans, in opere Dei crescebat, & à quodam Præside ipsius ciuitatis nomine Isquirino assidue propter opera Christi prosequabatur. Sed tamen vt quos Frontus Episcopus propter nomen Domini baptizabat, Isquirinus Præses gladio deputaret. Laudabatur quoque à pluribus, præcipuè à fidei amatoribus: sed cum magno tædio fuisset affectus, eò quod non ad viam solitudinis, vel ad Helix pergit exemplum: tunc accensus ab Spiritu sancto, relictâ ciuitate cum mobilibus Ereum petere, nudus afferens fratrum conuentum esse thesaurorum cælestium lucrum, vocatisque fratribus omnibus dixit eis. En quid nobis cum mundo crucifiximus: nobis nihil, si fuerimus lucrati, magnum gerimus animæ detrimentum. Inter omnes habitantes placuit omnibus oratio ista. Post hæc completâ horâ diei nonâ, acceptis bis acutis, & seminibus olerum exeuntibus de ciuitate, fuit eis eadem nocte auxiliator Dominus, agens iter cū omnibus suis, per desertum ambulauerunt, & dexteras quadraginta millia Quingentos peruenerunt, qui vocatur *Noisalm super fluium Doronia*, vbi draco magnus, cum multitudine serpentium habitabat. Videntes verò, qui fuerant, beatum Frontum Episcopum sequuti in Eremono, nimiam multitudinem serpentium,

tium, metu ducti retrò repetere cœperunt. At ille confidens in opere & ieiunio prostrauit se ad orationem, non baculum terrestrem, sed virtutem cœlestem inter eos ostendit, & numquam apparuerunt. Acta hæc omnia eodem loco, nouorum oculis aliena, vbi fixerunt tabernacula. At verò Frontus Episcopus terrore deposito, securus orabat maximè nouus Eremita habitator. Conuersatis itaque eis, in eodem loco factum est, vt murmurare cœpissent, dicentes: Num sola in Eremita castitas quæ in vrbibus non est? Cur itaque non ad ciuitatem reuertimur, de qua ad tempus excessimus? Aut in Eremita sola, Deus exaudit orantes? Quis hominum cibo Angelorum viuat? Quem pecorum & ferarum delectat fieri solatium? Quanta nos habet necessitas hic morari? Cur itaque non regressi in locum, in quo nati sumus, benedicimus Dominũ. Audiens ergo Dei seruus sermones eorũ astuabat, orabãtq: pro eis intrepidus, vt citò corrigeret eos Deus. Nunquã tamẽ inter eos diuinorũ vacauit officiũ canticorum, nec psalmigraphiæ similis vox, nec in penuria lacessentes vigiliis defuerunt. Confortabãtur quotidie in meliora studia, sed quod crebrius murmurabant, cò quòd parua esset in eremita esca. Bonus magister gratias agebat, & dei omnipotentis auxiliũ super omnes influere celerius expectabat, quodã perfecto vigiliarũ opere vocauit ad se vniuersos, & ait eis: filioli, quid estis turbati, & cogitationes ascendunt in cordibus vestris. Nolite in paupertate aduersus Deum murmurare, integrum expectate Dominum, non inopem, sed ditatorem: scitote scriptum esse, & reminiscimini, quoniam non necauit Dominus fame animam iustam: Oculi enim Domini super timentes eũ, vt eripiat à morte animas eorum, & alat eos in fame. Si meretrices numquam Deus omnipotens deseruit, & latrones, nec à nobis auferet protinùs escas. Nolite quãso in dissidentia remanere, reddet militibus suis ex alto promissa, aut numquid mēdacem faciemus eum? Ipse dixit per suum filium. Nolite cogitare quid manducetis, aut quid bibatis, aut quid operemini, hæc omnia gentes inquirunt. Quærite primũ Regnum Dei, & iustitiam eius, & hæc omnia apponentur vobis. Si Regnum Dei quærigis, quid de escis corporis cogitamus? Non oportet carnẽ fragilem, pinguem vermibus exhibere. Onere ieiuniorum

afellus grauandus est, ne gestire incipiat quando pascitur. Comedat igitur paleas, ne recalcitret, & ad iracundiam incitet suum authorem. Propter corporis curam, filioli, murmurare non debuistis: ferte potius sessorem animarum, & cogitationum vestrarum, vt pascatur spiritus desiderio animæ in benignitate quærentes cælum. Deinde quia modicæ fidei estis, spiritaliter vos obiurgabo, dulcissimi, coruis cælesti nutu vbi cadauer fuerit nunciatur. Quid vobis cura de his, & torquet vos cura carnis morituræ. Post modicum cauendum est etiam vobis, ne murmurantes efficiamini Israëlitici populi socij, quos incongruè murmurantes interfecit exterminator. Committamus nos itaque in solitudine Domino, curam nostram teneamus ipsius testamentum dicentis: Non derelinquam te. Igitur præstabit nobis alimenta pastoris, sicut Helix dedit, aut si non fecerit, & defecerimus fame in Eremito, licet nostris meritis imputemus, quia delictorum nostrorum gratia accidit, improperebimus tamen ei dicentes: Pollicitus es Domine pascere tuos in terra, nos præcepta tua tenentes defecimus fame temporalis, non verbi tui. Oportuit animas nostras in sæculo panibus pasci. Ergo fecimus in corpore posui quod iussisti. Tu verò expectans sufferentiam nostram, seruos tuos probasti. Redde hinc nobis, quod sustententibus promissisti. Pluribus alijs exhortatus eos eloquiis, abstulit murmur à cordibus eorum. Orabat pro eis indefinenter, ne multa fieret probatio temporis in longioria, & ne turbatio auerteret quosdam eorum retrorsum, Dominus precem serui sui non est oblitus, eidem statim adiutor factus Dominus, per Angelum quoque suum Præsidem Isquirinum visitauit, aitque ad eum: Tu epularis in diuitiis splendide, & serui mei in deserto pereunt fame: sed conuentus à me dilueulo festina seruis meis ex donis, quæ dedit tibi mittere escas, quòd si distuleris, excitabis in te Dei furorem. Audiuit ergo hæc homo iste, & cor eius consternatum fuit in se totâ nocte, consurgensque manè mæstus, & tabefactus conuocauit suos amicos, & domesticos domus suæ, qui possunt rei accidentis custodire occulta, exposuitque visum, & interrogauit si quis eorum viam nosset, vbi Christi famuli habitarent, qui Heremitas nouos inter anfractus montium habitatores haberent. At illi ignorantes nescire

se vniuersi dixerunt. Aliâ verò nocte à prædicto Angelo visitatus, graui plagarum cæde percussus est, similiter manè memoratus ad eos causam exposuit, plagas ostendit. Quidnam de hac causa fieret eorum consilio requirebat, suæ salutis consulens, ne peiora in Domino indignante, verbera crescerent. Quis intam profundo negotio audebat consilium dare? Tūc vnus eorum sapientior cunctis, & forti spiritu, consilio prouocatus respondit. Nihil frater super verbum oris mei. Sis securus, multitudo tibi abundat camelorum, onera eos sine dubio his quæ seruis Dei possint ad escas sufficere, his escis quibus Heremitæ vtuntur, & dirige eos per viam onustos præter aliquos ductores. Etsi à Domino cœli est tibi visitatio, ipse Dominus deducet eos ad cuneum puerorum suorum. Tunc dispositis oneribus animalia tua reuocabit illæsa, & postea benedices Dominum, qui & animalia tibi reddidit salua, & oblationem suscepit ad pascendum gregem suum de manu tua. Quòd si Diabolus tibi minetur inferre iacturam, sapientissimi Iob similis eris, nec dabis in direptis animalibus corā Domino blasphemias. Para ergo cor tuum Deo in vtraque parte super visitationem hanc, & cū tacuisset, placuit omnibus consilium istud, fecitque ita. Oneratis ergo camelis, in crastinum ornamentis quoque eorum impositis, direxit eos per viam cum fletu, & erat lugens eos ex die quā abierunt vsque dum reuenterentur ad eum. Fuerunt enim cameli septuaginta. Factum est autem cū nonā horā consuetam orationem cum voce antiphonarum, & hymnis in vnum celebrarent, primus ante Monasterij fores excubabat camelus, quem solus Episcopus oculis intuens, ne videntes illi, qui auidi escam desiderarent, auocarentur ab oratione. Iactatus autem Episcopus in corde suo Dominum Deum laudauit. Componit similia de suis stramentis. Expositis ita cibariis, præcepit beatus Frontus dicens: Alimoniam vobis ferentibus lauate pedes camelis, datæque eis cibaria, ex quo sibi sumptus in viaticum detulerunt. Sic factum est. Vt autem illuxit dies vt sacci funderentur præcepit, & cameli dimitterentur abire ad domum suam, sancto permotus consilio Dei vocauit seruos ad se fratres, & ait: En Dominus Deus omnipotens per omnipotentem Filium suum recordatus est nostri, & direxit alimoniam nobis per

gratiam sancti Spiritus. Nobis autem sedentibus diuinitatis eius Angelus camelos perduxit; non omnia tollamus cibaria, sed dimidium onerum eulogias Domino reuocemus. Placuit omnibus sermo iubentis. Abstulit itaque recludēdos in horreum saccos triginta & quinque camelorum, triginta quinque verò onera aliorum refudit in omnes saccos, ne alij portare viderentur, alij leues abirent, & benedicens omnibus dimisit eos non viam ostendens, non indicans iter, at ipsi ornamentis tonātibz viam per quam venerant, regrediebātur. Ille verò qui animalia sua per incertam sine ductore abire viam crediderat, dignam spem domus suæ tanquam amissam plangebat. Amici à quibus visitarerur consilio aderant, nec solatio defuerunt. Quartā ergo die cū vniuersorum animus anxius, ac Domini fessum tēdiis æstuans pectus esset, auditur subito prōcul tintinnabulorū sonus in auribus eorum, quasi sonitus campanarum. Tunc vniuersi cōeperunt communiter ad orientem vertere aspectum, genibus prouoluti Domino Regi consuetas gratias impendentes, quia voluit de horreo serui sui holocaustum accipere, & illæsa animalia reddere. Iā vniuersi obuiā camelis tanquā mortuis resurgunt communiter. Igitur venientes camelos cum gaudio salutabant. Tunc ille fretus exultatione, quia omnes camelos suscepit illæsos, Dominum benedicit, & ait: Domine Deus cœli, qui iustè me arguisti, hoc munus anniuersarium erit in omnibus diebus vitæ meæ ex bonis tuis, quæ mihi succedentibus concesseris fructibus. Habeo iam comites qui non tam per iter incognitum peragant, sed nota ferentibus, Angelo tuo demonstrante via panditur. Ego autem adhuc inuocabo fratres meos, ex his quæ remanserunt mihi ministrabo, quia saluos reddidisti mihi filios meos, & statim à semetipso conuersus exclamauit voce magnā, dicens: Magnus est Deus Christianorum. Rogo te Deus pater cœli & terræ, vt ostendas mihi viam, vt ego ambulem vbi famuli tui habitant, & des mihi baptismi gratiam vt Christianus efficiar. Tunc itinere profectus peruenit ad locum vbi serui Christi habitabant, rogauitque cum dicens: Famule Christi peto à te, vt mihi peccatori baptismi gratiam largiri digneris, eādem horā baptizauit eū in nomine Patris, & Filij, & Spiritus sancti, & vocauit no-

men eius Georgium, & benedixit Deum excelsum, & credidit in Christo omnis plebs ex illa hora. Tunc cōuocatis pauperibus iocundum pingue impendit agapem, innotuit Frōtus fama, exiit per populos, & exinde sicut vnumquemque eiusdem prouineie diuitem Dominus visitabat, sic seruis suis, in suo tabernaculo operantibus pabula ministrabat: Ille verò quos pridem miserat anniuersario tempore, onera eidem camelis imposita dirigebant. Benedictus Dominus, qui opuscula peccatoris adimplet, & quicquid pro ædificatione vestrà ipso donante aggredior, suaque sanctificatione consummabit. Breuia ergo de tanto viro ad vestrum augmentum suscipite, & vniuersis fratribus legite, gratias agentes Domino Iesu Christo Filio Dei Patris omnipotentis per Spiritum sanctum, cui est gloria, & potestas in sæcula sæculorum. Amen.

Ergo hanc vitam Hausbertus *αρχιεπισκοπος* ductus cōposuit; & ex ea deinde alius scriptor, ea commenta quæ descripsimus, primo libro concinnauit.

AD Caput XVI. Georgij Frontonis socij hæc est vita ex codice Manuscripto.

Vita sancti Georgij primi Episcopi Aniciensis, qui & Podiensis dicitur, cuius festiuitas celebratur IV. Idus Nouembris.

CVM beatus Petrus Princeps Apostolorum Romanæ Ecclesiæ cathedram regeret & teneret, erant in eius collegio atque obsequio duo viri sanctissimi, vitæ & moribus inter plures eiusdem Apostoli auditores probati. E quibus vnus Fronto, alter verò Georgius vocabatur, vterque Magistrum ab vrbe Ierosolyma secutus. Et quoniam vniuersalis pastor nouerat eos fulgere eloquio atque doctrinâ, consecrauit ambos & Pontificali baculo sublimauit, destinauitque ambos ab vrbe Roma, vt Occidentalibus populis, qui fidei Christi omninò adhuc expertes erant, eterne vitæ dogmata, viamque salutis prædicarent. Ipsi verò non reluctantes, salutaribus monitis aggressi sunt in iunctum sibi iter, licet multis pro cha-

ritatis affectu profusis lachrymis. Tertiâ quoque die deueniunt in quoddam oppidum iuxta lacum Volsini, antiquit̃s ab ipsa Volscorum gente situm, ibique benignè suscepti ali-quandiũ habuere hospitium, prædicantes, atque euangelizantes Catholicæ religionis salutare verbum. Intercâ dum ibidem demorantur, Georgius morbo grauat̃, nec plurimò interiecto tempore morte præoccupatur. Vnde & Fronto tristis & mœstus effectus, concito gradu ad Apostolum Petrum reuertitur, pedib깫que eius prostratus, flebiles voces ingeminat, & pro reddenda defuncto vita lachrymabiliter implorat. Cui Magister inquit, depone luctum charissime quo frustra afficeris, quia quem mortuum non ignoras, viuere procul dubio gaudebis. Accipe ergo baculum hunc & virgã Pastoralem, quam tecum deferens super corpus defuncti pone. Tunc inuocatã virtute Dei fiducialiter, iube vt à mortuis citi깫 resurgat, & sic ad prædicandum Euangelium sanus, & incolumis pariter tecum pergat. Quibus omnibus, sicut Apostolus præceperat iam peractis, surgere videt socium defunctum, pro cuius fletu amarissimè fleuerat. Vnde & in illa patria multi crediderunt in Christum, videntẽsque signa mirabilia tantæ virtutis, actorem glorificauerunt Deum. Prædicti verò Fronto & Georgius cœptam tenuerunt viam, semina vitæ æternæ vbicumque commodum nouerunt spargentes. Aquitaniam tandem vsque peruenerunt, moxque properantes ad quamdam Vallanensis Comitatus urbem, quæ ob antiquitatis priuilegia tunc temporis ciuitas Vetula dicebatur, vniuersum circa degentem, atque contiguum populum conuocauerunt, prædicantes, atque fiducialius protestantes neminem saluari, neminẽque posse limina vitæ ingredi, nisi in Christo renatum, & sacri baptismatis fonte purificatum. Quod audiẽs multitudo Gentilium, vel commorantium in vrbe, vel etiam fama diuulgante alias confluentium, fidem Domini nostri Iesu Christi cum omni deuotione susceperunt. Confractisque idolis, atque emundatis ab omni sorde, & cultu supersticioso phanis, Ecclesiam Deo dedicauerunt. In hac autem præfuit Georgius Episcopus primus Episcopus Velaunensium, & magister egregius, qui fuit auditor quondam eiusdem Domini Iesu Christi, & vnus

ex septuaginta duobus eius discipulis: unde ad multiplicanda semina vitæ in eadem Ecclesia ac regione à Frontone consorcio eius & collega est dimissus. Quo pacto Fronto venerabilis Præsul, non medioeriter verbo & doctrinâ adiens vrbein Petrocoricas, maximam multitudinem illius gentis ad Christum conuertit, multisque miraculis clarus tandem in pace quieuit. His itaque gestis non cessat Georgius Velaunensium Antistes sanctus, arenti terræ spiritualia infigere sarcula, ac nouellæ plantationis messem, segetemque cum omni studio excolere, donec videlicet sata Deo incrementa donante, in altum consurgere, & dignè Deo messis fructum per diuinæ religionis horrea cumulare. Tunc temporis erat quædam matrona nobilis, reuerendi admodum vultus, prouectæque ætatis, quæ domicilium sibi fecerat in quodam vico, sex ferè milliariis à ciuitate Vetula seposito, quem situm iuxta fluuium Bornæ vulgaris lingua villam nuncupauit antiquitus, cò quòd quondam polleret frequentiam pagensium, ac pluribus tuguriis. Et quoniam hæc iam crediderat in Christum, edocta institutis S. Georgij, omni que exuta fuerat ritu gentili, audacter accessit ad Pontificem, depromens ei quamdam ex ordine quæ frequenter viderat visionem. Pater, inquit, serenissime, olim grauabar incredibili ardore febrium, & quia biduo interposito quædam quasi remedia sentiebam, quartâ die angebar plurimum, iamque cum diu affecta morbo essem proxima morti, quidam vt videbatur, de salute mea sollicitus, nocte in cubiculo soporanti mihi astitit dicens: Surge velociter, & cacumē istius montis ascende, quem maiores vestri græco sermone dicunt Anitium, vos autem quasi propriæ nationis vocabulo dicitis Podium. ibi enim videbis magnæ visionis mirabilia, & si fideliter accesseris, ac deuotè credideris, illicò restitueris pristinæ sanitati. Fateor itaque tibi in rei veritate expergefacta surrexi, præcedente quoque, ac subsequente me familiâ, sicut indictum mihi fuerat, vix & cum magno labore prædicti montis cacumen expetij, & procul mihi obsequentibus positus sola ad lapidem in modum altaris sculptum, qui in editiori loco est situs deuotissimè accessi, & quia vtroque labore infirmataris videlicet, atque itineris satis affecta fueram, statim obdormiui. Tunc circa lapidem illum admirans intueor maxi-

nam frequentiam Angelorum, æ supernorum ciuium, desuper verò quamdam Regiæ dignitatis ac potestatis dominam, vultu quidem atque habitu, omnique venustate decoram. Cùmque rogare cœpissem quæ esset, vel quo nomine diceretur tantæ authoritatis Regina, quidam ex circumstantibus familiarem se mihi præbens, sic exorsus est: Scito hanc esse totius mundi Dominam Virginem Mariam, genitricem Dei omnipotentis, quæ idcò tibi in hoc monte voluit innotescere, vt scias eam locum istum velle tueri ac defendere, velut quodam dilectionis priuilegio sibi specialiter præsignare. Vnde vt certa efficiaris super his quæ tibi pronuntio ne dubites te diù quæsitæ sanitati reddendum esse continuò. Præ gaudio itaque euigilans sana surrexi, ac debitas Deo, & Virgini Mariæ gratias rependens, numquam postea eâdem incômoditate infirmitatis laboraui, sed plura miranda ibidem rediens sæpissimè vidi. Hæc autem sanctus Anistes Georgius audiens, diu reuoluit in animo, ac mente prælagit, præ nunciat maximâ Dei visitationem futuram esse in prædicto Podio. Vnde & multoties recitat illud mirandum in sermone habito ad populum. Iubet tamen spinea corona prædictum locum circumdari, ne immundi homines, vel pecora si improvidè accesserint, morte damarentur horribili. Interea dum templum ibidem erigere præmeditatur, subtrahitur ab hominibus in cœlesti Regno fœliciter sublimatur.

Sanctus itaque Georgius Proto-præsul Velaunensis, qui nunc Aniciensis diocesis appellatur, sedem suam habuit in ciuitate Vetula sæpiùs memorata, quæ ob antiquitatis priuilegia tunc temporis ciuitas Vetula vocabatur. In eadem quoque ciuitate post multa virtutum opera migravit ad Christum, quarto Idus Nouembris, ibique corpus eius sepultum fuit in Ecclesia quam ipse priùs in honore beatæ Virginis dedicauit. Prædicta autem ciuitas Vetula, mutato postmodum nomine, hodiè nuncupatur Villa sancti Pauliani à nomine dicti sancti, qui fuit Episcopus ibidem, vbi corpus eiusdem sancti Iuliani in Ecclesia intitulata suo nomine requiescit. Distat autem sancti Pauliani Villa à Podio Aniciensi duabus ferè leucis, aut quasi sex milliariis. Postmodum verò processu temporis dicitur fuisse translatum corpus sancti Georgij, à prædicto loco

co sancti Pauliani, apud Anicium ciuitatem, per Episcopum Aniciensem Norbertum nomine, qui fuit frater Comitis Pictauiensis Aquitanix Ducis. Et in quadam Ecclesia ipsius sancti Georgij intitulata nomine, ossa eius esse in quodam vase lapideo, retrò altare Canonici eiusdem Ecclesiæ, asseuerant. Et scripturam ibidem legunt, & ostendunt translationis huiusmodi seriem, & ordinem continentem; eiusdem translationis memoria XI. Calend. Ianuarij ibidem agitur celebris, & festiua. Verumtamen Canonici S. Pauliani, Clerusque, ac populus loci eiusdem, corpus S. Georgij memorati, adhuc se habere contendunt, in proprio tumulo, & in Ecclesia vbi fuit primitus tumulatum; ibique sepulchrum eius iuxta altare prominens ostenditur, & deuotione consona veneratur. Fiuntq; ibidem eius meritis crebra in infirmitatibus miracula sanitatum. Festumque eius recolitur quarto Idus Nouembris.

Hæc ex gestis quæ habentur in Ecclesia Aniciensi excerpta sunt, & collecta.

AD Caput XVII. Clementem hunc Metensem alium longè à Romano Episcopo fuisse patet ex vita quam ex Manuscripto infero.

Incipit Vita sancti Clementis, Mediomatricorum Apostoli.

POST QUAM peractis omnibus, quæ cum patre promundi salute gerenda disposuerat, Christus Dominus migravit ad cœlos, statim vt promisso Spiritus sancti munere beati Apostoli poriti sunt, & confirmati, ilicò quam vnusquisque eorum prouinciam, vel regionem prædicaturus aggredi deberet, communi consilio iuxta diuinam prouisionem, sorte decernunt. Singulis igitur ad sibi delegata loca pergentibus, beatus Petrus, qui in eorum numero primus erat, & quasi Dux fortissimus eminebat, ad eam quæ totius mundi caput erat, hoc est urbem Romuleam, tota alacritate contendit, fundatâ prius apud Antiochiam Ecclesiâ, ac suæ sedis nomine dedicatâ. Igitur cùm Romam peruenisset, ilicò qui summus quas-

que vrbes in occiduo positas, Christo Domino per verbum fidei subiugarent, optimos, eruditosque viros ex suo consortio direxit. Tunc denique Apollinarem Rauennam, Leucii Brundisium, Anatholium Mediolanum misit: Marcum verò, qui præcipuus inter eius discipulos habebatur, Aquileiam destinauit, quibus populis cum Hermagoram suum comitè præfecisset Marcus ad beatum Petrum reuersus, ab eo nihilominus Alexandriam missus est. Eâ igitur tempestate, cum apud Galliam Belgicam Mediomatricum, quæ etiam Mettis appellatur ciuitas, in ipsa Mosellæ amnis ripa posita, copiosis populorum turbis abundaret, ad eandem B. Petrus Apostolus urbem, Clementem nomine, virum egregium, ac meritis probatum, sublimatum Pontificali dignitate direxit; cum quo pariter, sicut antiqua tradit relatio, ad, quæ præcipue erant, Galliarum vrbes verbo fidei obtinendas, alij quoque religiosi doctores ab eodem Apostolorum Principe missi sunt. Cum ergo peruenisset B. Clemens Mediomatricum ciuitatem, in cauernis, vt ferunt, amphitheatro quod propè eandem urbem situm est, hospitium habuit: in quo etiam loco oratorium Domino construens, altare in eo constituit, ac B. Petri Apostoli præceptoris sui nomine consecrauit. Is igitur venerandus Sacerdos, dum sedulâ admonitione eiusdem vrbs populis prædicaret, cooperante sibi diuinâ misericordiâ, maximam ex eis multitudinem à sordidis Idolorum cultibus, & erroris cecitate liberatam, ad veræ fidei splendorem perduxit, primûque in illis regionibus ostensor iustitiæ, & index veritatis enituit. Denique assueuerant, qui eiusdem loci cognitionem habent, quòd in amphitheatro vbi primitus adueniens habitauit, vsq; ad præsentem diem, nec serpens consistere queat, sed & omnino noxiæ pestes illum locum refugiunt, vnde olim veræ salutis tali emanarunt modo insignia. Ferunt namque antiquiores nobis à senioribus præscis cultui sanctæ religionis admodum deditis veracissimo per varios temporum successus relatu vulgatum huius sanctissimi Præsulis atque Apostolici viri tam ingens quod oculi non decet miraculum. Eo namque temporis articulo, auxilio quo idem venerabilis Pontifex ad præfatam deuenerat urbem; maxima eiusdem pagi clades deuastabat urbem, Amphitheatrum quippe iam superius di-

Etum, tantā erat serpentium multitudine plenum, vt non solum venire quisquam, sed nec appropinquare ad eundem auderet locum. Nam ex eorum flatibus veneniferis mortalitas efferbuerat, non modò hominum, verum etiam equorum, boum, pecorum, cæterarumque bestiarum nimium crudelis. Iam verò beatissimo Clemente nocentia appropinquāte ipsius ciuitatis, eadem ita se dilatauerat pestis, vt nullus ad eundem aut redeundi curius fieret cuiquam salubris. Si quis namque portas eius, maximā coactus necessitate vellet exire, aut appropinquare, festim in attactus veneni interibat miserimè. Nec mirum sanè, si anguis lubricus per amica sibi vascula, corpora eorum prosternebat, de quorum mentibus ius proprium adhuc minimè per sacri fontem baptismatis amiserat. Sed quas tibi bone Iesu referre quimus grates? qui nobis tantos vbique, talesque direxisti patronos, qui nostras, tuā gratuitā pietate ab omnibus sauisissimis sordibus tyranni mundarent mentes, atque tuas iure colendas notificarent virtutes, vt supernæ valeremus patriæ fieri ciues, de quorum venerando admodum collegio, ante mundi constitutionem eximium præstitisti Præfulem Clementem, ad has dirigendum partes, qui nobis ineffabilia clementiæ tuæ dona propalaret, ac cœlestem municipatum, cum Sanctis omnibus acquirere posset. Postquā ergo admirabilis Trinitatis Deificæ cultor, delegatum sibi prædicationis officium omnī corpis mentis conamine explere, mox multitudo innumeralis languentium ad eius studuit, quem verum audiebant prædicare Domini auxiliū confluere, cognoscentes ab ore egregij pastoris, non immeritò serpentino se infectos fuisse veneno. Qui vbi eorum vidit indicibilem miseriam, statim saluberrimam non distulit conferre medicinam. Spopondit igitur veri Dei citius affore eis clementiam si ipsi detestabilem idolorum abiicere culturam non reuenerent. Tandem ergo non solum languentes, sed insuper pauci, qui supererant, salubri inito consilio, sospites cunctis se promittere abrenunciare simulacris, si beneficiis non fraudarentur à summi cultore Dei promissis. Talia namque, tamque diū à se desiderata, vir Deo plenus audiens affamina, omnia paratus pro eis discrimina ferre, exemplo laudes cunctorum Creatori exsoluit præcipuas.

Denique paucis secum aggregatis fratribus, sacra obtulit munus oblationis, quod in sui commemorationem fidelibus deuotè Dominus præcepit peragere Christus: At verò postea quam se, suosque sacro munuit libamine, antiqui hostis non est veritus certamina abire, sed spe suâ commissa terræ cœlique Domino, cauernas adiit amphitheatri, intrepidè pugnaturus cum antiquo serpente, videlicet diabolo. Vt autem sonitum pedum senserunt appropinquantium serpentes, mox cauernis cœperunt prodire, certatim cupientes deuorare hominem Dei. Ille verò factò signo Crucis, eminùs ad eos properabat intrepidus, cuius dum virtuti resistere non valerent, ampliùs tumentia colla protinùs deposuerunt. Vir autem Dei, sicuti refert antiquitas, stolam quam sanctissimo ferebat collo statim deposuit, maximùmque eorum, cuncto spectante populo alligauit, atque vsque ad fluium Salia, quæ iuxta decurrit, victum manibus propriis adduxit, eumque ibi soluens dixit: In nomine summe & indiuidue Trinitatis, quæ ex beatissimi magistri mei Apostolorum Principis, prædicatione verum Deum agnoui, præcipio tibi vt nulli hominum ac bestiarum nocens, hoc flumen ocyùs cum omni coherenti tibi pestifera multitudine transeas: atque eas partes adeas, vbi nullus habitationis humanæ vsus haberi valeat. Vix ergo sanctus Sacerdos verba compleuerat, & ecce serpens immanissimus cum ceteris omnibus cœpit festinus abire vt sibi præceperat Antistes egregius, atque post illum diem ita præfatus ab omni immunditia serpentium mundatus est locus, vt vix aliquando ibi, vt supra notificatum est, minimus vermiculus reperitur. Tunc verò cunctus populus tam magnam per Dei hominem cernens impleri virtutem, ab eius ore audè satagebant audire veritatis verbum, cupientes sponsonis propriæ exequi promissum. Beatissimus ergo Clemens tantam populi cernens deuotionem, maximas largitori totius boni reddidit gratias, eosque iuxta morem instruens Ecclesiasticum admonuit, vt se deuotissimè prepararent, ad percipiendum sacri donum baptismatis. Qui iussis illius in omnibus obediens, vnicæ sanctæ Matris Ecclesiæ filij meruere esse participes. Denique cunctis renunciantes sordibus idolorum, per aquam, & Spiritum sanctum ipsius sanctis abluti manibus vniuersi, non

solùm corporum, sed etiam, quod maius est, animarum languoribus caruere. Hęc ergo explens opera nobilissima gemma Pręsulum, quotidieque, iuxta Psalmographi dictum, de virtute studens proficere in virtutem, donec Deum Deorum cernere mereretur in Siō, post illam quam suprà diximus B Petri Ecclesiam, aliā, vt refertur, in honore sanctissimi Ioannis Baptiste construxit Basilicam, in qua multas diabolo abstrahens, Deo acquisiuit animas, ibidemque instituit fidelium baptisterium fieri populorum. Per succedentia annorum curricula, in hoc tēplo tantus fuit sacre religionis vsus, vt postea nō modico tempore sanctissimū inibi monachorū sub regulari tramine Christo militaret collegium. Tertiam nihilominus affirmatur edificasse Ecclesiam, in cuius fundamētis fecit mirę pulchritudinis cryptam, fontemque inferiūs composuit mirificum, qui non modo habilis est ad potādum, sed insuper valdē salutifer, si quis cum fide biberit, ad omnem expellendum egritudinis morbum. Ante ostium verō ipsius fontis, consecrauit aram in honore preceptoris, iam crebrō nominati Petri Apostoli, Apostolorūque Principis, vbi ipse venerāndus Antistes sepulchrum sibi, quod à modō vsque hodiē cernitur, fecit; in quo etiam non paruo tempore humatus iacuit. Nos ergo non solūm hęc quę paucis memorauimus, credere, verūm etiam multa alia, & ferē innumerabilia debemus non ambigere, quia nequaquā nimiūm ferocia, ac indomabilia Gentilium colla Christo subigi potuissent, nisi ipso, qui dixit Sine me nihil potestis facere, cooperāte vt ipsi Principes sanctę Dei Ecclesię, scilicet S. Apostoli, sequacęque eorū Apostolici viri, quemadmodū in gestis illorum audiuius creberrimē; hic quoque vir egregius, & Apostolicus mira & magnifica credatur egisse. Ipse nāmque author noster, & Redemptor Dominus Iesus Christus in Euangelio omnibus fidelibus suis legitur dixisse: Amen dico vobis, qui credit in me, opera quę ego facio, & ipse faciet, & maiora horum faciet. Sed vt ad hęc quę dicimus credenda, incitemus animos fidelium, referre visionem hęc fidelis cuiusdam, cuius nomen, quia adhuc superest meliūs fore credimus reticendum, non duximus superuacuum. Hic itaque cū se post expletum diurni temporis officium, postque effusā deuotissimē Deo preces, sopor-

ri se dare vellet, in mente ei talis beatissimi deuenit memoria Clementis: Cœpit namque nimis præcordiorum perturbationibus de sæpè dicto Præfule anxari, videlicet qui tot millia hominum Christo potuit, eo annuente, subiugare, ut quid nullo penè virtutum fulgeret iubare. Hæc eo cogitante vix aliquando eâ valuit nocte somno opprimi. Sed cum necdum dormiret, nec omnimodè vigilaret, vir ante illum nimiae claritatis astitit, ei que dixit: Quare ergo, frater charissime, tam longo noctis spatio de almi Præfulis, velut infidelis dubitare videris virtutibus Clementis? Scito absque aliqua ambiguitate, maximis illum in carne viguisse miraculis; adeò ut opinio virtutum illius tantum se dilarauerit, quò ad Romanas arces, non modò cæteris fidelibus, sed etiam ipsi Apostolorum primo gratiam Dei in illo admiranti, clara perueniret. Peccatis verò Christiani populi exigentibus, sapienter Creator Dominus, imitem Barbarorum gentem super eos venire, atque illos, Ecclesiâsque in quibus præcepta eius audiebant, & contemnebant exterminare cū iplis sacra Scripturæ voluminibus, & idcirco istius quemadmodum, & plurimorum Sanctorum gesta omninò ferè obliuioni sunt tradita. Sed quid mirum, si magnis dum viueret fulgeret prodigiis, cū adhuc, si petentium fides non defieit, locus reliquiarum eius non mediocribus coruscar miraculis. Temporibus namque nostris claudum vnum omni penitus debilem corpore sanatum, tresque dæmoniacos mundatos ante sanctissimum corpus illius oculis propriis, non sine ingenti admiratione vidimus. Transiuit verò VIII. die Calendarum Decembriam ab hac ærumnosa, & instabili vita ad fœlicem & angelicam patriam Princeps maximus, & Sacerdos coniunctus magnis Principibus, Sacerdotum adstans nunc Domino cælorum, paratus intercedere apud illum pro peccatis fidelium populorum, vbi cum eo lætatur fœliciter in sæcula sæculorum, Amen.

Explicit vita sancti Clementis.

AD Caput XX. Manuscripta vita Mansueti hæc est.

*Incipit Vita sancti Mansueti Discipuli Beati Petri,
& Lencorum Apostoli.*

POST gloriosum ecclestis victoriæ triumphum, cum quorū seculorum conditor, hoste deuicto, cœlorum penetraverat Regnum, Apostolicæ dignitati, ipsius Saluatoris præsentia, Petrus Apostolus electus, & author præsignatus, clauēs cœlorum suscipere, atque vniuersalis Ecclesiæ gubernacula meruit obtinere. Cūque primū, vt in Ecclesiasticis hist. legimus Hierosolymorū, post Antiochię partibus diuinæ illustrationis radios infudisset, & diabolicę superstitionis tenebras, manifestā virtute depulisset Romani Imperij dignitatē: Christianitatis titulo, ac sanctę Crucis vexillo dilatare, ac sublimare decernens, mundi dominam, & caput orbis Romā aggreditur, ac Deo disponente, cœlestis magisterij disciplinæ sanctę Ecclesię Catholicę principalis Pastor, & Magister efficitur; vt videlicet vbi diuersarum nationum confluxerat multitudo, inde quoque liberius, atque valentiū in diem cresceret Christianitatis sana religio. Cūque sanctę prædicationis velut clarissimos solis radios, per vniuersas terrarū partes sollicitus eui brasset, credentium populorum multitudines aggregans, in spem salutis æternæ corroborat, cuius sancti famanominis non solum ad finitimas, sed etiam ad exterās perlata fuerat nationes.

Eā tempestate, vt scripturæ documento percepimus, quidam sanctę indolis fuerat adolescēs, nomine Māsuetus, extranamarinis partibus nobilium quidem Scotorum clara progenie genitus, sed mentis egregiæ nobilitate multò pretiosius insignitus. Qui videlicet, teneræ adhuc ætatis processu constante, cum præfatio nominis prouehabatur culmine sanctitatis, moribūque vocabulo consonantibus, semper sublimior studebat fieri augmento pictatis. Qui cum cæteris bonorum operum studiis verè extiterat amator innocentie, ita quoque vt sui commoda præteriens exterorum causas libentiū ageret,

aliorumque infortuniis vt propriis influebat manufectorum cordibus copulari, rigidioribus verò instantijs abumpi in sanctificationis puritatem assumi, in decluioris ludibrii præludium absolui imbecillibus, atque inopiâ profligatis tota mentis intentione conferri, ac miserorum gemitus vt suos adh beri. Tanta quoque in eo fuerat virtutis opinio, vt non solum sibi sed etiam parentibus fieret in salutem. Naturalis quoque ingenij efficacia cælesti inspiratione præcedente literalis magisterij disciplinam sic dilexit, sic est profecutus, vt neminem confortis collegij perspicatiorem, neminem in his studijs habuerit præcedentem. Cumque fœlicibus auspicijs diuini feruoris instantia animos aspiraret adolescentis à Romanis artibus Christianæ fidei Beati Petri Apostoli solertia titulo radiante Romam profectus, eius quem totus visceribus amebat præsentiam expetiit, atque Apostolicæ institutionis magisterio se abiectis omnibus subdens, in eum iniecit oculos, cuius ardebat desiderio sanctitatis. Insigni quoque diuinorum operum præconio præeunte, Catholicæ informationis prælegit principem, de cuius fonte sumeret quod verissimis testimonijs vt patuit post modum approbaret.

Videns autē beatus Petrus futuri prouetus, ac bonarū virtutum in eo signa radiare, & claritatem superne illustrationis manifestatis indiciis emicare, tantò ardentius beatum virum ad cœleste magisterium edocendum sibi virtute confessionis adsciuerat, quantò in salutem credentium, præsentium scilicet, ac futurorum multiplicibus veritatis cooperatorijs indigebat qui videlicet beatissimus pastor vniuersalis Ecclesiæ totū mundū, quē à Domino Iesu Christo creditum acceperat demonum erroribus inuolui, ac subditum esse illachrymans perfectissimos quosque diuini verbi præcones ordinauit, quia se in Galliis dirigendi virtute constanti, & fidei testimonio comprobati Galliarum populos, qui iugo tenebantur diaboli eruerent, & ad diuini cultus sacramenta prouocarent. Ex his itaque Maternum Treuericę ciuitatis Pontificem, Remorumque sanctum Sinicium, mediomatricorum verò fœlicem, & Clementem, Memmium autem Catalaunensium fuisse non dubitamus. Cum quibus etiam hunc beatum virum confortis ministerij collegam deputauerat, vt pote longo Apostolica

sublimitatis exercitio edoctum, ac cœlestis magisterij experientiâ in cunctis summè comprobatum.

Quem videlicet maioris dignitatis, & gratiæ esse decernens, Pontificalis autoritatis priuilegio præmuniuit, vt prædicationis diuinæ emolumentum sacerdotalis officij præcederet sacramentum. Imperium quoque Magistri eminentis obsequiis, perfectè discipulus armatus edicto, instructus eloquio, obediens in præceptis, fidus in promissionibus, Romam egressus, longissimos indicti itineris anfractus, à beato Petro corporali non mentis intuitu separatus, longinquæ peregrinationi pro Christi regno se vltro subiiciens, Leucorum vrbis se ciuibus intulit, in omnia suppliciorum perferenda genera præparatus. Quæ videlicet ciuitas, aquis irrigua, pascuis vberima, murorum ambitu iucunda, seris, & turribus, secus vndique præmunita, idolorum tamen sordibus vsquequaque polluta fuerat, & confusa. Metas itaque præfatæ ciuitatis Christo duce, ac B. Petri præuiâ autoritate ingressus, barbaricâ multitudinem nihil veritus, veræ fidei sacramentum, & Christianæ religionis cultum gentibus prædicare cœpit. Idola vana esse, & surda, & muta, manu potius facta hominum, & commento, quàm veræ rationis existentia, primordio nihil diuini habentia, nec ad beatam fœlicitatem, quæ post hanc mortale vitam secura est, aliquid attinentia. Vnum Deum potius colerent, qui terras, & maria condidisset, qui cœli sublimitatem suâ ditione teneret, qui corporibus vitam post mortem fœlicius præstaret viuendi facultatem. Tantorum falsorum decorum culturam horrendæ vanitatis esse ludibria, animarum dispendia perennium nihil aliud quàm futura tormenta.

Erat tunc temporis memorata ciuitas, populorum stipata cateruis, rerum ditissima copiis, ac diuersæ suppellectilis referta commerciis. Rex quoque gentilis, & barbaricus, cum sua coniuge Leo nomine Deum ignorans, cum omni populo suo idolatriæ cultibus subiugatus. Ad quæ cum perlatus esset sancti viri aduentus, & quam per populos ferebat, diuini prædicationis verbi, spreuit, & abnuuit, & verum Deitatis æternæ præconem surdâ aure præteribat. Vir autem Domini instanti constantiâ reluctatus, propter mœnia ciuitatis exiguæ habitationis sibi receptorium parauit, cunctosque ad se venientes ad cognitio-

nem veri De i, à superstitionibus dæmonum reuocabat, eligē potius diuersis cruciatibus, ac suppliciis corpus esse tradendum, quàm id quod B. Apostoli Magistri sui edicto susceperat æternæ salutis ministeriū declinaret. Instabat igitur negotio perseveranter, quod cœperat. Cūque huic indefessæ solertię dierum subigerent curricula plurimorum, rumoris huius solēnis frequentia ad notitiam Reginæ p̄fertur, cui familiares domestici adiungunt talia referentes; adesse videlicet quendam patriā quidem peregrinum, genere ignotum, assatu dissimilem, vultu & habitu sibi penitus ignotum, & non esse ei confortem, conditione tamen Christianæ fidei esse cultorē, ab Italiæ partibus venientem, *ab eo quem Romanum pars maxima veræ fidei signiferum, & Papam sequitur se à Petro esse missum veraciter asserentem.* Dominum cœli, hominūque factorem, apertis, atque assiduis vocibus prædicantem. Cūque hæc & similia rei nouæ admiratione referentibus, Reginæ gentilis animus aliquo modo flecteretur ad audiendum, absentis Regis sui liberā potita facultate, sec. etò vsa cubiculi, virum Dei sibi præcepit intromitti. Quę est, inquit, hæc noua, & hæc tunc nobis inaudita religio quam nostrorum culturę deorum superducere gestiens, alia nobis colenda denuncias, quæ vsque in præsens generi nostro, & incognita permanent, & inculta. Intelligens autem vir beatissimus intentionem Reginę sciscitantis, & spem habens in ea vitę regenerantis. Dominum inquit verum, & verum in distinctione trium personarum, Patris, & Filij & Spiritus sancti, omnium rerum incommutabile principium, qui est fons, & origo bonorum, à quo omne genus mortalium existendi sumpsit initium: cuius potestas nec cœpit esse, nec desinit in æternum, per quem pereunti mundo: æternę redemptionis venit remedium, postquàm Deus, & Dominus noster Iesus Christus Filius omnipotentis patris de cœlis missus ad terras, per vterum intactę Virginis carne vestitus humanā, mortalibus visibilis ostensus, plurimis, & mirandis virtutum signis declaratus, ad vltimum, vt diaboli excluderet dominationem, in cruce Iudeorum infidelitate spontaneā dispensatione sui consilij appensus, pretio fusi sanguinis ab errore dæmonum eos absoluit, quos vitę perennis heredes futuros p̄siniuit. Quid plura? Regina credidit, & nisi paga;

ni Regis potestas obstitisset legitimo adnixa matrimonio, purgari non desisteret fonte salutari. Tamen Rege aliarum rerum euentibus implicito, quoties Regina seria opportuna conciderant, virum Dei frequentius adscitum, viam salutis intendebat strenuè demonstrantem.

Erat igitur his paruulus filius, qui instituebatur ad ritum parentum profanorum, cuius videlicet exigua pueritiæ tempora, licet teneris ageret natura sub annis, parentibus tamen, vt post patuit res, fuit initium, & prouentus tam diù dilatæ credulitatis, & salutis. Beatus autem Pontifex in prospectu vrbis, vt diximus, vmbrosis sylvarum frondibus coniectum locum delegerat, & remotum, in quo soli Domino vacans, attentius opus quod cœperat votis assiduus deferebat. Qui non tantum suis, quantum etiam Magistri sui Apostolorum Principis subsidiis innixus, signis, & virtutibus coruscabat, clarus aspectu, moribus dulcis, alloquio mitis, constantiâ fortis, patientiâ longanimis, castitate præcipuus, in beneficiis largus, egenorum miseriis pronus, consiliis cautus, misericordiâ plenus, hospitalitatis gratiam consecratus, in orationibus assiduus, in lectione deuotus, in lachrymis profusus, in compunctione attritus, in cæteris bonis actibus probatus, atque perfectus. Cuius virtutem cum in rebus maximis, tum etiam in minimis causarum euentibus, plures sunt experti. Nam cum in agendis ferarum executionibus, quælibet animalia canum violentia illud hominum genus insequeretur, vsque ad eum quo vir Dei manebat, locum peruenientes, stupefactos cerneret riguisse, nec vltra necem exemptæ intentare capturæ. Quare sæpè Regia indignata potestas, sanctum Pontificem Domini decreuerat trucidandû. Quem tamen diuina virtus, inter arma barbara & mores ferocissimos ad erudiendam plebem fidelium, & expiandam urbem idolorum conseruabat illæsum, nolens vitam eius breui consummare articulo martyrij, sed prolixis temporum sudoribus immorantem fructum asferre copiosorem, & pacem Ecclesiæ, quam recturus erat, multimoda commercia referentem ad regnum transire cœlorum.

Interea causa extitit quâ Rex, & populosa Gentilium multitudo, ludis suis solemnem frequentiam agerent, & consue-

tis otij sui exercitiis vacarent. Cùmque talibus intenti tenerentur, accidit prædicti Regis vnicum paruulum filium, ex muro cui tunc superstare videbatur, eascilicet parte quâ redacto paululum sinu quem fors ædificantibus dederat muri ambitus quemdam reflexerat angulû, è sublimi loco prolapsum casu in fluuium Mosellæ cecidisse, qui scilicet fluuius aluei sui cursu loca viciniora possidens, tunc temporis propter mœnia ciuitatis influebat, tantâque erat illic aquarum profunditas, vt absorptum à voragine puerum, arte & spe descisceret quærentium solers industria virorum. Ciuitas tota ruit in funera, clamor attollitur rusticorum, pater, & mater, penè exanimis referuntur. Tragœdiæ personant mulierum, falsorum frustra prouocantur sub specie decorum. Dies vertitur in luctum, ludi in miseriam, solemnitas in mœrorem. Ita sorte duplici mœrore, & labore consumptis omnibus, nocte irruente dies clauditur. Cùmque fessa membra post tantum laborem lecto reclinarent, graui vterque parens somno deprimitur. Cùm ecce repentinè dormienti Regis coniugi, vt ambo decumbebât, beatus Mansuetus per visum apparuit, dicens. Meritò Regina turbaris, meritò confunderis, meritò triste funus filij tui exsoluis. Nam si conditorem tuû cognosceres, & verbis olim meis tu, & Rex tuus fidem adhiberes, ab hoc forsitan infortunio libera fuisses, vel multò salubrius hæc contingerent, dum animam simul cû corpore pereuntis beata quies exciperet vitæ renascentis, sed nunc quidnam facies, si vel corpus extincti recipere merearis? At verò illa se deuouens acturam quod imperaret, cùm prolixiora sancti viri ambiret colloquia, eius visio inter affamina rumpitur. At illa protinùs somno erecta, marito quod viderat ex ordine intimaui. Tunc ille: O si possum, inquit, eius quem sanctum Dei edoces, promereri præsentiam; polliceor enim me eius dictis assensum præbiturum, si tantum per eum obtineam, vel cadauer exanime, & laniata membra gurgustio non carere sepulchro.

Inter hæc nocte decedente dies adducitur crastinus. Quæritur vir sanctus à Regis Officialibus, sed eo die minimè reperiri potuit. Labor frustra quærentium vsque in diem tertium protelatur, iamque spes inueniendi penè subtrahitur. Illucescente autem die tertio tandem prælibatus vir Dei inuentus,

Regis obtutibus præsentatur. Cui ille pristinæ feritatis rigore deposito. O sancte, inquit, Dei, quem salutis nostræ ab exteris partibus gaudemus aduenisse, miserere orbatæ parentis, miserere extincti nati, adhuc sub aquis lethiferè decumbentis. Iâ protinùs asto, & credulus aras destruo, templa & simulachra subuerto, dæmonum figmenta cuncta contemno, immolatio-
tios cruores deuoto, fidem quam prædicas suscipio, Dominum cœli, quem orbis *Romanus*, iam *Petro docente perfer sit adorandum*, & me, & populum meum, diuinis legibus subiugabo, dum per te merear tantummodò, vel extinctum suscipere, quem constat tam crudeliter perdidisse. Vir itaque Dei, qui iam profecto nouerat quid facturus esset, his vocibus motus, his lachrymis compunctus, simul sentiens tantam frugem populorum, diuinam sibi adesse virtutem, ad muri locum se duci præcepit, de cuius culmine præceps deuolutus puer in gurgitem decidisset. In quo videlicet loco orationem fundens, ac præcipuè fidens in Domino deuotis precibus incubuit, inuocatòque Christi nomine, cunctis qui littora cinxerant aspicientibus corpus iacentis pueri apparuit, & à profundis eductum ferri super æquora cœpit, quod celeriter ab vndis creptum ante pedes beati viri protinùs est illatum. Ecce habes, inquit ad patrem, corpus exanime quod petisti; si tamen implere decreueris quod spondidisti, aderit quoque diuina clementia, quæ tibi adhuc multò valeat præstare maiora. Nam & ego ad hoc veni, & peregrinationem tantam assumpsi, vt per me vobis pateat cœlestis ianua regni, à Principe Apostolorum missus, salutis vestræ negotia prosequor, vestrarum gaudens lucra animarum quero. Tunc pater, & cuncti, qui aderant vnanimiter prostentur, abdicatis idolis veri Dei se futuros esse cultores, si is qui iacebat exanimis spiritu redeunte monstraretur post mortem ad superos posse respirare. Hic sanctus Pontifex plenus semper visceribus pietatis, id quod petebatur per spiritum intelligit operandum. Iterùm genuflexo in orationem diuinæ maiestati supplicaturus, humi prosternitur, & Christianos, qui tunc fortè pauci admodum numero aderant, idem facere votis cœlestibus præmonuit. Cùm oratione expletâ mortuus repente vitali flatu membris concurritur, atq; ad sancti viri imperium in pedes erigitur, & cunctis admirantibus

patri incolumis redditur.

Tunc vniuersi, qui ad hoc spectaculum conuenerant, manifestâ Dei virtute flere cœpère præ gaudio, noménque Christi in commune fateri, & illum præ omnibus esse colendum, qui cunctis mortalibus spiraculum vitæ dedit, ac post lethalia funera mortuorum spem imperio coërcet, atque iterum cum voluerit rediuiuis corporibus ad superos reuocari iubet. Tunc fidelis Domini Sacerdos ad resuscitatum puerum conuersus: Accede propius, & pertemet enarra parentibus quid videris, vel vbi fueris, cunctis simul patenter ostende. Tunc ille, vt recens ab infernalibus prodiens emergerat umbris, ad nutum Antistitis ora resoluens, atque tenero pectore alta suspiria trahens, liberè cœpit dicere, quòd in inferno positus vel senserat, vel vidisset. Multa videlicet & innumerabilia tormentorum genera inter tartareos ignes, flammiumos vigere serpentes, immensas iterum multitudines diuersis suppliciis deditos, ac miserorum spiritus inter flammæ, & frigora coarctatos stridore deficere, atque ex suo defectu ad rediuiua irerum incendia reuocari, vbi ad vitam nulla recuperatio, sed omnium bonorum obliuio, sola præsentium pœnarum inenarrabilis cruciatio; ad quam quoque ipse Rex, & Regina, omnesq; qui præsentés aderant, procul dubio essent peruenturi, nisi beati Antistitis dictis & factis crederent, & Christianæ fidei colla subiugarent, seque ipsum ad eadem loca pœnarum deductum, perpetuę damnationis tenebris fuisse deputatum, nisi beati Confessoris Christi citius intercessio subueniret, quæ cum à malignis spiritibus, atque ab infernalibus claustris eriperet, & ad superos reuocaret.

Hæc & plura similia prosecutus, flebilis ad pedes Sæcti prosternitur, & fonte salutis ablui humiliter proficitur, patrem ac matrem, ceterosque quorum sollicitior fuerat, vt idem facerent votis, monitisque, quibus poterat suadebat, dicens sanctum Pontificem à Deo fuisse destinatum vrbi in salutem, venisse ciuib; pastorem sanctum, animarum rectorem, atque custodem diuinâ dispositione, & Apostolicâ institutione electum, cuius ipse & tota ciuitas communiter saluaretur aduentu. Tunc igitur inter verba pueri, & euidentissimam resuscitationis eius virtutem, tantę nouitatis insolito miraculo stupefacti omnes,

videntes manifestam Dei virtutem, cui resistere, & malignè uōtradidere nemo illorum poterat, Idola respuunt, aras subcertunt cunctas diaboli officinas prosternunt, & Christi nomen communiter inclamare, & laudes in cœlo personare cœperunt. Deinde etiam claris vocibus erumpentes, baptismatis sacramentum, quod prius pertinaciter recusabant, humiliter omnes expostulant. Tunc verò secundum Apostolicam disciplinam, à beato Antistite sanctæ fidei regulam prius edocti, ac deinde gratiam baptismatis sunt consecuti Rex scilicet, & Regina, omnisque eorum familia, omnis militaris ordo, vniuersa rusticorum multitudo, & factum est gaudium magnum in illa ciuitate. Tunc omnis candidatorum turba, & cœlestes in laude Christi cohortes, nouū redemptionis genus adepti, & vetusto anguinis tegminis squalore spoliati, diuinam potentiam admirantes, de gloria B. Mansueti merita magnificè prædicantes, pari voto, parique consensu sanctum virum totius Ecclesiæ summum rectorem eligunt, ac pastorem, iustum esse, vt qui ad salutem totius populi venerat, totius electione populi pastoris iura teneret. Ac sic vniuersi acclamantes hunc esse dignum, hunc per omnia ciuibz profuturum, non iam quasi peregrinum, sed tamquam pastorem proprium Apostolicæ præfultum priuilegio dignitatis, in sedem statuunt Pontificalis honoris.

Tunc vniuersi iam catholicâ fide fundati, per omnes dominationis suę terminos longè latèque verbum salutis cunctis inferri præcipiunt, ita volentes, nolentisque autè ver conuertuntur, aut patriâ propelluntur, nec vllus relinquitur, qui aut non baptizetur, aut non baptizandus ad fidem imbuatur. Sic igitur Dei electus prius quidem Romę Episcopus consecratus, post verò, vt verbis præcedentibus patet, generali populorum acclâmentatione signis atque prodigiis ad Pontificij culmẽ Leucorum vrbs assumptus, sermone non potest comprehendi quanta, & qualia diuinitus meruit operari. Misericordia namque, & pietas semper in eius ore, & mente versabatur, nec Episcopalis authoritas pristini rigoris, & abstinentiæ frēna resoluit. Noctes, diēsq; continua oratione sæpè consummauit. Motus animi tantâ mansuetudine coarctauit, vt cum sciret misereri, nesciret irasci, omnibus clemens, omnibus miseri-

cors. Aduenientium verò miseras ita præferebat, vt quicumque mœrens venisset, apprimè consolatus lætior rediret. Languores autem egrè se habentium, non solum suâ intercessione, sed B Petri Apostoli acceptâ autoritate liberè urabat. Ita pastor in populis, verè medicus agnoscebatur esse salutis. Sicut autem in gestis eius, quæ multò ante nos conscripta sunt, studio lectori per facile est inuenire, emundatâ, vt suprà diximus, eâdem Leucorum vrbe omni idolorum superstitione, edificauit ciuitatis intrâ mœnia templum Domino, in honore genitricis Dei, & Domini Iesu Christi, ac perpetuæ Virginis Mariæ, necnon & sancti Prothomartyris Stephani. Aliud verò templum construxit ex latere in parte australi, quod solemni populorum frequentia dedicauit, in honore & veneratione sancti Ioannis Baptistæ, vbi dicitur ad fontes. Deinde autem per omnem diœcesis suæ prouinciam plurimas construxit Ecclesias, ordinatis presbyteris, & diaconibus, vbi diuinæ maiestati debita laus redditur, & glorificatur Deus admirabilis in sanctis suis, vsque in præsentem diem. In eo verò vbi primùm adueniens cominus in suburbio ciuitatis, vt diximus, hospitium præparauerat: diurnis quidem in ciuitate diuini pabulum verbi gregi sibi commissio sollicitè ministrabat, nocturnis autem temporibus vt liberius orationi instaret, ad idè tamquam sibi consuetū habitaculū reuertebatur, vbi scilicet lacrymarū affluentia deluebat, si quid circa aliorū salutem occupatus sibi ipsi diurnis spatiis minùs perfectè procurasset.

Tantis igitur, actalibus, vt prædiximus, lōgo temporis exercitio, diuinus operator incessanter insistens, fatigari non poterat, quem S, Spiritus feruor accendebat, qui secundum Apostoli dictum, cū aliis non erat Apostolus, huic tamen plebi verè Apostolus extitit, quem ipse tot signis, atq; virtutibus, tot laboris & cōstantiæ suæ sudoribus Deo acquisiuit. Et quamuis moribus nostris conuersioni multa deesse tēserimus, quæ ille vir beatus & coluit, & excoluit, signa autem Apostolatatus eius nos omnes in Domino sumus, quia quod ille ab ipso primordiali sancta, & vniuersalis Ecclesiæ sumpsit exordio, hoc postmodum generi nostro liberâ autoritate profudit, fide potiùs armatus quàm ferro. Præterea B. Petrus Apostolus qui in numero Apostolorum primus eligitur confessor filij Dei factus, humani

humani generis pastor electus, Ecclesiæ fundamentum, clauicularius regni cœlorum, Christi Domini confessione probatus, passione postmodum coronatus, Galatiam, Pontum, Cappadociam, Bithiniam, atque Italiam Euangelicis plenè repleuerat documētis, qui sub Claudio priori Cæsare Antiochenâ fide Catholicâ primùm perfectè fundasset Ecclesiam, eamque per septem continuos regeret annos, Simonis Magi verutias, qui Apostolicam institutionem vbique locorum fugitans, sanæ doctrinæ radios suæ tenebris maculare nitebatur, spiritu sancto edoctus præueniens eundem Simonem Magum Romam profecturus ingreditur, ibique electione fidelium pastor Ecclesiæ factus, Euangelium prædicans viginti, & quinque annis eiusdem vrbs tenuit principatum. Contra cuius clarissimam prædicationem, vt historiæ referunt, idem Simon Antichristi membrum vtique factus, rabido ore confurgens, Neronis, & Agrippæ Præfecti sisus audaciâ, Apostolicam asserionem sui prauitate mendacij obfuscare non desistit. Vnde magicis artibus cœlum conscendere molitus, virtute & oratione B. Petri Apostoli, dum ferretur per aëra, ad terram amens corruit per partes diuisus. Quibus actis Nerone iubente proscriptus, tricesimo sexto anno post passionem Domini in vrbe Roma, vt ipse voluit, deorsum cruci affixus, post Apostolicum meritum superna cœlorum regna ingreditur, glorioso martyrij sanguine laureatus.

Cuius in toto orbe terrarum meritò recolendam B. Manfuctus, tanquam fidissimus discipulus, magistri audiens passionem, loco quo prædiximus beatum virum non longè ab vrbe pro tempore fuisse hospitatum, quem etiam sacri oratorij iam pridem titulo sacrauerat, nobiliorem Ecclesiam condidit quam videlicet in honore, & memoria Petri Apostoli, sui vtique præceptoris, statuens, sacri pignoris eius quem secum detulisse fertur, benedictione consecrauit, vbi scilicet diebus, ac noctibus peracto prædicationis officio conueniens, ac soli Deo vacare desiderans, plures postea agens annos, multitudines fidelium in fide Christi colligens, ad consortium præmisit Angelorum. Cùmque iam electus Dei athleta plenus esset dierum, & prouexæ ætatis multis, & diurnis bonorū operum sudoribus, & laboribus vt prædiximus fatigatus, virtutibus

quoque, & miraculis signis admodum declaratus, tanquam fidelis seruus, & prudens, qui dominicæ familiæ mensuram tritici in tempore suo erogauerat, ad accipiendam æternæ recompensationis mercedem, Domino iubente vocatus, carnis onere deposito tertio Nonarum Septembrium spiritum cælo reddidit, & stolam beatæ immortalitatis cum Domino suo perenniter regnaturus accepit, vbi modò gaudet Angelorum cœtibus admixtus, atque ouium suarum adhuc inferius agentium multò magis præstantius & potentiùs intercessor effectus. Ad cuius exequiarum solemne consortium, iam dici non potest quanta multitudo fidelium conuenerat, quos videlicet ipse laboris sui instantiâ in filios adoptionis per Spiritum sanctum transfuderat. Cerneret maximas populorum cateruas non iâ peregrini, & ignoti, sed proprij patris, & pastoris sui funus triste stipasse, & lamentabiles exequias vndique quodam quasi procinctu flentium, atque dolentiù confuso ordine miscuisse; atque sequentium agmine vsque ad locum sepulchri corpus deferretur exanime, & in eo loco, quo eum prædiximus B. Petri Apostolorum Principis honore, & merito Ecclesiam dedicasse, dignissimæ traditur sepulturæ. Vbi tot certaminum, & laborum consummauerat cursum, ibi Domino disponente voluit debitam corpori habere sepulturam. Quem videlicet locum meritis eius obtinentibus, ex tunc, & modò diuina potestas ad laudem, & gloriam sui nominis, signis, & virtutibus illustrat; vt ostendatur quantum in conspectu æternæ claritatis in cœlis fulgeat, qui tantarum quotidie virtutum in conspectu mortalium admiratione coruscat. Cuius merita gloriosa nos qui oues, & grex eius sumus, cum humili deuotione debito honore veneremur, vt ipsius intercedentibus meritis sine fine gaudere mereamur. Nunc quoque quia vitæ, & conuersationis eius in carne degentis ex parte finem agnouimus, quis eius fuerit successor, compendiosâ breuitate huic narrationi inferere dignum iudicauimus.

Post gloriosum B. Mansueti Leucorum vrbis primi Pontificis ex hoc mundo ad cœlos transitum, sicut in gestis præcedentium Antistitum inuenitur, sanctus ac beatissimus Amon Dei providente clementiâ, in prædicta sede communi vniuersorum voto atque consensu ordinatur Episcopus, beati vi-

ri successor factus, qui prædecessoris sui mores, & instituta ad vnguem exequutus non valet explicari quantæ bonitatis, & sanctitatis fuerit operibus comprobatus. Hic namque Pontificalem dignitatem in cuncta morum honestate exuperans, non solum verbis exemplivse subiectam plebem circumquaque competenter excoluit, sed etiam miris, ac magnificis virtutibus illustravit, qui sic quoque cum daret in celebrationibus decus, & ornaret tempora vsque ad consummationem vite, recedens ab hoc sæculo in oratorio quod supra diximus, in B. Petri Apostolorum Principis honore à sancto viro studiosè constructum, cum eodem prædecessore sanctissimo condignè traditur sepulture. Vnde quoque amborum meritis, & intercessionibus, ad laudem diuini nominis, idem locus ex eodè tempore visus est magnificis miraculis effuluisse. Cum scilicet cæcorum oculi diuturnâ caligine pressi, optatam expulsis tenebris lucem recepere, variarum peste cladium languentes exuit, attractis quoque nervis plures repentes humi, necnon & quam multi diuersis, & innumerabilibus angoribus infecti, salutis gaudia horum interuentu se gaudeant ad propria retulisse. Ad quorum videlicet patrocinium Regum, ac Principum legimus frequentiam confluisse, ac viris sanctis xenia ad subleuandam seruorum Dei inopiam, & pauperum indigentiam deuotè contulisse: vbi etiam diuersis temporibus mirifica sunt ostensa virtutum amborum meritis insignia. Sed vel propter irruptiones barbararum gètium, vel propter scriptorum inopiam, sine dubio sunt prætermissa, vel perditæ; cum etiam hæc nouerimus urbem ob inhabitantium enormitatem scelerum, simul cum rebus, Vvandalorum vastatam persecutione crudelium, ac postmodum antiqui hostis insidiis atrocibus flammarum incendiis concrematam.

Hoc tamen non est silentio suppressendum, quod ore quorundam nobis fideliter est relaturn. Martinus Turonorum S. Episcopus toto orbe notissimus B. Maximino Treuironum Antistiti admodum fuerat familiarissimus, ita vt sæpè collatis fruerentur alloquiis, & B. Petrum Romam pariter adituri, mutuis viatim inniterentur collegiis. B igitur Martinus communi disposito quodam tempore id acturus, oratorium B. Mansucti, ad quod declinauerat, diuinam exoraturus clementiam, deuotus

vt erat ingreditur. Cum ecce repente cuiusdam sanctimonialis spiritus puellæ, cuius corpus non longè ante sepultum eo loci fuera, repertus vocibus sancti viri nomen ex sepulchro ingeminat, cuius precibus cum vir beatus intèderet, protinus illa subsequitur. Sanctissime, inquit, Pontifex terræ cœloque præpotens, animæ miserere sepulti. Corpus quidem hic tegitur terris, sed spiritus adhuc versatur in pœnis. Adhibe in auxilium sanctissimi Mansueti & tuum patrocinium. Hæc quoque saluatam credideris, cum reuersus vocem non audieris supplicantis. Hinc ille abiens, iter quod cœperat aggreditur, petenti præcipuè subuenire sollicitus. Interea confecto toto illo itinere, cum rediens glebam beatissimi Mansueti, vt erat solitus, non præteriret, & signa petentis defunctæ iam nulla percepisset, gratias Creatori persoluit, quia vtriusque interuentu saluatam agnouit. Hæc enim perire quomodo poterat, cui tales intercessores immensa Dei misericordia commiserat? His ita gestis quia ad alia tendimus, in his quoque pro voto finem facimus.

Hoc etiam non indignè placuit inferendum, quod frequenter testimonio vulgatum adhuc inter ora versatur plurimorum. Ex transmarinis Scotorum finibus has partes moris erat expetisse multos, inter quos eo tempore vir quidam pauper cum coniuge dicitur accessisse. Antiqui enim temporis multos fama exierat, suæ gentis virum sanctissimum Scottigenis peregrè abeuntibus solito potissimum expetendum. Vnde, & hic conficius, vt rumor erat, amoris & gratiæ non longè ab æde B. viri potius hospitio voluerat mansitare. Hic in rebus domesticis exigua fuerat admodum suppellectilis, tantum inter rei familiaris commoda, non magnæ quantitatis solitus alere porculam, futuris sibi escarum vsibus inferendam. Vt autem assoleret in tanta multitudine hominum amicam bestiolam cum absentem diutius conspicit, furto sibi sublatam pauper intelligit, furantis autem personam cum nusquam deprehenderet damni sui non ferens dispendium ad sacram ædem tendit, & efferis, vt Scotorum datura est, animis, tumultu Sancti se mœstum iniecit, & plenum querimoniis, & vtriusque verba eloquat. *O sancte Dei Scotorum inquam, te, Scottum & me genti Scottigenæ propitius miserere. Me eminens positum fortè iuuare debue-*

ras. Ecce peregrè contiguam quid aporiarī pateris? quod rebus destitui permittis? Redde obsecro quod perdidī, redde quod fur impius fortè iam abstulit. Hæc & his similia multa prosequens, pauper ille tristis recipitur hospitio. Interim latro audus miserum animal iam ferro præfoecerat, spe gaudens saturandi gutturis, ex his quas furto sublegerat rapinis. Nec diū distulit sanctus sui querimonias pauperis. Nam ut extincta bestia tegebatur latibulis, virtute sancti, statu redeunte in pedes erigitur, furisque domo violenter eripitur, ac contubernale stabulum ingressa, non sine multorum admiratione proprio domino viuā, & incolumis restituitur. Sic delusa est iniqui furis præsumptio, sic pauper recreatus est suo quod passus fuerat infortunio; sic etiā admirabilis facta est, non tantum in maximis, quam etiā in rebus vilibus sancti Māfueti, si fidei credatur, euidentissima virtus. Si quis verò, huic rei incredulus esse voluerit, nihil nostra intererit, cum hoc sciscitari placuerit, multorum adhuc relationibus comprobabit.

Quoniam anterioris executione operis, prout diuina sublimitas ad memoriā præsentium temporum reuocandam exiguitati nostræ contulerat, pauca ex pluribus breuiter explicauimus, utique ad ea quæ dum maneret in corpore, Dei est virtute operatus omīssis his, quæ, vel incuriā, vel prolixæ vetustatis desidiā sunt suscepta negotia connertamur. Quæ videlicet tantò securius profecimus, quantò hæc quoque viciniùs facta fuisse in dubio non tenemus. Imprimis siquidē adnotantes, quòd siue, ut diximus, barbararum irrupente feritate gentium, seu etiam creberrimis inter se consecrationibus populorum, per succedentia tempora idem locus rebus priuatus, munitionibus dissipatus, penè ad nihilum fuerat redactus, frequenter etiam sæcularium dominationi subiectus. Inter eā longā euolutā quoque temporum serie, post Drogonem inclytum Leucorum vr̄bis Episcopum, Dñus Gauzlinus nobilissimus, Francorum nobilibus ortus, pietate, & religione conspicuus, literarum studiis apprime eruditus, per Dei providentiam electus in hac sede est Pontifex ordinatus. Qui diligentes clerum instituens viros prudentes vñdecumque colligens, vr̄bem rebus auxit, sapientiā deco-

rauit, prouidâ dispensatione munivit. Hic itaque præfatum locum diuersis, vt diximus, casibus lapsantem considerans, ascito sibi ex loco sancti Apri Confessoris Christi, Domino Erchembaldo patre venerabili, quem ipse quoque illic Abbatem constituerat, locum supradictum in religionis ordine committit reparandum. Qui videlicet vir venerabilis, vt erat religiosissimus, sub Præpositorum manu monachorum aliquos delegauit, & quia illic stipendia eo tempore decrant, propriis sui monasterij sumptibus alendos instituerat.

Præfati igitur sælicissimi Antistitis Domini Gauzlini tempore, dum isdem locus sub Præpositorum, vt diximus, custodia ageret, quæ ante è vicino, vrbis visu, vel auditu contigerint, satis sit vel pauca de multis expedire. Vvidonem istius vrbis multi nouerunt, hic viculum quemdam habuerat ab vrbe non longè positum, quem quia ipse construxerat vsque in præsens tempus nomen Vvidonis habet. In hoc quædam eius inquilina fuerat quæ iâ per annos 7. cœca permanebat. Hæc, & coniugem, & filios potius ad calumniam, quàm ad adiutorium possidebat. Quid ageret omninò nesciebat, omnium, & maxime suorum, infelix patens contemptui, præsentis subiecta inopiæ Interea instabat dies, quâ expectabantur in crastinum annuæ beati Mansueti solemnitatis gaudia. Tùm illa inimicam cæcitatem perferens, turmis se commiscuit confluentium, alieno duci innititur, beati Pontificis domum gemebunda ingreditur, fletibus persusâ facie, diuinæ maiestatis amicum inuocat, mitis pastoris affuturam sibi clementiam exorat. Cùmque in oratorio pernoctare cupiens ab Ecclesiæ Præposito cum cæteris excluditur, ante ianuam vallata populis excubat, habens in eo fiduciam in quem totam mentem defixerat. Cum ecce nocte media elatâ voce Deo gratias agit, interuentu sancti lucernas ardentes sibi patere asserit. Eia, inquit, sancte Dei cœcam illuminasti, infirmam solidasti, tristem refouisti. A modo me tuis obsequiis habeto famulantem, super quam tuam ostendisti potentiam. Ita quæ alieno duce venerat, collatæ lucis authorem libera rediens omnibus prædicabat. *Adduntur plura miracula, quæ cùm parum ad nostram historiam conferant, omittimus.*

AD Caput XXI. Eucharij & successorum vitam
accipe ex manu exarato codice.

Incipit præfatio in Vita sancti Eucharij Episcopi, & Confessoris.

QUAM QUAM beata vita sanctorum apud omnipotentem Deum æternaliter maneat, & eorum nomina liber vitæ sine obliuione contineat, nihil tamen verè religioni obfistere credimus, si eorū merita sæpius mente reuoluamus, actūsque illorum verbis, & scriptis commemoremus. Vnde & ea quæ de gestis sanctorum patrum Treuericæ vrbs certissimā relatione maiorum agnouimus, silentio segniter præterire non debemus, quia iustum est hos piis commendare memoriis, quorum quotidie instruimur exemplis.

Incipit Vita eiusdem.

IGITUR postquàm beatissimus Petrus Apostolus, Antiochenam Ecclesiam primā confessione Christiani nominis super solidissimam petram fundauerat, Pontum, Galatiam, Cappadociam verbo prædicationis illustrauerat, in exordio Claudij regni Cæsaris, supernā prouisione ordinante, Romam ingressus, salutarem cunctis credentibus fidem constantissimā assertionem prædicauit, eandemque potentissimis signis, atque virtutibus comprobauit, & eiusdem vrbs Pontificatū viginti quinque annis strenuissimè rexit. Vbi dum firmiter fidei fundamenta collocasset, & per totam Italiam fama doctrinæ eius longè, latèque percrebuisse, tandem à Spiritu sancto præmonitus, Galliæ quoque, ac Germaniæ verbum salutis inferre ordinauit, atque ad hoc opus tres probatissimos viros ex suis discipulis elegit; Eucharium videlicet, qui interpretatur gratia, magnarum virtutū existens vir, & impleuit opere quod designabatur nomine, Valerium, & Maternum, quorum statim Eucharium ad Episcopalem dignitatem sublimauit, Valerium ad gradum Diaconatus promouit, Maternum Subdiaconum consecrauit, qui satis idonei à Magistro instructi, in unctum sibi mandatum alacri mente susceperunt, & accepta

benedictione ad supradictas regiones ire cœperunt. Pergentes per viam incessanter sanam doctrinam cunctis euangelizabant, & multos ad soliditatem sacræ fidei signis, & virtutibus prouocabant; cūque in quoddam Galliæ castrum nomine Elegia peruenissent, ibique aliquantū temporis commorantes, omnes ad credulitatem constanter incitarent vnus illorum nomine Maternus, febre correptus grauiter a grotare cœpit, atque crescente eādem infirmitatis molestiā, non post multos dies vitam finiuit. Quā orbitate beatus Eucharis nimum contristatus, faciem vberim lachrymis perfudit, simulque ingeminans, ait: O inimica, & odiosa mors, quæ propter inuidiam diaboli in orbem terrarum introisti, quare contra nos tam crudeliter exarastisti? Cur quod superna pietas ad depellendam mortem infidelitatis destinauit, tu violenter abstulisti? Scio te impiissimam in Christi morte occubuisse, & vnde te iterū aduersus seruos suos erexisti? Sed confido in Dominum Iesum Christum, quia quod per nos fieri disposuit, hæc author impedire non poterit. Hæc dicens lachrymas reflexit, & corpus discipuli terræ commendans, assumpto Valerio cum celeritate Romam rediit, cunctaque, quæ sibi in via accidissent fideliter Magistro narrauit per ordinem, dicens. Non possumus iterū remeare per viam quā misisti nos, & gentes prædictas docere, nisi Maternum discipulum tuum, tuis sanctis precibus resuscites à mortuis, vt virtus Domini nostri Iesu Christi gentibus illis manifestetur. Quem ille clementer consolabatur dicens: Noli lugere charissime, quia quem nunc mortuum doles, ipsum per gratiam Redemptoris nostri citiùs resurgere videbis, & tui itineris fidelem, & incolumem socium habebis. Mortem enim, quam ille ad tempus pertulit corporaliter, hanc omnipotens Deus ad salutem plurimorum præuidit. Sed iam nunc accipe baculum meum, & cœptum iter perage, & cū illuc perueneris, ipsum baculū super corpus defuncti pone, dicens. Præcipit tibi Petrus Apostolus, vt in nomine Christi Iesu, à mortuis resurgas, & commissum ministerium nobiscum perficias. Sanctus verò Eucharis, cum fratre Valerio imperium magistri gratanter suscipiēs, ad prædictum castellum veloci gressu peruenit, & ad sepulchrum fratris accedens, dilectissimūque thesaurum effodiens, baculum

cælum funeri superposuit. Et dum Apostoli verba quæ mandauerat retulisset, statim Maternus resumpto spiritu confedit, datæque manu Pontifici, viuus, & incolumis coram populi multitudine de tumulo surrexit. In hoc ostenditur Propheta dixisse. Mirabilis Deus in sanctis suis. Tunc omnes qui aderant in cælum laudes extulerunt, & multi ex paganis baptisimi gratiam consequentes, vnitati fidei se coniunxerunt. Sicque impleta est promissa Apostoli sententia, Quod mors illius occasio multorum fieret ad vitam resurrectionis. In quo loco postea Christiani Ecclesiam construxerunt, æque ex eo quod ibi acciderat, nomē Resurrectionis imposuerunt. Illi verò postquam ibidem multos ad fidem imbuerant, & iam ad alia loca tempus trans migrandi adesse viderant, vale dicentes fratribus per Gallias semina vitæ serendo profecti sunt; tandemque perfecto itinere Treueros perueniunt; vbi tantus error Gentilitatis inerat, vt exceptis singulorum penatibus, in vno loco ciuitatis centum statuta Idola à populo generaliter colerentur, & per ea miseri responsis demonum, ac præstigiis deluderentur. Nec tamen bonis actibus recepti sunt à populo Treuerorum; quia quantò ciuitas potentior dignitate sit, tantò ciuium prædicatione superbior. Cùmque sanctus Eucharis per singulos dies admoneret, vt Idola vana colere cessarent, & vt ad verum Deum se converteret, illique nullo modo verbis eius acquieuisent. Quodam die cum sociis urbem ingressus est, eundem sermonem ad populum habiturus. Quapropter Pontifices capita zelo contra eos accensi, maximam partem populi aduersus eos concitauerunt, & expellentes eos extra ciuitatem lapidibus obruere voluerunt. Quod videns beatus Eucharis ad arma orationis se cum suis conuertit, obsecrans cum lacrymis omnipotentis Dei clementiam, vt illis contra incredulos pium præberet auxilium, & insanis infidelium turbis agnoscendam fidei veritatem capabilem aperiret sensum. Inter hæc omnis illa sæuientium turba mirum in modum ita cœlitus obligata est, vt alij ex eis incassum iactui immittentes brachia extenta, inflexibiles starent: Alij nihilominus pro colligendis lapidibus deorsum inclinati, terræ pronis ceruicibus inhærent, & omnes secundum vniuersi que cor-

poris motum immobiles, & obstinati perdurarent. Dumque hoc ferè per vnius horæ spatium ageretur, & cuncti per varios modos nexibus superni numinis adstricti tenerentur, cœperunt omnes iam nimio dolore fatigati, absolutiōnem membrorum suorum humiliter petere, seque credituros, si absoluerentur clamare. Tunc sanctus Eucharis iterum orationem ad Dominum fundens, omnem illam rebellantium multitudinem à vinculo doloris absoluit. Benè autem scribitur de electis Dei. Si consistant aduersum me castra, non timebit cor meum. Et Moïses. Deus pugnat pro vobis. Hoc viso miraculo omnes pariter se ad pedes sanctorum prouoluentes, rogabant, vt eis viam veritatis ostendere non differrent. Post hæc facto silentio Beatus Eucharis dixit: Necessarium vobis est, dilectissimi, vt errorem in quo hætenus conuersati estis penitus relinquatis, & ad verum Deum toto corde vos conuertatis: Error enim est maximus, & diabolicæ fraude hominibus persuasus, lapides, & ligna surda, & muta, ac sensu carentia, & omnium rerum visibilibus, & inuisibilibus, nec adorare, nec cognoscere. Huius quippe vanitatis diabolus est author, quia omnium scelerum, atque errorum est ipse inuentor. Ab initio namque contra hominem per inuidiam exarsit, vt eum aduersus præcepta Dei sui agere calidè persuaderet. Primus etenim parens noster innocens, & immortalis est creatus, & totius corruptionis ignarus. Hanc itaque dignitatem diabolus non ferens, egit arte nequissimâ, vt homo in tanta sublimitate positus mandata Dei sui negligenter postponeret, & de ligni fructu veriti inobedienter comederet, cui ille, proh dolor! consentiens, statim immortalitatis veste priuatus, à celsitudine prioris dignitatis cecidit, & à paradisi gaudiis merito suæ præuaricationis projectus in huius exilij, atque cæcitatis ærumnam deuenit, ex cuius carne omne genus humanum propagatum processit, & ab illo sicut originem nascendi, ita etiam ab ipso initium peccandi sumpsit. Cum ergo diabolus per varia deceptionum genera in mundo grasseretur, & eum sibi subiectum esse gloriaretur. Tandem omnipotens Deus condolens humanæ miseræ filium suum

in deitate sibi coæternum, & consubstantialem misit in mundum, ut his miseriis tandem finem imponeret, & captivum hominem de crudelissima diaboli potestate misericorditer liberaret. Hic verò Altissimi filius, per quem omnia creata sunt, & sine quo factum est nihil, quia in sua majestate videri ab hominibus non potuit; visibilem se ex castissima Virgine carnem assumendo exhibuit, particeps quidem factus nostræ naturæ, sed alienus, ac remotissimus à consortio totius culpæ. Hunc ergo cum vidisset diabolus, sanam doctrinam populis prædicantem, peccata relaxantem, Regna cælorum credentibus promittentem, cæcos illuminantem, leprosos mundantem, paralyticos curantem, mortuos suscitantem, & omnem languorem, vel infirmitatem sanantem, expavit quidem in eo, & puritatis innocentiam, & diuinorum operum excellentiam. Sed quia eum similem mortalibus vidit, hunc Deum esse dubitavit, unde aduersus eum crudelissimos persecutores excitavit, qui eius doctrinæ resisterent, contumeliis affectum probrosa morte occiderent. Sed quia ad hoc in mundum venerat, ut non solum contumelias, sed etiam mortem pro nobis subiret, non recusaret vincula, flagella, sputa, conuitia sustineret, ut nos ab æternis opprobriis eriperet. Deinde quasi agnus mansuetissimus ad victimam ductus, cruci affixus, & velut mundissima hostia pro salute mundi patri est oblatus, consummatæque passionis in sepulchro est positus. Qui tertiâ die non solum à mortuis resurrexit; verum etiam ipsum authorem mortis diabolum igneis catenis ligatum, in æternam damnationem retrussit. Post hæc discipulis suis per dies quadraginta in multis argumentis apparuit, colloquens cum eis, & conuescens, atque ipso die quo ascensus erat in cælum, illis præcians. Euntes in mundum vniuersum, & cætera. Et hæc dicens, videntibus illis, penetrauit cælos, & sedet ad dexteram patris. Exin decimo die post ascensionem eius, illis in illo loco consistentibus, atque orantibus, Spiritum sanctum in igneis linguis super eos misit, & scientiam omnium linguarum eis dedit, quo repleti, & confortati cœperunt mox magnalia Dei prædicare, & per orbem diuisi, veram salutem cunctis gētibus prædicare. Ex quibus nunc B. Petrus

est Ecclesia consecrata. Post hæc quidam nobilis eiusdem urbis Senator, vidit somnium ad salutem ciuium cunctorum profuturum. Quadam verò nocte aspexit per somnium quemdã virum contra se stantem, vultu elegantem, splendidissimis vestibus coruscantem, crucemque miræ æstimationis in manu ferentem, ac sibi dicentem: Isti viri, qui huc venerunt serui sunt Dei excelsi, & propter vestram salutem huc destinati; Et ideo si mortem euadere, & ad vitam æternam vultis peruenire, omnia, quæcumque dixerint vobis facite, & præceptis illorum obedite, & hæc dicens ab oculis eius sublatu est. Facto autem manè conuocatis ciuibus narrauit per ordinem, quæ per somnium viderat. Quâ relatione freti cœperunt certatim ad Sanctos Dei currere, & sacri baptismatis vndam sitienter expetere. Tantâque fuit per tres dies ad illos populi concursio, vt in flumine quod per mediam ciuitatem currit, eos baptizarent, vnde & accidisse creditur vt ex eo tempore ipse riuulus ob infusionem sacri olei, deriuatiuè oliua nuncupetur. Interim ciuitas à pollutione idolorum mundatur, error superstitiosus abiicitur, destruuntur dæmonum aræ, fabricantur per loca Christi Ecclesiæ, & quæ antea Creatorem suum non cognoscendo erat adultera, ipsa se per fidem conuertendo facta est Christi sacratissima sponsa. Interim per vniuersas circumquaque regiones verbum vitæ prædicabant, cæcos illuminabant, mortuos suscitabāt, & omnes languores curabant. Cùmque sanctus Eucharis per viginti & tres annos Pontificatum Treuericæ urbis teneret, & Ecclesiasticas res benè firmatas haberet, quadam nocte astitit ei Angelus Domini dicens: Eucharis fideliter in mandatis Domini laborasti, viriliter in agone præsentis vitæ certasti, veni iam in requiem tibi promissam, & accipe certaminis tui incorruptibilem coronam. His per visionem compertis, sanctus Eucharis valdè gaudebat, & tempus dissolutionis suæ intrepidus expectabat. Cùm verò diem exitus sui sibi instare prænosceret, conuocatis discipulis ad se, ait illis: Scio me, carissimi, de hoc sæculo citiùs migraturum, atque debitum humanæ conditionis expleturum, & ideo vos rogo, vt fidem firmam, spem inconcussam, charitatem veram, inter vos habeatis, & nequaquam deinceps diaboli erroribus consentiatis; quod de me terrenum est terræ mandate,

& quod spiritale, spiritualibus quoque exequiis procurate. Ad B. autem Valerium dixit: Commendo tibi charissime frater sponfam Christi, Ecclesiam videlicet eius, quam in istis regionibus virtute eius acquisiui, vt illam castè custodias, & nullis eam errorum deceptionibus in diebus tuis polluas. Mensuram Euangelici tritici, sicut fidelis seruus, & familiæ largiter croga & cõmissa tibi talenta in eis fideliter multiplica, vt dum iudex rationem ponere cum seruis suis venerit, non vt seruus nequam, & desidiosus pro infossis talentis puniaris, sed potiùs pro duplicatis thesauris ad gaudium Domini tui fœliciter introducaris. Hæc dicente S. Euchario, subito cunctis qui aderant cernentibus lux clara velut fulgur emicuit. ac penè per vnus horæ spatium totam cellulam eius circumfulsit. At ille valedicens fratribus, repressisque oculis reuerenter reliquit hoc triste sæculum, & cum ipsa luce VI. Idus Decembris latus migravit ad Christum. Tunc discipuli pro eius exitu sacras exequias celebrauerunt, & corpus eius in Ecclesia, quæ est extra mœnia ciuitatis ad meridianam plagam sita, cum hymnis, & lachrymis sepulturæ tradiderunt, præstante Domino nostro Iesu Christo, qui viuut & regnat per omnia sæcula sæculorum. Amen.

S A N C T V S V A L E R I V S.

P O S T venerabilem obitum S. Eucharij, B. Valerius in ministerium Sacerdotale successit, illudque per quindecim annos sanctè viuendo, & verbum vitæ prædicando probatissimè rexit. In quo videlicet temporis spatio, multos ad Dominum populos, signa magna, & stupenda prodigia exercendo, conuertit, & ad agnitionem catholicæ fidei saluberrimâ instigatione perduxit, qui etiam studiosissimè verbû prædicationis instabat, vt iam tunc per Galliam ac Germaniam *Christiani paganos, & numero superarent, & religione.* Erat namque doctrina eius singulis congrua, cunctisque audientibus dulcis, & gratissima, vnde ob mellis suam sermonum eius faciendiam vndique ad eum populi confluabant, & saltem aliquod verbum ex ore eius audire cupiebant. Quantum verò ad proprios mores pertinuit, vt breuiter narrem, fuit cogitatione

mundissimus, verbo utilis, & discretus, operatione nihilominus irreprehensibilis, & præcipuus, ac sic per actiuam vitam singulis positis compassione extitit proximus, vtamen præcæteris in contemplatione esset suspensus. Et in hac contemplatione positus, non deserebat fraternam condescensionem vitæ actualis, nec etiam in actione summissus, recedebat à sublimitate contèplationis: quique salutaria monita sui magistri recto tramite sequens Euangelicum triticum Domini- cæ familiæ fideliter dispensauit, & credita sibi talenta spiri- tualibus augmentis quotidie multiplicauit. Cum verò his profectum gradibus, vsque ad venerabiles canos peruenisset, & iam consummatio sui cursus appropinquaret, quâdam nocte apparuit ei B. Eucharius per visionem dicens. Tempus iam instat frater Valeri resolutionis tuæ, & parata sunt tibi gaudia retributionis æternæ: patet enim tibi ianua Regni cœlestis, quam post hanc horam quinto die gratulabûdus ingredieris, & de concessis Domini tui beneficiis sine fine lætaberis. Quapropter Maternum agonis nostri cooperatorem, tui officij, illumque de visitatione nostra antediei sui exitus certissimum redde, & hæc dicens recessit. Euigilans autem sanctus Valerius, mox visum somnium B. Materno, cæterisque fratribus, qui præstò erant narrauit, & eisdem obitus sui lætissimo vultu instare prædixit diem. Sequenti verò die venerabilem Maternum ad Sacerdotalem gradum prouexit, & eum de studio commissi ministerij diligenter instruxit. Cùmque per prædictum spatium ob famam depositionis eius aduenientes fideles verbo salutiferæ admonitionis, de exercitio sanctæ conuersationis instanter instrueret, & eos ad salutem animarum suarum dulcissuâ exhortatione paternis visceribus incitaret. Illucescente autem iam quinto die oratorium ingressus, viaticum, quod ipse consecrauerat, accepit. Et post hæc extensis inter discipulorum manus sacris membris IV. Kal. Febr. Spiritum cœlo reddidit. Cuius corpus colligentes discipuli sacratissimo corpori sancti Eucharij coaptauerunt, & in eodem sarcophago cum diuinis laudibus condiderunt, quod supernâ dispositione actum esse credimus, vt quorum vna mens semper in Domino erat, eorum corpora nec sepulchrum ab inuicem separarent. Amen.

SANCTVS MATERNVS.

POST decessum B. Valerij Archiepiscopi, beatus Mater-
 nus Pontificalem suscipiens apicem, cœpit per ciuitates,
 & regiones veram fidem quę est in Christo constanter prædi-
 care, cunctos ad viam salutis continuâ admonitione prouo-
 care, magnis virtutibus quotidie crescere, signis, ac miraculis
 longè latèque clarescere. Et quantò quotidianis incremen-
 tis fidelium multitudinem plus augeri conspexerat, tantò dili-
 gentiùs iniunctum ministerium regulariter ordinare studebat.
 Hic etenim quamuis esset vir magnę authoritatis, & pruden-
 tię, nihil tamen ex proprio imperio, quasi liberâ vtens pote-
 state exercuit; sed omnia humiliter egit, communemque se
 subditis studio sanctę dilectionis exhibuit. In omnibus etiam
 quę probabiliter gesserat, non suam, sed Christi gloriam quę-
 siuit, quique inter cetera sanctarum virtutum exercitia, misif-
 fimus exiitens consolabatur affictos, pauit ex his quę habe-
 bat egenos, vestiuit nudos, redemit captiuos, suscepit peregrini-
 nos, errantibus viam salutis misericorditer ostendit, despera-
 tis spem venię consequendę clementer promisit. Currentes
 in via mandatorum Dei semper ad anteriora impulit, remo-
 rantes verbo exhortationis instigauit, & modò docendo, mo-
 dò exhortando, modò in periculis se obiciendo omnibus in-
 desinenter pro solamine occurrit. His ergo, atque aliis huius-
 modi bonorum operum studiis fultus, ad sanctam, ac laudabi-
 lem senectutem peruenit, & sicut quadraginta diebus iacuit in
 sepulchro, ita etiam totidem annos mansit in sacerdotali mi-
 nisterio. Is itaque solitus erat per nocturnam quietem locum
 vbi corpora Sanctorum requiescunt, silenter frequentare, &
 ibidem diutiùs in oratione solus persistere. Vnde dum quã-
 dam nocte iuxta morem eandem Ecclesiam intraret, ibique
 prolixius diuinas laudes celebraret, circa median noctem
 cœpit somno grauari, & ad instantiam precum offendente
 linguâ sæpiùs retardari. At ille in subsellio quod ibi erat con-
 fidens, infixis ad genua cubitis, inter vtriusque manus sanctū
 caput reclinauit, & paululū somno cedens celeriter obdor-
 miuit. Statimque apparuerunt ei per visionem sanctus Eucha-
 rius

rius, Valeriusque clarissimis vultibus splendentes, sacerdotilibus infulis coruscantes, coronas singulas è rosis, & liliis in capitibus gestantes. Ecce Materne, sicut olim tibi promissimus, ita ante diem dormitionis tuæ visitandi gratiā ad te venimus. Nunc ergo gaude, & lætare, quia die tertiā ex hoc sæculo migrabis, & ad inenarrabilia Domini tui gaudia introibis. En certè præmij tui incorruptibilis est corona, quæ à paradiso perpetuæ amœnitatis est sumpta, & tibi à Christo per nos famulos tuos destinata, cuius flos numquam marcescit, cuius odor numquam à suauitate deficit, cuius perseverantia fidem nō nouit. Quam post corruptionē præsentis vitæ incorruptibiliter possidebis, & in conspectu Regis Regum cum ea laureatus æternaliter perseverabis. His dictis mox disparuerunt. Ille autem à tenuissimo somno euigilans, valdè quidem lætus de ostensa sibi visione exiit; sed tamen statim adesse corporis molestiam sensit, accersitōque ministro cum eius adiuvamine ad cellulam rediit, & seorsum familiaribus discipulis hoc, quod sibi fuerat ostensum retulit. Die autem crastinā cōuocatā ad se fratrum cateruā, cœpit eos studiosè de fidei integritate admonere, & animas eorum ad cœleste desiderium delectabilibus verbis accendere, ac per totum diem salutaria monita eis dare non cessans, usque ad octauam horam subsequentis noctis sermonem exhortatorium protraxit, & quod reliquum noctis supererat, in psalmis, & hymnis cum fratribus peregit. Post pullorum verò cantum instante iam die venit desuper vox clara, dicens: Materne dilecte Dei, veni. Qui mox ut assuetam vocem audiens conuersus ad circumstantes fratres ait: Valere filii mei, & viscera mea; ego iam migrabo, & in præsentī sæculo amplius vobiscum non ero, & hæc dicens communionem Dominici Sacramenti accepit, statimque sanctam animam exhalauit. Post cuius absolutionem hi qui præsentēs erant fideles, condignas exequias expleuerunt, & eius non longè corpus à reliquiis sanctorum Eucharij, ac Valerij honorabiliter posuerunt.

Sanctorum, fratres dilectissimi, Treuironum Episcoporum Eucharij, Valerij, atque Materni, qui in multis miraculis fuerunt coruscantes, quousque in hac vita fuerant conuersati, ex his pauca in hoc libello scripta leguntur. Tamen inuenimus

pòst Treuironum quòd tribus vicibus deuastata sit ciuitas, atque succensa, ergo nec immeritò pro suis tribus sceleribus maximis, prima superbia, & pro sedula ebrietate, tertiàque pro libidine immoderata. Igitur Deus omnipotens tres plagas maximas Gentilium venire permisit super Regnum Christianorum, & super ciuitatem prædictam tribus vicibus. Prima autem plaga Græcorum sub Imperatore Constante filio Constantini qui Arrianus effectus est, Catholicos in toto orbe persequens. Secunda quando Vvandalì, & Alemanni sub Imperatoribus Arcadio, & Honorio Romanis, vastauerunt. Tertia Hunorum sub Attila Rege, & sub Imperatore Theodosio minore. Contra hæc vna plaga, id est gladius Gentilium de tribus quæ commemorantur sæpissimè in canone i. gladio, fame, pestilentia, quibus consuevit Deus iram suam super Regna terrarum vindicare, venit super populum, & ciuitatem Treuironum. Nos ergo sanctam Trinitatem, & omnes Angelos, omnesque Sanctos rogamus, vt exercitum Christianorum à plagis prædictis & similibus custodiant,

Nos quoque, ô Ciuitas Treuironum, Pontificum nostrorum prædictorum solemnia colamus, & eorum auxilios poscamus, quæ miræ virtutis, quando fuerant in vita præsentì, per eos Dominus fecerat, quamuis pauca de multis commemoratur, vt prædiximus, propter deuastationem, & incèdium ciuitatis cū Ecclesiasticis eausis. Hunc verò libellum postea inuentum, alium inuenimus. Igitur tunc illos legimus mortuos suscitasse, paralyticos curasse, dæmoniosos liberasse. Sic autem, & nunc multa genera infirmitatum quotidie in templis eorum propter merita Sanctorum, sanitati restituntur, per eum, qui viuit & regnat in sæcula sæculorum. Amen.

DISSERTATIO

De tempore quo S. Martialis in Aquitaniam missus est, ex Gallico MS. D. Ioannis Cordeſij Presbyteri Canonici Lemouicensis in latinum sermonem versa.

VVLGARIS est omnium opinio, Martialem, non solum Lemouicum, sed etiam Aquitanorum esse Aposto-

ECCLESIAE GALLICANÆ 51

lum; cum primus Christi fidem promulgaturus in Aquitania venerit. Ipsum etiam primum Lemouicum Episcopum fuisse, apud omnes constat, cum sedem Episcopalem in vrbe Lemouicina fixerit. De tempore quo missus est, solum disputatur. Quam in re duas animaduerto sententias: Vna illum ex septuaginta discipulis Petrum sequutum Antiochiam, tum Romam, inde cum duobus Presbyteris ad fidem Christi predicandam ad Lemouicas missum, ibique tandem anno resurrectionis Dominicæ quadragesimo, vitam excessisse refert: quæ hodierna vulgi est opinio. Alia, Decio imperante circa Christi annum CC. L. missum asserit: atque hæc est Doctorum sententia, profitentium illam dignitate, & pondere victrix; at impugnantium numero victa.

I I. Vtra harum opinionum veritati magis consentanea sit, ut deprehendere possimus, singillatim illæ examinandæ sunt. Atque ut à vulgari incipiamus; Duæ Martialis nomine vulgatæ Epistolæ, ad Burdegalenses & Tolosanoses, ipsiusque vita, quæ ab Aureliano successore scripta fertur, certiore huius opinionis originem nobis demonstrant. Huius ergo tota ratio, ex earum veritate pendens, accuratius examinanda est. Primum an illæ epistolæ verè à Martiali scriptæ fuerint, an illa quam modò habemus eiusdem vita, eadem ipsa sit quæ ab Aureliano composita dicitur, inuestigare debemus. Etenim si de illis certissimè constet, Martialem secundum vulgaris opinionis calculum in Gallias missum à Petro fuisse, non erit amplius dubitandum. Sin verò contrà, illis Auctorum nomina falsò supposita pareat, diruto fundamento quibus illæ innixæ sunt, eas quoque ruere necesse erit.

III. Quantum ad epistolas: primum occurrit illud quod ad earum calcem in veteri manuscripto Ecclesiæ S. Martialis scriptum legitur. *He duæ epistolæ Domitiani persecutione aduersus omnem Dei Ecclesiam vbique feruente, reconditæ fuerunt in sacrario B. Petri, videlicet in Basilica prædicti Apostoli, in tumultu cuiusdam, in qua etiam Pontificum sepulchra antiquitus solebat habere, ubi hætenus, ut in titulo scriptum reperimus, latuerunt. Nostro autem in tempore, Philippo Rege regnante, sunt repertæ: quæ nimia vetustate consumptæ, signis & litteris penè nobis incognitis (ut mos antiquorum fuerat) scriptæ, vix tamen legi potuerunt, largiente Domino nostro Ie-*

su Christo, cui laus debetur, honor omnis, & victoria in secula seculorum. Amen. Quæ verba falsitatis eas arguunt, & verè apocryphas, (quæ nempe sæculis tot abscondita) fuisse demonstrant. Cur enim ab eo quo scriptæ fuerunt tempore ad hæc posteriora sæcula quibus visæ sunt, nemo illarum meminit? Quibusve modis altè in terra defossæ, per mille annos imputridæ, & illæ sæ euaserunt? Ceterum si ad Burdegalenses, & Tolosates scriptæ, non adeò ab illis neglectas, quin aliquod fragmentum aliquæ penes eos memoria superfuerit, credendum est. Vique adeò ne miserabile fuit illarum fatum, vt cum Gentiliū persecutionibus & barbarorum direptionibus, tot chartæ superstitites fuerint, earum nec vestigium nec memoria ad nos vsque peruenierit. Plurimorum scripta desideramus; at illa sci-
mus nos desiderare, cum ab his scriptoribus, qui aliquando illa se legisse scriptis suis testantur, illa extitisse discimus. Verum harum epistolarum, Hieronymus, Gennadius, Isidorus, Honorius Aduensis, Abbas Trithemius, Henricus Gandauensis, alique Scriptorum Ecclesiasticorum collectores inter tot antiquitatis monumenta diligentissimè conquisita nusquam meninerunt. At ille qui hisce epistolis posterorum fidem conciliare tentauit, statuariorum & sculptorum more, qui statuas & numismata altius fodiunt, vt rubigine tandem antiquitatis opinionem illis conferant, illas absconditas voluit, infausto tamen euentu, cum sagacissimi scriptorum æquè ac numismatum exploratores, commentum facillimè detexerint. Ex his criticis Cardinalis Bellarmini iudicium afferam, doctrinâ, & dignitate aliis omnibus anteferendū. Illius in lib. de scriptoribus Ecclesiasticis verba hæc sunt.

S. Martialis primus Episcopus Lemouicensis dicitur scripsisse duas epistolas, vnâ ad Burdegalenses, alteram ad Tolosanos, quæ extant in Bibliotheca SS. Patrum. Sed multa sunt quæ eas epistolas supposititias esse indicare videntur.

Primum enim auctor harum epistolarum dicit se cum Christo vixisse antequàm crucifigeretur. Martialis autem Episcopus primus Lemouicensium missus fuit ad eam urbem Decio Aug. & Grato Coss. Anno Domini 254. vt Gregorius Turonicus testatur lib. 1. histor. capit. 10. quare necesse est, vel Martialem vixisse fermè 300. annis, vel titu-

lum epistolarum esse falsum, qui auctorem præfert Martiale Episcopum Lemouicensem, vel Epistolas esse confictas.

Deinde in secunda epistola cap. 8. scribit auctor, à se baptizatum Stephanum Regem, & quemdam alium tyrannum cum Satrapis suis. Atqui tempore Apostolorum, & etiã tempore Decij Imperatoris, non habuit Gallia vltos Reges, sed Imperio Romano subiecta erat, &c.

Tertiò, dicit idem auctor eodem loco, templa Idolorum euerfa fuisse, & Ecclesias ædificatas auctoritate Regia ipso suo tempore; quæ videntur manifestè falsa, & certè pugnant cum historiis Gregorij Turonici, Adonis, & aliorum.

Quartò. In eadem epistola cap. 9. citantur verba scripturæ Geneseos secundum S. Hieronymi versionem, quod etiã in vtraque epistola passim cernitur. Id verò signum est apertissimum nouitatis.

Quintò. In eadem epistola cap. 23. scribit auctor se interfuisse cum aliis discipulis, quando Iudas osculo Dominum prodidit. Atqui hoc videtur repugnare Euangelio, siquidem Marcus cap. 14. & Lucas cap. 22. dicunt Christum cum duodecim vltimam cœnam celebrasse, & cum eisdem in hortu ingressum, ac deinde Iudæ obuiam iuisse.

Sextò. In epistola eadem cap. 8. dicit Valeriam quandam in ipsa Gallia martyrio coronatam. Id verò repugnat Sulpitio lib. 2. sacræ Historiæ, & Gregorio Turonico lib. 1. cap. 28. Histor. Franc. qui scribunt temporibus M. Antonini primû intra Gallias martyria visa.

Hactenus Cardinalis Bellarmini de Epistolis Martialis rectum iudicium.

V. Quantum autem ad eiusdem Martialis vitam pertinet, illam scilicet quam ex manuscriptis Codicibus primus Carmelita *Beauxamis*, Apostolicis vitis, quæ sub Abeliæ Babylonici nomine circumferuntur, attexit. Non illa maioris æstimanda est, quàm illæ Apostolicæ, quæ iudice eodem Cardinali *Fabrilis similiores sunt, quàm Veræ narrationi*: cum propter errores historiæ, tum ob fidei labes, quibus aspersa est. Iure itaque merito *Ioannes Hessels Lowaniensis Theologus*, ab eodem Cardinali laudatus, illam hac censurâ notauit, in mensis Iunij histor. censur.

Vita S. Martialis. Prædicante Domino nostro Iesu Christo apud Iudæam in tribu Benjamin conuenerunt ad eum: non placet propter valde multa. Inter cætera erronea, dicuntur Martialis & Cleophas cum aliis multis discipulis Domino, & Apostolis in cœna ministrasse cibi, & potus copiâ, aquam & linteamina ad discipulorum pedes ablucendos, & detergendos, cum vno linteo dicatur Christus fuisse præcinctus: & Apostoli putarint Iudam missum à Domino, vt egenis aliquid daret, aut vt emeret necessaria ad diem festum; quod non designat multitudinem ministrantium ibi fuisse. Rursus dicitur Martialis à Domino post resurrectionem, parem potestatem & ligandi & soluendi accepisse cum Apostolis, & sic missus ad prædicandum in vniuerso mundo. Quod si verum esset nunquam Matthias in locum Iudæ successisset, sed Martialis electus fuisset. Et vocatur Martialis Coapostolus & Condiscipulus Petri, quod tolerandum non videtur. Et si possit vocari Apostolus sicut Epaphroditus & Andronicus à Paulo vocantur Apostoli, alicuius particularis gentis. Rursus inducitur Angelus dicere de Martiale, quod duodecim angeli deputati ei non permittunt eum fatigari, & esurire, sitire vel pati dolorem. Item quod sicut à concupiscentia carnali est alienus, ita & à dolore mortis fiet extraneus. Quæ omnia ridicula sunt non est enim seruus maior Domino. Item, dicitur ipse multo auro & luminaribus ornasse Ecclesiam, & instituisse, qui diuinum officium agerent, (quos nunc Canonicos dicimus) & præcepisse vt omnes populi vicini, &c.

Huc vsque docti illius Theologi censura, quæ vitæ Martialis scriptorem, tot ridicula, & Scripturæ sacræ contraria permiscentem, eque imperitum Theologum, ac supinum Historicum fuisse demonstrat. Quicumque ille fuerit antiquitate & fidem captauit, his verbis quibus finem imposuit, ac si Aurelianus Martialis discipulus & successor ipse scripisset. *Ego vero Aurelianus, licet non omnia cognouerim quæ antequam ab ipso sacri baptismatis vnda regenerari meruerim, plenè didicerim; tamè postquam ab illo ab inferni claustris liberatus superis sum vitæ redditus, quæque audire relatu, ac videre potui visu, reicere minimè curavi. Quæ quàm vera sint iudicant verba hæc, quæ in veteri manuscripta collectione miraculorum translationis S. Martialis leguntur*

in archiuo Ecclesię eiusdem sancti. Ab antiquis enim temporibus, seu undique per Aquitaniam procella irruit barbarica, gentium videlicet Scytharum, inter quas Vandali, Slavi, Gothi etiam Ariana perfidia maculati, Aquilonales quoque gentilitatis errore ebrj debacchantes supra modum, Norici, Danamarchj, cum Ireslibus Normanis, cuncta miserabiliter vexabant. Qua de re necesse fuerat, ut pretiosior thesaurus Ecclesiarum perstudiosè clam occultaretur. Barbari enim non modò captiuos cum pecuniis, quin imò gloriosa sanctorum corpora, à nostris finibus ad suos venalia transferebant indigè, quod de plerisque contigit, sed etiam Ecclesiastica vtiensilia, librorumque diuinorum multiplicia à patria extrudebantur. Terra sola asportari non passa adificiū carebat superbia, ut-pote ignium fanilla dissolutis. Fertur autem, quia liber, in quo per singula summi Patroni facta erant digesta, ab ipsa gente translatus fuerit. Si enim Volumen vitę Apostoli apud nos non parvam pręmonstrat prolixitatem, multò magis de quo istud, ut ferunt, destitutum dicitur, copiosius effluit, & quia excerptus apud plurima innotuerat loca, non aboleuit nobis. Singulariter verò digestus per multa, ut singularis solitarios relinquendo deseruit. Ille autem excerptus liber per vniuersum penè orbem Europę apud authenticos viros benè cognitus & probatus, eundem, quam canonici libri veteris ac noui instrumenti, auctoritatem in Ecclesia Catholica habet.

Ex quibus verbis infertur, Vitam Martialis, quę ab Aureliano scripta dicitur, non ampliùs extare. Idque vitę Alpiniani socij Martialis hæc verba confirmant. Cest etiam sancti Apostoli Martialis, quę Aurelianus longissimis narrationibus persequutus est, verbositate prætermissa eius breuiter collegimus, ut superius citata sunt, necessaria tantum decerpentes, & verbosa, ac superflua, licet vera, causa fastidiomittentes. Vnde vnum eundemque vitę Martialis ac Alpiniani scriptorem esse patet, non Aurelianium, sed alium quemdam, qui se Aureliani compendiarium exceptorem prædicat.

VI. Itaque hoc vnum modò expendendum est, an hæc quę nunc legitur vita, ex illa primæ & antiqua Aureliani excerpta sit. Siquidem illius à Barbaris deperditæ compendiū fuerit, æqualem antiquę fidem obtinere censebimus. Vt autem veram, quam profiteri vult, antiquitatem redolet narratio; neque nationum; hominum, locorumve nomina,

rum, qui nomina discipulorum collegere, illius meminit: non Eusebius, non Hieronymus, Seuerus Sulpitius, Dorotheus, aut Ado; ex quo constat eorum sæculo incognitam fuisse illam de Martiale traditionē. II. Eadem vitā a Petro missum fuisse Martialem ait, & in Galliis imperante Vespasiano decessisse. At Gregorius Turonensis vnā cum Saturnino Tolosate in Gallias venisse, atque idē Decio imperante probat ex actis Saturnini. Quare neque anno sexcentesimo, quo vixit Gregorius, nota fuit illa vita, quam vel impugnaturus, vel approbaturus Gregorius reuulisset. Neque Gregorij fidem minuit, quod ait Baronius, potuisse hoc loco æque ac alibi decipi Gregorium: non enim hac in re qui peccat in vno factus est omnium reus; alioquin fluxa esset per omnem Historiam Gregorij autoritas. Cæterum Gregorius Senatoriā stirpe clarus inter Aruernos Lemouicibus finitimos, Martialis, quem plerisque locis laudat, dignitatem & ætatem ignorare non poterat. Hæc autem traditio neque annō nongentesimo adhuc nata erat. Nam Lethaldus Monachus scriptor vitæ S. Iuliani Cenomanensis, cū aliis Episcopis sub Decio Martiale in Gallias venisse asseuerat. III. Anno XIV. Neronis Imp. Martialem Basilicam construxisse eadem vita testatur: quod is facillē non credet, qui demum sub Constantino Christianis maiores Ecclesias ædificandi facultatem datam fuisse non ignorabit. Nam prius intra cœmeteria & cryptas conueniebant fideles, donec à Constantino Basilica S. Saluatoris Romæ ædificata est, quæ à Nicolao primo in epistola relata actione VII. Concilij VIII. *prima in toto orbe terrarum constructa esse dicitur.*

Probatum est, vt existimo, vulgarem hanc Martialis vitam ab Aureliano minimè scriptam, neque traditionem antiquā esse: modò tempus illud quo primū hæc opinio cœpit, perquiramus. Neminem, ante miraculorum secundæ translationis scriptorem, huius vitæ meminisse reperio. Ille verò paulò post annum vicesimum supra millesimum scripsit, nam referens ea quæ circa annum millesimum & decimum contigerant, hæc scribit.

Decursā multā generatione posthac mortalium celebratur ab Aquitanis, secunda subleuatio summi viri moderna, cuius sublimitatem eō

ausim fiducialiter commemorare, quo liquidum est nullius fomentum nebulam adhibere. Omne etenim penè genus hominum superest hætenus, quod oculis testificatur, quæ literis inferere volo. Et paulò post. Ne quis autem me existimet fabulosum, digniores me qui bodiæque innumeri supersunt, interrogans comprobabit hæc esse omnimodè vera. Ex quibus manifestissimè colligitur, authorem eas res paulò post quàm gestæ fuerant descripsisse. Secundo loco Martiale Apostolum lego in Synodo Francicæ, habitæ coram Rege Roberto, à Gaufleno Bituricensi Archiepiscopo, Hugone Abbate S. Martialis, & quibusdam aliis Franciæ Episcopis anno M. X XI I. In illa Aquitani Francos, quod inter Apostolos Martialem numerarent, redarguebant his verbis. Vos Franci non rectè facitis, quia Martialem cum Apostolis pronuntiatis. Nos rectè agimus, quia cum inter Confessores recitamus. Vos ultimum Apostolorum dicitis: nos primum Confessorum in Letaniis dicimus. Quod iurgium compescuit Gauflenus, Martialem Apostolum asserens, sed non probans, & his verbis disputatione concludens. Nos Franci morem quem Patres nostri, qui primi Monasterium S. Benedicti suo magisterio inuormarunt, plenè nobis ratione subnixè tradiderunt de hac re, ratum conseruamus. Quæ sanè verba huiusce traditionis Apostolatus authores Monachos S. Benedicti demonstrant; qui eo sæculo literarum & bibliothecarum magistri, autoritate quâ apud populum pollebant, illi facile opinionem suam perluaferunt. Ac quemadmodum Hilduinus Abbas S. Dionysij sub Ludouico Pio, circa annum Christi DCCCXXX. arte Græcorum fauorem eius ambientium delusus, primus omnium Dionysium Parisiensem Areopagitam Pauli discipulum esse asseruit. Quamuis ad id vsque temporis scriptores Ecclesiastici, Gregorius Turonensis, Fortunatus Pictauiensis, Anno Christi DC. Bedæ Anno DCC. V. suardus Anno DCCC. Dionysium solum Episcopum Parisiensem nominent, nullâ Areopagiticæ dignitatis factâ mentione. Immo & Gregorius illis septem Episcopis annumerat, quos sub Decio circa annum CCXI. missos fuisse refert, quos inter & noster Martialis adscriptus est. Præterea antiqua omnia martyrologia, scilicet ipsum quod Gregorij I. Papæ tempore in vsu erat ab Heriberto Rosvveido editum, & Bedæ, V. suardi, Adonis, & Notheri Monachi S. Galli, memoriam S.

Dionysij Arcopagite Episcopi Atheniensis, qui teste Aristide contemporaneo scriptore sub Adriano passus est, die tertiâ Octobris recolunt: At Dionysij Parisiensis cum Rustico & Eleuthero passionem, die nonâ eiusdem mensis commemorant. His omnibus insuper habitis, Hilduinus Arcopagiticam dignitatem Dionysio affinxit, neque tamen integram fidem apud posteros meruit, cum Lethaldus & Abelardus, quamvis hic S. Dionysij monachus, illius opinionem impugnarint. Ergo Hilduini exemplo, cum Ecclesia Lemouicensis S. Martialis circa annum DCCC. XLVIII. in potestatem monachorum S. Benedicti venisset, Martialem sanctæ antiquitatis illustriori illi monachi reddiderunt. Nam Hugo Abbas S. Martialis ab illa Synodo reuersus in Monasterium, in Liraniis Martialem inter Apostolos primus omnium descripsit. Quâ re commotus Iordanus Episcopus Lemouicensis, nouitatis Abbatem arguere, & Martialem Confessoribus non Apostolis annumerandum ex veteri more asserere, vt patet ex epistola Regis Roberti, Guillelmi Ducis Aquitaniæ & Episcoporum nomine scriptâ Benedicto Papæ VII. qui anno M. XXIV. obiit, è qua hæc verba Iordani describimus. *Sanctus Aurelianus successor illius (quem ipse sanctus Martialis de infero traxit) Ebalus, Atticus, Ermogenianus, alique eius successores vsque ad triginta sex, Ego vero septimus, qui vobis Iordanus omnium infimus; hi omnes pro sanctissimo Confessore cum habuerunt, similiter omnes Abbates in eius Monasterio habitantes, vsque in hodiernam diem. Iste Abbas qui nunc est, nouitate deceptus, superbia elatus venit ad me, qui sum vilior meis antecessoribus, deprecans vt in Concilio meo, & in Synodo, sanctissimum Confessorem in numero ponerem Apostolorum, quod facere nolui. Ille perseverans dictis fidem quam habuit cum duodecim monachis illius Monasterij mihi promissit, vt cum auctoritate in omni Concilio me defenderet; hoc facere non potuit in Concilio Guillelmi Ducis Aquitanorum audiente Archiepiscopo Bituricensi, Isamberto Piclaviensi, ceterisque cum suffraganeis: Omnes Episcopi Francorum, Aruernorum, Vasconum, Aquitanorum, cum quibus ego fui loquutus, comprobant & affirmant, sanctissimum Confessorem Martialem non debere tolli de illo loco, vbi sancti Patres & nostri antecessores eum posuerunt; & non esse Apostolatam mixti auctoritate comprobatum. Et paulo post. Tibi vero ego Iordanus hæc literas*

mitto de parte istorum predictorum, Regis scilicet Roberti, Guillelmi Ducis Aquitanorum, Archiepiscoporum omnium videlicet Catholicorum, qui mihi contradicunt, ne sanctum Martialem in numero ponam Apostolorum. Tu autem, si ausus es hoc facere quod non fecerunt sancti tui antecessores, Gregorius, Clemens, Bonifacius, multi que alij, deponerent Confessores inter Apostolos, si peccatum est, tuus sis, ego vero liber à culpa, neque iniquitas, neque peccatum meum; voluntatem omnium Aquitanorum tibi monstrabo: quia ille Abbas seductor nulla alia causa hoc facit, nisi quia vult destruere sedem Episcopalem primi martyris, & Apostolatum S. Petri adnihilare. Per istius charta portitorem literas mihi mitte, & per omnia tuam voluntatem mihi manda. Respondere non potuit Benedictus morte præventus; sed successoris Ioannis XIX. in veteri MS. Lemouicensi epistola legitur. Ioannes Episcopus seruus seruorum Dei, Iordano Episcopo & eius Clero, cunctisque Episcopis Galliarum, salutem charissimam cum benedictione Apostolica, &c. In qua descriptis his quæ in vulgari Martialis vita leguntur, hac ratione Martialem Apostolum esse definit. Cum igitur Apostoli nomen non sit numeri, sed officij, quicumque reuelante Deo ad prædicandum mittitur, & sua pia exhortatione & exemplo, commissum sibi diuinitus populum à potestate diaboli liberat, non incongruè Apostolus dici potest, quia Apostolus Missus dicitur. Quæ sanè definitio in illa Episcopi & Abbatis controuersia rectè lata est: nam illi in missione Martialis conueniebant, eumque ex septuaginta duobus discipulis communi consensu asserabant, ac de solo Apostoli nomine disputabant. Acceptà Ioannis epistola conueniunt Biturigibus Episcopi, & decretum huiusmodi ferunt. In nomine Domini, Ego Aymo Archiepiscopus Anno Incarnationis Dominicæ Indictione XLV. In Concilio Bituricensi, quod actum est Kalendis Nouembris cum consensu Coepiscoporum, seu Abbatum, & reliquorum fidelium, qui ibidem presentes adfuerunt, decreui, & auctoritate propria firmavi, ut privilegium Domini Ioannis Romane Sedis Papæ, quod isdem Dominus instituit, & Episcopis, Abbatibus, & reliquis fidelibus totius Gallie misit, inconvulsam & illibatum permaneat; scilicet ut beatissimus Martialis in numero Apostolorum, tam in Litaniis quam in omnibus diuinis officiis computaretur, & esset, nec immerito. Hancque decreti rationem reddit Aymo. Est quippe dignus, sicut in gestis eius reperimus insertum, illi videlicet

nam in cena Domini, quàm in passione, necnon & resurrectione, ascensione quoque presentem adfuisse, & cum cæteris Apostolis spiritum sanctum accepisse. Nullamque aliam auctoritatem præterquam illam Martialis vitam citat. Ut autem Decretum illud executioni mandaretur, Episcopi Lemouieas. veniunt die decima octaua eiusdem mensis Nouembris, & incæptum apud Biturigas Concilium absoluunt. In hoc Iordanus Lemouicensis Episcopus examinandam affert in medium de Apostolatu Martialis sententiam. Tum quidam presbyter & Canonicus Podiensis Engelricus citat Hieronymum in epistolam ad Galatas, vnde concluditur alios præter duodecim fuisse Apostolos; eos scilicet, qui cum Christum in carne vidissent, eum postmodum prædicarunt. Aliud tamen infert his verbis. Si illi qui in carne Dominum videntes, eum postea prædicantes Apostoli sunt, quanto magis Martialis qui Domini in carne discipulus fuit? Quod vix superioribus coheret; ac si principium petere noluisse, prius hypothesim probare debebat: verum minime mali illi homines non ita accuratè singula examinabant. Post Engelricum Azenerius Abbas, inter Grammaticos, & postea in Palatio enutritus, non alio quàm Apostoli sub nomine in sui ordinis Monasteriis quæ erant in Francia Martialem cognitum vsquam audiuisse. Ac tandem cum in Bituria præcepto Regis Roberti Monasterio cuidam præpositus fuisset, contrariam illius consuetudinem se abrogasse, & Martialem inter Apostolos scripsisse. Vnde patet nodum stabilitam eo tempore fuisse hanc traditionem, neque tantam obtinuisse auctoritatem Martialis vitam, quod etiam colligi posse videtur ex verbis corroborationis factæ in Concilio Bituricensi de Apostolatu Martialis, quæ sunt. *Contestati sunt ergo omnibus, ut ab ignorantia cœcitate eum corde credant, & ore fateantur Apostolum, qui a prauitas & negligentia fuit his qui ante nos fuerunt, cur non omnino patefecerunt gloriam Dei, qua in eo est pro Apostolatu.* Quare constans adhuc non erat S. Martialis Apostolatus traditio. Atque id ms. homiliâ dictâ eodem tempore in dedicatione Capellæ S. Petri iuxta S. Martialis apertè confirmatur. Hoc autem, inquit, quare dixi, nisi quia susurrone contra statuta Patrum agentes persens, qui rectè mentiti in capita sua, in quantum ipsis est per latibula garriunt, Martialem non esse vnum ex

his, qui Dominum predicauerunt, Apostolis, sed vnum ex postremis Confessoribus Episcopis, qui longè post Apostolorum tempora existerunt.

Et quamuis Odolricus Abbas S. Martialis præfati Hugonis successor hoc in Concilio asseruerit, S. Martialem ab antiquis omnibus Patribus inter Apostolos fuisse connumeratum: nullum tamen profert, ex quo eam traditionem probare possit, hanc leuem silentij sui excusationem prætexens, ne ob Martialis Ecclesiæ regimen, adulandi studio ea dicere videretur. Nihilominus tamen & veteres codices Litaniarum citat, in quibus S. Martialis inter Apostolos scriptus erat. Quasi verò illa esset in Litanii antiquitus distinctio, nec promiscuè nomina sanctorum recitarentur: nam in missali per antiquo Anno millesimi Ecclesiæ Lemouicensis, inque Litanii quadruplicibus quæ diebus Paschalibus recitantur, cõmixti sunt Confessores, Martyres, & Apostoli, nullo ordine seruato. In tribus earum primis nulla Martialis est mentio, in quarta recitatur post Paulum, & hunc Petrus & Siluester præcedunt, unde apparet, aliam fuisse ab hodierna methodo, illam antiquam Litaniarum seriem. Quare non magno æstimanda sunt desumpta ex illis libris testimonia. Addit Odolricus eam de Martiali sententiam etiam Abbonem Sancti Benedicti ad Ligerim Abbatem approbasse: at huius paulò ante defuncti ætas recentissima auctoritatem minuit. His præcipuè rationibus Sancto Martiali, Apostolatus in eo Concilio decretus est. Verum quibus auctoribus, probis sanè & sanctis, ac imperitis. Nam Sixtum secundum Papam, Laurentium, Dionysium Arcopagitam, Clementem & Saturninum eodẽ tempore vixisse asserunt; attamen & Saturninus Imp. Diocletiano & Maximiano, Decio & Grato Coss. martyrium tulit, ipsis ibidem testibus. Quod sanè ridiculum est, ille enim Consulatus non in Diocletiani & Maximiani, sed in Decij Imperium cadit, vt ex fastis videre est. Præterea quicumque in eo Concilio Apostolatus Martialis excutere vouerunt, vt indocti notati & repulsi sunt; illius verò assertores, quantumvis historiam confunderent, vt doctiores laudati. Nulla quoque Gregorij Turonensis de Martiali sub Decio Imp. differens mentio facta; quod vnum silentium ad retinendam

causam valeret. Verumtamen tantum pondus ab hoc Concilio noua illa traditio obtinuit, iam paulò ante vitam vulgari S. Martialis editione promulgata; vt exinde maior pars hominum Martialem vnum ex LXXII. discipulis, à Petro in Aquitaniam ad prædicandum Euangelium missum fuisse crediderit. Atque ipse Cardinalis Baronius illam sententiã, quando Concilio Prouinciali confirmata erat, approbavit; licet aliunde vitam S. Martialis meritò suspectam, & multis historiæ sanæque doctrinæ maculis aspersam primo Annalium tomo duxerit.

IX. Ex his omnibus quæ examinandæ primæ opinionis causâ dicta sunt, hæc colligere possumus.

1. Vitam Martialis quàm modò habemus, non illam esse quam Aurelianus scripsisse dicitur; neque ex illa exceptam.
2. Illam nullam sapere antiquitatem.
3. Erroribus cum in historia, tum in fide, & dogmate, esse refertam.
4. Nullum fide dignum auctorem ante nongentesimum Christi annum illius meminisse; vnde sequi videtur ab eo tempore fuisse conscriptam.
5. Non parere traditionis & opinionis huius vllum extitisse fundamentum ante Annum nongentesimum.
6. Ab anno solùm M. XXXI. & Concilio Lemouicensi S. Martialem in officiis diuinis inter Apostolos recitatum, ante in Confessorum Episcoporum numerum conscriptum, quod antiquis Lemouicensis Ecclesiæ Missalibus & Breuiariis ante Concilium scriptis confirmari potest.

X. Examineda priori sententiã, rationem secundæ inquiramus: quæ nimirum S. Martialem anno vltimo Imperij Philipporum, Decij primo, Ipso & Annio Grato Coss. Fabiano Romæ Episcopo Anno Christi CCL. in Aquitaniam venisse refert. Atque hæc tantò magis verisimilior erit quanto illa prior à veritate aberrat.

XI. Huius opinionis prima origo ex aîis passionis Saturnini Martyris & primi Episcopi Tolosatis ducitur, vt ab Gregorio Turonensi circa annum Christi DC. scribente refertur, cap. 30. lib. 1. Histor. Franc. his verbis. *Huius* (scilicet Decij)

tempore, septem viri Episcopi ordinati ad prædicandum in Gallias missi sunt, sicut Historia passionis sancti Saturnini denarrat. Ait enim sub Decio & Grato Coss. sicut fidei recordatione retinetur, primum ac summum Tolosana Ciuitas S. Saturninum habere ceperat sacerdotem. Hi ergo missi sunt Turonicis Gatianus Episcopus, Narbona Paulus Episcopus, Tolose Saturninus Episcopus, Parisiacis Dionysius Episcopus, Aruernis Stremonius Episcopus, Lemonicis Martialis destinatus Episcopus. Quæ narratio ex actis publicis, excerpta, in quibus loci Saturnini descripti erant, Martialem vnum ex illis eo solum tempore non antè missum fuisse conuincit. Quod satis confirmatum videtur auctoritate Seueri Sulpicii qui libro secundo Historiæ sacræ ait. Post Adrianum Antonino pio imperante pax Ecclesiis fuit. Sub Aurelio deinde Antonini filio persequutio quinta agitata. Actum primum intra Gallias martyria visa, serius trans Alpes Dei religione suscepta. Quæ verba duo indicant primum, eos, qui sub Aurelio Lugduni passi sunt; primos Galliarum martyres fuisse; quare reicienda vulgata Dionysij Valeriæ, Sauiniani & aliorum priora martyria. Secundum, paulò ante Antoninorum imperium receptam in Galliis Christi religionem, primò Lugduni & Viennæ Romanorum coloniis propter Italiam sitis, in quibus noua illa religio suos primos habuit martyres. Atque adducta à Seuero ratio, visorum demum quartâ persecutione martyriorum in Gallia, scilicet propter religionem tardius receptam, magnum hac in disputatione pondus habet. Neque illi Irenæus Tertullianus & alij scriptores antiqui aduersantur, qui dum per Gallias promulgatam religionem Christianam asserunt, non ad priora, sed ad sua tempora Seueri nimirum Imperatoris, ætate à Sulpicio notata posteriora referendi sunt. In omnibus etiam latè Galliis receptam fuisse illorum temporum religionem non existimare debemus, sed solum in aliquibus prouinciis & urbibus, cum & Martini Turonensis tempore, anno CCCC. eodem teste Sulpitio in eius vita, Dij Gentiliū adhuc in Gallia colerentur. Enimuerò recepta primum Lugduni & Viennæ Christi fides, in vicinas prouincias paulatim diffusa est. Ac cum beneuolis erga Christianos per vices Imperatoribus libera prædicanda fidei facultas daretur: Episcopi præcipue vrbis Romæ, in hæc loca

loca excolendę religionis causâ viros Christianos mittebant. Ideoque Philippis Imperatoribus Christianis fauentibus, Fabianus Romanus Episcopus nominatos suprà septemuiros in Galliam Episcopos legauit.

XII. Ergo ex dictis constat sexto sæculo Gregorio Turonēsi scribente, Martialem pro Petri discipulo ipsiusque legato non agnitum fuisse. Nam & ipse Gregorius pluribus locis libri de gloria Confessorum, de Martiali & aliis verba faciens, de Petro semper silet. Ita cap. XXVII. *Igitur S. Martialis Episcopus, à Romanis missus Episcopum in Vrbe Lemouicina predicare exorsus est. Et infra. Per sanctum enim Stremonium, qui & ipse à Romanis Episcopis cum Gatiano beatissimo & reliquis, quos memorauimus, est directus, primum Aruerna ciuitas Verbum salutis accepit.* Neque alius qui Gregorium antecedit, vel ducentos etiam post annos subsequatur, huius circa Martialē nouę opinionis meminisse legitur. Atque ad hanc posteriorem Martialis ætatem confirmandam, sufficit Aufonij, Engolismensis Episcopi vita, quę illum Martialis discipulum à Chræco Valeriano & Gallieno imperantibus, Gallias depopulante, cęsum pro religione fuisse narrat. Quare Martialis discipulum Aufonium post annum CCLX. passum, ducentis annis præcedere nequit; quod tamen asserere coguntur nouę huius opinionis assertores, ad Petrum Apostolum Martialis missionem referentes.

XIII. Tandem comparatis duabus hisce opinionibus, nō arduum est nostrę antiquitatem, vulgarisquę nouitatem animaduertere. Hęc enim nullo certissimo ab authore confirmata, nullisque subnixa rationibus meritò relicienda est, hac regulā historię certissima à Baronio allata primo Anna-lij tomō *Quod enim à recentiore auctore de rebus adeò antiquis sine alicuius vetustioris auctoritate profertur, contemnitur.* Vt autem magis huius opinionis vulgarę infirmitas appareat; inuestigandum est vnde illud inualuerit, à Petro missum Martialem: quod sanè loquendi formulā factum est. Cū enim Romana Ecclesiā, Petri sedes fuerit semper appellata, illi qui ab ea sede legati sunt, à Petro missi fuisse dicti sunt, licet à Petri successoribus longa post tempora venerint. Quod pluribus Scriptorum locis manifestum, confirmatur dignitate Bonifacij à Gregorio II. in Germaniam Euangelij gratiā legati, qui

6 PARS II. HISTORIARVM

Missus sancti Petri dicitur in Caroli Martelli epistola, & cap. 2. lib. 5. Capitularium. Quare corrigendi sunt plerique auctores qui circa annum millesimum & ab eo scripserunt; nam hanc loquendi formulam vix capientes, ad Petrum retulerunt, quod eius successoribus adscribendum erat. Hac in re lapsus Flodoardus Sixtum primum Remorum Episcopum à Petro missum scribens, ex Hincmaro corrigendus est, qui Flodoardo annis centum & quinquaginta anterior, Sixtum Remorum à Sixto Romano missum asserit, cap. 16. operis contra Hincmarum Laudunensem.

XIV. Ea sunt quæ veritatis studio inuestigavi, & scripsi, Martialis aut alterius sancti dignitati derogandi animo minime ductus, neque enim tempus, gratiæ à Deo illis collatæ, aliquid addere, aut demere potest, vel minor est eorum sanctitas quod tardius vixerint. Verum ut quorundam facilitati succurram, qui fabulosis narrationibus pietatis & religionis prætextu toto animo incumbentes, sacram nostram historiam fœdissimis maculis aspergunt. Quod tamen mirum videri non debet, si naturale populorum omnium veræ fidei & ve originis suæ referendæ desiderium repetamus. Nationes enim pleræque, cum nihil antiquius Troiæ excidio legerent, à profugis & Troiano incendio superstitibus originem suam se traxisse prædicarunt. Ita & in causa religionis libenter quicunque populus ab ipso ore Christi, aut Apostolorum suam repetit. Atque inde tot traditiones exorte quæ à vulgi opinione in ipsum Sanctuarium, & Ecclesiasticam traditionem transierunt, quas notare facilius esset, quam euellere. Hoc vnum possumus, ut indicemus, Deus, cum ipsi placuerit, veritatem docebit.

F I N I S.

Veritas non eget nostro mendacio.

Quod enim à recentiore auctore de rebus adeò antiquis sine alicuius vetustioris auctoritate profertur, contemnitur.

Cesar. Baronius Cardinalis, Tomo I. Ann. cap. XII.

AD Caput XXXVI. Verba Clerici in Concilio Lemouicensi perorantis sunt hæc.

PORRO autem de Dionysio Arcopagita, qui in actibus Apostolorum memoratur, putare solebam, ipsum esse qui in Galliam cum Rustico, & Eleutherio post decessum Apostolorum Petri, & Pauli, & Martialis venit. Donec nuper contigit mihi fortuito legere commentum Bedæ super libro actuum Apostolorum ubi ita scriptum est. Dionysius iste Arcopagita ipse est qui postea Corinthiorum Episcopus factus gloriosissimè Ecclesiam rexit, & eloquio clarus multos libros ad vtilitatem Ecclesiæ scripsit. Huius Dionysij Hieronymus in Chronica sua mentionem faciens dixit. Dionysius Corinthiorum Episcopus, eloquio clarus sub Antonio floruit Imperatore, quo tempore Polycarpus discipulus Ioannis passus est. Sub Traiano verò, qui quintus post Vespasianum imperauit, Ioannes Apostolus in pace quieuit, & Clemens Papa in maremersus martyrio coronatus est. Huius Dionysij Gregorius in quadam homilia meminit dicens. Fertur Dionysius ille antiquus venerabilis pater Arcopagita dicere, quòd ex minoribus Angelorum agminibus foris ad explenda ministeria, vel visibiliter, vel inuisibiliter mittuntur. Hic autem de Francia Dionysius vnde fuerit oriendus in passione sancti Marcelli fideliter indicari mihi videtur, sic enim habetur. Puer quidem Marcellus sub doctrina B. Sixti erudiebatur: cùmque suppliciis Sixtum Episcopum videret puer macerari, cepit timere. Tunc sanctus Laurentius corroborans ætatis eius infantiam ait ad eum, Marcelle genitor tuus Egeas noluit Christum credere, nam mater tua Marcellina, & frater tui Marcellianus & Dionysius iubente sancto Clemente Papâ vobis Romæ partibus Galliarum, vt ad fidem Christianam gentes instruerent directi sunt, vade ad eos vt non pereas in manu Decij. Et infra dicitur. Profectus Marcellus cum Anastasio commilitone Christiano, vt iret vbi erat frater suus Saturninus Episcopus, peruenit vsque ad Argentomagam, vbi à Præfide comprehensus inquisitus est vnde esset, aut de qua prouincia, vel ciuitate huc venisset. Puer

ausim fiducialiter commemorare; quo liquidum est nullius fomentum nebulam adhibere. Omne etenim penè genus hominum superest hæcenus, quod oculis testificatur, quæ literis inferere volo. Et paulo post. Ne quis autem me existimet fabulosum, digniores me qui hodieque innumeri supersunt, interrogans comprobabit hæc esse omnimodè vera. Ex quibus manifestissimè colligitur, authorem eas res paulo post quàm gesta fuerant descripsisse. Secundo loco Martiale Apostolum lego in Synodo Francicæ, habitâ coram Rege Roberto, à Gaufleno Bituricensi Archiepiscopo, Hugone Abbate S. Martialis, & quibusdam aliis Franciæ Episcopis anno M. XXI I. In illa Aquitani Francos, quod inter Apostolos Martialem numerarent, redarguebant his verbis: Vos Franci non rectè facitis, quia Martialem cum Apostolis pronuntiatis. Nos rectè agimus, quia eum inter Confessores recitamus. Vos ultimum Apostolorum dicitis: nos primum Confessorum in Letaniis dicimus. Quod iurgium compescuit Gauflenus, Martialem Apostolum asserens, sed non probans, & his verbis disputationè concludens. Nos Franci morem quem Patres nostri, qui primi Monasterium S. Benedicti suo magisterio immostrarunt, plenâ nobis ratione subnixâ tradiderunt de hac re, ratum conseruamus. Quæ sanè verba huiusce traditionis Apostolatus authores Monachos S. Benedicti demonstrant; qui eo sæculo literarum & bibliothecarum magistri, autoritate quâ apud populum pollebant, illi facile opinionem suam persuaferunt. Ac quemadmodum Hilduinus Abbas S. Dionysij sub Ludouico Pio, circa annum Christi DCCCXXX. arte Græcorum fauorem eius ambientium delusus, primus omnium Dionysium Parisiensem Arcopagitam Pauli discipulum esse asseruit. Quamuis ad id vsque tempus scriptores Ecclesiastici, Gregorius Turonensis, Fortunatus Pictauiensis, Anno Christi DC. Beda Anno DCC. Vsfuardus Anno DCCC. Dionysium solum Episcopum Parisiensem nominent, nullâ Arcopagiticæ dignitatis factâ mentione. Immo & Gregorius illis septem Episcopis annumerat, quos sub Decio circa annum CCXI. missos fuisse refert, quos inter & noster Martialis adscriptus est. Præterea antiqua omnia martyrologia, scilicet ipsum quod Gregorij I. Papæ tempore in vsu erat ab Heriberto Roluueido editum, & Bedæ, Vsfuardi, Adonis, & Notheri Monachi S. Galli, in memoriam S.

Dionysij Arcopagite Episcopi Atheniensis, qui teste Aristide contemporaneo scriptore sub Adriano passus est, die tertiâ Octobris recolunt: At Dionysij Parisiensis cum Rustico & Eleuthero passionem, die nonâ eiusdem mensis commemorant. His omnibus insuper habitis, Hilduinus Arcopagiticam dignitatem Dionysio affinxit, neque tamen integram fidem apud posteros meruit, cum Lethaldus & Abelardus, quamvis hic S. Dionysij monachus, illius opinionem impugnarint. Ergo Hilduini exemplo, cum Ecclesia Lemouicensis S. Martialis circa annum DCCC. XLVIII. in potestatem monachorum S. Benedicti venisset, Martialem fidem antiquitatis illustriorem illi monachi reddiderunt. Nam Hugo Abbas S. Martialis ab illa Synodo reuersus in Monasterium, in Litanis Martialem inter Apostolos primus omnium descripsit. Quâ re commotus Iordanus Episcopus Lemouicensis, nouitatis Abbatem arguere, & Martialem Confessoribus non Apostolis annumerandum ex veteri more asserere, vt patet ex epistola Regis Roberti, Guillelmi Ducis Aquitanie & Episcoporum nomine scriptâ Benedicto Papæ VII. qui anno M. XXIV. obiit, è qua hæc verba Iordani describimus. *Sanctus Aurelianus successor illius (quem ipse sanctus Martialis de infero traxit) Ebulus, Atticus, Ermogenianus, alique eius successores vsque ad triginta sex, Ego verò septimus, qui votor Iordanus omnium infimus; hi omnes pro sanctissimo Confessore eum habuerunt, similiter omnes Abbates in eius Monasterio habitantes, vsque in hodiernam diem. Iste Abbas qui nunc est, nouitate deceptus, superbia elatus venit ad me, qui superior meis antecessoribus, deprecans vt in Concilio meo, & in Synodo, sanctissimum Confessorem in numero ponerem Apostolorum, quod facere nolui. Ille persequens dictis fidem quam habuit cum duodecim monachis illius Monasterij mihi promisit, vt cum auctoritate in omni Concilio me defenderet; hoc facere non potuit in Concilio Guillelmi Ducis Aquitanorum audiente Archiepiscopo Bituricensi, Issemberto Pictauiensi, ceterisque cum suffraganeis: Omnes Episcopi Francorum, Aruernorum, Vasconum, Aquitanorum, cum quibus ego fui loquutus, comprobant & assument, sanctissimum Confessorem Martialem non debere tolli de illo loco, vbi sancti Patres & nostri antecessores eum posuerunt; & non esse Apostolatum in eius auctoritate comprobatum. Et paulò post. Tibi verò ego Iordanus hæc literas*

mitto de parte istorum prædictorum, Regis scilicet Roberti, Guillelmi Ducis Aquitanorum, Archiepiscoporum omnium videlicet Catholicorum, qui mihi contradicunt, ne sanctum Martialem in numero ponam Apostolorum. Tu autem, si assensus hoc facere quod non fecerunt sancti tui antecessores, Gregorius, Clemens, Bonifacius, multique alij, ut ponerent Confessores inter Apostolos, si peccatum est, tuum sit, ego verò liber à culpa, neque iniquitas, neque peccatum meum; voluntatem omnium Aquitanorum tibi monstrabo: quia ille Abbas seductorum nulla alia causa hoc facit, nisi quia vult destruere sedem Episcopalem primi martyris, & Apostolatam S. Petri ad nihilare. Per istius chartæ portitorem literas mihi mitte, & per omnia tuam voluntatem mihi manda. Respondere non potuit Benedictus morte præventus; sed successoris Ioannis XIX. in veteri MS. Lemouicensi epistola legitur. Ioannes Episcopus servus servorum Dei, Iordanus Episcopo & eius Clero, cunctisque Episcopis Galliarum, salutem charissimam cum benedictione Apostolica, &c. In qua de scriptis his quæ in vulgari Martialis vita leguntur, hac ratione Martialem Apostolum esse definit. Cum igitur Apostoli nomen non sit numeri, sed officij, quicumque reuelante Deo ad prædicandum mittitur, & sua pia exhortatione & exemplo, commissum sibi diuinitus populum apostestate diaboli liberat, non incongruè Apostolus dici potest; quia Apostolus Missus dicitur. Quæ sanè definitio in illa Episcopi & Abbatis controuersia rectè lata est: nam illi in missione Martialis conueniebant, eumque ex septuaginta duobus discipulis communi consensu asserabant, ac de solo Apostoli nomine disputabant. Acceptâ Ioannis epistolâ conueniunt Biturigibus Episcopi, & decretum huiusmodi ferunt. In nomine Domini, Ego Aymo Archiepiscopus Anno Incarnationis Dominice Indictione XIV. In Concilio Bituricensi, quod actum est Kalendis Nouembris cum consensu Coepiscoporum, seu Abbatum, & reliquorum fidelium, qui ibidem presentes adfuerunt, decreui, & auctoritate propria firmavi, ut privilegium Domini Ioannis Romani & Sedis Papæ, quod isdem Dominus instituit, & Episcopis, Abbatibus, & reliquis fidelibus totius Gallie misit, inconuulsam & illibatam permaneat; scilicet ut beatissimus Martialis in numero Apostolorum, tam in Litaniis quam in omnibus diuinis officiis computaretur, & esset, nec immerito. Hancque decreti rationem reddit Aymo. Est quippe dignum, sicut in gestis eius reperimus insertum, illi videlicet

tamen in cœna Domini, quàm in passione, necnon & resurrectione, ascensione quoque presentem adfuisse, & cum cæteris Apostolis spiritum sanctum accepisse. Nullamque aliam auctoritatẽ præterquàm illam Martialis vitam citat. Ut autem Decretum illud executioni mandaretur, Episcopi Lemouieas. venient die decima octaua eiusdem mensis Nouembris, & inceptum apud Biturigas Concilium absoluunt. In hoc Iordanus Lemouicensis Episcopus examinandam affert in medium de Apostolatu Martialis sententiam. Tum quidam presbyter & Canonicus Podiensis Engelricus citat Hieronymum in epistolam ad Galatas, vnde concluditur alios præter duodecim fuisse Apostolos; eos scilicet, qui cum Christum in carne vidissent, eum postmodum prædicarunt. Aliud tamen infert his verbis. Si illi qui in carne Dominum videntes, eum postea prædicantes Apostoli sunt, quanto magis Martialis qui Domini in carne discipulus fuit? Quod vix superioribus cohæret; ac si principium petere nolisset, prius hypothesim probare debebat: verum minime mali illi homines non ita accuratè singula examinabant. Post Engelricum Azenerius Abbas, inter Grammaticos, & postea in Palatio enutritus, non alio quàm Apostoli sub nomine in sui ordinis Monasteriis quæ erant in Francia Martialem cognitum vsquam audiuisse. Ac tandem cum in Bituria præcepto Regis Roberti Monasterio cuidam præpositus fuisset, contrariam illius consuetudinem se abrogasse, & Martialem inter Apostolos scripsisse. Vnde patet nodum stabilitam eo tempore fuisse hanc traditionem, neque tantam obtinuisse auctoritatem Martialis viram, quod etiam colligi posse videtur ex verbis corroborationis factæ in Concilio Bituricensi de Apostolatu Martialis, quæ sunt. *Contestati sunt ergo omnibus, ut abiecta ignorantia cœcitate eum corde credant, & ore fateantur Apostolum, qui a prauitas & negligentia fuit his qui ante nos fuerunt, cur non omnino patefecerunt gloriam Dei, quæ in eo est pro Apostolatu.* Quare constans adhuc non erat S. Martialis Apostolatus traditio. Atq; id ms. homiliâ dictâ eodem tempore in dedicatione Capellæ S. Petri iuxta S. Martialis apertè confirmatur. Hoc autem, inquit, quare dixi, nisi quia susurrones contra statuta Patrum agentes persensi, qui rectè mentiti in capita sua, in quantum ipsis est per latibula garriunt, Martialem non esse unum ex

his, qui Dominum predicauerunt, Apostolis, sed unum ex postremis Confessoribus Episcopis, qui longè post Apostolorum tempora existerunt.

Et quamuis Odolricus Abbas S. Martialis præfati Hugonis successor hoc in Concilio asseruerit, S. Martialem ab antiquis omnibus Patribus inter Apostolos fuisse connumeratū: nullum tamen profert, ex quo eam traditionē probare possit, hanc leuem silentij sui excusationem prætexens; ne ob Martialis Ecclesiæ regimen, adulandi studio ea dicere videretur. Nihilominus tamen & veteres codices Litaniarum citat, in quibus S. Martialis inter Apostolos scriptus erat. Quasi verò illa esset in Litiāis antiquitus distinctio, nec promiscuè nomina sanctorum recitarentur: nam in missali perantiquo Anni millesimi Ecclesiæ Lemouicensis, inque Litiāis quadruplicibus quæ diebus Paschalibus recitantur, cōmixti sunt Confessores, Martyres, & Apostoli, nullo ordine seruato. In tribus earum primis nulla Martialis est mentio, in quarta recitatur post Paulum, & hunc Petrus & Siluester præcedunt, vnde apparet, aliam fuisse ab hodierna methodo, illam antiquam Litaniarum seriem. Quare non magno æstimanda sunt desumpta ex illis libris testimonia. Addit Odolricus eam de Martiali sententiam etiam Abbonem Sancti Benedicti ad Ligerim Abbatem approbasse: at huius paulò antea defuncti ætas recentissima auctoritatem minuit. His præcipuè rationibus Sancto Martiali, Apostolatus in eo Concilio decretus est. Verùm quibus auctoribus, probis sanè & sanctis, at imperitis. Nam Sixtum secundum Papam, Laurentium, Dionysium Areopagitam, Clementem & Saturninum eodē tempore vixisse asserunt; at tamen & Saturninus Imp. Diocletiano & Maximiano, Decio & Gato Coss. martyriū tulit, ipsis ibidem testibus. Quod sanè ridiculum est, ille enim Consulatus non in Diocletiani, & Maximiani, sed in Decij Imperium cadit, vt ex fastis videre est. Præterea quicumque in eo Concilio Apostolatū Martialis excutere voluerunt, vt indocti notati & repulsi sunt; illius verò assertores, quantumvis historiam confunderent, vt doctiores laudati. Nulla quoque Gregorij Turonensis de Martiali sub Decio Imp. differens mentio facta; quod vnum silentium ad retinendum

causam valeret. Verumtamen tantum pondus ab hoc Concilio noua illa traditio obtinuit, iam paulò ante vitam vulgari S. Martialis editione promulgata; vt exinde maior pars hominum Martialem vnum ex LXXII. discipulis, à Petro in Aquitaniam ad prædicandum Euangelium missum fuisse crediderit. Atque ipse Cardinalis Baronius illam sententiã, quando Concilio Prouinciali confirmata erat, approbavit; licet aliunde vitam S. Martialis meritò suspectam, & multis historiæ sanæque doctrinæ maculis aspersam primo Annalium tomo duxerit.

IX. Ex his omnibus quæ examinandæ primæ opinionis causâ dicta sunt, hæc colligere possumus.

1. Vitam Martialis quam modò habemus, non illam esse quam Aurelianus scripsisse dicitur; neque ex illa exceptam.
2. Illam nullam sapere antiquitatem.
3. Erroribus cum in historia, tum in fide, & dogmate, esse refertam.
4. Nullum fide dignum auctorem ante nongentesimum Christi annum illius meminisse; vnde sequi videtur ab eo tempore fuisse conscriptam.
5. Non parere traditionis & opinionis huius vllum extitisse fundamentum ante Annum nongentesimum.
6. Ab anno solùm M. XXXI. & Concilio Lemouicensi S. Martialem in officiis diuinis inter Apostolos recitatum, ante in Confessorum Episcoporum numerum conscriptum, quod antiquis Lemouicensis Ecclesiæ Missalibus & Breuariis ante Concilium scriptis confirmari potest.

X. Examinata priori sententia, rationem secundæ inquiramus: quæ nimirum S. Martialem anno vltimo Imperij Philipporum, Decij primo, Ipso & Annio Grato Coss. Fabiano Romæ Episcopo Anno Christi CCL. in Aquitaniam venisse refert. Atque hæc tantò magis verisimilior erit quantò illa prior à veritate aberrat.

XI. Huius opinionis prima origo ex aetate passionis Saturnini Martyris & primi Episcopi Tolosatis ducitur, vt ab Gregorio Turonensi circa annum Christi DC. scribente refertur, cap. 30. lib. 1. Histor. Franc. his verbis. *Huius* (scilicet Decij)

tempore, septem viri Episcopi ordinati ad prædicandum in Gallias missi sunt, sicut Historiæ passionis sancti Saturnini denarrat. Ait enim sub Decio & Grato Coss. sicut fidei recordatione retinetur, primum ac summum Tolosana Civitas S. Saturninum habere caperat sacerdotem. Et ergo missi sunt Turonicis Gatianus Episcopus, Narbona Paulus Episcopus, Tolosæ Saturninus Episcopus, Parisiacis Dionysius Episcopus, Aruernis Stremonius Episcopus, Lemovicis Martialis destinatus Episcopus. Quæ narratio ex actis publicis, excerpta, in quibus focij Saturnini descripti erant, Martialem vnum ex illis eo solum tempore non antè missum fuisse conuincit. Quod satis confirmatum videtur auctoritate Seueri Sulpicii qui libro secundo Historiæ sacræ ait. Post Adrianum Antonino pio imperante pax Ecclesiis fuit. Sub Aurelio deinde Antonini filio persequutio quinta agitata. Actum primum intra Gallias martyria visa, seriùs trans Alpes Dei religione suscepta. Quæ verba duo indicant primum, eos, qui sub Aurelio Lugduni passi sunt; primos Galliarum martyres fuisse; quare reicienda vulgata Dionysij Valeriæ, Sauiniani & aliorum priora martyria. Secundum, paulò ante Antoninorum imperium receptam in Galliis Christi religionem, primò Lugduni & Viennæ Romanorum coloniis propter Italiam sitis, in quibus noua illa religio suos primos habuit martyres. Atque adducta à Seuero ratio, visorum demum quartâ persecutione martyriorum in Gallia, scilicet propter religionem tardius receptam, magnum hac in disputatione pondus habet. Neque illi Irenæus Tertullianus & alii scriptores antiqui aduersantur, qui dum per Gallias promulgatam religionem Christianam asserunt, non ad priora, sed ad sua tempora Seueri nimirum Imperatoris, ætate à Sulpicio notata posteriora referendi sunt. In omnibus etiam latè Galliis receptam fuisse illorum temporum religionem non existimare debemus, sed solum in aliquibus prouinciis & vrbibus, cum & Martini Turonensis tempore, anno CCCC. eodem teste Sulpitio in eius vita, Dij Gentiliû adhuc in Gallia colerentur. Enumerò recepta primum Lugduni & Viennæ Christi fides, in vicinas prouincias paulatim diffusa est. Ac cum beneuolis erga Christianos per vices Imperatoribus libera prædicandæ fidei facultas daretur: Episcopi præcipuè vrbis Romæ, in hæc loca

loca excolendę religionis causâ viros Christianos mittebant. Ideoque Philippis Imperatoribus Christianis fauentibus, Fabianus Romanus Episcopus nominatos suprà septemuiros in Galliam Episcopos legauit.

XII. Ergo ex dictis cõstat sexto sæculo Gregorio Turonēsi scribente, Martialem pro Petri discipulo ipsiusque legato non agnitum fuisse. Nam & ipse Gregorius pluribus locis libri de gloria Confessorum, de Martiali & aliis verba faciens, de Petro semper silet. Ita cap. XXVII. *Igitur S. Martialis Episcopus, à Romanis missus Episcopus in Vrbe Lemouicina predicare exorsus est. Et infra. Per sanctum enim Stremonium, qui & ipse à Romanis Episcopis cum Gatiano beatissimo & reliquis, quos memorauimus, est directus, primum Aruerna ciuitas Verbum salutis accepit.* Neque alius qui Gregorium antecedit, vel ducentos etiam post annos subsequatur, huius circa Martialē nouę opinionis meminisse legitur. Atque ad hanc posteriorem Martialis ætatem confirmandam, sufficit Aufonij, Engolismensis Episcopi vita, quę illum Martialis discipulum à Chreco Valeriano & Gallieno imperantibus, Gallias depopulante, cęsum pro religione fuisse narrat. Quare Martialis discipulum Aufonium post annum CCLX. passum, ducentis annis præcedere nequit; quod tamen asserere coguntur nouę huius opinionis assertores, ad Petrum Apostolum Martialis missionem referentes.

XIII. Tandem comparatis duabus hisce opinionibus, nō arduum est nostrę antiquitatem, vulgarisque nouitatem animaduertere. Hęc enim nullo certissimo ab authore confirmata, nullisque subnixis rationibus meritò relicienda est, hac regulā historię certissima à Baronio allata primo Anna-lij tomō *Quod enim à recentiore auctore de rebus adeò antiquis sine alicuius vetustioris auctoritate profertur, contemnitur.* Vt autem magis huius opinionis vulgarę infirmitas appareat; inuestigandum est vnde illud inualuerit, à Petro missum Martialem: quod sanè loquendi formulā factum est. Cū enim Romana Ecclesiā, Petri sedes fuerit semper appellata, illi qui ab ea sede legati sunt, à Petro missi fuisse dicti sunt, licet à Petri successoribus longa post tempora venerint. Quod pluribus Scriptorum locis manifestum, confirmatur dignitate Bonifacij à Gregorio II. in Germaniam Euangelij gratiā legati, qui

AD Caput XXXVI. Verba Clerici in Concilio Lemouicensi perorantis sunt hæc.

PORRO autem de Dionysio Arcopagita, qui in actibus Apostolorum memoratur, putare solebam, ipsum esse qui in Galliam cum Rustico, & Eleutherio post decessum Apostolorum Petri, & Pauli, & Martialis venit. Donec nuper contigit mihi fortuito legere commentum Bedæ super libro actuum Apostolorum ubi ita scriptum est. Dionysius iste Arcopagita ipse est qui postea Corinthiorum Episcopus factus gloriosissime Ecclesiam rexit, & eloquio clarus multos libros ad utilitatem Ecclesiæ scripsit. Huius Dionysij Hieronymus in Chronica sua mentionem faciens dixit. Dionysius Corinthiorum Episcopus, eloquio clarus sub Antonio floruit Imperatore, quo tempore Polycarpus discipulus Ioannis passus est. Sub Traiano verò, qui quintus post Vespasianum imperavit, Ioannes Apostolus in pace quieuit, & Clemens Papa in mare merisus martyrio coronatus est. Huius Dionysij Gregorius in quadam homilia meminit dicens. Fertur Dionysius ille antiquus venerabilis pater Arcopagita dicere, quod ex minoribus Angelorum agminibus foris ad explenda ministeria, vel visibiliter, vel inuisibiliter mittuntur. Hic autem de Francia Dionysius unde fuerit oriendus in passione sancti Marcelli fideliter indicari mihi videtur, sic enim habetur. Puer quidem Marcellus sub doctrina B. Sixti erudiebatur: cumque suppliciis Sixtum Episcopum videret puer macerari, cœpit timere. Tunc sanctus Laurentius corroborens ætatis eius infantiam ait ad eum, Marcelle genitor tuus Egeas noluit Christum credere, nam mater tua Marcellina, & frater tui Marcellianus & Dionysius iubente sancto Clemente Papâ vobis Romæ partibus Galliarum, ut ad fidem Christianam gentes instruerent directi sunt, vade ad eos ut non pereas in manu Decij. Et infra dicitur. Profectus Marcellus cum Anastasio commilitone Christiano, ut iret ubi erat frater suus Saturninus Episcopus, peruenit usque ad Argentomagus, ubi à Præside comprehensus inquisitus est unde esset, aut de qua provincia, vel ciuitate huc venisset. Puer

respondit, Christianus sum, ab vrbe Roma exiui, & prope-
ro ad ciuitatem Tolosam, vbi fratres mei Saturninus, & Dio-
nysius commorantur. Cui Heradius Præses ait, dic mihi vo-
cabulum patris, aut matristuæ: Puer respondit, pater meus
Egeas, & mater mea Marcellina nuncupati sunt. Sed si ve-
lint Episcopi, ipsa passio in Concilio eorum potest sine mora
deferri. Hæc mihi non discrepare videntur à scriptura, quæ
penes nos Engolismæ de Dionysij gestis habetur. Ibi enim le-
gitur, quia Clemens quemdam Philippum ordinauerit Epi-
scopum, & Hispaniæ destinauerit ad prædicandum. Diony-
sio verò verbi diuini semina gentibus tradidit eroganda, quem
in Galliam misit, sociosque ei Saturninum, Marcellinum, &
Lucianum atque Rusticum, & Eleutherium adhibuit, qui
cùm simul peruenissent ad portum Arelatensium ciuitatis,
Marcellinus in Hispaniam abiit, Saturninus autem Tolosam
profectus est, & Dionysius cum Rustico, & Eleutherio Pari-
sios adierunt. Lucianus verò Presbyter ad Bellouacensem pro-
fectus est urbem. Iulianus quoque Cenomanensis, vt in gestis
eius reperimus, genere Romanus fuit. Saturninus autem, vt
passio eius docet, tempore Diocletiani, & Maximiani, Decio
Germanico & fratre Consulibus, passus est.

Vitam, aut potius passionis Dionysij acta, Hildui-
no antiquiora, accipe ex fide quinque manuscripto-
rum Codicum optimæ notæ.

*Passio sanctorum Martyrum Dionysij Episcopi, Rustici,
& Eleutherij qui passi sunt Parisiis VII.
Idus Octobris.*

GLORIOSÆ martyrum passiones, & pretiosa Domino
Gipforum certamina, quamquam digna sint pro miracu-
lorum dignitate conscribi, nequeunt tamen sine formidinis
trepidatione complecti, quia cùm magnarum rerum confide-
ratur assumptio, non immeritò præsumpti operis timetur ma-
gnitudo, cò quòd tantum sermo tenuis explicare non va-
let, quantum de se exigit veritas passionis. Tamen etsi po-
sito tantæ rei arduum habere videatur initium, in hac mens

trepidatione respirat, quòd semper opifex suum ministrum diuina instructione informet, & inchoanti initium, & ingenij perfectionem accommodet. Hac ergo consideratione audaciam nimiam temeritatis assumens, *quæ longo tempore fuerant obumbrata silentio*, ipsius diuinitatis auxilio incepta sunt referenda. Quia vt habet testimonium veritas, *plus fidelium sunt relatione comperta, quàm probentur ad nos lectione transmissa*. Vnde non sine certi æstimatione coniicitur, quod nouitas adhuc credentium populorum Gentilium crudelitate contrista formidauit scribere, quod tamen gaudebat Dei famulos meruisse, cùm sine dubio iudicentur scripta, quæ fidelium sermo testatur impleta. Credendum enim de his est, & absterfa dubietatis iustæ, totis viribus confitendum, eos qui per confessionem Domini ac Dei nostri digni fuerunt subire martyrium, etiam ampliora tolerare voluisse, quàm videtur succedentibus ætatibus relatio per populos transmissa recolere. Id ergo supplicatio communis obtineat, vt veniam consequatur deuotus, si de virtutibus prætermisit ignarus. Nam etsi omnia non esse soluuntur, credere vniuersitas mereatur, vt Dei famulus etiã maiora sentiat, quàm sermo passionis explanet. Qualiter enim cultorem Domini locus ille gaudens, & eius patrocinium habere promeruit, quando aliorum sanctorum inuentum illi agnouerimus fuisse consortium, sic fidelium relatione dicimus ipsorum iuuamine martyrum quantum de se scire tribuunt explicemus.

Igitur Post Domini nostri Iesu Christi salutiferam passionem, post Resurrectionis vnica singularis que mysteriũ, post Ascensionem eius qua manifestauit hominibus nunquam se defuisse quòd rediit, Apostolorum predicatio vniuersis gentibus profutura successit. Qui cùm imminere suas cernerent passionem, quod Domino nostro Iesu Christo docente didicerant, repleti spiritus Sancti gratiã docuerunt; adeò vt fido crescente non pauci mererentur fieri Confessores, quos modo Ecclesia Catholica gaudet promeruisse martyres. Hos ergo quorum virtutem persecutorum non præualuit superare consiliatus, quos ad auri similitudinem, reddit flammaram examinatio pretiosos, ad suscipienda mandata Domini

ni idoneos Apostolorum esse iudicauit electio. Quibus & Evangelica præcepta semper agentibus seruanda committerent, electisque viris Dei dispositione prouidenter honorem decreuerunt Episcopalem adiungere quò facilius eorum prædicationibus acquisiti ad ministerium sacri prouherentur altaris. Ex qua Confessorum turba, sanctum & venerandi meriti Saturninum vrbs Tolosana promeruisse gaudet Episcopum, quem impietas spectantis populi posterioribus tauri multis nexibus ligatum dedit Capitolij gradibus illidendum, ubi sancti capitis soluta compage, cerebrum frequentis illisionis disperfit iniuria: sed tali descensu, ad Dominum assecutus est ascensum. Fœlix vir tãti meriti, tantæque & personæ, & virtutis, cui concessum est primum esse doctorem, post martyrem, qui quod docuit verbis, euentibus impleuit exemplis. Simili etiam gratia beatissimus Paulus Antistes, atque Confessor, Narbonensem prouinciam salutari acquisiuit eloquio. Quem ita labor domesticæ tribulationis exercuit, vt verum Domini esse famulum approbares. Sed gratias tibi Domine Iesu Christe, qui instantis inimici tela, probationem fidelium tuorum permisti esse non vulnera, & talem his præstas pro mercede laborem, vt nullum tuorum fuisse gaudeat hostis imbellem. Dum ergo ad peculiaria patroni gesta suscepti officij, tendat obsequium, non ex asse quæ de seruo Dei sunt comperta prosequimur, sed immemores sui non fuisse sufficiat, in talibus enim causis magis conuenit fideles credere, quàm possit relatio humana monstrare.

aliàs qui tra-
dente beato
Clemente pe-
tri Apostoli
successore.

Sanctus igitur Dionysius, qui *uenerunt à successoribus Apostolorum*, verbi diuini semina gentibus eroganda susceperat, quò ampliùs gentilitatis feruere cognouit errorem, illuc intrepidus, & calore fidei inflammatus accessit, Parisios Domino ducente peruenit, non veritus in credulæ gentis expetere feritatem, quia virtutem suam præteritarum pœnarum recordatio roborabat, & qui meruerat esse confessor, non cunctatus est auctoribus populis accedere prædicator. Tunc memorata ciuitas & conuentu Germanorum, nobilitate pollebat quòd esset salubris aere, iocunda flumine, fecunda terris, vinctis vberissima, & arboribus nemorosa, constipulata

populis, referta commerciis, ipsumque insulæ potiùs, quàm urbis spatium, quod habitationi circumfusa fluminis vnda præstabat, crescentibus consistentium cateruis reddebatur exiguum, & iocunditatis sollicitatione in vnum plebs acta commigrans, penè, territorium suum intra murorum conclusionem contraxerat. Hunc ergo locum Dei famulus exigit exptendum. Ad quem cùm primùm fide armatus, & constanti confessionis accessisset intrepidus, Ecclesiam illis quæ necdum in locis erat, & populis illis nouam construxit, ac officiale seruitium clericorum ex more constituit, probatasque personas honore sæculi ordinis amplians. Cinctus ergo fide & iam constructione Basilicæ roboratus, Deû gentibus non desinebat insinuare quem nouerat, eiusque omnibus & iudicium, & misericordiam anteponebat, paulatim sociabat Deo, quem diabolo substrahebat. Tantas etiam per illum Dominus dignabatur exercere virtutes, vt rebellium corda gentilium non minùs miraculis, quàm prædicationibus obtineret. miròque modo inermi viro non valebat plebs arnata resistere, sed subdebat se illi certamini Germaniæ ceruicofitas, & iugum Christi suaue imponi sibi actâ cordis compunctione poscebat. Ab ipsis quoque destruebantur Idola, quorum sumptu fuerant, & studio fabricata, & inuentio salutis portu Idolorum gaudebant perire naufragia. Lugebat portio victa diaboli, cùm de ea victrix Ecclesiæ legio triumphabat. Tunchostis antiquus videns sibi perire quod Domino constabat assidua populorum conuersione proficere, totam artificij sui machinam ad impugnandum quæ fuerant constructa conuertit, & suæ partis auctores Deorum suorum flentes exitium ad impietatem subitæ persecutionis armauit, vt eos qui vnum & verum Deum colendum insinuauerant, & timendum perdere diuersitate supplicij maturarent, ne superesse posset, qui valeret acquirere quod peribat. Persecutionis ergo publicatâ sententiâ impiorum gaudens turba progreditur, & contra Dominicum populum pugnatura conspirat non cunctati appetere gladio quos Dominus suos monstrauerat esse signâdos. Itaque cùm occidui Orbis partem pro Christianorum inquisitione percurrerent sanctum Dionysium contra incredulos dimicantem Parisiis

repererunt. Cùmque Rusticum presbyterum, & Eleutherum Archidiaconem persecutionis furor inuenit. Hi beati viri à S. Dionisij numquam sustinuerunt abesse præsentiam quos in vnum interrogatio persecutoris inuenit, sed reperire non potuit, quem à societate martyrij separaret. Interrogati, vnum, & verum in Trinitate Deum confitentur, & terrore subiecto, multisque afflictis iniuriis, & supplicijs, verberibus macerati Christianos se esse testantur, vilòque percutientis istu, Domini, ac Dei nostri se famulos magnam confessionis voce pronunciant. In hac ergo fidei constantia persistentes, reddentes terræ corpora, beatas cælo animas intulerunt, talique ad Dominum meruerunt professione migrare, vt amputatis capitibus adhuc putaretur lingua palpitans Dominum confiteri. Beata nimium, & Deo grata societas inter quos nec primus alter potuit esse, nec tertius, sed Trinitatem confitentes meruerunt venerabilem locum trino decorare martyrio. Metuentes igitur percussores ne conuersi populi fidelissima, probatamque deuotio sanctorum corpora profutura sibi, & Reliquias ad patrocinium tumularet; elegerunt, tetrìs Sequanæ, profundisque gurgitibus martyrum corpora perdenda committere, quæ imposita nauibus ad præuisum iubentur gurgitem destinari. Tunc matrona quædam, licet paganorum implicata teneretur errore, conuersionem tamen se desiderare mente monstrabat, & opera facere aliqua cogitans Domino placitura, vsa subtilitate consilij, ad conuiuium venire postulat percussores, & dū eis copiam optatæ humanitatis extendit, à memoria eorum quæ susceperant agenda discussit, ac fidelibus suis secreta ordinatione committit, vt substracta furto sanctorum corpora diligens elaboraret occultare prouisio. Qui verò ordinatione comperta festinanter quod eis præceptum fuerat exequuntur, furtumque laudabile in sexto ab vrbe memorato lapide, id est in aratam quam seminibus præparauerat terram, industria tollentis ascondunt. Facta deinceps, vt moris est, satione, nec suum seges negauit obsequium, quæ tali fecundata pinguedine, sic in cabeneficium vbertas effudit, vt centuplicatos fructus & cultor acquireret, & patria salutem mereretur. Pubescente verò segete diu latuit quod erat Parisiorum

Parisiſorum populis profuturum. Antediſſa tamen mater-
familias horum immemor ſecretorum, cum primùm perſe-
cutionis furor tepuiſſet vidit in ſomnis feruere locum tanto-
rum oſſa ſeruantem, & quā oportuit ſollicitudine requiſiuit,
atque inuentum eminentis Mauſolei conſtructione ſigna-
uit. Vbi poſtmodum Chriſtiani Baſilicam ſupra martyrum
corpora magno ſumptu, cultūque eximio conſtruxerunt,
ibiſque quotidie operante Domino noſtro Ieſu Chriſto me-
rita eorum virtutum probantur monſtrare frequentiam, &
experiuntur infirmi quantum Dei ſamulos conueniat hono-
rari, vbi recipit cœcitas viſum, debilitas gremium, & obſtri-
ctæ aurium ſanæ recipiunt auditum. Sed nec illud ſcien-
dum eſt, quòd immundi ſpiritus infeſtatione vexati, dum ad
memoratum locum examinandi virtute diuina ducuntur,
ſanctorum ipſorum coguntur imperio, quo quiſque marty-
rum ſit poſitus loco assignatis nominibus indicare. De quo-
rum paſſione VII. Idus Octobris Dominus nos gaudere
voluit, qui centeſimum eſſe noſtrum fructum repromiſit,
cui eſt honor & gloria virtus, & imperium in ſæcula ſæcul-
lorum. Amen.

AD Caput XXXIV. Iuliani Cenomanenſis
vita à Letaldo Monacho ſcripta hæc eſt.

Incipit Prologus in vitam ſancti Iuliani Cenomanenſis Episcopi.

Reuereudiſſimo Patri Aueſgaudo, frater Letaldus ſa-
lutem in Domino. Cum deſiderio aſſatus tam ſpiri-
tualis, quàm corporalis remedij ad memoriam præcellen-
tiſſimi Præſulis Iuliani acceſſiſſem, & dulci affamine veſtræ
dilectionis frui licuiſſet, eadem viſ charitatis, quæ veſtræ
ſublimitatis animū meæ paſſillanimitati cōciliabat, impoſuit
mihi onus, ſi idoneus forem, amabile atque iucundum, quia
impar, non tam iucundum, quàm reuerendum, ſcilicet vt ea
quæ ab antiquis de arcibus glorioſi eiufdem Patris, inculto,
vt vobis videbatur, ſermone conſcripta ſunt, ipſe planiori &
luculentiori ordine texerem, & ad ædificationem audien-
tium quadam dealbatura veſtirem. Quod opus reueren-

dum potius quàm iucundum dixerim, quia cum magnæ reuerentiæ grauitate dicenda, & scribenda sunt, quæ in conspectu veritatis recitari debent, ne vnde Deus placari creditur, inde ampliùs ad iracundiam prouocetur; nihil enim ei placet, nisi quod verum est. Sunt autem nonnulli, qui dum attollere Sanctorum facta appetunt, in lucem veritatis offendunt: quasi Sanctorum gloria mendacio erigi valeat, qui si mendacij sectatores fuissent, ad sanctitatis culmen nequam ascendere potuissent. Dicenda ergo cum veritate sunt, quæ veritas gessit, quia si aliquis Patrum aliquod dicitur fecisse miraculum, non illud homo, sed Deus operatur, qui potens est operari in quo, & per quem vult hominem. Cum ergo tam mira, & speciosa de actibus huius præcellentissimi Patris recito, non de meritis eius diffido, nec de potentia Christi ambigo: sed cum hæc eadem in aliis inuenio, cui potius credendum sit non perspicuè video, nisi fortè grauitas authoritatis alicuius magnifici doctoris me ab errore deduxerit, & quasi anchoræ pondus vacillantem animum solidarit. Multa enim in actibus supradicti Patris conscripta sunt, quæ & in beatorum Clementis, & Dionysij martyrum, & sancti Furcei Confessoris, eodem sensu, & pene eisdem verbis inueniuntur. De tempore quidem quo magnus ille floruerit, ex libro Gregorij Turonensis per coniecturam sumpsi, qui in historiarum suarum lib. i. sub Decio, & Grato Coss. à Xisto Romanæ sedis Apostolico, plurimos Episcopos ordinatos asseruit, & in Gallias ad prædicandum verbum Dei directos, quorum nomina, & loca quibus destinati sunt, partim posterius dicam. Porro cum beatus Dionysius à sancto Gregorio ex eorum numero fuisse dicatur, & in gestis gloriosi Patris Iuliani cum eodem sancto Dionysio ad Gallias prædicaturus venisse narretur. Non dubium æstimo, quin sub Decio Valeriano Gratoque Coss. & Sixto Romanæ Sedis Antistite fuisse monstretur, qui videlicet Xixtus, & Laurentius Archidiaconus ab eodem Decio tentati, & in Christi confessione permanentes, victrici potentia coronati sunt. Quod verò S. Iulianus dicitur à B. Clemente destinatus, neque ratio temporum, neque veterum confensit authoritas. B. enim Clemens sub Traiano Cæsare in e-

xilium apud Cherſones deportatus eſt, & inter Traianum, atque Decium, ſub quo B. Iulianum fuiſſe conſtitimus, plurimi Imperatores interſunt, quod in Chronicis Eufebij Cæſarienſis, quæ Hieronymus tranſtulit, facile diligens lector agnoſcet. Noſ igitur ea quæ de ſancto Iuliano conſcripſimus, in quantum potuimus authoritate præcedentium Patrum confirmauiſus, & quædam ſimpliciter ſecundum antiquam traditionem edidimus, quædam verò quæ nobis minus probabilia viſa ſunt, prætermiſimus. Nuſquam tamen de meritis tanti Patris quemquam diffidere ſuademus, qui dum apud ſuos ſacros cineres Deo largiente tanta, & talia operetur, multò maiora, & clariora, dum in hoc mundo adhuc viueret, cum operatum fuiſſe cunctis rectè credentibus liquet. Quòd ſi hæc noſtra elinguis ruſticitas, vel vtilitati, vel deuotioni aliquod emolumentum contulerit, ea etiam quæ noſtræ ætate apud ſacrum eius tumulum patrata ſunt, Domino Chriſto largiente, dum noſtræ acceſſerint notiæ, ſubnectere cogitamus. Sane Reſponſorium, & Antiphonarum, vt petiſtis, digeſſimus ordinem, in quibus pro vitando faſtidio de vnoquoque modo ſingula compegimus corpora, neque omninò alienari volumus à ſimilitudine veteris cantus, ne barbaram, aut inexpertam, vt perhibetur, melodiam fingeremus. Non enim mihi placet quorundam muſicorum nouitas, qui tanta diſſimilitudine vtuntur, vt veteres ſequi omninò dedignentur authores: nam hi qui coniugiis vacant, malunt liberos hominibus ſimiles gignere, quàm alicuius inuiſi monſtri eſſigiem proſecrare.

Explicit prologus.

Vita ſancti Iuliani Confeſſoris Cenomanenſis Episcopi, cuius feſtum celebratur VI. Calend. Februarij.

CUm adhuc mundus errorum tenebris inuolutus, claritatem veræ lucis penitus ignoraret, & antiqui hoſtis verſutia in humano genere, quod ſibi à primo parente ſubdiderat, graſſaretur, honorque Creatoris, creaturæ potiùs quàm Creatori exhiberetur. Scilicet quòd vnusquisque vel ex mortuis hominibus, vel inſenſibili materia, Deos quos

adoraret fingebat, Deus omnipotens humanos miseratus errores, ne sua in æternum factura periret, verbum suum æquale sibi, atque coæternum per vterum intactæ virginis pro sæculi vita verum hominem, ad humanos perduxit aspectus, qui Deitatis naturâ non minutâ, humanitate tamen, nostrâ, absque peccati naëuo veraciter assumptâ, inter homines conuersatus est, præbens beneficia Deitatis, & perferens incommoda humanæ fragilitatis. Denique eam carnem, quam de virgine sumperat, pro redemptione nostra posuit, & hominem quem creauerat, non alio redemit pretio, nisi viuifico, & pretioso sanguine suo. Factus ergo obediens patri vsque ad mortem, mortem autem crucis, destruxit mortis Imperium, & ab ipsis auerni sedibus suos eripuit, & comitâre illa ineffabili triumphati hostis victrice pompâ, ad dexteram patris in perpetuum regnaturus ascendit. Ecclesiam ergo suam quam sibi salutari acquisiuerat sanguine, spiritus sancti illustrauit aduentu, vt mundi aduersis interim exercenda inuincibili Spiritus sancti confortaretur armaturâ. Fundata igitur supra petram fidei, diffunditur per climata totius mundi, vt relictâ vanitate Idolorum Deum verum homo cognosceret, & ab errore paterni delicti, & squallore vetustæ gentilitatis in nouitatem vitæ transiret. Sed veternus hostis dolens sibi perire, quod Deo constabat acquiri, omne malitiæ suæ machinamentum ad subuertendum Ecclesiæ inuincibilis conuertit asylum, & iniquâ instantiâ pro defensione falsitatis nonnullos martyrum prostrauit gladio, alios affixit patibulo, alios obduxit pelago, fame alios peremit, ignibus excruciauit, alios membratim discerpfit, & indiciabili genere mortium debacchatus, Ecclesiam Christi expugnare visus est. Sed quò eius amplius efferbuit immanitas, eò sanctorum insuperabilis constantia, vnde atrociori pulsata est inuidia, inde amplioris virtutis enituit gloria. Nerone igitur primum contra pietatem habens impietatis ministrium, dein per succedentes sibimet Principes malitiæ suæ augens incrementum, per trecentos, & eo amplius annos Ecclesiam Christi concussit, sed nullatenus euertere valuit. Cum enim placuit ei, qui fideles suos igne tentationis permisit excoqui, vt serenus dies post tot

turbines suæ familiæ illucesceret, lux veritatis cūlmen imperij subiit, & mundi gloriā sibi substratā, eos cepit habere defensores, quos per inuidiam hostis antiqui eatenus habuerat perfidos impugnatores. Tunc ergo velut post asperitatem nimborū hyemis, cū placidas verni clementia temperat auras, redolentes arbuta prorumpunt in flores, & nudata dudū roseta rediuiuis adornantur rosis, mirantesque oculos erumpentium candor reuerberat lillorum; sic pace Ecclesiæ redditā, diuersi per mundum effulsere viri, qui virtutū luce mirabiles, fulgore fidei insignes, ad sequenda Christi vestigia mansuetis corde pararentur imitabiles. Ad collocandum igitur in Galliis nouæ fidei fundamentum; ad erigendum rudis adhuc Ecclesiæ statum, pietas superna magnificos, atque industrios viros destinauit, Lugdunensibus Fotinū, Arclatenſibus Trophimū, Narbonæ Paulum, Tolosæ Saturninum, Aruernis Austremonitum, Lemouicinis Martiālē, Turonicis Gratianum, Parisiacis Dionysium, Cenomanicis Iulianum. Hic itaque Iulianus Romana generositate clarissimus; linguā facundus, iustitiā insignis, merito fidei percelebris, primus Apostolus Cenomanicæ vr̄bis à Deo destinatur: qui etsi alius Apostolus non est, Cenomanē sibus tamē est. Nā sicut de se quoque beatus clamat Apostolus, signum Apostolatus eius ipsi sunt in Domino. Is ergo vir Domini fide munitus ad destruendos errores, ad conculcandas dæmonum vanitates, ad vr̄bem supradictam accessit intrepidus. Sed dum nouitas sanctæ prædicationis quibusdam incredulis in scandalum, nonnullis vortetur in derisum, miraculorum potentia reddebat attonitos, quos ad audiendam veritatis viam eternus, & innatus error effecerat fastidiosos. Per manus enim reuerendi Pontificis, tantas Christus operabatur virtutes, ut verbo dæmones fugaret; leproſos mundaret; cunctisque languentibus opē crucis medicamine largiretur. Denique cū ad eum plurimi accurrerent, pro adipiscenda salute corporū; illuminati verbo fidei cum salute redibant animarum. Porro idem venerabilis vir extra vr̄bem paruo tectus hospitio, die noctēque in sancto perstabat proposito, vix vllam curam habens corporis, totum se eorum impendens salutē, quos dæmonico nitebatur subducere errori. Sanē cū iam multi miracu-

lorum dulcedine deliniti, & luce fidei radiati eius sancto con-
 tubernio inhaerent, essetque de conuendendæ aquæ penuriâ
 non modica querimonia, *vir* Dei ad locum quem aptum cre-
 didit accedens, cuspidem baculi, quem manu gestabat, humi
 defigens, cunctis audientibus dixit: Domine Deus noster qui
 sitienti populo in eremo de dura silice potum tribuisti, adesto
 nobis famulis tuis, & aperi thesaurum tuæ pietatis, & iube no-
 bis de duritia huius telluris ministrari fontem aquæ viuientis,
 vt cognoscant præsentem quia tu es verus Deus, qui in fine sæ-
 culorum misisti filium tuum in mundum, vt credentes in te ad
 veram introduceret repromissionis terram: cùmque fideles
 respondiissent Amen, subito erupit fons viuacissimus, qui &
 potentiam diuinitatis ostenderet, & meritum beati viri liqui-
 dò cunctis astantibus demonstraret. Tunc qui iam crediderat
 in fide corroborati sunt, qui adhuc Gentilitatis errore detine-
 bantur, ad pedes Sancti procumbunt, orantes se sanctæ fidei
 sacramentis initiari. Hunc ergò fontem placuit Centono-
 mium vocitari, quia exhibitionis eius gaudio multiplicato fi-
 dei fœnore numerus credentium cœpit multiplicari; multi
 enim in eo per baptismatis sacramentum veterem hominem
 exuerunt, & nouo qui secundum Deum creatus est in iustitia,
 & veritate sanctitatis vestiti sunt. Itaque non tantum quique
 populares, sed & nobilissimorum plurimi cingula deponentes
 militiæ, tumida olim colla sua iugo Christi supponentes, san-
 cto viro, & sacris eius gaudebant informari exemplis. Cùm-
 que fulgor tantæ claritatis quasi lucifer maturinus solem iusti-
 tiæ nuncians, totam provinciam iam perlustrasset, Princeps
 ciuitatis Defensor nomine, vir gloriosus, & secundum cadu-
 eos huius mundi honores potentissimus, tot miraculorum no-
 uitate percussus dignum Deo Pontificem per internuncios
 euocans, vt ad se venire dignaretur suppliciter exorat. Fide-
 lissimus autem minister Christi cùm ad Principem accederet,
 ante principalis aulæ ianuam obuium habuit quemdam cœcū
 qui coram eo procumbens flagitabat auxilium: at ille inuo-
 cato Christi nomine, & crucis impresso vexillo, eum sub mo-
 mento pristina restituit sanitati, quod Princeps audiens fe-
 stinus accurrit, genibus Sancti aduoluitur, supplex exorans
 quòd particeps vitæ eternæ fieri mereretur, quem verbo Dei

diligentissimè instructum Pontifex venerabilis cathedrauit, & solemnī ieiunio peracto cum tota familia, multaque nobilium turba baptizauit. Qui in tanto pietatis ardore exercebat, ut domum suam sancto viro traderet, quò ibi Ecclesiam diuine cultui aptam extrueret, & lucrâdis Christo animabus absque villo inuigilaret incommodo. Iam tunc ergo impossibile dictu reor, quanto gaudio, quantâq; alacritate quotidie Christo inibi fierent lucra, diabolo detrimenta. Omnis ætas, omnisque sexus ardentissimo amorē ad audiendum verbum Domini confluxebat, & certatim præire alter alterum in sancto proposito elaborabat. Factam igitur bonorum suorum collationem sancto viro tradunt, quò & Ecclesia diuinis exornaretur honoribus, & pauperes Christi alimentis consolarentur corporalibus. Porro dispensator fidelis, quem constituit Dominus supra familiam suam, ut det illis in tempore tritici mēsuram, ut in erogando verbo Dei cum pietatis actibus inuigilabat, ita etiam in dispensandis terrenis, secundum institutionem Apostolicam desudabat, & viuētibz sub se communiter Ecclesiæ filiis, prout cuique opus erat fideliter diuidebat. Sanè præsentium occasione curarum, nequaquam illius mētis oculus caligabat à contemplatione æternorum, sed quò ampliùs fulciebatur rebus transitoriis, eò ampliùs inhiabat ad gaudia patriæ cœlestis: benè enim nouerat quò conueniret in via, quid deberetur in patria. In via quippe videbat necessarium laboris stipendium: in patri autem toto affectu desiderabat æternæ beatitudinis emolumentum. Sunt enim nonnulli qui pastoralī regimine laborant, & pro eodem labore sempiterna præmia non appetunt, sed honore prælationis tumidi, quamuis cœlestia verbo prædicent, toto desiderio terrena querunt. Hic verò Deo dignus Pontifex, cum virtutum fulgore claresceret, miraculorum potentiâ cingeretur, obsequentium populorum cuneis fulciretur, & rerum temporalium affluentiâ ditaretur, nulli delectationis impedimento succumbebat: sed in datore omnium bonorum oculum figens, bonæ præsentia quasi post tergum, & ante faciem proponebat fideliter, quæ sanctis promittuntur in cœlo. Porro in ea ciuitate quā vir beatissimus pastorales agebat excubias, erat quidam vir potens, ac nobilis nomine Anastasius, nondum fidei Chri-

stianæ subiectus. Huius filius graui arreptus incommodo, ad extrema deductus, & ad vltimum extinctus est. Pater verò orbitatis dolorem non sustinens, ad virum Dei cucurrit clamās, & dicens: Serue Dei Iuliane qui confiteris Christum Iesum Deum esse, per eum te adiuro quem prædicas, redde mihi filium meum. Cui ait vir Dei, Anastasi si credis eum quem prædico verum Deum esse, & filium tuum recipies, & tu vitam obtinebis æternam. Anastasio deierante, atque dicente, si filium meum viuum recepero, Christum verum Deum confiteor, & Idolis penitus abrenuncio. Abiit cum eo beatissimus Pontifex ex domum in qua pueri corpus iacebat exanime, & cunctis flentibus, & quid beatus vir acturus foret considerantibus, ille tenens manum defuncti, & suspiciens in cælum, lachrymis perfusus ait: Domine Iesu Christe, qui Viduæ filium extra portam elatum multis astantibus suscitasti, & quadriduanum Lazarum, iamque fortentem verbo potentia tuæ à mortuis reuocasti: Tu præcipe vt suscitetur puer iste, quatenus isto resuscitato in corpore, multi per tuam fidem resurgant in anima, præsentēque cognoscant quia tu es Christus filius Dei viui, qui præcepto patris mundum saluasti, cui per te condignas gratias referimus per infinita sæculorum sæcula. Cùmque fideles respondissent Amen, quasi à somno surrexit puer incolumis, & cunctis denuò præ gaudio flentibus, parentibus ineffabile gaudium, & caeteris astantibus ad sequendam Christianitatis religionem magnum præbuit incitamentum. Mox pater eius Anastasius cū omni familia credidit, & baptismi gratiam consecutus numero fidelium applicatus est. Sequenti die incipit tempore per eum simile huic miraculo ad laudem, & gloriam nominis sui Christus operari dignatus est. Nam cū idem vir beatissimus ab vrbē digrediens, vt lucrum Christo de pereuntibus faceret, diæcesis suæ partes visiteret, ecce defunctus deferabatur magnâ populi comitante cateruâ, adolescens cuiusdam magnifici viri filius, qui dicebatur Iouinianus, superueniens sanctus Episcopus, consuetâ in Dominum fiducia frater, iussit deponi defuncti corpus, & manu silentio imperato clarâ voce ad patrem adolescentis ait, Iouinianē, Christus quem prædico hominibus mortuos suscitauit, demonia verbo fugauit, & ad ostendendam Deitatis suæ potentiam,

ECCLESIAE GALLICANÆ. 81

Iam, quidquid voluit inter homines operatus est. Hunc tu si relictâ vanitate Idolorum Deum ex toto corde credideris, & purificari te permiseris fonte baptismatis, & tuâ salute, & tui filij resurrectione gaudebis. Tunc idem Iouinianus, & vniuersus astans populus Sancti aduoluuntur pedibus, & cunctis misericordiam flagitantibus cum lachrymis aiebat Iouinianus. Magne serue Dei Iuliane, si vnicum mihi pignus, & vitæ præsentis solatium reddideris, non solum ego Christum verum Deum esse confiteor, sed & populus hic vniuersus Deorum suorum signenta contemnet, & fidem quam prædicas deuotâ menteluscipiet. At verò vir Deo plenus, genibus in terram curuatis, ac manibus in cælum porrectis, cunctis audientibus dixit. Domine Iesu Christe, qui vbique præsens es, qui pro nostra redemptione homo fieri voluisti, & inter homines apparens per vexillum Crucis tuæ ab humano genere mortem exclusisti, iube vt resurgat adolescens iste, vt tanti facti potentiâ, & fides in te credentium roboretur, & non credentium corda subdantur quem cum Patre, & Spiritu sancto regnantem, & dominantem confitemur in sæcula sæculorum. Respondentibus fidelibus qui aderant Amen, quasi à somno adolescens surgens à feretro, & clarâ voce cunctis miraculi nouitate percussis cœpit clamare. Verè magnus est Deus Christianorum, quem prædicat seruus eius Iulianus. Ad patrem quoque ait. Verè nunc vsque à vero Deo errauimus: nam dii quos colimus profectò dæmonia sunt. Vidi enim eos in inferno, & vidi quia non erat eis requies à tormentis. At verò cunctorum clamore in cælum sublato Christus ab omnibus magnificatur, Christus verus Deus prædicatur, & famulus eius Iulianus renitens, multumque reluctans ab omnibus adoratur. Et hic igitur per prædicationem Deo digni Pontificis copiosa multitudo rationabilium piscium, sagenâ fidei collectâ, & ad veræ credulitatis solidum littus à profundis errorum tenebris eduçta est. Iam tunc ergo velut diuini exercitus signifer, aliis præcedentibus, aliis sequentibus, vitalia fidei ferens semina, ad prædium cui vocabulum est Proiliacus diuertit. Ingruentibus autem noctis tenebris hospitium sibi perquiri iubet. At verò in ipso aduentus eius articulo puer paruulus possessoris supradicti fundi filius, ingrauescente quâ

vexabatur molestiâ defunctus est. Quod cum viro Dei nunciatū fuisset, alibi diuertere noluit, sed secundū quod Salomō ait: Melius est ire ad domū luctus, quā ad domum conuiuij, gaudium salutis laturus, lugentibus ad domum in qua infans iacebat, accessit, & in quadam eius secreta parte mansionem accepit. Iubet ergo ante se inferri defuncti corpus, & patre, & matre, cunctisque remotis arbitris paucis dumtaxat sanctitatis suæ comitibus ibidem remanentibus, oraturus se in pavementum prosternit, noctemq; pervigilem ducens tantā instantiā precum cœli pulsauit secretum, vt pariter surgerent, & Pontifex à puluere, & infans à morte. Cum ergo iam aurora fugaces à cœlo pelleret tædas, intrat pater cum matre, & multa vicinorum frequentia inueniunt hospitem, quem defunctum intulerant, & tanti operis nouitate percussi, cœlum clamore quatiunt, & versis vocibus iterum per gaudia plangunt. Continuo ergo fidei Christianæ colla supponunt, & infantem quem hæredem terrenorum bonorum optauerant, cœlestibus disciplinis imbuendum cum tota hæreditate supradictæ possessionis beatissimo magistro committunt. Excitati famâ facti accurrunt vicini, & alij quidem prosequuntur: alij cellulam in qua vir Dei iacuerat irrumpunt, locum vbi sancti steterunt pedes, crebris amplectuntur osculis, & vt benedictionis eius compotes fierent, certatim præcedentis vestigia legunt. Porro beatissimus ad preces sequentium conuersus, eleuatā manu cunctos benedixit, & omnes qui inter eos aliquo laborabant incommodo, absque alicuius moræ interuentione pristinæ restituit sanitati. Procedens inde beatissimus cum iam propinquaret vico, qui dicitur Ruiliacus, qui positus est super fluuium Ledam obuios habuit nuncios primarij eiusdem vici, vt quantocyus venire dignaretur, quia vnica filia illi erat, quam immundus spiritus inuadens atrociter vexabat. Cumque peruenisset ad vicum exhibuerunt ei furentem puellam, & sacris eius vestigijs prouoluti, precabantur misericordiam. Spiritus autem nequam S. viri non sustinens præsentiam, ad primum eius imperium, vas quod iniusto iure vindicabat relinquens effugit, & puellam in medio stupentium, & Christi potentiam laudantium reliquit sanam. Sicque factum est, vt per vnus puellæ salutem corpoream,

cuncti vici eius habitatores ad veram animarum suarum peruenirent medelam: nam omnes idolorum vanis abrenunciantes figmentis, & renati fonte baptismatis, facti sunt participes Christianæ adoptionis. Eundem ergo vicum cum cunctis ad eum pertinentibus prædictus possessor sancto Pontifici humiliter largitur, & ut ibi Ecclesiam construere deberet deuotissimè precatur, quod Præful benignus gratissimè compleuit, ibique multum populum per sanctæ prædicationis ministerium Domino consignauit. Nec tamen credendum est hunc tanti præconij absque laboris certamine, & impugnatoris antiqui insidiis, tor, & talia perficere potuisse, cum manifestissimè clamet Apostolus. Omnes qui piè viuere volunt in Christo, persecutionem patiuntur. Quamuis enim magnitudo virtutum, quas per eum Christus operatur, si quid aduersi è mundo emergebat, reconderet, istamen qui ad ipsum mediatorem Dei, & hominum Iesum Christum, quasi aliquid suorum reperturus venire præsumperat, contra hunc quoque qui illius summi capitis membrum erat, machinas diuersarum tentationum, quasi aduersum validissimum murum callidus impugnator admouere non desinebat. Ut enim nouus agricola opacam syluam ingressus, nunc ferro, nunc igne utitur, quo iaciendis seminibus tellus eatenus sterilibus præparetur: sic Iulianus Cenomanicum penetrans solum veteres quercus annosæque fagos, id est vetustæ gentilitatis sterilia, vanæque figmenta euertere missus, & ferro correctionis usus est, quo peccata delinquentium feriret, & igne adustionis quo iam emundatum solum ad promerenda diuini amoris semina aptum exhiberet. Sed reliquæ paganorum, quæ quasi fragmina tabularum, de naufragio errorum euaserant, indignè ferentes laudem nominis Christi dilatarî, & simulachrorum suorum portenta pessundari, vanimiter insurgunt contra Sanctum, maleficum clamantes, qui sub nomine pietatis, vanis præstigiis euertet corda populorum, ipsosque videntium oculos frustraretur, falsa pro veris assereret, hominem crucifixum Deum affirmaret, deorum immortalium, quos Romanus orbis à sæculo colit, culturam erroneus euacuaret, viuum exuri debere, ut eius interitus exemplo aliquis impostor, & temerarius terretur, ne contra rem publicam,

timendorumque numinum reuerentiam, quibus orbis constat, & alitur, quoquo modo ulterius oblatrare niteretur. In his Iulianus nullo modo territus, verum ad pugnam contra diabolum alacrius accinctus, ad locum iter accelerat, quo caput erroris eorum malè suasa religio detinebat. Nam in vico cui Arcanas vocabulum est, templum erat, & in eo Iouis simulachrum, falsorumque innumera portenta deorum, quæ vario errore delusa gentilitas priscis temporibus crexerat ad suam, & sequentium perniciem populorum. Ad quæ destruenda, cum Iulianus lorica fidei indutus, galea salutis protectus, gladio spiritus sancti præcinctus præparatur, è diuerso rusticana & ignobilis manus pro defensione deorum, qui sibi auxilij opem ferre nequibant obstinatissimè resistens armatur. Sed Iulianus impeterritus, inter frementes, & garrientes infanientium voces templum ingressus, inuocato veri Dei Iesu Christi nomine, simulachrum enorme, ipsoque visu terribile in cinerem resoluit, solâ sanctæ iussionis auctoritate. Ut verò infani populi cognoscerent, cui eatenus culturam Deitatis exhibuissent, euerso simulachro immanissimus erumpit draco, qui facto impetu contra proprios cultores, statu sulphureo, & atrocis verbere caudæ, deuotorum sibi phalanges in mortem cœpit ardenter vrgere. At illi eius contra Deum suum petunt auxilium, quem paulò antè vociferantes maleficum, totis nisibus elaborabant ut eum incenderent viuum. Porro Iulianus verus Dei athleta, eleuatâ cum signo Crucis in sublime dexterâ, draconi imperat ut nullum amplius lædens concitus fugiat, & loca humanâ culturâ prorsus carentia petat. Ad cuius imperium draco sauiissimus effugit viuacissimus, & in eos ius amisit lædendi, quibus ulterius fraudem exercere permissus non est seducendi. Tunc vniuersi cum gaudio, iam sunt locij in euertendo falsitatis fano; ac demùm sancto renati lauacro, per manus sancti Pontificis dogmate beatificantur Christiano. Cuius facti fama velox per omnes totius prouinciæ percurrens populos, ita pristini erroris cunctas abrasit nebulas, ut vix aliquis inueniretur, qui Iesum Christum Deum, & Dominum non confiteretur. Huius igitur tam celebris facti nuntio Defensor vir gloriosus, cuius memoriam supra fecimus, ad se per-

lato, ingenti affectus gaudio benedixit Dominum, & festinus accedens ad beatum virum, suppliciter petebat ut ad domum eius accedere dignaretur, ut pro triumphati hostis victoria largitori omnium bonorum Christo communiter gratias referentes, casto, & sancto simul participarentur conuiuio. Cuius petitionem vir beatus non renuens, quippe quem merito religionis vera sibi nexerat charitas, ut eius desiderio satisfaceret properabat. Sed cum iter carperent inueniunt puerum in parte noualis, ab ingenti serpente pedes, ac brachia corpusque totum feris vipereis colligatum. Perterritis autem omnibus qui aderant vir, Dei propius accedens ait: Domine Iesu Christe qui humanum genus à paradisi gloria per serpentem deiectum, per crucis tue reparasti vexillum, tu libera hanc creaturam tuam ab hoc quo tenetur angue, ut & serpens intereat, & per te puer incolumis euadens, cognoscere præsentis faciat, quia tu es liberator, & protector omnium sperantium in te. Cumque talia perorasset vir Deo plenus, & qui aderant dixissent Amen, serpens crepuit medius, & cunctis Deum laudantibus puer euasit sanus. Interea cum ad domum Principis peruenisset summo excipitur gaudio, sitque cōcursus omnis ætatis, omnisque sexus ad videndum tantum virum, cuius nomen, famaque virtutum tanto iubare coruscaret, ut etiam quosque remotissimos eum vidēdi desiderio succedere posset. Subsequuntur euestigio sanctum Episcopum energumēni duo, salutis remedium flagitantes ab eo. At ille inuocato nomine Christi, & inimicum fugauit, & eos verbo prædicationis illuminatos proprio restituit creatori. Diem ergo illam foelici exornantes lætitiā inter ipsa sacre mensæ conuiuia, totus sermo illius erat de Christi gloria, de interitu sathanæ, de his quoque quæ pertinent ad veram Deum timentium animarum curam. Post gloriosus ille vir omni supellestilis suæ copiā sancto viro exhibitā supplex exorat, ut cuncta benigne suscipiens ad quoscumque placuerit vsus retinet. Sed vir beatissimus nihil horum suscipiens benedictione super eum tradita, omnisque domo eius in fide Christi corroboratā festinabat ad propria. Cumque iam portam à Deo commendatā subiret vrbis, hi qui in carcerali custodia, ne-

xibusque duris mancipati erant, ingenti clamore sanctum virum vt sui miseretur exorant. At ille benignissimus qui totus semper in Domino visceribus pietatis affluebat, ad eos quibus id officij commissum erat supplex accessit, precaturque humiliter vt eos quos iniquitas propria fecerat reos, aduentus sui gratia redderet absolutos, sed vecordes, neque reuerentia Pontificis presentis, neque predicabile tanti viri meritum permouit, vt facerent quæ sanctus non modò impauerat, sed etiam voce supplici postularat. Porro ille spretus à perfidis, Ecclesiam intrauit, gratias Christo pro acquisitis sibi animabus reddidit, deinde propria domus hospitio sese recepit. Cùmque ei appositus esset panis discumbere noluit, sed tacitus, & gemens misericordiam Domini implorare cœpit. Tunc verò secūdum serui Dei votum Angelico ministerio ostia carceris aperta sunt, & cunctorum cathenæ fractæ sunt, & hi qui in carceralibus priuatiſſimè tenebris residebant, absque humano auxilio ad communem diem lucem egressi sunt. Per medium ergo ciuitatis nemine prohibente absque vinculorum onere sancti viri conspectibus se se obtulere. At ille gaudens in Domino iam lætus cibum accepit, & quos merito soluerat sancti etiam conuiuij participatione donat. Nec fuit qui absolutos repeteret, cùm manifestissimè hoc diuinæ virtutis potentia, nō humanū auxilium sancto Antistiti contulisset. Plantarā igitur in pago Cenomanico diuini cultus vineā, abraisque de ea Idolorum errorumque omnium tribulis, tempus imminebat quo beatus ille agricola fructum pij laboris à Domino suo percepturus ab istis presentis vitæ laqueis ad æterna felix deberet conscendere regna. Itaque propinquantē vocationis suæ die, secedit ad vicum, in quo nunc beati Martialis Ecclesia sita est, in qua cùm non pluribus degeret diebus, & instantè cœlestis vitæ dulcedinem suis propinaret auditoribus, leui tactus incommodo, lætus, & alacer præstolabatur horam, qua laborum certaminumque suorum repositam à iusto iudice reciperet coronam. Et quia nauis sanctæ Ecclesiæ absque gubernatore per pelagus huius mundi non poterat enauigare, sedem sibi à Deo commendatam cum communi Cleri, plebisque Concilio sancto, delegauit.

Turibio, quem adiutorem, & socium in sanctæ prædicationis
 catenus habuerat officio. Idem enim Turibius Presbyterij
 officio gloriosus, cum sancto Panacio Diacono ad reuelan-
 dam Cenomanensibus Christi gratiam, vt ab antiquis sus-
 cepimus, comes & adiutor Sancto Iuliano à Romanæ vrbis
 Antistite destinatus est. Gloriosissimus igitur pastor com-
 muni omnium allectus consensu, fratres filiosque suos euo-
 cat, ac consignato successore oculis, ac manibus in cælum
 eleuatis, diutissimè gratias agens, & collaudans Domi-
 num, ouesque quas Christo acquisiuerat eidem summo
 Pontifici commendans, lætus & alacer beatis meritis dita-
 tum cælo reddidit spiritum. Quo cælestia Regna peten-
 te ille eius merito fidei, & bonorū actuum dilectissimus De-
 fensor vir gloriosus præsens non erat, sed eius sanctissimi
 obitus tali ordine cognouit diem. Sedente eo ad mensam
 aperti sunt intellectuales oculi eius, & ecce videt beatissi-
 mum Iulianum sacerdotali infula comptum cum tribus Dia-
 conibus suis, & tribus cereis venientem ad se, qui cereos,
 quos portabant posuerunt super mensam ante eum, & a-
 bierunt. Dixit ergo prædictus Defensor ad consedentes:
 Videtis gloriam quam ego video? Illi nihil se videre testati
 sunt. At ille dixit: Nunquid non hîc vidistis patrem no-
 strum Iulianum, qui tot nobis bona ostendit, tot miraculis
 lætificauit? Ecce enim cum tribus Diaconibus suis, & tribus
 cereis huc ante me venit, & lætissimo vultu subridens be-
 nedixit nos, relictiisque cereis abscessit. Vnde pro certo scio
 quia migravit à sæculo, & nobis præsentia corporali
 dereliquit, beneficia pietatis suæ viuens in Christo im-
 pendere numquam cessauit. Surgamus ergo, & ad sepelien-
 dum magistrum nostrum quanto cypius properemus, & vt cum
 mereamur adiutorem habere in cælis, quem salutis docto-
 rem habuimus in terris. Hæc eo dicente omnes admirati
 sunt, pariterque surgentes ad exequias sancti festinantes ac-
 currunt. Iam verò de Martino illo Pontificum speculo
 legitur, impossibile dictum est, quanta hominum multitu-
 do conuenerit. Cuncti ex agris, & vicis, nonnulli eti-
 am ex vicinis affuere castellis. Hinc psalmicines cle-
 ricorum phalanges, illinc sacrarum virginum præparati

monia turmæ pallentes, hinc plebs vrbana nobilibus conferta viris, illinc manus agrestes sanctis beati viri famulantur exequiis. Sed ne quis fortè moueatur quòd Iulianum Martino æquiparauerim, qui hoc dicis, si rectè percenseas, penè similia ab vtroque potes videre completa. Martinus adhuc catechumenus algentem pauperem diuisa chlamide vestiuit, Iulianus fide robustus tot millia, veterem hominem exuta, fidei veste contexit. Martinus primò solitariam delegit vitam, ✠ Christi dulcedine singulariter frueretur: Iulianus apertam expetiit pugnam, vt multorum animas lucraretur. Martinus ad Episcopatum à Turonensibus raptus est. Iulianus Cœnomanensibus à Deo Pontifex, quin imò & Apostolus destinatus est. Martinus in virtute Trinitatis Deificæ trium mortuorum est magnificus suscitator. Iulianus totidem ad vitam reuocans mortuos, toties mortis extitit victor. Martinus corpus hi qui ductu eius mundum vicerant, prosequuntur. Iuliani exequiis hi, qui eo duce cœlestia iam tenebant, famulantur. Quid plura, vni Regi militarunt, vni Domino seruiuerunt, vno spiritu sanctificati sunt, super petram vnus fidei exaltati sunt. Restat ergo vt par sit eis honor & gloria, quos virtutis actio pares in Christi constituit disciplina. Hoc igitur beati viri corpus cum ad urbem propriam deportaretur, ventum est ad transitum fluuij cui Sarta vocabulum est. Ad declarandum ergo quanti meriti esset, cuius reliquiæ ferebantur, equi qui lecticam sanctarum gestabant exuuiarum cæteris vix enarrantibus inter vndas validas, & profundæ citatis gurgites, nec genibus aquâ tactis alterum cunctis mirantibus subierunt. Cùm verò tota vrbis festinaret in occursum pii pastoris: quædam mulier paruulum filium caldarie imposuerat, suppositoque igne membra infantuli aqua tepenti lauabat, quæ voce psallentium attonita officium cœptum deserit, oblitâque infantuli cum cæteris obuiam sancto occurrit. Igitur dū ea veneratissimis moratur exequiis, ignis infanti suppositus valescens vas ferreum in quo paruulus positus erat obambit, immensos calores efficit, & efferuētes in seipsum refundit vapores. Quis putaret in tali discrimine viuere posse? Porro beata mater cum iam sanctæ reliquiæ domui suæ propinquassent, domesticosque lares cognouisset, recordata pignoris sui pauida accurrit,

currit, æstimans inter vapores igniferos liquefactum, & tene-
ra pueri distabuisse membra, sed ardore fidei quæ illam san-
cto corpori exire obuiam compulit, restincta est ardentis fla-
ma camini: subito terrore percussa filium non amouet, donec
grandi clamore multos compelleret adunari. Beati porrò viui
corpus, qui humanæ conditionis lege solutum verè se in Chri-
sto viuere demonstrat frequentissimâ consolatione viuentiũ;
nam ibi recipit cæcitas visum, debilitas gressum, effugantur
dæmonia, donantur cum fide petentibus congrua vota, præ-
stante Domino Iesu Christo, cui est cum Patre & Spiritu
sancto honor & gloria in sæcula sæculorum. Amen.

AD Caput vltimum. Verba actorum Saturnini
quæ tardum hunc Religionis in Galliis pro-
gressum demonstrant, hæc sunt ex Manuscriptis
Codicibus, quos minimè sequutus est Surius.

TEMPORE illo quo post corporeum Domini & Salua-
toris nostri aduentum, exortus in tenebris sol ipse iusti-
tiæ, splendore fidei illuminare occidentalem plagam cœpe-
rat. Quia sensim & gradatim in omnem terrâ Euangeliorum
sonus exiuerat, tardoque processu in regionibus nostris Apo-
stolorum prædicatio coruscavit. Cum raræ aliquibus ciui-
tatibus Ecclesiæ paucorum Christianorum deuotione con-
surgerent, & crebra miserabili errore gentilium erroribus
fœtidis in omnibus locis templa fumarent. Ante annos satis
plurimos, id est sub Decio Germanico, & Grato Coss. sicut
fœlici recordatione tenetur, primum & summum Christi To-
losana ciuitas sanctum Saturninum habere cœperat Sacer-
dotem.

ATQVE hætenus antiquæ circa primos Eccle-
siæ Gallicanæ Episcopos traditionis monumen-
ta: quæ vt diuersis ætatibus scripta sunt, ita ad veri-
tatem vel propius accedunt, vel ab ea longius aber-
rant, nisi forte naris emunctioris scriptores, sequio-

ri etiam tempore vulgi opinionem examinantes, veritatem accuratius indagauerint. In qua tamen stabilienda, cæteris Historiæ & literarum adiumentis destituti, defecerunt. Ita Lethaldus scriptor vitæ Iuliani Cenomanensis, missionem Petri profligat, at in posteriori missione narrandâ cuncta permiscet: ac Clericus ille in Concilio Lemouicensi Dionysij & Fronti ætatem indicat, at in Martiali frustra laborat. Porro Fronti & Georgij vitarum scriptor, nec sibi constat, nec cohærentia scribit: quid enim Petrocoriis cum camelis? quid Petri ætati, cum Monachorum in Ægypto multitudine? quid longæ illi Frontonis peregrinationi, Aurelio & Arcadio comitibus, & Duce Lotharingo, cum Neronis temporibus? quid tot Ecclesiis constructis, dotatis, solemnibus cum exequiarum tum aliorum rituum, chirothecis etiam Pontificis, cum nascente Ecclesia? Memmij, Clementis, & Treuerensium vitæ, licet tot erroribus non scateant, minimè tamen ab iis liberæ sunt; Illa enim Petri missio in illis constans, & confirmata Papæ supremâ potestate, quæ succedentibus demùm temporibus explicata est, fluxam earum fidem ostendit. Adde mortuos pari modo ab his Petri legatis, tum baculo, tum veste suscitatos. Vnam certiorum Dionysij passionem dedimus, ante traditionem recentem, & Dagoberti ætatem conscriptam, post illam incipiente traditione circa octauum sæculum parùm immutatam, at tandem ab Hilduino perturbatam, & variis narrationibus auctam. Ergo dicet aliquis, quâ ratione tot incertis & fabulosis

monumentis tuam historiam infarcis? Hæc nimirum
 vt quæ ex certioribus monumentis creditur emanasse
 traditio, suis in originibus inspecta, tandem ag-
 noscatur, & natiuo dedecore horrida, infano animos
 eorum amore liberet, qui auditâ nec visâ eius pul-
 chritudine decepti, eam diù multumque coluerunt.



AD LIBRVM SECVNDVM.

AD Caput I V. & XII. Thyrsi Andochij & Be-
 nignia acta manuscripta, cum Andeoli actis hæc
 in re conueniunt, vt Irenæum iam casum de miten-
 dis in Galliam discipulis Polycarpum monuisse nar-
 rent. Quod tamen Polycarpi & Irenæi cædis tempo-
 ra falsissimum esse demonstrant. In reliquis stare
 possunt hæc acta Andeoli, quæ sic in MS.

Passio S. Andeoli Subdiaconi & Martyris.

IGITUR posteaquàm gloriosus Irenæus Episcopus fide-
 lissimum pro Christo martyrium consummans migravit
 ad cælum, medio noctis ferè tempore vultu terribili, vmbra
 pacificâ, & cum multitudine Martyrum ad sanctum Polycar-
 pum Smyrnenfis vrbis Episcopum, à quo doctus fuerat ve-
 niens ait ei: Agnosce filium quem erudisti pater, cognosce
 sancte Sacerdos Irenæum tibi fuisse ministrum. Ecce accepi-
 mus promissionem quam nobis promisit Rex cælorum, &
 terræ factor, nihil nobis de promissione sua fraudauit redem-
 ptor noster. Nunc ergo pater audi verba filij tui, & trans mitte
 duos Sacerdotes .i. Benignum & Andochium, & Thyrsum
 Leuitam Galliarum vrbibus prædicare, quos nosti virtutibus
 & sapientiâ plenos, quoniam oportet eos illic per martyrij

gloriam instigante diabolo triumphare. Sed quia in illis regionibus paucitas Christianorum est, præcipe ut baptismatis gratiam populis præbeant. Notum enim tibi sit sanctissime Pater, quia gens illa inspirante Domino copiosè desiderat ad viam veritatis venire, ac deserere idola, & seruire Christo. Et cum hæc sancto suo sermone locutus fuisset, rediens ad Martyres discessit ab eo. Manè autem factò sanctus Polycarpus suos alloquitur fratres, referens eis quæ viderat, & ut foeliciter aggrediantur, hortatur simul & monet. Tunc sancti Sacerdotes Benignus, & Andochius vnà cum Thyrsò Diacono hæc audientes gaudio magno repleti sunt, & præceptum Christi tam magnum cum omni alacritate suscipientes, ire quo iuebantur disponunt fiducialiter. Adueniente verò nocte, vigiliis & hymnis Domino vacantes, & pro tanta visione gratias agentes, factâ luce valedicentes sanctis fratribus iter arripere parant. Sanctus autem Polycarpus cum lachrymis & gaudio deducens eos vsque ad portum vbi nauiculam ascensuri erant cum ipsis descendit, & valedicens eis ait illis, Angelus Domini comitetur vobiscum, Spiritus sanctus sit in visceribus vestris. Magna vos in cœlis gloria expectat, ô piissimi fratres; vos ergo verbum Domini gentibus prædicate, aduentum Christi omnibus annunciate. Videte itaque ne in aliquo vereamini. Multos enim habetis adiutores, atque intercessores, qui pro vobis Dominum interpellare non cessant: & hæc dicens: dansque eis pacem reuersus est. Illi verò ascendentes nauiculam diuino fauente auxilio in Corsicam sunt delati, statimque tantæ tempestatis affuerunt procellæ, ut omnes nauitæ dicerent se non solum visu, sed nec auditu tales potuisse comperire.

Tunc sancta inter eos erat ista collocutio. Forſitan non omnia quæ ad diuinum pertinent ministerium exhibemus, aut in his locis nos vult maiestatis clementia prædicare, sed quantum cognoscimus omnes qui in his locis versantur Christiani manifestissimi sunt. Tunc sanctus Thyrsus taliter suos collegas alloquitur dicens. Sanctissimi viri vacemus hæc nocte orationi, & studemus psalmodiæ

forſitam Dominus Ieſus Chriſtus reuelare dignabitur ſeruis ſuis qua ex cauſa tempeſtas inſidiatur nobis, & videtur eſſe contraria; feceruntque ita, & illuſcente die paululum declinauerunt capita ſua ſomno. Tunc ſancto Benigno beatiffimus Irenæus apparuit dicens ei. Chariffimè frater in patria ad quam dirigimini paucitas videtur eſſe Epifcoporum, nec facilè inuenietis qui vobis ad diuinum miniſterium debeant ordinare ſolatium: proinde dignum eſt vt vobiscum ducatis omne officium vt non vna aut duæ ciuitates de veſtris corporibus exornentur, ſed multa loca de veſtra præſentia poſſint illuminari. Suſtinete ergo hic, donec frater noſter Andeolus Subdiaconus veſtro ſubiungatur itineri. Surgens autem à ſomno, beatiffimus Benignus retulit ſociis, illi verò Dominum glorificantes atque gaudentes tribus ſuſtinuerunt diebus. Tertià verò nocte veniens ad Sanctum Polycarpum Beatiffimus Irenæus, eo ſchemate ſicut eſt antea dixit ad eum. Pater ſancte, adhuc nobis videtur vt dirigas Andeolum Subdiaconum poſt fratres noſtros, vt in vnum iuncti & ſimul pergentes Euangelistarum in eis videatur impleri numerus. Manè autem facto beatus Polycarpus quæ viderat ſancto Andeolo narrauit. Ille verò hæc audiens, exultans, & gaudens dixit ad ſanctum Polycarpum, Pater bone, ne tardaueris implere Domini iuſſionem, ſed quæ tibi præcepta ſunt, vt bonus paſtor ſiducialiter accelera adimplere, vt cum ante Chriſti tribunal veneris non ſolùm de tuis meritis, ſed & de noſtris laboribus glorieris. Hæc autem beato Andeolo dicente vtrique deſcenderunt ad portum, vbi eidem nauicula diuinitùs parabatur. Tunc Sanctus Polycarpus talibus cum allocutus eſt verbis dicens. Dulciſſime frater, vbi cumque ieritis verbum Dei intrepidè, & inceſſabiliter prædicare, aduentum Chriſti omnibus annuntiate. O quàm ſpecioſi pedes Euangelizantium pacem, Euangelizantium regnum Dei. Videte ergo ne vos longi itineris frangat auſteritas, ne regionum longinquitate turbe mini, aut parentum deſideriis coaceſcat cor veſtrum: Non vos ullæ minæ, non iniquiſſimi Cæſaris conturbet impietas: ſit in cordibus veſtris beati Pauli Apoſtoli ſermo, quia non ſunt condignæ paſſiones huius temporis ad futuram gloriam

quæ reuelabitur nobis, & valedicens cum lachrymis dixit eis: paradisi gloria perfruamini, & ante tribunal Christi reportantes fructum laboris vestri vos ipse excipiat; & in illa felicitium iustorumque regione associet athleticis suis ubi lux permanet, & vita regnat. Et ascendens Beatus Andeolus in nauiculam tertiâ die feliciter Sanctorum Martyrum affuit præsentia, qui pariter gaudentes, ac Domino vota soluentes ascendunt nauim properare cupientes ad Galliam, ubi fuerant destinati. Gratia autem Domini fauente celeriter eos ad Massiliam vnda maris aduexit. Egressi verò ad terram habito consilio ad Lugdunensem properant urbem. Cùmque venissent reperiunt Sanctum Zachariam presbyterum, qui ob persecutionis procellam latenter in crypta inter Martyrum sepulchra latitabat: cum quo verbum Domini meditantur, atque in spiritu sancto gaudentes, Dominum pariter precabantur ut eorum dirigeret gressus: Et dum ibidem morarentur, Angelo Domini adueniente visum est sanctis fratribus ut beatum Andeolum ad Carpentoratensem urbem prædicationis gratiâ destinarent. Tunc valedicentes sibi ac flentes orauerunt sic. Respice Domine Iesu Christe seruos tuos in hoc loco nunc peregrinos, & præsta ut quos nunc facit absentia corporalis esse diuisos, in conspectu maiestatis tuæ reportantes fructus iustitiæ facias adunatos. Tunc beatissimi sacerdotes Benignus & Andochius vnâ cum Thyrsio Diacono ad Augustudunensem urbem properant festinanter. Quæ autem miro modo de ipsis acta fuerint, gesta passionis eorum manifestè declarant. Sanctus vero Andeolus ad urbem Carpentoracensem festinans, & per aggerem publicum iter agens, usque ad Rhodanum fluuium peruenit, ibique inuentis negotiatoribus cum ipsis nauali euectione usque ad locum qui Bergoiate vocatur descendit, ibidemque substitit, quia diei noctis succedebat initium, Manè volens carpere viam per quam ad locum ubi destinatus fuerat posset accedere. Interim nocte illa non cessauit hospites suos verbo veritatis imbuiere, & aduentum Domini incessanter prædicare. Manè autem facto non solum incolæ loci illius, sed etiam vicini, famâ Sancti huius citò currente, cognoscentes quæ ab eo salubriter dicebantur ad au-

diendum Dei hominem auidè concurrebant, ac verbum veritatis ab eodem cum omni exultatione suscipientes, Domino quem cognoscere merebantur, vota vouebant. Dum hæc itaque agerentur iniquissimus Cæsar Seuerus ad urbem Valentiam properans, vidit in eodem loco ad audiendum Dei hominem turbas hominum conuenire, & interrogans quam ob causam ibidem tam deuotè vtriusque sexus concurreret multitudo, cognouit Beatum Andeolum Dominum Iesum Christum Dei Partis filium voce publicâ, & aduentum eius in quo iudicaturus est viuos & mortuos, omnibus annuntiare. Sed inuidus diabolus, tam præclaram Christi lucernam extinguere conatus est. Denique Seuerus statim hoc verbo audito irâ cum demonio repletus accersitum eum ad se adduci præcepit, atque ipse cum omni multitudine quæ secum erat ad Sanctum Dei interficiendum festinus aduenit, & descendens de curru suo apprehendit lapidem manu sua, tantâque eum inuasit furoris insania, vt ante vllam interrogationem Dei hominem in capite crudeliter feriret. Quo factò statim manus illius arefacta est. Tunc nequissimus Cæsar eum iracundia & furore, dolore constriktus dixit ad eum: Dic mihi seductor, vnde es? aut quod tibi est nomen? vel quare decipis homines benè viuentes? & nescio ad quam perfidam sectam vis declinare? Cùmque Beatus Andeoleus teneret silentium conuersus ille ad suos, dixit eis: Credite mihi quia magnus est iste: nam ex quo de lapide eum attigi, brachium meum torqueri non cessat: Et aspiciens ad Sanctum Dei dixit ad ipsum. Dic nobis, maledicte, vnde es? vel quæ te causa hac venire fecit? Sanctus Andeolus cum omni patientia ac simplicitate respondit, de partibus Orientis à Sancto Polycarpo in istam prouinciā cum Dominis & Patribus meis missus sum, vt verbum Dei gentibus prædicemus, & aduentum Iesu Christi Dei ac Domini nostri ignorantibus annuntiemus. Et recedentes miseri homines ab idolis manufactis, ac deferentes insanam eulturam, & imagines quas diabolus ad perditionem animarum adorari persuadet, illum cognosceant esse Deum qui in cœlis est, qui nobis omnibus spiritum viuendi & animam contulit. Nomen verò meum si scire vis, Andeolus vocor

Tunc Seuerus admirans super ingentem patientiam eius dixit ad eum. Ergo propter hoc tantum in istam prouinciam venisti vt diis nostris contumeliam faceres, & sequentes te ad tormenta patienda tibi associares. Certè in regionibus istis vana nescio quæ & superflua prædicando, vitam malè finies. Sed audi consilium meum, dimitte hanc sectam nuper à Christo nescio quo adinuentam, qui ista prædicando crucifixus asseritur: tu verò si vis, primus poteris esse in palatio meo, & locupletem te ac splendidum, si mihi consenseris faciam. Ceterum si in his quæ agis permanere volueris, diuersis tormentis faciam te vltimum vitæ tuæ finire diem. Et conuersus iniquissimus Iudex, interim, dixit ei, dic mihi Deum quem colis si est tibi acquestus tum auri & argentum ista prædicas? Sanctus Andeolus respondit. Diuitiæ nostræ non in auro atque argento, sed in Christi gratia, aut eius regno consistunt. Tunc Seuerus quasi blando sermone dixit ei. Crede mihi quia si volueris ad Deos nostros conuerti & cum humilitate ipsis sacrificium offerre, ditiores te & honoratiorem cæteris adstantibus faciam: Nam dii nostri misericordes sunt: Cum enim vident contemptores suos ad se cum humilitate reuerti, statim omnes culpas & excessus remittunt. Sanctus Andeolus respondit. Ego in ista prouincia non aurum & argentum, sed animas hominum acquirere veni, quia rationabilius est illum coli qui cælos & terram, mare, & omnia quæ in eis sunt, fecit, quàm idola mutata & furda, quæ tu colendo proiciendus es in ignem inextinguibilem, qui paratus est diabolo, & vobis qui consentitis ei. Infelicissime hominum si tu colendo res vanas animam tuam occidisti, vel hunc simplicem populum non subuerfas, sed permitte eum ad viam veritatis venire. Si velles miser cognoscere Creatorem tuum diuitias istas quæ per tempus habes in æternum poteris possidere: Sic enim promisit Dominus & saluator noster, quia quæ homo dereliquerit in hoc sæculo, & secutus eum fuerit, cum vitæ æternæ centuplum accipiet in futuro de thesauris eius. Intellige infelix quia hæc quæ colis opera manuum hominum sunt, tuâ autem ordinatione ad subuersionem hominum facta: melius verò faceres si omnium elementorum factorem cognoscens

gnoscens, ad lumen de tenebris peruenires, & non tot millia hominum tecum deduceres in perditionem: Nam & diuitiæ tuæ quas mihi promittist tecum erunt inter tenebras exteriores ubi erit fletus & stridor dentium. Tunc iratus Seuerus iussit eum inuersis manibus ad trocleas extendi, ita vt brachia illius arrecta viderentur, atque spinosis vectibus eum crudeliter cœdi præcepit, sic verò vt quinquaginta fustes ad instar brachiorum à tergo illius frangerentur. Ille autem extensus dum caderetur non cessabat Domino gratias agere, dicens. Gloria & laus tibi Domine Iesu Christe, quia iam initia passionis in me misero & indigno dignaris ostendere. Præsta Rex gloriæ vt in his perseverans cum victrici corona ante Maiestatem tuam merear peruenire; sancte Polycarpe Magister meus, & amice Christi, gemma splendida, laus & corona mea, ora pro me seruo tuo, vt tolerantia roboratus cū venerim ante tribunal Christi de tua doctrina, & mea in Christo victoria habeas cum gaudio mecum triumphare. Cum autem omnes illi fustes à tergo ipsius fuissent confracti, Seuerus dixit ministris suis, Soluite eum, & quarite locum tenebrosum & squallidum, ubi nullum lumen appareat, ibique eum recludite diligenter, ne fortè aliqui de astantibus colloquantur cum eo, & persuadeat aliquos ad suam vanam perfidiam declinare. Tunc vnus de militibus Cerecius nomine dixit ad Cæsarem. Domine, est in alia ripa fluvij cœptum fieri templum inuictissimi Martis, sub ipso est crypta cōstructa, in qua si iubet magnitudo tua, tutissimè poterit iste recludi; Seuerus dixit: Optimam rem dixisti. Conuenit enim vtilitati nostræ vt non in tanta constipatione populi maneat, ne verbis suis ad superstitionem sectam quam prædicat aliquos ingenio suo persuadeat, sed & nos dum inimicum nostrorum Deorum ipsis vincitum præsentare videmur, gratiam eorum maximam possumus promereri. Iubente ergo Seuero ductus est homo Dei, & in crypta demonibus dedita impiè trusus. Vigilantibus verò ante cryptam custodibus medio fere noctis tempore viderunt lumen imensum deintus, & multitudinem Sanctorum cum beato Martyre colloquentem audierunt. Hortabantur autem eum dicentes ei. Dulcissime frater, forti animo esto, ne timeas:

crastinâ enim die accipies coronam martyrij. Suscipiet verò ille te pro cuius nomine gloriosum certamen intrepide suscepisti. Securus ergo esto de promissione Domini, quia te statuet ante conspectum suum, & fulgebis in regno eius vt Sol, & possidebis habitaculum perenne, diuiciasque quas nec oculus vidit, nec auris audiuit, nec in cor hominis ascenderunt. Recordare ergo Domini nostri mandata, quia multa nos pati propter nomen suum promisit: sed qui perseuerauerit vsque in finem, hic saluus erit. Orantibus verò eis, ac discedere cupientibus valedicētes dixerunt ad Martyrē Christi. Ita frater cœptum cursum percurre, vt te Christus cum gloria Martyrij, & triumphali corona intra portas paradisi excipiat, & ad portum perducatur, vbi naufragium nullum timetur, & vbi periclitationis nullus accedit casus. Sanctus verò Andeolus perfusus lachrymis precabatur eos dicens. Sustinete obsecro adhuc, sanctissimi viri, quia ex quo ad me loqui cœpistis, & vulnera carnis meæ sanata sunt, & consolationis maximus datus est locus. Orate itaque domini mei, vt robur mentis mihi accrescat, vt subsequētibz exemplum dignè relinquitur prouocationis, & gentibus, si in me tolerantiam viderint, credendi aperiatur aditus. Et his dictis hymnum Domino modulata suauitate canentes discesserunt ab eo. Hæc ergo quæ in crypta gesta sunt custodum relatione cognouimus. Manè autem facto prouocatur sanctus Martyr à custodibus foras, & dum mora fieret Rhodanum fluuium transeundi, stans beatus Martyr super ripam fluminis oculis eleuatis ad cœlum, & mente in cōspectu Domini consternatus orauit ad Dominum, sic dicens. Domine Iesu Christe, quia te toto corde confiteor, & à te auxilium contra inimicum veritatis expeto, in ista hac die suscipe spiritum meum, & in ista fluuij ripa iube requiescere corpusculum meum. Tunc custodes comprehendentes eum ad iniquissimum Seuerum in alia ripa fluminis, ad vicum prædictum Bergoiare, vbi pro hac solummodò causa substiterat, perduxerunt. At verò militibus Sanctum Dei foris tenentibus, ingressi seniores eorum ad tyrannum retulerunt ei omnia quæ viderant, & qualiter cum beato Martyre multitudinem Sanctorum viderint colloquentem. Tunc Seuerus

ait ad suos. Accelerate quanto cyùs, & absque mora interficiatur seductor iste. Nā si audita fuerint quæ vidistis, vel quæ audisse vos dicitis, seditio fiet in populo, & despicientur Dij nostri, & pro nihilo in postmodum habenda est traditio nostra. Procegens verò Seuerus ad campum non longè à ripa fluminis iussit Sanctum Dei Andeolum sibi offerri. Ille autem oratione ad Deum præmissâ, disruptoque fune de quo post tergum manus eius tenebantur ligatæ, eleuans dextram manum suam, signaculo Crucis frontem & pectus munivit. Et cum ante Tyrannum cum omni fiducia adstitisset, stupefactus Seuerus in aspectu eius intuens simul & admirans dixit circumstantibus sibi. Considerate maleficum istum, & videte quā alacritate corporis, & lætitiâ mentis nostræ afflittit præsentia. Nobis quippe videtur quòd huc vsque ad epulas, & conuiuia deliciis affluentia confederit. Ecce enim vt intelligi datur verbera nostra ipsi omnino non nocuerunt: sed fortiolem, vt videmus, in omnibus reddiderunt. Sed & vt veritatem me comperisse cognoscatis, aspiciate, & videte quā læto nos considerat vultu. Per inuictissimos Deos nostros, & nostram iuro potentiam, quia maleficus iste est. Sed & quod sentio dico vobis, quia si eum celerius interfici non fecerimus, vereor ne non solum nobis, sed etiam patriæ nostræ aliquod malum immittat. Tali verò tyrannus repletus furore dixit ad Beatum Andeolum. Dic nobis maledicte, an tantum ad irritandam Deorum nostrorum potentiam, vel ad contemptum censuræ nostræ in istam prouinciam aduenisti? Sanctus Andeolus respondit. Ego iam dixi tibi, quia missus sum cum patribus meis à Sancto Polycarpo Episcopo in istam prouinciam, vt verbum Domini nostri Iesu Christi gentibus, & cunctis ignorantibus prædicemus: de quibus ignorantibus etiam tu infœlix prior esse cognosceris. Seuerus verò hoc audito sermone dixit ad eum; Per magnum Deum Martem, & per victorias eius iuro quia amplius nec mihi, nec gentibus prædicabis. Tūc iussit ad similitudinē gladij de ligno durissimo enssem fieri, & in Crucis modū caput eius crudeliter scindi. Ministri verò tam impiam iussionem explentes, ita caput eius in cruceis modum contriuerunt, vt eliso in terram cere-

bro viuens in Christo vitæ fecerit finem, sicque consummans in Domino, ac gloriosum intrepidus complens Martyrium, laudans, & benedicens, atque glorificans Deum cum gaudio emisit animam. Exanimato verò iam corpore ac inhumato ad omnium spectationem iacente, iussit impiissimus Seuerus catenam in lapide complumbari, ibique beatissimi Martyris pedes, iam passione impletâ, constringi, & in Rhodanum fluuium, ne à quocumque Christianorum digne sepeliretur suæ sæuitiæ satisfaciens, præcipitari: & astans super ripam fluminis, cùm corpus sanctum ipso præsentem esset iactum in flumine quasi iam victor, interfecto insultans, dixit; Vade nunc sicut te facere promittebas, & prædicare gentibus. Ex ipso enim sermone maximè ad iracundiam impiissimus Cæsar contra Dei Sanctum excitatus fuerat, quia dixisset ei gentibus prædicare veni. Peracto verò iam scelere, & progrediente à vico ipso Cæsare, occurrentes ei Senatores plurimi interrogabant eum, dicentes. Quid factum est de homine illo qui legem nouam annuntiare venerat? Ipse verò quasi irridens, elatione & superbiâ tumens dixit eis, Gentibus eum prædicare direximus. Ex hoc dicto appellatum est, nomen loci illius vbi corpus beati Martyris sepultum est Gentibus. Cùm autē corpus Sanctum cum lapide in flumine fuisset proiectū, ita per fluentia fluuij ipsius, gubernate dextra Maiestatis in vltiore ripa rectò transiit, vt omnes eum crederent non ob hoc vt lateret in aqua demersum, sed ad locū ipsum à Domino fuisse transmissum. Vnda verò famulante perductum est corpus ipsum atque delatum in aridā, quasi dextris decem & octo ad ripam ipsius Rhodani fluminis fuisset proiectum. Quinta igitur iam aduenerat dies, quò vbi nuntius Dei iactatum ab aqua fuerat Sanctū corpus insepultum, iacebat Cùmque hoc factum incolæ loci illius cognouissent venientes ad locum mirabantur valdè in hoc maximè stupētes quòd neque fera aliqua, neque auis vlla corpus ipsū audebat contingere. Et cùm ad huius facti spectaculū multitudo hominū conuenisset, contigit matronā quandā nomine Tulliā per agrum publicum eodē præterire die, quæ agrum suum ibi tunc tēporis cœperat adibus exornare. Hæc visendi gratia properans ad istum peruenit locum. Et videns multitudinē

hominum circa corpus stantem, & stare iussit carpentum, quo vehabatur, & ait famulis suis. Ite quanto cypus, & videte quam ob causam ad hunc locum multitudo ista conuenit hominū. Sed & de astantibus illis ad me adducite, vt ipsis referentibus veritatem cognoscere possimus. Tunc venerunt ad illam de multitudine illa, vt poposcerat, viri duo: quos cum illa ob quam causam ibidem couenissent, interrogaret, illi dixerunt, peregrinus homo hic iacet, interfectus a Seuero in interiorem Rhodani ripam: iactatus autem ipso iubente in aquam lapide ad pedes ligato: sed mox catenæ disruptæ sunt, & corpus vndā deferente in istam iactatum est ripam. Nunc verò admiramur valdè, quòd iacens corpus neque auis omninò contingat, sed & pastoribus referentibus miraculum in isto loco quamplurimis demonstratur. Audiuntur ecce à multis nocte super eum voces cantantium, cetera quoque ardentia cum magna claritate quamplures sepius vidisse affirmant. Et hoc nobis inter cætera maximum videtur esse miraculum, quòd cum in hoc loco rapidissimi fluij prægrandia saxa aqua videantur deuolui, taliter rectè corpus eius fuisse delatum. Nunc verò omnes verentur persecutionem publicam, vel certè impiissimum Cæsarem, & nullus est qui ei qualemcumque sepulturam audeat dare. Tunc matrona illa euidentius quæ acta fuerant cognoscere cupiens dixit illis. Rogo vos, filiioli, veracius mihi vt cognouistis dicite. Scire enim vt certitis cupio pro qua culpa homo iste interfectus asseritur. Respondentes duo viri illi dixerunt ei. Cognosce Domina nos tibi veritatem narrare, Christum Dominum esse dicebat, & legem nouam quam Christiani habere dicuntur, in patria ista dicere volebat. Idè zelo ductus Seuerus, hæc audire non ferens, interfecit eum. Hæc illa audiens apud semetipsam retinuit, & nulli suorum quid animo cogitaret, aperiens ad agrum suum quòd tēdebat velociter peraccessit, quia ager ipse in vicino situs esse videbatur. Ipsa verò nocte rediens cum fidelibus suis, & quos probatos in fide Christi habebat, corpus sanctum in ipso dignissimè sepeliuit, vbi se multis & non paucis vicibus virtutibus plurimis Sanctus ipse publicauit: in quo loco tantam gratiam Dominus obtentu Martyris sui vsque hodiè tribuere dignatur, vt quicumque ibidem

tristis aduenerit, postulata percipiens, cum gaudio reuertatur. Martyrisatus est autem sanctus Dei Andeolus pro nomine Domini nostri Iesu Christi Calend. Maij, & 6. Nonas Maij per beatissimam Tulliam ibidem in loco qui vocatur Gentibus, sepultus, præstante Deo, & Saluatore nostro Iesu Christo, cui est cum Patre & Spiritu sancto, honor, virtus, laus imperium in sæcula sæculorum. Amen.

AD Caput XXIV. Valeriani Martyris acta ex manuscripto accipe.

Incipit Passio Sancti Valeriani Martyris.

BEATISSIMORVM Martyrum gloriosa certamina ob honorem Christi Domini, ac Dei nostri assiduis cultibus, & solemnitate annuâ celebrantur, vt dum fidem Martyrum plebs deuota cognoscit, & illos triumphasse gaudeat, & se patrocinio eorum protegendam esse confidat. Celebre enim habetur sanctæ recordationis Eusebium historicum, Cæsariensis vrbis Episcopum, egregiæ vitæ beatissimum Sacerdotem, Ecclesiasticâ quoque institutione doctissimum, & præcipuâ sollicitudine venerandum per omnem orbem in quantum diuino annunciante Spiritu, vt gestum est rei veritate decursâ valuit reperire, prout singularum prouinciarum vrbes, loca, vel oppida illustrari triumphis Martyrum cœlestibus meruerunt, quorumque Principum tempore ordinatâ officiorum instantiâ, innumeræ persecutiones actæ fuerunt, declarasse, qui etsi Martyrum singulorum integras non explicuit passionēs, tamen Christianis deuotis, atque fidelibus vnde scribi, vel celebrari debeant, veraciter intimaui. Dei itaque gratiâ toto orbe diffusam excoluit, dum videlicet exiguo tritici semine copiosæ messes agri fertilitate gignuntur, & multiplicatâ vbertate proficiunt. Ita supradicti viri relationem ab vnius codicis fonte diffusæ scriptis manantibus fidelium totum orbem celebrandæ passionēs Martyrum rigauerunt. Nos tamen rei ordinem exequentes, Passionem sancti Valeriani Martyris eâ scribere deuotione curauimus, quam triumphatæ Christo perfectam certissimâ veritate comperimus. Igitur diebus Antonini Imperatoris grauissima persecutionis instantia pul-

lulabat, adeo vt in cunctis Imperij sui prouincijs generali fuerit autoritate prolatum, & decretis Imperialibus constitutum, vt vbiicumque Christianae religionis indiscreto honore, sexu, vel genere persona fuisset inuenta diuersis afflicta supplicijs, capite puniretur. Tunc in Lugdunensi vrbe maxima, vel praecipua Galliarum, sanctae recordationis, Potinus Episcopus, cuius vitae merita consummatio martyrij declarauit, institutor Christianorum doctissimus habebatur, qui, vt praefatus historicus refert, cum alijs xlvij. Martyribus persecutorum instantia comprehensus, ergastularibus tenebris mancipatur, & quinquaginta animae Christi gloriam confitentes, in vno carcerem pariter retruduntur, ex quibus sanctus Marcellus, & sanctus Valerianus nocturno tempore annunciante Angelo euocati, & soluti; alter eorum Sequanorum; alter vero Eudorum prouincias interiecto Arari petierunt; diuinae utique prouisionis instinctu; vt eorum institutione, & corda Gentilium ad caelestis religionis gratiam peruenirent, & nominatae prouinciae proprio semper Martyrum patrocinio munirentur. In illo tempore, post sancti Marcelli gloriosum martyrij certamen, Prisci Praevidis examinatione confectum, nec longo intervallo, dum ipse Praeses ad Lugdunensium urbem sub voce Praeconis, & per aggerem publicum mularibus vehiculis, & amnem Sauconae naturali cursu diuiso agmine properaret, Trinochium, quod tunc in erogandis militum annonis castrense horreum vocabatur, die iam vespertinis horis declinante, peruenit: vbi dum de passione sancti Marcelli, quae in Cabillonensi vrbe acta fuerant in sana relatione denunciat, gentilium suggestione cognouit sanctum ibi Valerianum orationis secretissimam habere cellulam, & multos iam Christianos effecisse. Tunc nequissimus Praeses eadem nocte atroci cogitatione versatus, aduentante iam luce, vt mentis crudelitas flagitabat, sanctum perquiri Valerianum ab officio, & suis conspectibus statui imperauit. Ad cuius tugurium cum directi milites peruenissent, ille aestimans eos Christianos gratia charitatis, & more hospitalitatis inuitat, quem illi prius inuentus signum Crucis, & intra cellulam suam habere, & in suis adhibuisse vultibus conspexerunt, statim comprehensum dixerunt sagaci inquisitione solliciti, quod esset signum illud

quod intra suum tugurium inuenissent, ac illis venientibus, in suam signasse faciem videretur. Tunc sanctus Valerianus respondit. Hoc est signum salutis in quo Dominus cœli, & terræ Dei filius Iesus Christus vnâ cum Patre, & Spiritu sancto regnans ante sæcula, & in æternum permanens suâ nos passione redemit, & moriendo contritis mortis vinculis æternæ vitæ præmia condonauit. Tunc illi dixerunt. Ergo & tu Marcelli socius Christianum te esse denuncias? Sanctus Valerianus respondit. Me & socium sancti Marcelli, & Christianum esse liberâ, & vsque in finem mansurâ voce profiteor. Impositis itaque vinculis, & post tergum manibus victis, velut scelerati criminis reus Prisco Præsidi ab officio præsentatur, quem cum ille intueretur, belluini cordis seueritate inflammatus, sic ait. Tu es Valerianus Christi nomen prædicans errore superfluo moriturus, an fortasse quæ acta fuerint de socio tuo Marcello simili errore decepto, ad tuam minimè notitiam peruenerunt. Consule tibi, Deorum immortalium nomina veneranda cognosce: quæ adorari sacratissimi Imperatoris decernit auctoritas, quæ & patres nostri viderunt, & nos eorum effigies sanctissimas adoramus, & quorum progenies cœlorum manifestissimè dominatur. Omnipotentem itaque loquem, & Iunonem, & coniugem ac sororem, Venerem etiam tanti Dei filiam, Vulcanum, & Martem fratres ipsius pariter & maritos: quod nisi feceris longè à collega tuo Marcello grauioribus suppliciis punieris. Sanctus Valerianus respondit. Præsidem te esse, & iudicem prouinciarum circumstans declarat officium, sed omnis scientiæ error gentilium reddit ignarum. Quomodo Imperatoris tui, & nefariâ religione Imperatorum decreta conuellis? Quæ sunt nunc ista quæ loqueris? Incesta puniri legum statuta præcipiunt, & tu Deum esse omnipotentem voce sacrilegâ profiteris, quem germanæ suæ fuisse coniugem non negasti, filiâque eius Venerem fratris uxorem à me existimas adorandam: Hæc crimina dum in numinibus veneranda, & in hominibus damnanda pronuncias tu te satis, abundèque errore confundis, & beatissimi fratris mei Marcelli supplicia mihi te illaturum minaris gloriofo certamine superata; atque vinam te victum, & illius virtute, & tuâ pronunciatione cognosceres, & Dominum cœ-

liac

li ac terræ, dominatorem rerum omnium, atque factorem de bonis sensibus adorares, qui sine crimine passus est, ut suâ nos morte ab æterno mortis crimine liberaret, vel resurrectione suâ fiduciam nobis perpetuæ salutis ostenderet, cuius Regni nec finis, nec principiū inuenitur; hic est verus Deus, qui non in metallis, nec in lapidibus, sed in templo fidei, & æternæ beatitudinis gratia reperitur. Priscus Præses dixit. Circumstantia, puniende, supplicia non pauescis, & velut iudicaturus Iudicem, vana quædam deliramenta pronuncias: nunc euidentius approbabis meorum virtutem numinum, aut vanâ Dei tui potentiam, in tormentis deficiens. S. Valerianus respondit. Tormenta ista quæ nominas, iam à præcedentibus commilitonibus tolerata. Tunc sæuissimus Præses stipiti appensum sanctum Martyrem vnguibus iussit ferreis laniari: & cum auxilio Christi nullis fatigatus suppliciis in laude Domini perduraret, ac nequissimus Præses per illius perseverantiâ ad veram Christianæ fidei religionem peruenire plurimos vereretur, solum exinde in locum, in quo nunc venerandi corporis reliquias excolimus, gladio feriente iussit interfici. Tunc sanctus Valerianus primi Martyris, & Leuitæ sancti Stephani habens gratiam, & gloriam reminiscens, celos intuens, illum vidit sibi offerre oculis coronam, cui moriendo non metuit martyrij præbere victoriam. Sic itaque sanctus Martyr locum illum consecrauit, cælorum Regna spiritu consecrans, cuius festiuitatem annuam celebrantes, patrocinium de bonis mentibus exoremus, ut fidem plebis augeat, cunctumque populum suis cultibus adhærentem piâ intercessione conseruet, & qui eius triumphum deuotus, ac fidelis scriptor excoluit in præsentī sæculo, vel in futuro patrocinio eius æternâ gratiâ muniatur, præstante Domino nostro Iesu Christo, cui est imperium, & potestas cum Patre, & Spiritu sancto in sæcula sæculorum. Amen.

Explicit Passio sancti Valeriani Martyris.



AD LIBRVM TERTIVM.

AD Caput XXIII. Pauli Narbonensis acta priora, ex Codicibus cum ipsius Ecclesiæ, tum Bernardi Guidonis, & Quercetani manuscriptis hæc sunt.

Vita sancti Pauli Narbonensis.

CUM apud Urbem Romam quondam à sacrilego Principe Iudicibus suis in Christianos persecutionis data fuisset auctoritas, & vniuersa sancta corpora famelici canis rabies deuoraret, inter plurimas Confessorum & Martyrum turbas, beatissimum Papam nostrum Paulum, dudum deuotissimum militem Christi, ex sortem præterite tantæ victoriæ pugna illa non passus est. Accinctus namque religionis mucrone, quin etiam deuotionis clypeo, fidei lorica, & galeâ confessionis armatus, Christum, qui est caput nostrum, ante ipsius concertationis euentum, validissimâ clangoris sui tubâ confessus est. Territa Gentilitatis immanitas, ad fragilissima crudelitatis suæ se arma conuertit, vt fortissimum virum & magnum athletam, terrore & sæuitiâ vinceret, quem superare virtute non poterat, diu maceratum fame & squalore custodiri mandauit, deinde variis tormentorum generibus affligi iussit. Cuius cum roboris fidem crescere videt, & illum penè tormentorum feritate fieri fortiozem, inauditum suppliciorum genus nequitia diaboli exquisiuit, inuenit, exereuit, quo in ea corporis parte Dei famulum laceraret, ex qua edere erat solitus diuinarum seriem literarum. Nam post vexationē ferè omnium membrorum, acutis cum cannarum sudibus, cuiusceratis vnguibus eius digitos ac manus discerpfit, vt grauioribus tormentorum generibus inuictus gloriosior in victoria sua confessor existeret. Et cum multi sint id temporis,

etiam in leuioribus suppliciis Martyres facti; hunc virum nobis ac parentibus nostris specialiter Dominus referuauit, cuius nutu ordinatus Episcopus venit ad Gallias. Vt dura ad credendum cunctorum hominum corda molliret, & suaue iugum Christi suscipere virtutum suarum mirabilibus persuaderet. Nam cum Sacerdos, atque Dei Confessor ad ciuitatem Biterrensem ipso tempore aduenisset, & quæ adhuc nota non erat, Ecclesiam fabricauit, ibique altare Domino consecrauit, diuino funtibusque sacerdotio, primum ibi in cathedra Episcopi sedit. Post ordinauit sancta mysteria, & Deo populum illic habitantem adquisiuit. Sanè in nonnullis ciuitatibus aut eorum territoriis tanta Monasteria, Ecclesie, aut oratoria extitisse creduntur ipso tempore, quanta in eadem ciuitate, quæ cum magnitudine parua sit, grandis esse religione adprobatur, & fide. Cuius cum magisterio infidelitas decreveret, fides cresceret, conuersa Narbonensium superstitio, quæ adhuc diuerforum templorum culturis, & Capitolij ambitione pollebat, legationem mittit ad memoratum Episcopum, eius religionem desiderans habere, Ecclesiam concupiscit. Magnum fundamentum fidei! O ineffabilis pietas, & larga bonitas, nondum ipsis populis notus erat, & iam eiusdem desiderio colloquendi ardebant. Ipse denique acceptam benignissime ipsorum legationem, ut bonus pater non titubauit eis festinus occurrere, quatenus eos à laqueis diaboli erueret, & filios Dei, sectando iustitiam, cuius ille famulatum habebat, constitueret. Itaque ordinato in locum suum sancto Afrodisio Episcopo, ad hanc urbem ocius peruenit, primum ante Ecclesiam * quæ nunc est, paruulum oratorium fundauit. Denique ad locum quem vocant Albolas, qui potè trans pontem, alteram Ecclesiam construxit, in qua videlicet Ecclesia, post multa laborum certamina, in pace hodiè requiescit, magnificè coronatus gloriâ. Quid plura? Cum ille Chelindrus antiquus, semper humano generi inimicus, eius felices actus inuideret, illiusque bonitatem perhorresceret, immisit se in duobus diaconibus suis, qui cum ante lectulum eius clanculum calceamenta muliebria proiecissent, & causâ irrisionis ei fecissent. Ille euocatis paucis Episcopis Gallie, quia nondum erant plures, in Ecclesia de qualitate facti voluit iu-

* *seniorem*
in alio MS.

dicari. Et cum per triduum fuisset procrastinata cognitio, diu noctūque ipsius in ædis culmine missa diuinitus aquila rescedit. Multi eam iactu terruerunt telorum, sed minime abscedere fecerunt; quin etiam illis diebus quibus in eo culmine sedit, cibum deferente coruo accepit. In quibus rebus multa debuerunt esse ex miraculis Dei narrata, dum auis ab auicula mirificè est pasta. Verum, tenuis noster sermo quamuis non explicet aquilæ & corui significantiam, narranda sunt quæ à Dei famulo super Diaconibus ipsis sunt facta. Iam dum ad miraculum aquilæ sententiàmque Sacerdotis affatim Christianorum turba concurreret, tertiâ die sanctus Papa noster Paulus indicit orationem cum populo, & cum Sacerdotibus suis, vt Deus manifestaret, aut illorum peruersorum assertiones, aut suæ vitæ meritum. Et dum beatissimus Paulus in oratione ingemuisset, * illi Diacones correpti subito furore lymphatico inter inuisibilia tormenta clamabant, factionem inuidiæ super Episcopo voluisse confingere; quandoquidem valdè pro ipsorum incontinentia, eos sapius ac frequentius castigarat. Quod cum ipsi malitiosi iusto Dei iudicio grauiter euilarent, & dicerent, se minime posse sustinere tam grandia supplicia: Dei famulus misericordiâ, quâ motus semper, populis categorizans rogauit confacerdotes, & populum, quod pro ipsorum absolutione Domini pietatem exorarent, quatenus eos à tormentis liberaret. Tamen ille indignum se dicebat sacerdotio, si ipsi qui pro sua innocentia à dæmonio fuerant arrepti, non absoluti fuissent precibus suis. Et ecce dum proclamaret ad Dominum iterum sanctissimus Paulus, exaudita sunt preces eius, & Diaconi à dæmonibus liberati. Tunc idem malitiosi vniuersa machinamenta quæ contra suum Sacerdotem moliti fuerant, publicè in conspectum tam Sacerdotum quàm laicorum, confiteri cœperunt. Hoc euidenti iudicio cognito Episcopi ipsi, ad talia qui deprecaturi Dominum conuenerant certamina, prouoluti cum vniuersa plebe eiusdem pedibus, rogare cœperunt; quod pro illorum peccatis interueniret, pro eo quod dubitauerant, apud Dominicam pietatem. Quibus rebus peractis Ales orientalem partem volatibus petens, nullo impugnante discessit ex summo culminis fastigio: Intellexit in se vir Dei ad patriam re-

* aliàs orationem ingemississet.

uerit. O mirificum sanctitatis documentū! qui iacula instantis inimici præstitisti esse probationes & non vulnera fidelium tuorum, cum permisisti tentari à diabolo per sui ministros. Cui post belli certamina & agonis instantiam, dedisti palinam confessionis & coronam sacerdotij. Sed quid plura: ipse sceleris auctor pro sui nequitia, his, quos commiserat, inter illa quæ digesta sunt, debitas soluit pœnas. Merito quippe ipse passus est illud, quod confessori, necnon etiam Sacerdoti intulerat. Hæc verò obsequij conscripta miracula, relatione, & fide seniorum impolterum missa sunt, non solum ciuitatibus quibus in Sacerdotio præfuit, verum etiam Romanæ vrbi, vbi multa pro nomine Christi passus est. Quin imò per vniuersum orbem, in quem virtutum suarum fama peruenit, à cunctis hodiè in lætitia sancta, deuotioneque deuotissima eius festiuitas concelebratur. Et si quistan- ti viri commemorationem fecerit, meritis eius recompen- setur apud summam Domini maiestatem, æternis gaudiis cum eo perfrui in futuro mereatur, præstante Domino nostro Iesu Christo, &c.

AD Caput XXXV. Georgij Vellaunensis vitæ scriptor, eius sedis sub Cornelio Romano translationem factam fuisse eadem fide narrauit. Quam ne obstinatissima hodiernorum hominum opinio desideret, hîc describimus.

De translatione sedis, ac dedicatione Ecclesiæ, & Altaris beate Mariæ de Podio Aniciensi.

POST obitum itaque sancti Georgij memorati, plures in Episcopatu Aniciensi religiosi, ac S. viri successerunt, qui quamuis essent moniti eadem visione, Ecclesiam tamen quam primus Pötifex Vallaunensis Gregorius ab ipso Apostolorum Principe Petro missus fundauerat, atque dedica- uerat, relinquere noluerunt; ideoque nec cathedram Episc-

copalem aliò transferri permiserunt. Euoluto autem plurimo tempore præfuit Vallaunensi Ecclesiæ Euodius, vir quidem strenuus, ac religiosus, præpotens in sæculo, omnique pietate præcellens. Et quoniam vtraque, diuina scilicet, atque humana sapientia hunc virum illustrauerat, discretio quoque summa virtutum, nec non humilitas eundem charum vniuerso gregi suo, atque sublimem fecerat, Dei providentiâ disponente. Suadet ergo Pontifici memorato, vt in designato loco de Podio transferat sedem vniuersus populus multiplici signo, atque diuersis visionibus perterritus, & commotus ne patriam scilicet illam deuastet Dei iudicium, atque irremediabilis contagij morbus. Quin etiam quædam Sanctimonialis formina illustris genere, ac probitatis studio non ignota, accedens ad eum in conspectu circumstantis Ecclesiæ, dixit. Non dedigneris Sanctissime Præsul accommodare fidem verbis meis, quoniam quædam certissima referam iam tibi, sicut ipsa omni exclusa ambiguitate erroris videre merui. Paralytica, inquit imbecillitate, ac febris tertianæ ardore quondam ægrotâ fueram, & quia totius spem recuperandæ salutis in beata Virgine Maria posueram, omnem medicantium curam contemptui habebam. Non immemor ergo mei gloriosa virgo assistens mihi dormienti in cubiculo ait: Surge, ne moreris hîc diutius, & Anici montis iuga conscende velocius, quoniam ibi sanitatem illicò promereberis, & lata ad propria redire poteris. Excitata quidem à somno nullam moram sustuli, sed summitatē præfati montis expetens, ante illum lapidem ad instar altaris prominentem, accensis multis luminaribus diu prostrata iacui. Circa medium autem noctis, cum omnis familia mea esset dedita sopori, ego verò pernoctans adhuc intenderem orationi, vidi beatam Mariam Virginem assidentem lapidi, circa quam Angelorum multitudo, & virginum aderant chori. Tunc iubens nunc viciniùs adesse dixit. Ecce frequens oratio tuæ deuotionis liberauit te ab omni vinculo infirmitatis. Totius ergo salutis auctori Domino scilicet Iesu Christo dignas gratias ne cesses agere, meoque beneficio hanc retributionis vicem impende. Alloqueri Pontificem Euodium, & intima ei vt iubeat mihi in-

cūstanter hīc fieri templum, sciātque populum multum hīc promeriturum maximum salutis consilium, nec non & veniam suorum peccatorum. Ecce inquit Sanctimonia-
lis nolo esse rea voti, ac mandati, fideliter tibi refero quōd ecclestis mihi iussit Regina. Ne autem quicquam ambigas prædictorum, sanam, atque incolumem pro testimonio me præuales intueri. Quo audito non immeritō vir sanctus Euodius gaudet, indiētōque ieiunio triduo eodem ordine tandem & ipse per omnia edocetur affatu Angelico, unde pollicetur se cūcta facturum quæ audierat, & transferre sedem Episcopalem, sicut vniuersa fidelium deuotio postulauerat, salubri vsus consilio Romanum mox adit Pontificem, & referens ei prædictæ visionis ordinem, supplex efflagitat eundem tanti negotij testem fieri, & actorem. Qui dum super hoc tractaret, & pollicitus esset, diuinā disponente clementiā, cœlitus est monitus, vt ob reuerentiam gloriosæ virginis Mariæ per omnia faueat petitionibus Euodij Episcopi. Tunc Papa Romanus Cornelius conuocat Euodiū, & cumulat eum magnis donis, & muneribus, Sanctorum etiam quæ à Deo quæsierat charissimis pignoribus. Super hæc autem omnia, vt in Ecclesia Aniciensi ædificanda vel Apostolica autoritas non deesset, associat Episcopo Vallaunenſi quemdam familiarem suum nomine Scrutarium, Romani ordinis Senatorem doctissimum totius artis peritiā, nec mediocriter instructum artificem videlicet maximum scientiā, & sermone facundum cui præcipit, & summa cum charitate obsecrat, vt pro reuerentia sanctæ Mariæ Virginis iniunctum laborem sustineat, & vice suā, atque Apostolicā autoritate Euodio per omnia faueat, quatenus in perficiendo tanto opere, vel in transferenda Episcopali sede, à nullo molestiam sentiat. Sic ergo ad patriam Vellaunenſem Episcopus cum gaudio reuertitur, quem Romanæ Ecclesiæ Apocrysiarius, doctorque præcipuus Scrutarius comitatur. Tandem ad montem Anicij perueniunt, tentoriaque, vt ibi hospitari possent, erigunt; dicentes quod nec longius, nec aliō diuertere debuissent, donec quem res effectum haberet certius vidissent. Eādem verò nocte, plurima nix supra montem illum tantummodò, sed non in tem-

pore suo cecidit. In cuius superficie quo in loco, quo ambitu, quo protensu Ecclesia deberet fieri diuina dispensatio præsignauit. Facto manè iuga montis simul petunt, niuémque eo tempore cecidisse admirati sunt. Sed curiosius hoc reuoluentes, ac conformandi templi stigmata in niuea crepidine intuētes, pleniter gratulati sunt. Tunc summā cum autoritate iubet Scrutarius ille Apostolicæ Legationis actor egregius, vt in nomine Dei, ac præcellæ Virginis Mariæ Ecclesiæ fundamenta illic iaceret, quo signa diuinitus impressa etiam præluerent. Quo pacto tandem iactis cum diligentia fundamentis, parietes erigunt, Ecclesiam quemiram, atque elegantem annuente beatissimā Virgine Mariā cum omni prosperitate perficiunt. Interim quoque dum insistent cœpto operi, sæpissimè merentur Dei genitricem cohortantem eos Euodius, atque Scrutarius intueri. Ad vltimum verò, perfectā totius Ecclesiæ fabricā, consilium ineunt, vt Romam peterent, ac sanctorum reliquias inde deferrent, quin etiam, si fieri posset, ipsum Apostolicum ad dedicationem templi secum adducerent. Proficiscentes ergo, & ab Aniciensī monte quasi milliario vno eminūs positi inuenerunt quosdam Seniores albis indutos stolis, omni-que venustate venerantes. Quos cum rogassent qui, vel vnde, vel quò tenderent, dixerunt se esse legatos Romani Pontificis missos Euodio Præfuli, atque Scrutario Senatoriæ dignitatis viro, cum magnis, ac tota cum veneratione colendis reliquiis. Ego inquit Euodius, licet indignus, illius Ecclesiæ quam petitis dicor Episcopus. Ecce adest carissimus patronus meus, ac frater noster Scrutarius, cui quondam ob ipso tutore nostro, ne quid Apostolicæ autoritatis nobis contra liuorem æmulantium decesset, sum commissus. Qui quantum erga custodiam nostri beneficij præstiterit, vel quantā sedulitate nobis obsequutus fuerit, præsens dies narrationi non sufficit: vnde si quid veneratione dignum defertis, mihi reddite, ac deinde nobiscum euntes montem in quo sita est Ecclesia conscendite. Non ita aiunt seniores decernimus fieri vt dicitis, sed Pontifex accipiat hæc duo serinia cum reliquiis, & quantæ reuerentiæ, vel cultus sint disceant his perlectis literis. Nec oportet nos quicquam cum festinatione

stinatione modò agere, sed moleste, & cum omni tranquillitate hæc disponere. Quinetiam nudatis pedibus humiliter, & summa cum deuotione, sanctorum reliquiarum sanctissima pignora ad propriam Ecclesiam deferre. Nos quoque non lento gradu vos præire volumus, & regressum nostrum, ac tantę visitationis donum obuiam vobis venientibus, fideliter recitabimus. Seniorum monitis, atque iussibus non distulit parere Euodius, sed lætissimè, ac glorianter susceptis reliquiis præparat se humiliter cum omni grege suopedibus, sicut iusserat de nudatis. Tunc persusus genas cum lachrymis, gaudiòque plenus Pontificalibus inibi reuerenter induitur vestimentis. Sicque decantans dignas Deo laudes, & beatę Virgini Marię, ad propriam sedem cum hymnis, & canticis remeat pater cum suis. Properantes verò ad limina Templi, ianuam obfirmatam inueniunt. Sed quia mox vtrò reſeratur, ac per se patescit, in laudem Dei proſiliunt. Intrò quippe euntes, & ad propitiatorum vsque progredientes, altare illud venerandum sacri olei liquore persusum, atque benedictione Angelicâ consecratum conspiciunt. Nam Angelicę manus signum super crepidinem altaris, in eadem olej perfusione erat insignitum. In circuitu quoque literarum apices erant ex eodem liquore exarati, demonstrantes, ac pleniter edocentes ordinem, atque effectum tanti miraculi. Cognouerunt ergo Euodius, atque Scrutarius dum hoc perlegerent, quòd ipsi totius Ecclesię corpus, sicut moris est, in cæteris dedicare debuissent, cum venerandi tantum altaris lapidem, ac superpositam aram angelicâ benedictione sanctę Marię Virginis autoritate consecratam, sine dubio credidissent. Quinetiam ne vlla in tanto ſimraculo cuiquam hæreret dubietas, mirantur per parietes templi accensas tercentum, ac bis senas candelas, vnde & ipsi mox Ecclesiam absque dilatione sicut scriptum nouerant, dedicauerunt, ac Reliquias quas à Senioribus acceperant reposuerunt: & insuper celebratis missis dedicationis festum annuatim solemniter agi, V. Idus Iulij decreuerunt. Tunc sub voto firmat ille Apostolicę legationis vir Scrutarius, dicens: quod nullâ dignitate, nullâque transitoriâ ambitione vñquam discederet ab ipsis ædibus, in quibus ipse

toties gratiam visitationis Virginis Mariæ fuisset expertus. Aliquandiu ergo fuit cum Præsule Euodio: post decessum verò Sancti Euodij in Ancienfis sede Scrutarius Episcopus eligitur, & ab vniuersis pater Patriæ proclamatur. Vnde quia Senator quondam fuerat, & vnus ex Romanæ Ecclesiæ Cardinalibus, Papam suum consuevit eum dicere Ancienfis populus. Facta est autem prædictæ sedis translatio, & Ecclesiæ Ancienfis dedicatio fauente, & annuente (sicut præmittitur) Cornelio Papâ, qui cœpit anno Domini CCLII. seditque annis duobus.

AD Caput XL. Aufonij Engolismensis vitam ex MS. Codice Fr. Corlei accipe.

Reuerendo in Christo patri, & Domino Carolo à Bony Engolismensis Ecclesiæ Episcopo.

EIdem Catholicam perpetuâ serie à Christo Domino Pontifice maximo Apostolorum, Episcoporum, doctorumque non interruptâ progressionem deriuatam, nemo est qui dubitet (Præsul amplissimè) certissimum sanè aduersus huius sæculi hæreses argumentum, quas qui sectantur, dum orthodoxæ fidei dogmata, & antiquos ritus culpât, nō vidēt se nouæ cuiusdam religionis fundamenta iacere, cuius nulla delubra, rectores nullos, non patres, non Episcopos doceant suæ hætenus sectæ adfuisse. Enimuerò ea verè est catholica religio, quæ à primis fidei cunabulis per manus posteris tradita, vna, eadēque semper fuit, & innixa fundamentis Apostolorum, martyrum sanguine irrorata, patrum vnum semper sentientium confessione recepta, ad nos vsque peruenit, cuiusque vnum os, labium vnum vsque, & vbique fuit, & vna consensus. Sanè quantum ad Engolismensem Ecclesiam pertinet, eam ab Aufonio diuæ memoriæ Engolismensium protomartyre, & Apostolo, per mille trecentos, & eo amplius annos continuâ Episcopum successionem ad te constat esse transmissam. Quorum cathalogum, & nomina huc vsque à populis curæ tuæ commissis, ignorata, atque à me è sinu prisce antiquitatis cruta, cum euulgare in mentem ve-

nisset, tu vnus visus es, cui opellam meam quantulamcumque inscribere debebam, & cui, vt aliàs poëta quidam Gallicus cecinit.

le dedier,

Est à son point la chose approprier.

Quo enim patrono fidentiùs rem hæcenus intactam, & seàtentem vndique illapsis, temporum inscitia, erroribus aggredi ausim, aut conuenit penès, & æquiùs de Engolismensibus Antistitibus dicere, quàm apud te eorum suecessore, & merenti. Habe igitur, Antistes venerande, obseruantia in me tuæ munusculum hoc, illud quidem perexiguum, sed, vt arbitror, popularibus nostris non ingratum futurum. Vale. Ex musæolo nostro Calendis Decembris 1576.

FRANCISCVS CORLEVS.

LECTORI BENEVOLO.

Beatì Aufonij primi Engolismæ Episcopi vitam & sequentiù Episcoporù nomina, seriem, & cathalogum oriturus, pauca hæc de mei instituti ratione præfabor. Cùm in manus incidisset rerum ab Aufonio gestarum commentarius, qui circumfertur, & in cœnobio illius vice legendæ (quam vocant) asseruatur. Inueni illud multis, & non contemnendis erroribus, infœlicitate temporum, & veræ historię ignorance, refertum; cui restituendo aliquot dies impsumpsi: primò quæ proborum authorum scriptis non consentire, aut relata in alia tempora reperi hæc emendauì, si quid probabile minùs, aut maiestatem Christiani nominis, non sapere visum est, hoc totum deleui, multa suppleui quæ deerant; deinde ad veterum scriptorum fidem, & exemplar totam narrationem accommodauì. In quo faciendo si quis me ausus temerarij damnet, intelligat velim venerandæ quidè antiquitatis opus fuisse; sed ita mendis deturpatum; vt faciliè sit coniecere authorem (virum alioquin bonum), non quæ vidisset; at quæ multis ante sæculis gesta audiisset, piè magis, quàm cautè, literis mandata, posteritati tradidisse. Vtque res tota magis elucescat, insigniores huius cõmentarij locos, qui animaduersione nostrâ eguerunt, subnectam. In primis

non probatum est mihi, quod de Eugenia Aufonij matri ibi memoriâ traditum est, septuagenariam Angelo præmonente peperisse: gratia anterioribus sæculis paucis admodum concessa, iisque multâ virtute præstantibus heroinis miraculum, & tota angeli, Albini, & Eugeniæ coniugum colloquendum narrationi mihi pace dixerim) ad inuitationem eorum, quæ de Anna, Elizabetha, & Sarra dicta sunt; quàm veri specie fulsa. Item quod obiter de sancto Martiale Lemouicûm Episcopo, Aufoniique præceptore à Petro Apostolo in Gallias misso ibidem dicitur, fidei veteris repugnat historia, nec alibi dictum reperire est: quamvis Lemouices (nec veriùs) eum à Clemente missum affirmant, nonagesimo circiter à Christi natiuitate anno. Constat enim ex Gregorio Turonum Episcopo auctore antiquo, vixisse Martialem Lemouicûm sub Decio, ducentesimo quinquagesimo salutis anno. Quod & ex eodem Aufonij nostri vitæ compendio probatum videre est, cum ab Vvandâlis, quos tunc primùm in Gallias irrupisse satis constat sub Valeriano successore Decij, martyrio coronatum asserente. Compendij verba hæc sunt. *Tempore illo quo Vvandalica persecutio è Germania finibus progressa Gallias populabatur, prædictæ gentis Rex cum exercitu Validissimo captis prius vniuersis Galliæ vrbibus, exceptâ Metensium ciuitate Engolismæ adstitit. Et paulò post. Certum autem habemus hunc de quo nobis est sermo, Antistitem Vvandalorum extitisse temporibus, qui primùm imperantibus Valeriano, & Gallieno Augustis, postmodum quoque Theodosio minore Arcadij filio omnis Gallia, Hispaniâque peruagata est. Quæ verba eo libentiùs hæc inferui, vt ex eorum specimine innotescat, quàm supina fuerit auctoris ignorantia, qui Martialem Aufonij magistrum Petro, moxque sui oblitus, discipulum Valeriano Imperatori coæuos facit. Quid quòd Aptonium fratrem Aufonij, ciuili- que in Episcopatu successorem asserit? Inter quos ducentos, & quinquaginta annos intercessisse palàm est. Quid etiam quòd Martialem, & Aufonium Lemouicæ agentes nauem conscendisse, & maritimo itinere Mauritaniam Santonum oppidum inuisisse affirmat? Ait insuper auctor compendij illius, Engolismam urbem ab Vvandâlis septennio, &*

mensibus sex obsessam, tandem nebulâ circumtectam, & ab oculis obsidentium ereptam numinis præsidio defensam esse, ipsosque Vandalos ibidem mutuò se ad internecionem confodisse. Quod quàm à veritate alienum sit, vt ex Gregorio & Ammonio Gallicarum rerum scriptoribus constat, qui Vandalos tunc temporis per totam Galliam grassatos, insigniores quasque vrbes funditus euertisse, postremoque apud Arelatem à Mario cohortium Romanarum Præfecto, profligatos, authores sunt; neque tam insigne miraculum (si vsquam contigisset) reticuisset. Planè ridicula videri potest apud eundem authorem Angeli assertio omnibus, qui Christiani facti, & benè operati in cœmeterio diuini Ausonii tumulati fuissent, vitam æternam pollicentis. His addo nonnulla miracula, quæ ibidem fusiùs recitata consultò omisi, aut vno verbo perstrinxi, quòd omninò aniles fabellas olerent, nec rem Christianam promouere mihi visa sunt. Hæc te admonitum volui, beneuole lector, vt intelligeres me non temerè in messem alienam manum iniecisse. Scio (gratia Deo) quid veterum scriptis tribuendum sit, in his præcipuè quæ ad religionem attinent. Verùm in re tam clara cœcutire non oportuit. Sed tandem ad narrationem nostram accedamus.

DIVI AVSONII VITA.

BEATVS Ausonius Mauritaniz Santonum oriundus fuit, nobili quidem genere, secundùm sæculi dignitatem; gentilitamen. Quippè Albinus eius pater loci Dominus opibus, & clientelis præpotens, Maiorum superstitionem secutus, nullam veri Dei notitiam habuerat; quamvis aliundè, & quântum paganica sinebat religio, vir bonus, & prudens, qui fatagens de filio, sic eum à prima ætate erudiendum curauit, vt præclaræ animi dotes iam inde à puero in illo apparerent, signa prænuncia eorum, quæ Deus postmodum in homine impleuit. Nam quamvis primas inter cœtuos adolescentes, propter prærogatiuam honoris teneret, sic se in mediis deliciis, & voluptatum illecebris continebat, vt iam Christo regeneratus intelligi posset purus & integer ab his vitiis, quibus illa ætas implicari solet: multa illi circa socios benignitas, multa erga

egenos charitas, multa erga superiores humilitas, & patientia, vel vltra humanum modum, vt non mirum videri debeat, quomodo tam citò Christum animo conceperit, qui vltro se veræ pietatis candidatum profitebatur.

Vivebat tunc temporis miraculis, & sanctitate clarus Martialis Lemouicûm Episcopus, qui (si Gregorio Turonensi Episcopo credimus) durante Decianâ persecutione, cum sex aliis Episcopis ad prædicandum in Gallias missus fuerat. Ille boni pastoris functus officio, ouile sibi commissum lustrando vicinas vrbes, & locos circuibat, Burdegalam, Pictauiam, & Sâtonas. Qui cum Deo inspirante Mauritiam venisset, hospitioque acceptus ab Albino, & Eugenia vxore eius Christum eis annuntiasset, ita protinus in eorum animis diuini amoris ignis exarsit, vt statim abiectis idolis Christum profiterentur, baptisimatêque sancto eum filio, & totâ domo irroratâ, Aufonium Martiali instituendum commendarent, sicque adolescens Aufonius famulatui veri Dei mancipatus, & sacræ doctrinæ factus auditor: non est credibile, quantum in ea modici temporis spatio profecerit, qualis virtutum cumulus ei accesserit, non illi curæ sunt opes, non prædiues deuoluenda hæreditas, non sodalium familiaritas. Vnus ille omniû instar Dominus Iesus, quæ redamet, & colat, pro cuius nomine paratus sit vel sanguinem effundere: Sed aliquantum post temporis admonitus in somniis, vt suos, inter quos plures adhuc gentilitas detinebat, religiosâ sollicitudine visitaret, de consensu magistri profectus patriam repedauit; multosque ex propinquis, & popularibus suis ab idolorum seruitute liberauit, eis prædicans Iesum Christum, & hunc crucifixum. Quæ Martialis intelligens discipulo redeunte gratulatus, admonitûsque, Dominum Aufonij velle vti operâ, impositis manibus, & Diaconatus officio, eundem circa vrbes propinquas dimisit ad seminandum semen Euangelicum.

Erat tunc temporis vrbs Engolisma cum toto adiacenti pago idolis dedita, & sub ditione imperij Romani à Garrulo Præfæto administrabatur. Huc ergo diuertit Aufonius, iecitque prima Ecclesiæ Engolismensis fundamenta, primus ea in vrbe Christi Apostolus; occultus tamen initio propter metum paganorum. Garrulo autem erat soror nomine Caliaga. Hæc cum ad marginem fluij Carantonæ radicem montis, cui

vrbs imposita est allabentis cum coruis puellis spaciaretur, erupit è fluuiali specu sub specie draconis daemon nequissimus, irruitque in pavidam virginem, & diu vexatam similem reddidit exanimi. Ecce puellæ corpus moribundum ferebatur fratri præsentandum. Cum ille miserandi casus iam factus certior, occurrit in via Deos suos obiurgatus: fit concursus multitudinis, ingens luctus vndique. Tum beatus Aufonius tempus aduenisse intelligens, quo onus sibi commissum propalâm exequeretur, plenus Spiritu sancto se in medio populi protulit, confisusque de superna virtute, & memor verborum Domini qui dixerat: Si quid petieritis patri in nomine meo, ille dabit vobis. Ad Præfectum verba dirigens ait. Ne tristes Garrule, potens est Deus leuare virginem ab immundo spiritu, sed & animas vestras si consenseritis: crede, & liberabitur soror tua. Ad quem Garrulus. Quisnâ deorum habet tantam potestatem. Et Aufonius. Dominus Iesus Christus qui spiritibus dominatur. Et Garrulus: Quis est Dominus Iesus? Aufonius ait: Is est, quem prædicat potens in verbo & opere Martialis. Et ille: Ecce paratus sum credere, si fiat mihi secundum verbum tuum. Tunc beatus Apostolus manibus in cælum elatis ait: Deus optime maxime, pater Domini nostri Iesu Christi, apud quem non impossibile est omne verbum, respice in faciem dilecti filij tui, qui referatis inferi portis suos inde abducens, tenebrarum principem domuit, cui omne genu flectitur cœlestium, terrestrium, & infernorum, inque eius reuerentiam dignare hanc puellam à persequente diabo- lo mundatam, vitæ meliori restituere, simulque excecatos cordis oculos populi huius, radiis iustitiæ tuæ illustrare, vt cognoscat te vnum, & verum esse Deum datorem perennis vitæ, æquè ac mortalis. Additque apprehensâ virginis manus: Adiuro te immunde spiritus in nomine Domini Iesu Christi, vt ab hac puellula innoxius recedas, & demergaris non reuer- surus in specum tuam. Quo dicto frendens ille, assumptâ ite- rum draconis formâ, videntibus cunctis profiliuit, inque flu- uium demersus est, puella autem in pedes constitit dans ho- norem Deo.

Tunc Præfectus cum omni turba adstantis populi ait. Quid moraris, Aufoni, nos Christianos facere? Ecce serui Dei tui,

& Dei nostri. Quibus ait Aufonius: Audite viri Engolismenses conserui, & cohæredes Regni Dei; vidistis quæ Dominus Iesus per manus nostras facere dignatus est. Nos quidem ministri fuimus voluntatis eius, ille verò author operis nostri; vt per hoc credatis, quia est Dominus omnipotens, qui fecit cælum, & terram, & omnia quæ in eis sunt, qui permisit inimico humani generis Sathanae. vt sub specie serpentis, quem admodum & primis parentibus nostris, vobis insidiaretur: hic serpens qui Caligæ vim iniecit, diabolus est, qui tanquam leo rugiens circuit vos, quærens quem deuoret: huic Deus dedit potestatem nocendi immerenti virgini, vt per hoc liberemini in posterum ab illius seruitute, cum intelligitis quæ potens, pius & misericors sit Dominus. Credite ergo in Deum, & eius Filiû Iesum Christum: credite in Spiritum paraclêtum: accipite sanctum baptisma, quo signati tuti sitis à serpente inuisibili, hisque dictis omnes in dicto fluuij margine lauacro regenerationis perluit. Quod audiens sanctus Martialis, qui Lemouicis mansionem faciebat, & quanta Dominus operatus fuisset per Apostolum suum, gratulabundus discipulo, & nouæ in Deo Ecclesiæ, venit Engolismam, vt animos adhuc infirmorum Deo stabiliret, confirmaretque aduersus insidias non credentium gentilium. Quo in loco cum per aliquos dies moratus fuisset prædicans regnum Dei, & cum idolatris disputans, videns non esse bonum fideles sine pastore manere ad instantiam eorum beatum Aufonium eis præfecit Episcopum, ei que commendatâ Christi Ecclesiâ in propria reuersus est.

Iam verò sumpto Episcopatu qualem vir Dei se, quantumque præstiterit, non est nostræ facultatis euoluere; quantum animarum profectum fecerit, accurrentibus vndique ex circumiacenti regione nobilibus, & rusticis ad verbum Dei audiendum; adeo vt passim multæ erigerentur Ecclesiæ, cum hætenus in illis regionibus nomen Christi penè inauditum fuisset. Imprimis pia, & deuota virgo Garruli soror, quæ ab immundo spiritu liberata fuerat, adiunctis sibi aliquot nobilibus puellis virginitatem professâ, locum, in quo orationi vacaret, à beato Episcopo meruit accipere extra urbem à parte occidentali ad primum lapidem, vbi & præstante fratre edificare curauit

curauit Ecclesiam. Ipse quoque Episcopus aliam fidelibus conuocandis, & sacris peragendis construxit intra urbem parte meridionali prope muros, beatæ, & incomparabili Virgini Mariæ consecratam, quam sub nomine sanctæ Mariæ de l'agina, ad nostra vsque tempora reseruauit. Sed & multa alia miracula beatum Ausonium fecisse, retulit nobis antiquitas: inter quæ in villa Varnensi, cæcum lumini restitutum narrat, Petragoreumque Sigilbertum mansuefactione vrsi ad fidem conuersum, & plurima id genus, per quæ vir Dei prima Ecclesiæ Engolismensis fundamenta iecit, quæ breuitatis amore prætereo.

Sed nequam reticenda est virginis Calefagiæ historia, quæ nobili orta sanguine, abundabat opibus, sanitate priuata; quippè quæ perpetuo sanguinis fluxu laboraret. Ad hanc peruenerat fama eorum quæ Dominus in dies per Apostolum suum edebat miracula: nec mora, iubet parari rhedam, quam plena spei bonæ conscendit aditura virum, in ipsoque instanti, fluxus eius sedatus est. Assidebat illi Comes Arcadius, qui à proposito dimouere puellam conabatur, docens quanta in medicis, & sortilegiis impendisset, inueteratum morbum nullâ opesari posse. Cum ecce ipse morbus Arcadium inuadit: ita vt qui nuper incolumis Dominæ de medico detrectabat, iam vtrò æger ad vota vsque eum concupisceret. Quid amplius? Conuenit Ausonium Calefagia, ei substituit Arcadius moribundus; hic præ infidelitate sua, illa iamdudum per fidem à morbo sæuiente mundata: hic reatum fatetur, opem implorat; illa fidem augeri, confirmarique valetudinem effligat: vterque voti sit compos, mundatur vterque, mentemque sanam in corpore accipit sano: fiunt Christiani Calefagia, & Arcadius; dispari tamen gratiâ, & tota Calefagiæ familia, ab illoque tempore dicta virgo, patriæ, & suorum oblita, Dei seruitio mancipata est, comæque Caliaæ indiuidua facta, ambæ virgines calore fidei accensæ, ambæ sacri velaminis benedictionem expectantes.

Virgines ergo Calia, & Calefagia cum cœtu nobilium puellarum vacabāt orationi & ieiuniis, tam mente quam corpore reclusæ in ædícula ad id consecrata, & à beato Episcopo concessa ad primū vrbis lapidem, vt dictum est, virginatatem

quidem iam dudum professæ, sed nondum velatæ, quod ex-
 equi vir Dei differebat, quoad eorum perseverantiam, & ze-
 lum cognosceret. Quo demum perspecto die ad id destinatâ,
 conuocato populo introduci virgines iubet, & quid peterent
 interrogat: dicentibus illis, se cupere Domino consecrari.
 Imponens velamen super caput earum, & comitantium vir-
 ginum, eis benedixit, dicens: *Deus plasinator corporum, efflu-
 tor animarum, qui ætatis aut sexus acceptionem non habes, nec ullam
 conditionem gratia tua ducis indignam; sed omnium æqualis es crea-
 tor, ac redemptor: tu has famulas tuas, quas ex omni numero gregis bo-
 nus pastor ad conservandam coronam perpetuæ virginittatis eligere di-
 gnatus es, & quæ futuris sæculis illis succedent in hac domo tua virgi-
 nes, tuæ protectionis scuto circumtege, ut vincentes carnis illecebras &
 mortalia connubia respicientes, insolubile filij tui Domini nostri
 Iesu Christi copulam mereantur. His petimus Domine arma suggeras:
 non carnalia, sed spiritus virtute & potentiâ, ut in earum corpore
 te muniente non possit dominari peccatum, atque sub tua gratia viue-
 re cupientibus, nihil sibi humani generis hostis de his vasis iam tuo no-
 mini consecratis valeat vindicare; omnem etiam genuinum calo-
 rem imber gratiæ tuæ celestis extinguat: lumen verò perpetuæ castita-
 tis accendat, facies scandalis pudica non pateat, nec incautus negligē-
 tia occasionem præbeat delinquendi, sitque in his cauta virginittas, or-
 nata pariter, & armata, fide integrâ, spēs certa, & charitate sincera,
 ut præparatis animis ad continentiam, virtus tanta præstetur, quæ su-
 peret diaboli universa simenta, præsentia contemnendo futura secte-
 tur, ieiunia epulis præferat, lectiones sacras choreis anteponat, ut ora-
 tionibus pastæ, eruditionibus expletæ, vigiliis recreatæ, opus gratiæ
 virginalis exerceant: his virtutum armis has famulas tuas interius,
 exteriusque communiens præsta inoffensum cursum virginittatis, ut
 hunc implere per Dominum Iesum Christum valeant, cum quo est
 tibi honor, & gloria in spiritu sancto, nunc semper, & in sæcula
 sæculorum. Cumque dixissent Amen, confectis mysteriis eas
 dimisit.*

Cæterum de moribus eius quanta cum humilitate pater cū
 filiis, pastor cum ouibus conuersatus fuerit, quanta eius gravi-
 tas in implenda Episcopali dignitate, in emendandis vitiis au-
 thoritas; qualis fides, zelus, & omnium virtutum exemplum

in eo apparuerit si vellemus dicere, victi materiæ mole succumberemus. Nam etsi facta illius explicari verbis utcumque possint, interiorem vitam illius, & quotidianam conuersationem, abstinentiam in ieiuniis, perseverantiam in vigiliis & orationibus, in ærumnis constantiam, animum cœlo semper intentum, nullumq; vacuum ab opere Dei tempus, nulla vnquam explicabit oratio. Nemo vnquam illum vidit fractum, nemo commotum, nemo mœrentem, nemo ridentem: vnus, idemque semper cœlestem quodammodò lætitiâ vultu præferens, nihil in illius ore nisi Christus, nihil in corde nisi pietas, pax, & misericordia. Sermo illius: omnes mundi huius illecebras, & onera relinquenda, abnegandos nosmetipsos, Christum insequendum. Iam quid ille pro spe æternitatis non pertulerit, famis, vigiliarum, nuditatum, ieiuniorum? quæ non senserit inuidorum opprobria gentilium, infestationes? quid non sustinuerit laborum pro irriganda Domini quam plantauerat vinea. Hæc cum vir Dei iam per aliquot annos fecisset, feliciter functus Episcopali officio, providissetque pater sedulus Ecclesiis sub specula eius degentibus, Presbyteros, Diaconos, & Pastores pius Dominus ærumnarum eius misertus, finē illi per gloriosum martyrij exitum imponere voluit, qui contigit in hunc modum.

Olim populi erant superioris Germaniæ Vvandali, gens barbara, cede & rapinâ victitans, qui persæpè in Gallias aliâsque Imperij Romani partes irruptionem fecerunt. Prima illorum eruptio fuit tempore Valeriani, & Galieni Imperatorū, anno salutis circiter ducentesimo sexagesimo, Duce Chroco: eius gesta nefaria, & vitam paulò altius repetere non abs re esse existimo. Hic verè Scythia natione, & moribus, nihil præter sanguinem, & cædes spirans, aliquando à matre (non absimilis naturæ fœminâ) quævisse fertur: Quæ re potissimum æternam famam inter mortales sibi parare posset, dicente illâ: perpetuum nomen sibi comparaturum, si quæque præclara famosâque ædificia, urbesque ipsas cum habitatoribus funditus euerteret. Adiunctâ sibi sui generis perditorum hominum manū non modicâ, transuersâque Germaniâ Gallias adortus est, iam inde à tempore Iulij Cæsaris alta in pace degentes, nec sibi quidquam metuentes. Et primò apud Moguntium

(vt verbis Aimonij historici vtat) ponte transiens, ipsam urbem miserabiliter deleuit; inde iter ad Metensem urbem deflexit, cuius muri nocte, quæ diem aduentus eius præcedebat, diuino nutu spontè ruentes, viam irrupturis aperuerunt. Incertum vtrum hanc diuina dignatio flagitiosis, & impœnitentibus inuexerit calamitatem ciuibus: an fortè, vt infandissimi homicidæ iusta acceleraretur perditio, quo cœlestia putans opitulari sibi suffragia, eò contenderet audaciùs vbi impij ausus merita lueret supplicia. Ciuibus denique Metensibus vsque ad interneccionem deletis, Treuiros properat: inde vniuersas Gallias peruagatur, præcipuâsque vrbes, insignèsq; antiquitate, aut opere, ædes funditùs subuertit: inter quas fuit & delubrum illud apud Aruernos celebratissimum: quod Gallica lingua Vasso appellatum memoriæ tradit Gregorius Turonùm Episcopus. Fuit quoque ista vrbs Engolisma, pluresque aliæ non ignobiles ciuitates, quibus incensis & dirutis, filius hic perditionis, nefandi patrator sceleris. Chrocus, cùm tandem Arclatum urbem peruenisset, interceptus à Mario Narbonensis provinciæ Præfecto, deleti exercitu comprehenditur, perque vrbes, quas euerterat, ludibrio circumductus, immanis hostis omnium tormentorum genere excruciat, pœnas, quas immerentibus populis infligerat, miserandâ morte luit.

Vrbs ergo Engolisma ab Vvandalis obsessa est, in qua vicinarum regionum incolæ se cum suis receperant, scilicet munitâ arte, & naturâ, & loco, nec eâ statim Chrocus positus est, tam acriter resistentibus ciuibus, & pro salute, & liberis, sacrîsq; ipsis depugnantibus, quàm insolenter ygente hoste immanissimo. Hic omni arte, & dolis oppugnabat pauidam ciuitatem, tuebantur se ciues loci opportunitate, seseque intra murorum claustra continebant, omni illis intercluso exitu. Pius imprimis Episcopus non tantùm armis fidesse tegens, indefinenter pro populo preces & lachrymas fundebat ad dominum sed & muros circuibat, conueniebat vnūquemque, monebâq; vt forti animo crudelem Christiani nominis hostem propullarent. Deniq; tam Ducis prouidi, quàm boni pastorisungebatur officio, paraus ipse pro ouibus animam dare. Verùm cùm iam tandiù protracta fuisset

obsidio, ut cibaria obsessis penitus defecissent, Ausonius nullum amplius esse resistendi locum intelligens, populum conuocat, & solatur dicens: *Charissimi fratres multifariam Deus populum suum affligi permittit, aliquando ad gloriam nominis sui: scilicet ut probeat, castigetque: quoquo modo sit laudandus Dominus, voluntatiue eius obsequendum est: ne turbemini ergo de ruina vestrae Urbis, si nostricausa hac accidunt, peccatores sumus grauiora merentes, si Deo nos nostraque gloria sua inferuire placet: Quis illi inuidebit, quando ipsius opus sumus? Quis non gaudebit, quod dignus habitus sit pro nomine Iesu contumeliam pati? Soli non sumus, quos visitauit Deus, ecce tota fere Gallia pari calamitate perculsa, tradente Domino, in manus impiorum peruenit: Meliores non sumus fratribus nostris, omnes inique agimus, inueximusque iram Dei super nos; sed pius, & misericors Dominus querentibus eum. Cedendum itaque est tempori, parendum Dei ordinationi, deprecandus hostis si forte vestri misereatur: hominem conueniamus; ecce preibo vos: quantum ad me attinet certus sum non vitaturum hostiles manus; sed & cupio dissolui, & esse cum Christo: cupio pro vobis victima fieri: Nam expedit aliquando ut unus moriatur pro multis. Expedit ut unus sanguine truculenti Choci ira satietur, ne tota hac plebs pereat. Sinite iam restem me, esse apud hostes fidei eorum, quæ annunciaui vobis, ut & credatis, quia vera dixi.*

Hæc illo dicente dolor, & luctus inuasit merentem populum. Eia, dicebat, cur nos pater deferis, aut cui nos desolatos relinquis? Inuadent gregem tuum lupi rapaces, & quis eos perculso pastore prohibebit? Tunc ille conuersus ad Dominum ait: Domine si adhuc populo tuo sum necessarius, non recusabo laborem, fiat voluntas tua. Deinde ad populum ait: Filioli, non iam estis ouile meum, sed Christi; ille prouidebit gregi suo, camus. Assumptaque plebe, Pontificalibus indutus ornamentis, clerique comitatus, processit ad portam urbis orientalem, quæ Petragorica nuncupatur, ubi Chrocum habere tentoria sciebat, & referatâ portâ signum hosti dedit velle se eum alloqui. Ecce ille aduolat stipatus denso suorum agmine, plenus minarum, sanguinem ore spirans: cui beatus Ausonius ait. Inuicissime Rex, Deus propter delicta tradidit tibi nos: Tu homo memineris nos homines esse: si in te quidpiam

peccatum est: Ego sum, Ego sum, qui testis tibi obfistere volui: Ipse sum, qui peccaui, parce innocenti plebi, condona furorẽ tuum supplicibus. Cui Chrocus: Esne ille impietatis Christianæ assertor, qui consiliis meis tamdiu obstitisti? Qui plebiculam hanc vanis Dei tui deiramentis infascina-
sti? Num scis me esse Deum, & Deorum nuncium? Auso-
nius Dixit: Christianus sum, & Episcopus novi vnicum &
verum Deum, qui fecit cœlum, & terram, huic nos Christia-
ni deseruimus, hunc deprecamur diebus, & noctibus pro
nobis, & pro ipso, Rex, & pro omnibus hominibus. Chro-
cus dixit: In hac ergo voluntate perseueras? Ausonius dixit:
Bona voluntas, quæ Deum nouit, mutari non potest. Chro-
cus ait: Da honorem diis immortalibus. Ausonius dixit: Nō
faciam. Chrocus ait: Ergo morieris. Ausonius respondit:
Fac quod libitum est, in re tam iniusta nulla est consolatio.
Tunc Chrocus eum apprehendi, & capite plecti iussit. Et ita
beatus Episcopus passus est, eiusque corpus clam sublatum à
Caliaga, & Calefagia virginibus, inque constructo ab his
delubro sepultum à parte septentrionali non longè à porta.
Passus est autem beatissimus Ausonius Martyr die xj. Iunij
Galieno imperante, regnante vero Domino nostro Iesu
Christo in sæcula sæculorum. Amen.



AD LIBRVM QVARTVM.

AD Caput IV. Viētoris nomen plurimis sub Maximiano Martyribus commune fuit; At huius Massiliensis, & sociorum Acta ex MS. Codice hæc sunt.

Incipit passio sanctorum Viētoris, Alexandri, Feliciani, atque Longini, xij. Calendas Augusti celebrata.

MASSILIA Ciuitas ampla quondam mirabili structuræ suę firmitate, simul & pulchritudine gloriosa, in optimo terræ solo in capite Galliarum sita, terrâ marique omnium ferē gentium commerciis patens, immensâ diuitiarum opulentia, & frequentibus populorum turbis, armorūque terroribus incluta fuit: vnde & Romanæ potentia meruit esse in occiduis partibus quædam propria sedes. Quare & Romanorum numinum, immò Romanorum dæmonum studiosa cultrix, & sacrilegarum superstitionum acerrima & ferocissima defensor habebatur. Quas ob res superba nimis, & pessima tantâ crudelitate in Christianorum supplicia, sanctorūque neces, velut totius humanitatis immemor raptabatur; vt collectos vndique circa se piorum greges, ad aduentum maximè Imperatorum instar luporum raperet. Sed nec ipsis ciuibus parcens, quoscūque Christiani nominis inuenisset, absque vlla miseratione aetatis, aut sexus, quasi ad triumphum suorum dæmonum variis ludibriis affectos, & irrecitabilibus tormentorum generibus excruciatos, vilius quàm pecudes trucidaret. Inter quas sanctorum martyrum gemmas Viētor sanctissimus, velut cæteris stellâ fulgentior gloriosus claruit: vel quòd esset nobilior, vel quòd in religione nostra infusior, & feruentior, atque famosior, vel quòd de ipsa cæteris

peffimis immaniore, & truculentiore beftiâ, Maximiano vi-
delicet Imperatore, cum ipfo cominûs pugnans, infigitèr,
& dignè fuo nomine triumphauit. Maximianus enim cùm
pro Sanctorum sanguine quem per totum orbem crudeliûs
aliis, maximeque per totas Gallias recentius fuderat, & præ-
cipuè pro famofiffima illa Thebaorum apud Agaunum cæde,
noftorum plurimis nimium terribilis factus Maffiliam adue-
niffet, vt fecundùm fcripturam impius adhuc impiè ageret:
cunâta illuc crimina fua cum vita nequiffima impleturus, ne
quid fibi deeffet scelèrum, pietati protinûs infatiabilis tortor,
velut parùm hæcenus feciffet, totâ rabie bellum indicit:
Chrifticolâsque, nifi facrificent idolis, exquisitis mortibus de-
perire iubet. Tum verò tantâ malorum nube oppreffus, per-
turbatûsque noftorum animis inuincibilis, fe fe in medium
Victor oppofuit, fingulis noctibus sanctorum castra fellicitè
circumiens, & per domos fingulas ad amorem æternæ vitæ,
& contemptum tranfitorie mortis feruorum Dei corda con-
fortando fuccendens.

Talibus infiftens cælix hostia mox futurus deprehenditur,
ac Præfeftorum tribunalibus præfentatur. Præfefti primùm
fuadent clementiûs viro, ne deorûm culturam fperneret, nec
confueta militiæ ftipendia, & Cæfaris amicitias pro cultu cu-
iusdam olim mortui recufaret. Ille ftatim sancti Spiritus arma-
tus eloquio, deos, quos dicebant immundiſſimos dæmões
efficaciſſimè comprobât: militaria verò ftipendia, & Impe-
ratoris amicitias fe Chrifti militem in contumeliâ Regis
fui nullatènûs habere velle refpondet: Dominum autem Je-
ſum Chriftum, altiffimum Dei filium pro charitate reſtaura-
tionis humanæ, verè quidem hominem fuiſſe mortalem, & ab
impiis fe volente occiſum, ſed diuinæ ſuæ virtutis potentiâ
die tertiâ ſuſcitatum cœlos aſcendiſſe, & à Deo patre regnû
ſuper omnia ſtabile ſuſcepiſſe, vultu conſtanti, ac liberæ vocis
plenâ authoritate proteſtatur. Nec mora circumſtantium
clamor ingens in cœlum attollitur, pius Domini confefſor
ab omnibus iniuriatur. Sed quia vir clarus erat, iudicatum à
Præfeſtis eſt, vt ieiſ cauſa ad Cæſaris audientiam referretur.
Quo facto ille efferato animo ſubitò conuerſus in furias dila-
tionis impatiens, iubet athletam ſanctum ſuis tribunalibus
præſentari.

Beatiffimus

Beatissimus igitur Victor coram tribunali furentis Imperatoris statuitur, multisque vndique accusationibus impetitur omni calliditate, summisque terroribus ad sacrificia iterum dæmonum perurgetur. Martyr verò exauditoterrorerobustior, velut qui gehennas leui commercio vinceret, nec auferri de terra veritus, qui municipatum cælestis curiæ iam sentiret, de promptuario sancti Spiritus recreatus, Imperatorem seuissimum, cunctosque Principes eius mirâ prudentiâ, & animi virtute confutauit, idolorum cultus assertionibus claris euacuans, Iesum Dominum verum Deum esse certâ publicè ratione confirmans.

Tunc impiissimus Cæsar omni ferâ crudelior, omni dracone malignior, facescens in rabiem vertitur, sanctumque Martyrem funibus coarctatum per totam urbem præcipit volutari, vt ex ignominiosa viri pœna, & deorum suorum vindicaret iniurias, & nostrorum simul animos territaret. Datâ sententiâ conclamat exercitus infanientis populi, vndique ad spectaculum multitudines ruunt, dumque per totam ciuitatē brachiis pedibusque ligatis Christi athleta pertrahitur, impiis manibus, vel maledico saltem ore, prout quisque poterat cruciatus adaugent, ita vt pro reatu non minimo sibi duceret, qui ad eius iniurias non aliquid adiecisset.

Tali ergo ludibrio cum satis superque vulgi nefandissimi oculos satiaffet, ad tribunalia Præfectorum sanctissimus iterum Victor laceratus, cruentusque reducitur, de negando Christo, & diis adorandis acrius itidem peroratur; putantes enim pœnâ, & contumeliis, populique tumultibus fessum animo decidisse, nec iam de superfluo locuturum, qui sibi potius consulendum esse crudeli experimento didicisset, de iniuriis Cæsaris, ac totius reipublicæ grauiter conqueruntur. Tunc deinde supremæ clementiæ, nihilque infelicius esse asserunt, quàm oranium deorum, & inuictissimorum Principum amicissimâ familiaritate posthabita, cuncta mundi oblectamenta, & gloriam, & honorem, ipsam quoque dulcissimam salutem corporis, pro eo quòd nunquam viderit, perdere, cunctorum iras deorum, hominumque in se gratuito prouocare, cum omnium dolore charorum per summa tormentâ ad interitum festinare: proindè vel iam experto ratio;

nem sanioris eligendam esse consilij, nec contemnendos esse deos; quorum manifesta maiestas fulgeret in templis, quorum beneficia sentirentur à cunctis, quos veneranda antiquitas adorasset, & summi Principes colerent, quibus propitiis laterent cuncta, quibus aduersis durare mundus nec ipse valeret. Illi sanè quantocyùs renunciandum, qui & viuendo semper pauperrimus fuerit, & quàm esset impotens moriendo demonstrauerit: id si faceret, futurum vt imminetia supplicia lucraretur, & de intimâ Cæsaris amicitia, summisque honoribus ipsis posset interuenientibus gratulari. Quæ si respueret, ad illam quam nemo vmquam vidisset Christi suam gloriam, non aliter quàm ipsius exemplo per summa tormenta, & contumelias, totius opprobrium, & abiectio populi factus esset illicò transiturus.

Cùm Martyr de primo impetu penè victor, & sancti Spiritus factus oraculum imperterrito, & infatigabili animo, Deo confortante persistens, ad hunc modum concionatus, ait. Si de inimicis Cæsaris, & reipublicæ agitur, numquam, inquit, Cæsari, numquam reipublicæ nocui, non honori Imperij quidquam detraxi, non ab eius me propugnatione retraxi. Quotidiè pro salute Cæsaris & totius Imperij studiosè sacrifico, quotidie pro statu reipublicæ coram Deo meo spirituales hostias macto. Dementissimum autem non abs re videri omnibus æstimo, si quis vnum aliquid ita diligit, vt non id pro centuplo meliore postponat. Quid verò si illud vnum, nec prout cupias habere, nec si habeas sine metu gaudere, nec cum maximè sollicitus sis valeas retinere. Illud verò centuplum mox vt volueris, præ manibus habeas: cum tenueris, securus gaudeas; quòd nullo iam fine, nullo sui, tuive defectu, nullius deinceps violentiâ perdas. Proindè sanioris ratione consilij, omniumque iudicio sapientium familiaritas Principum, mundi oblectatio, gloriæ, honores, salus corporis, charorum cognatio, & huiusmodi cætera, ipsi denique temporalis vita, quæ nec pro voto acquiri, nec securè haberi, nec vel longiusculè teneri omnibus planè notissimum est: æternæ vitæ ineffabilibus, & stabilibus gaudiis, summi que omnium auctoris amplexibus postponenda sunt: quem cum amaueris, habeas: cum habueris, cuncta pariter cum illo possideas. Nec

te doleas hæc ipsa, quæ deserturus momentaneè reliquisse, quæ commutatione leuissimâ, incomparabiliter meliora in æternum gaudeas recepisse. Non autem tormenta sed refrigeramenta rectè dici, quæ cruciatus æternos extingunt, nec mortem, sed salubre poculum reputari, per quam ad talem vitam transitus procuratur. Illo sanè nihil insanius, nihil omnium conscientia teste, vecordius, qui hoc tanto bono sine causa posthabito, manifestum vitæ suæ hostem studiosè ut Deum colat: unde & post vitam nihil aliud, quàm mortis æternæ mercedem, & inexplicabiles sine termino cruciatus acquirat. Quis enim vitæ humanæ truculentior hostis appareat, quàm qui agenda docet, proprioque exemplo suadet, quæ & extrema sint agentis opprobria, & iustissimis legibus capitaliter puniantur? Nonne autem agenda docentur, quæ publicè recitari, quæ laudando cantari iubentur? Tales quippè, tales sunt dii vestri maximi, quibus præcipientibus horrenda sua scelera non solum recitantur, sed & visibiliter effinguntur in theatris, cantantur, & summis laudibus celebrantur in templis. Cui enim vestrum nescire licet funestas rapinas, & quantum in se fuit nefanda parricidia summi Iouis? Cui innumera eius stupra, & adulteria furtiva, & publica, fraudulenta, & violenta ignorare permissum est? Nunquid Reginæ deorum sororisque Iouis maligna crudelitas, & fraterna secum incesta latuerunt? Nonne palàm sunt Martis implacabilis ferocitas, & obscœnissimi Priapi, necnon & fœdissimæ Veneris turpitude? Quid deas febres, deosque pallores & huiusmodi deorum referā greges, quos ipsi vos deos malignos, & saluti inimicos humanę predicatis? Pudet memorare deos Stercutios, & deas Cloacinas, & mille talium portenta deorum, qui tanto dedecore miseros suos cultores afficiunt, ut venerari cloacas, & stercora deorum scilicet talium templa compellantur. Patet igitur quàm truculentissimi, & ultra omnes inimicos immanissimi hostes sint hominum isti dii vestri magni, quorum lignea, vel lapidea, vel ærea maiestas à vobis facta, & stabilita, à muribus, seu auibz stercoratur in templis, quorum prædicta maleficia, nulla verò beneficia sentiuntur à suis: quos venerata vestra misera antiquitas perit, quos utinam vestri Principes tollendo fœlicius viuerent, quibus propitiis, cuncti quibus propitijs

sunt, iubentur à iustissimis legibus capitaliter plecti: quibus aduersis per mundum innocentia, honestas, & iustitia reflexcit. Non enim illi propitiari nisi similibus possunt, dissimilibus enim nequeunt, quia nulla contraria sibi inuicem conuenire possunt: similes verò illorum, & iustissima lex, vt diximus, cum pessima nota de medio exterminat, & ipsa æquitas nihil illis post vitam aliud, nisi mortis æternæ supplicia seruat: bea atitudinem quippè nemo vel insanus concedit: Restat ergo quidquid post hanc vitam talibus retribuitur id esse, vt quoniam numquam beati sunt, sempiternâ miseriam moriantur. Quoniam igitur dij vestri dissimilibus quidem aduersis, similibus autem semper sunt mortaliter inimici, ratione firmissimâ constat, quòdeos nemo colere debeat, quorum & cultura viuientes semper turpissimos, & retributio, siue in hac vita, siue post hanc vitam facit miserrimos, quos nec aliquatenus deceat formidari, cum sola sit eorum propitiatio metuenda. Illum sanè quantâ charitate, quantâ veneratione dignum est adorare, qui, cum inimici essemus, prior nos dilexit: qui & deorum turpium nobis fraudes aperuit, & vt nos ab illis eriperet, non suam minuens Deitatem, sed nostram vestiens humanitatem, inter nos Deus permanens, homo factus apparuit vt pauperrimos ditaret, nostræ se paupertati cum ditissimus esset, pauperrimus veniens, configurauit: cuius illa humana conuersatio nobis est omnis virtutis, & honestatis exemplum: cuius indebita mors debitam nostram aboleuit in æternum, & dum isti dij, immò pessimi dæmones illum innocentem nostrâ infirmitate velatum, iniuste expetunt, quos à se deceptos captiuauerant iuste perdiderunt. O quàm diues illa, quam obliuiscitis paupertas! quæ quando sibi placuit solo iussu piscibus impleuit nauiculas, quinque panibus, quinque milium satiauit turbas! O quàm fortis infirmitas, quæ omnes suorum infirmitates sanauit? O quàm munifica mors, quæ tot mortuos suscitauit! Quæ ne fortè minùs vera esse aliquatenus aestimetis, aspicite ab initio prædicta innumerabilibus miraculis totius creaturæ attestatione firmata. O si intentè videritis quantus iste sit, cui totus est obediens mundus, qualis sit, qui est desiderabilis totus, in quo nihil vituperabile, in quo totum laudabile, cuius charitas omnes recipit, cuius iudicium

nullus euadit. Quid eius vitâ sanctius? Quid doctrinâ rectius? Quid promissis vtilius? Quid minis terribilius? Quid eius tutius patronatu? Quid laudabilius amicitia? Quid iucundius gloria? Quis decorum huic similis? Quis huic comparabilis? Omnes enim dii gentium dæmonia, Deus autem noster cælos fecit, & ideò illi cum suis cultoribus, æternis incendiis damnati sunt, atque damnandi, sicut scriptum est in sancto Propheta: dii qui cælum, & terram non fecerunt, pereant de sub cælo. Vt in alio: Confundantur omnes, qui adorant sculptilia. Vt iterùm. In ignem deiicies eos, in miseriis non subsistent. De isto autem sanctus Propheta dixit. Deus noster præ omnibus diis omnia quæcumque voluit fecit in cælo, & in terra, in mari, & in omnibus abyssis. Vnde & eodem Prophetâ teste. Beati omnes, qui timent eum, qui ambulant in viis eius; Regis enim sui gloriâ fideles milites non carebunt, propter quod securè pro eius testimonio mortem nos ultro suscipimus, & quàm certa sit nostra spes passionis exemplo monstramus. Quocircà viri illustrissimi, viri doctissimi, mentis compotes, & ratione vigentes, semoto quæso paulisper odio, & contentione, iusto examine, vim vtriusque partis attendite, nec turpissimis, & inimicissimis dæmonibus damnatis, atque damnantibus vterius vos ipsos traditis, nec diuinæ similitudinis honorem quæ in vobis est eorum obcenissimæ turpitudini substernatis, vt eorum damnationem euadere valeatis. Obedite autem sanctissimo, pulcherrimo, iustissimo, elementissimo, omnipotenti creatori, & amico vestro, cuius vos humilitas, si ei acquiescitis, sublimabit, paupertas ditabit, mors viuificabit, cuius vos nunc aduocant sububerrima, monita inuitant præmia, vt in æterna ipsius gloria paulò post suscipi, & in eius semper amicitia gratulari.

Cùmque perorasset martyr, impiissimi Præsides rationum pondere oppressi, adhuc, inquiunt, Victor philosophari non desinis? Vnum tibi elige, aut placare Deos, aut cum summa infœlicitate deperire. Si sic inquit, proponitis, quod docuimus verbis exemplis firmandum est. Deos sperno, fateor Christum, quæcumque potestis date supplicia, cumulate tormenta. Exacerbati ergo responsis eius Præsæcti sacrilegi,

dum in laniando eo, alter alterum crudelitate vincere nititur, in se primitus versi, orta rixa dissentiunt, pro qua recedente Euticio, optatae sortes excrucianti, martyris alteri cedunt.

Tunc Alterius, sic enim dicebatur, Christi militem mox iubet affigi. Quo facto, cum diutiùs accerrimè torqueretur, attollens in coelum lumina piam tolerantiam à misericordissimo patre Deo, cuius id esse dorum nouerat, precabatur. Nec iam vltra ferens clementissimus Iesus certatori suo insigne certaminis, victoriæque signum, crucem videlicet in manibus gestans, in specie consolantis apparuit dicens: Pax tibi Victor noster. Ego sum, inquit, Iesus, qui in sanctis meis iniurias, & tormenta sustineo: Viriliter age, & esto robustus; Ego enim tecum sum fortis adiutor in praelio, qui & fidelis post victoriam remunerator in Regno. Ad Saluatoris vocem protinus omnis dolor cunctaque irrita cessare tormenta. Tunc ille mente, vultuque alacri, conuersus ad laudes immentas, visitatori, ac consolatori suo toto spiritu gratias referebat.

Lictores autem sæui cum iam lasi deficerent, nihil autem se profecisse tripudiante martyre cernerent, depositum patibulo iussu nefandissimi Præsidis sub custodia militum in obscurissimum omnium carcerem trudent. Et ecce benignissimus Iesus sponfionis lux non immemor, noctis medio militi suo visitationem Euangelicam mittit. Continuo igitur solutis carceris claustris depulsa nocte, totum carcerem die clarior lux cœlestis irradiat. Exultans martyr laudes Domino cum Angelis leniter se demulcentibus canat.

Milites ergo claritatem tanti cernentes fulgoris, ad pedes sancti cernui procedunt, veniam flagrant, baptismum petunt, quos pro tempore diligenter instructos, adscitis sacerdotibus ipsa nocte ad mare duxit, ibique baptisatos propriis manibus de fonte leuauit. Manè autem facto sanctorum militum Alexandri, Longini, Floeciani, sic enim eorum nomina dicebantur, diuulgata conuersione: magnus ille draco Maximianus furore succenditur, scitalia edicta proponuntur. Hæc omnia in Victorem, quippe qui author

fuiſſet, duriùs retorqueri : milites verò debere aut conſentire idolis, aut capitali ſententiâ condemnari.

Tunc beatus Victor nouos Chriſti milites præmiſſurus ad prælia, huiuſcemodi oratione præmuniuit dicens. O fortiſſimi commilitones, ô glorioſi certaminis anteſignani, opus eſt animis, nunc opus totâ fortitudine, fidem quam nunc Imperatori veſtro promiſiſtis viriliter cuſtodite, imminet enim hoſtis, a deſt pugna; vult enim hoſtis noua tyrociniâ veſtra repētinus aggredi, vt ſi incautos inuenerit, palmâ victoriæ ſe quodammodo ſurripuiſſe glorietur. Vos autem chariſſimi non ita negligenter inſtructi eſtis, non ita parûm Chriſtum didiciſtis. Vos quoque non ignoratis prælia, nec perdidiciſtis militiam, ſed mutatiſtis. Experiatur igitur Rex noſter quos elegit, quibus aciem primam ſœlicis pugnæ commiſit: experiantur & inimici quos impetuit, nec vos degeneres in aliquo ſentiant: de quibus tam benè veſter Imperator ſenſit, vt recentiſſimis tyronibus ſummam rerum committeret, & priuos belli euentus veſtræ fortitudini commendaret. Nec vos terreant bella, qui ſemper bella didiciſtis, nec vos aduocent peritura, qui iam præ manibus æterna videtiſ: ſuper eſt vobis illa fortiter rapere: ſuper eſt vobis per medias acies tranſire: quæ ſi paulò vobis interim aſperiora videntur, ipſum Regem noſtrum iam iam pertalia tranſire, cognoscite; ipſum, non alium ducentem audite. In mundo preſſuram habebitis, ſed confidite ego vici mundum. Ipſum, inquam, ipſum ſiducialiter mente, & voce contra omnia dura inuocate: non vobis fideliter inuocantibus deerit, qui ſuis omnibus veraciter promiſit, dicens. Ecce ego vobiſcum ſum vſque ad conſummationem ſæculi. Denique huius rei me ipſum vobis exemplum fidele propono; dum enim appenſus patibulo intolerabilibus cruciaretur anguſtiis, miſericordem Dominum ſupplicibus lachrymis inuocaui, & ecce protinùs illum video glorioſum noſtræ redemptionis ſignum in manu ferentem, & dicentem mihi. Pax tibi Victor, ne timeas; ego enim ſum Ieſus, qui in Sanctis meis iniurias, & tormenta ſuſtineo. Ad cuius vocem tanta mihi ſtatim virtus inſuſa, vt nulla penitùs ſupplicia reputarem. Quapropter chariſſimi virtutis veſtræ memores, in authorem omnium Ieſum Dominum, & quâ ille tranſierit,

quò peruenerit aspicientes, ne timeatis minas volaticas mortalium hominum, quibus promissa iam præ manibus est immortalium societas Angelorum; & momentanea fertesupplicia, vt triumphaliter superare possitis æterna; & qui antea malebatis mori, quàm vinci perpetuò perituri, nunc patimini oro vos vincere, in æternum postmodum regnaturi.

Talibus armatos, vnâque Victorem sanctum missi apparitores ad forum superius rapiunt: quibus auditis certatim ad spectaculum tota penè ciuitas ruit. Alios furibundæ mentis insania pertrahēbat, alij meliore spiritu cupiebant videre sanctum Martyrem cum diabolo dimicantem: vulgi concurrentis vndique confusio personat; tumultu & clamore omnia replentur, in sanctum Martyrem maledicta, & conuicia vndique iaciuntur. At ille contra omnia illata robustior permanens, cum ab impiis cogeretur vt vel milites, quos auerterat, ad cultus deorum reuocaret. Quæ, inquit, ipse ædificauī destruere mihi non licet. Interrogati ergo sancti Alexander, Fœlicianus, atque Longinus in confessione Domini fideliter perseuerant, moxque ex Imperiali iussu gladio feriuntur, corporaque proicientes temporalia, vitâ potiuntur æternâ.

Sacratissimus autem Victor cernens sanctos milites neci datos; lachrymabili voce Dominum deprecabatur, illorum focius esse martyrio pariter & gloriæ mereretur, quorum post Deum crudelitatis, & confessionis auctor extitisset. Statim igitur gloriosus Martyr conclamantibus turbis vndique tunditur, iterumque suspensus, fastibus, nervisque taureis reuocatur ad carcerem: vbi triduo in oratione perseuerans, martyrium suum magnâ contritione cordis, & multis lachrymis Domino commendabat.

Deinde funestus Cæsar auditâ constantiâ Martyris, velut ad vltimum tortor infanior reseruat, suis eum aspectibus imperat sisti. Tunc interrogatione factâ Martyr perseuerantissimus, idem qui fuerat in confessione Domini per omnia reperitur. Tum verò quasi de nouo furor, & rabies in Christi militem debacchatur, tum minæ, terrorésque, maledicta, & conuicia denuò renouantur. Interea Maximianus Iouis aram iubet afferri. Mox igitur coram ipso ara componitur, sacrilegus quoque sacerdos paratus assistit. Tunc Imperator ad S.

Victorem

Victorem. Pone, inquit, thura, placa louem, & noster amicus esto. Hoc audito fortissimus Christi miles, sancti Spiritus ardore inflammatus, seseque amplius ita ferre non sustinens, velut litaturus propius accedit, aramque de ipsa manu sacerdotis solo tenus pede prostituit, atque ipsum pedem iussu mox detestabilis Cæsaris amputatum, Deo & Regi suo Domino Iesu Christo, velut quasdam suaueolentes primitias interim sui corporis dedicauit.

Ad vltimum verò iam totum corpus, & animam Domino redditurus edicto Cæsaris ad molam pistoriam ducitur. Ibat autem ita celer, & hilaris, ac si nihil penitus passus incommodi videretur. Igitur cruentissimi, & execrabilis tyranni iussa complentes lictores sæui, gloriosum Martyrem toto mox corpore rotatu celeri conterendum, pistoriæ moli supponunt. Tunc electum Dei frumentum sine miseratione conteritur: tunc inuictissimi Martyris ossa scelerata crudeliter conquassantur. Sed cum dissipatâ paulò post diuinitus machinâ spirans adhuc aliquantulum videretur, ad perfectam eius plenamque victoriam, tot Domino confessionibus dedicatum, tot, & tantis agonibus decoratum gladio illi caput abscindunt: quo facto mox desuper vox cœlestis intonuit dicens. Vicisti Victor beate, vicisti.

At infœlix Maximianus speciale dæmonum templum, à quibus hætenus fuerat superatus sperans se vincere, vel defunctos, ad cumulandas Martyrum glorias, omni humanitate sepulturæ posthabitâ, eorum corpora in profundo maris brachio, quo à meridiano latere ciuitas eingitur, à piscibus deuoranda submergi facit; Sed pius Dominus meliori consilio & honori Sanctorum, & posterorum patrociniis prouidens, ministrantibus Angelis natatu celerrimo sancta corpora in oppositum litus illæsa transponit, ibique à Christianis in crypta natio in saxo operosè, ac decenter excisa, sepulta, multis vsque in hunc diem miraculis honorantur, multaque beneficia piè petentibus ipsorum meritis conferuntur, per Deû, & Dominum nostrum Iesum Christum, cui sit laus æterna, virtus, honor, & imperium, cum Deo Patre & Spiritu sancto per infinita sæcula seculorum. Amen.

Explicit Passio sancti Victoris Martyris,

Cardinalis Baronius Annalium Tomo III. hanc passionem in Codice MS. Bibliothecæ Vaticanæ, versibus descriptam esse narrat; Illos accipe ex eodem MS.

Incipit Passio S. Victoris Massiliensis.

CVM studeat dæmon Sanctis inferre polemon,
Nec iam lætetur, nisi fallat & infidietur,
Est opus instandi, ne qualibet arte nefandi,
Mens decepta cadat, per quod sibi gaudia tradat;
Perditus, & tristis, semper vacat artibus istis,
Pugnat, & instigat quærens ubi spicula figat,
Nam satis ignitas plures habet ille sagittas,
Quas qui non cernit, stultus quasi somnia spernit;
Spernitur, & spreto moritur pars intima letho,
Dumque dolet vitam, dolet hanc non nosse sagittam;
Si fieri posset, spondens quia iam benè nosset,
Sed doluit frustra, qui polluit vltima lustra.
Quàm benè, te Christe Martyr cognouerit iste;
Mors probat, Ignoti non est hæc passio voti,
Si non nouisset, non in Victore fuisset,
Tam celebris virtus, quàm Victor abhorruit ictus;
Dicere Victorem palmæ designat honorem,
Nec foret hic Victor, si posset vincere listor.
Prologus explendus, quia mons grauis aggrediendus;
Ergo meis gestis ne detrahat æmula pestis,
Tu Deus hanc arce, si quid minùs infero parce.

Cùm furor infani regnasset Maximiani,
Nec minùs insanus collega Diocletianus,
Vt par majestas, vt par in vtroque potestas;
Sic fuit ad funus Sanctorum spiritus vnus,
Vnus & ad pœnas animus laxabat habenas;
Et velut ad quosque suadebant templa deosque;
Sic tumultum Christi prohibebant omnibus isti.

ECCLESIAE GALLICANÆ.

139

Tantus erat terror, tantus iam creuerat error,
 Ut fidei cultum nusquam paterentur inultum,
 Alter enim princeps, & cui par nemo deinceps;
 Hanc habuit curam, cladem post liba futuram,
 Massiliæ scribit, nolens libare peribit,
 Mandat, & hic turbis, magis autem ciuibus Urbis,
 Ut bene perquirant qui sunt qui in numine spirant,
 Nec lateat scribit, quia si valet ipsemer ibit.
 Adueniens ergo postponens cætera tergo,
 Præcipit assisti dictos à nomine Christi,
 Sistitur iste foro de quo dictare laboro,
 Nescit adhuc vnus quid dicat vterque tribunus,
 Cur sic Victor hebes, aiunt, contemnere debes
 Leges Romanas, & res inducere vanas?
 Non id, non nosti quid regnum debeat hosti,
 Vtrique dona feret qui nostris legibus hæret,
 Insuper vt duret tua iam deuotio curet,
 Multum delinquis Victor, concedo quod inquis,
 Nec sumus ignari sic nos debere precari,
 Victor ait Præses si non responsio deses,
 Cur piger existis coram præsentibus istis,
 Hic vbi sunt aræ nobiscum sacrificare?
 Sic etenim diras sedares Principis iras,
 Nec foret incertum, regem tibi iure misertum
 Victor ad hæc sanctus quantos sapissimè planctus;
 Propter eos planxi, quantisve doloribus anxi,
 Cor recolens illos quos hæc patet esse pusillos
 Ut miseris fatus, fatus magis, immò profatus,
 Subiiciant mentes per abusum dona ferentes,
 Nunquid ad hoc numen si vis intendere lumen;
 Cum videas ipsum quod habes pro numine gypsum
 Ipse Deum credes qui per te venit in ædes?
 Nonne recordaris quia per te pausat in aris,
 Primò fuit limus, nunc inter numina primus,
 Is fuit hoc vile seu puluis siue monile,
 Ex aliqua fago fuit hæc deitatis imago,
 Et modò multimodas cum per te suscipit odas,
 Per te formatus, per te fuit appretiatus,

f ij

Ut leue dem signum, formæ Iouis inspicelignum,
 Pro populi cura sacra latet ipse figura,
 Sinon sit verè, tamen hunc concedo latere
 Hæc modo sublimis quasi partibus imperat imis.
 Lapsa per euentum si corruit in pauimentum,
 Cum fuerit fracta, sunt de Ioue cuncta peracta.
 Sic fuit in Christo sicut concedis in isto,
 Carne flagellata diuinitas manet inuiolata,
 Mors & aperta cutis medicina fuisse salutis,
 Qui cruor extractus pollutos abluit artus,
 Quod fuit existit, nec mors nec plaga refistit,
 Quum triduo factò mortis iam principe fracto,
 Surgeret & cœlis se redderet, esto fidelis,
 Transfer ad hunc mentem, montes transferre potentem,
 Ob scelas obliquum, nec te subuerter iniquum.

Dixit ad hæc Prætor, quod despicias hoc ego lætor,
 Præbes verba satis sed nullius vtilitatis,
 Per similem casum speras hoc esse suatum,
 Partem diuinam non substituisse ruinam,
 Atque per hoc tandem vis ut fateamur eandem,
 Vim Iouis & Christi, seu par sit Iuppiter isti.
 Iuppiter æternus Deus est, tuus iste modernus,
 Iuppiter in cœlo vehitur saltante camelo,
 Rex tuus ad bellum passurus duxit a sellum,
 Golgotha mons mortis situm sua dextera fortis,
 Transferat ut montes vel possit perdere fontes,
 Cur non translatus fuit, aut cur ipse Pilatus,
 Non luit hanc pœnam per qualem cunque cathenam,
 Desine quod faris, nescis cui ista loquaris,
 Victor tu cessa, tua Vox sit morte repressa,
 Qui bona praua putas, & deprauando refutas,
 Omni personæ conceditur ex ratione,
 Propositum veri vera ratione tueri,
 Esse putas cœlo vectum saltante camelo,
 Quem pehibet planè mœchatum fabula Danæ,
 Et liber auctoris difamat forde sororis,
 A Stygiis multer sitantus vixit adulter,

Si tamen est aliquid natura quod esse relinquit,
 Respuo quidquid agas cum centum sumpsero plagas;
 Cum me discerpes, dicam nihil in Ioue perpes,
 Hoc nisi duntaxat, quia qui peccata relaxat,
 Damnat in æternum qui vel putat hoc hodiernum;
 Rex meus ad bellum supplex ascendit aſellum,
 Ut monstraretur cum suppliciter veheretur,
 Mortem sponte pati sub conditione Pilati,
 Namque latere fuga sic & procedere nuga,
 Si fugis à bello non sponte ſedebis aſello,
 Denique ſi vellet nullus potuiſſe reſellet,
 Si quid obeſſet ei medioſplendore diei,
 Vel ſi celaeſſet vel ſe ſuper aſtra leuaſſet,
 Poſſet & vlciſci quia poſſet & hoc adipiſci,
 Ut ſuperi carus fieret ſolamine fietus,
 Hoc tetigit ſontem: ſed nec tranſponere montem
 Cura fuit grato tulit hæc Deus omnia fato.
 Prætor, quæ tractas niſi decipis & niſi macſtas,
 Paucos ante dies vt ego reor hoſtia fies,
 Et modò nobiſcum qui poſſes cingere diſcum,
 Vt decet Athletam ſumens cum rege dietam,
 Qui tibi ſi velles daret aurum, pallia, pelles,
 Poſtque datum munus poſſes mox eſſe tribunus,
 Conſilio noſtro geminato cerneret oſtro,
 Vltra quemque parem faceret ſibi conſiliarem,
 Poſt habitis iſtis Regique diiſque reſiſtis,
 Cauſidicus factus per quos ignoro retractus,
 Deſpicias omne ſacrum: quoddam ſuadendo lauacrum,
 Dicis, & abſtergi volet hoc qui in flumine mergi.
 Per Iouis hoc fanum, per Regem Maximianum,
 Perque ſuperiorum Collegia cuncta deorum,
 Si perſeueras & ſi nos vincere ſperas,
 Poſce Deum ſcalas, vel quas habet angelus alas,
 Ad quas feſtinas poteris mox eſſe ruinas,
 De re tam cauta, quid debet dicere nauta?
 Deſine vel demum, pete littus, & accipe remum,
 Et ſolitis bellis coëat tibi iſta procellis,
 Ibis in infernum, ius euitando paternum,

Mos fuit iste patris nisi cūm seruiret aratris,
 Rusticus obtusus patrios cūm deserit vsus;
 Desipit & plaudit difusus ad omne quod audit;
 Quod fuit oblitus legis putat esse peritus,
 Promptus vt occurrat referens quod quisque susurrat;
 Surge Deosque voca, sumensque per occiput occa,
 Degrege quidquid ames, & sic faciendo reclames,
 Propitios vultus, & erit tuus error inultus.

Victor ait nautæ disponunt plurima cautè;
 Prætores multi sunt in moderamine stulti,
 Sit mihi vile genus, sit vel mihi victus egeus,
 Hæc du, nil tollent si iuris munia pollent,
 Istius est moris titulus cœlestis honoris,
 Si benè vincentem videat non spernit egentem;
 Hæc decet vt inster si nuncupor esse minister,
 Littoris atque maris licet impropere loquaris,
 Vt mare sit mundus gurges satis iste profundus,
 Per plures mortes, multas necat ipse cohortes:
 Hos vtinam fluctus ad iura paterna reductus,
 Vincere sic nosses quo vos excludere possem.
 Ecce deum testor non tam pro morte molestor,
 Quàm sum passurus quantum quia tu moriturus,
 Non fugis hoc stagnum, non deseris hoc mare magnum;
 Ast ego per stellas, qui præcognosco procellas,
 Dum mea lucra sequor, solitus transire per æquor,
 Si placet ostendam quam rem credatis agendam.
 Concita sicut avis sedatur & integra naui,
 Hæc mora vestra grauis, cūm venerit aura suavis,
 Proximus est portus vbi fons & floridus hortus,
 Vir bonus est hospes, satis est habitatio sospes,
 Omnia dat gratis, congaudet & ipse paratis,
 Fragrat in orbe domi, multi redolentia pomi,
 Sine queas ore, solo medicaris odore,
 Non animi langor, non est ibi corporis angor,
 Sunt ibi personæ, pendent ibi mille coronæ,
 Sunt ibi primores, & ibi præbentur honores,
 Hæc tibi monstramus, quod si non credis camus;

Si minus est quicquam, pœnam volo soluere, dic quam?
 Prætor ait, laudo, si possum cernere plaudo,
 Sunt mihi cedrinæ fortes agilesque carinæ,
 Purpurea dela, pollent ibi fortia vela;
 Dic vbi ducamus, cum flauerit Auster eamus.
 Victor ad hæc dixit si mens cum voce reuixit,
 Iam super ad cœlum mentis prius erige velum,
 Desuper affabit per quem tua prora volabit,
 Ob nimiam curam talem prætende figuram,
 Sit tua mens navis, sit spiritus aura suavis,
 Ipse regat mentem mundum transire volentem,
 Ducat & ad Christum, qui portum possidet istum,
 In lauacro mergat per quod tua crimina tergat,
 Et fames & diptis tollatur fluctibus ipsis,
 Ingluue sæuâ quos olim perdidit Eua,
 Ad scelus auditum cum flecteret ipsa maritum.
 Quis modo Prætoris rabiem motusque furoris,
 Diceret, & cuius formam transferet in huius?
 Ut fuit in scæna triduo ieiuna læna,
 Quæ lupo ora gerit, cum prædam tollere quærit,
 Quos habet occursum, hominem cum viderit vrsus:
 Consimilis gestus erat hic pro martyre mœstus,
 Cessat & à verbis pœnis intentus acerbis.
 Sunt ibi qui licitant, pœnas quasi carmina dicant,
 Sed velut ex lima faciunt suspendia prima.
 Pugnant penfores nimios inferre dolores,
 Sed medicus cœli dat non sentire fideli.
 Cum foret in ligno suspirans corde benigno,
 Voce Deo plena populo qui stabat arena,
 Sic ait, ô gentes mentis ratione carentes,
 Afrones & Bruti mortem nec vsque secuti,
 Iam modo suspensus rogo vos suspendere sensus,
 A studio tali duo magis exitiali,
 Cernitis ostensum, sed ad hoc conuertite sensum.
 Cur ego suspendi paterer, cur vndique tendi?
 Cur vos Prætores cur dedignarer honores?
 Cur mererer gratis quod vos omnino putatis,
 Si mens hic cultus nouiter, nec esset adultus

Nec

Nec foret hic certus, nec legibus ante repertus
 Quæ lex iure docet, vitulos vt quilibet occet,
 Numinibus mutis quæ spes, quæ causa salutis
 Cogit ad hæc mentes per se super ipsa potentes,
 Quod manibus sculpis, nunc est leo, vespere vulpis,
 Crashomo, funde quater, formatur Cerberus ater,
 Transpositoque luto, mox est in imagine Pluto,
 Multiplicas artem cernes ibi surgere Martem.
 Quid Deus inquire, quia magna scientia scire,
 Quid Deus existat, vel quid Deus esse resistat:
 Si res affaris, & ad vnamquamque loquaris,
 Sacra vocata licet, non sum Deus hæc tibi dicet,
 Si cadet hinc constat, quia quod Deus est ibi non stat.
 Nunquid oportuno, quod sese diuidat vnum,
 Semper & vsque fuit huc vnum sermo Deusque,
 Nec minus apponas, quia quod transcendit eonas,
 Qui tibi nil demet, debet tibi demere semet,
 Hic Deus æternus facies vultusque paternus,
 Non patris iste comes, sed vt est in lumine fomes,
 Mens vigor & sensus, per quem pater omnia mensus,
 Spirat sermones per Neumaticas rationes,
 Hic de semundam sitientibus exhibet vndam,
 Quam quicumque bibit non amplius ille sitibit,
 Percipitque fidem per quam veneratur idem.
 O si sciretis quod ab ipso munus habetis,
 Et quam clementer tulit hunc sine semine venter,
 Vt caro sit factus, carnales tolleret actus,
 Et nos captiuos non vltius rediuiuos,
 Post fractum postem prius victum solueret hostem,
 Par foret in puris iam non seruire figuris,
 Effet & hoc iustum fanum Iouis igne perustum,
 Per fidei normam deitatis perdere formam.
 Ex his prætexis Prætor commotus in extis,
 Carcere trudit eum, peragat dum morte trophæum,
 Torquet & includit, montem leuat, extera trudit,
 Tentat vt eneruet sed mens minus anxia feruet,
 Feruet & inflammat, qui sana Deosque reclamat,

Ingrediens lætus, sic æstimat esse quietus,
 Spēque suæ mortis plus est in carcere fortis,
 Flebat & orabat Dominumque Deumque vocabat;
 Sic adhibendo loqui meus ô qui factor & ô qui,
 Regna superna tenes, sapiens qua lege refrenes,

AD Caput VIII. Hæc est S. Firmini Ambia-
 nenſis vita ex Cod. MS.

Incipiunt gesta sancti Firmini Episcopi & Martyris.

Temporibus Maximiani, & Diocletiani Imperatorum
 quo tempore tyrannica rabies in Christiano populo sæ-
 uiebat, erat vir vitæ venerabilis, genere, & ordine primus in-
 ter seniores, nomine, & opere Firminus, eratque ei vxor mo-
 ribus, & honestate similis Eugenia nomine, erantque ambo
 secundum sæculi dignitatem inelyti facultatibus, & diuitiis
 locupletes. Cùmque in diebus illis secundum ritum Gen-
 tilium ad fanum Iouis adorandum procederent, quodam die
 ibidem superuenit quidam sacerdos Christianorum Hone-
 stus nomine, cùmque in diebus illis libera prædicationis vo-
 ce in populo execranda idola proclamaret, accessit ad eum
 Firminus vir clarissimus, & ait illi. Si dij nostri vt asseris ido-
 la sunt, quos vetusta antiquitas, & Romani Principes à sæ-
 culo coluerunt, dicito ergo, quam religionem, aut quem Do-
 minum colendum potius nobis inducere velis. Cui Hone-
 stus respondens ait. Factorem cœli, & terræ, maris & om-
 nium quæ in eis sunt, hunc noueris esse verum, & solum Do-
 minum, per quem omnia, in quo sunt omnia, & sine illo nul-
 la creatura consistere potest, qui est dominator mortis, & vi-
 tæ. Nam dij gentium quos prophana religio vestra colit, &
 delusa gentilitas exercuit, dæmonia plus credenda sunt,
 quàm religio diuinitatis. Sic enim Spiritus sanctus per Pro-
 phetam loquitur dicens. Quoniam omnes Dij gentium dæ-
 monia sunt: Dominus autem cœlos fecit. Audiens hæc, &
 alia Firminus Senator, conuertens se ad Faustinum, & For-
 tunatum ait. Quid contra hæc dicendum est? Nunquid iste
 solus hospes, & aduena, culturam sanctorum Deorum per

otiosa sua colloquia destruere potest? Ad quem Fortunatus ait. Audiamus adhuc rationem eius, & discamus rei causam, vt ex ipsa ratione eum conuincere valeamus. Firminus verò conuertens se ad Honestum dicit ei. Vel tu cuius sectæ, vel religionis es, vt tam nefandam sententiam contra Deos, deasque nostras proferre præsumas? Cui Honestus constanter respondens ait. Si de me scire velis quis sim, vel quo exortus fuerim luculenta ex parte proferam rationē. Nam ego ex patre Amilio, & matre Honesta, ex vrbe Nemusana ortum me esse profiteor. De quo verò, quod amplius est, sicut interrogasti cuius sectæ fuerim aut doctrinæ, seu qualis esset mea religio libera voce, & constanti edoceam. Christianus sum, instructusque fide catholica, dicatus in ordine presbiteratus, Saturnini Episcopi discipulus, & in baptismo filius, eruditusque literis liberalibus, & diuinarum scripturarum à primæuo iuuentutis meæ tempore instrumentis imbutus. Sicut ibidem per doctrinæ studium reperi, doceo, quoniam videlicet Deus vnus est, qui omnium dominator visibilium, & inuisibilium, qui est, & erat, & erit, in quo sunt omnes thesauri sapientiæ, qui in pugillo suo nutu suæ maiestatis omnia concludit, Pater, & Filius, & Spiritus Sanctus vnus Deus in tribus personis, & tres personæ in vno verò Deo Patre, & Filio, & Spiritu sancto consistunt. Quod misterium si quis pleniter scire voluerit aperire donante ipso poterimus, sed hoc nisi qui consistit in spiritus sancti gratia, & inspiratione nemo comprehendere potest. Si quis verò ex vobis Deum verum scire, & cognoscere voluerit, primum confiteatur non esse alium Deum, nec aliam virtutem extra vnā omnipotentem ipse est trinus, & vnus, & abnegare illi fas non est: quoniam scilicet Dij quos prisca gentilitas excoluit simulachra muta, & surda sunt aut enim ex metallis, aut ligno, vel lapidibus ab artifice ad instar humanæ imaginis efficiuntur, seu etiam quod amplius est aurei, & argentei, & ærei fabricorum artificio adornantur, os habent, & non loquuntur; oculos habent & non vident; aures & non audiunt; nares, & non odorant; manus, & non palpant; pedes, & non ambulant sicut diuinā Scriptura meminit dicens. Similes illis fiant, qui faciunt ea, & omnes qui confidunt in

cis. Deus autem noster omnipotens Iesus Christus Dei patris filius ex arcano diuinitatis ante sæcula genitus, in nostro sæculo de Maria Virgine natus est, cui data est potestas in cœlo, & in terra, qui humanum genus de mortis vinculo per trophæum suæ passionis absoluit, qui triumphans de diabololo & in inferis genus humanum eripuit de morte ad vitam, de tenebris ad lucem, de seruitio ad libertatem omnes in se credentes adduxit, & pretio sanguinis sui de captiuitate, & potestate diaboli omnes redemit, qui pedibus siccis abissum perambulando calcavit, qui Lazarum quatruiduanum à mortuis suscitauit, quem Deus pater de supernis sedibus respiciens voce diuina testificatus est, Hic est filius meus dilectus, in quo mihi bene complacui ipsum audite. Qui sedet ad dexterâ Dei patris. Qui venturus est iudicare viuos, & mortuos, & sæculum per ignem, qui tunc reddet vnicuique secundum quod in hac breui vita gessit, & operatus est, cui assistunt Angeli & Archangeli, qui iustos, & sanctos in Regnū perpetuum constituet, pœnas, & tormenta infinita impiis, & peccatoribus apponet. Istam talem religionem, & claram religionis doctrinam nobis Saturninus Episcopus Apostolorum discipulus ostendit, & iussit nobis prædicare euangelium veritatis omnibus gentibus, & per hanc salutiferam doctrinam docere & baptizare omnes homines in nomine patris, & Filij, & Spiritus sancti in remissionē peccatorum, & in vitam perpetuam. In hac enim admiratione Faustinus Senator admirans illius facundiam, & rei prolata sententiam intra se compensans dixit. Si Saturninus quem profers Apostolorum discipulum, nobis tales sermones, & sententias asseruisset, huic forsan mentis aciem vertissemus: audiui enim & virtutis eius eminentiam in verbis, & signa multa, quæ in nomine Iesu Christi Nazareni gesserit, & operatur. Ad quem Honestus vt erat intentus dixit. Si vestra animaduersio est vt veritatis lumen recognoscere valeatis Dominus meus pater, & magister Saturninus in promptu est vt vobis salutiferam perennis vitæ prædicationem inserat, & de tenebris ad veram lucem perducatur. His peractis ipse Præsul, ad Pampelonensem urbem peruenit, ibique residens sub Therēbintho vbi vetustissimum fanum Dianæ in loco

Oppressino colebatur verbo prædicationis palam omnes intruxit, execrandasque superstitiones, & culturas idolorum vanas ostendens, Deum verum magis colendum instituit. Ad quem concursus urbis factus est magnus, & ibidem per triduum docens, populūque verbo salutis, & signis potentibus confirmās, utriusque sexus ferè XL. millia hominum ab errore profanæ Idolorum culturæ, ad cognoscendum verum Dominum Iesum Christum vnigenitum Dei patris filium reuocauit, eosque in nomine Patris, Filij, & Spiritus sancti absterfis vetustatis piaculis per sacri Baptismatis fontem ad nouitatem vitæ perduxit, sanūque ipsum vetustissimum Dianæ à fundamentis destruere iussit, & lucum radicibus extirpauit. His talibus gestis ita auditis transacta vna hedomada Fortunatus, Firminus, & Fustinus vt erāt primi, & Senatores in Senatu venerunt ibidem cum multitudine plebis, & ciuiū urbis ad Saturninū Episcopum, vt mysteria sanctæ doctrinæ ipsius præsentialiter perciperent. Nam & antea per plurimorum relationem plurima de ipso audierant. Vt verò ante conspectum ipsius tribus ferè diebus perstitērunt, & haurientes ex ore eius gratiæ diuinæ existentiam, cognouerunt veritatis tramitem, & via iustitiæ, verique luminis flagrantiam in prædicatione, & doctrina eius consistere. Tunc in isto salutis consilio profanas idolorum culturas dereliquerunt, & Deum verum, quem Saturninus prædicabat sequi, credere decreuerunt. Tunc prostrati Firminus, Faustinus, & Fortunatus ad pedes Pontificis abrenunciauerunt Idolis, & Deum verum Iesum Christum vnigenitum Dei filium esse colendum, & credendum professi sunt statimque perceptis sacri Baptismatis mysteriis per confessionem Trinitatis non solum Christiani; sed etiam Christianorum doctores, & magistri effecti sunt. Erat itaque præfatus Firminus primatum tenens populi, & Senatus, vir miræ mansuetudinis, honestate, & religione præ cæteris ciuibz suis prælatus. Huic erat vxor nomine Eugenia, ex qua genuit Firminum, & Faustum, & Sciam sororem eorum. Succedente verò tempore præfatus Firminus cum esset fide, & opere, Catholicus tradidit filium suum primogenitum nomine Firminum Honesto Presbytero, vt cum literis liberalibus, &

Christiana disciplina imbueret, qui & antea in baptismo filiolus eius fuerat. Firminus verò cùm esset xvij. ferè annorum literis, & doctrina catholica instructus cœpit religionis studio proficere. Nam ad Ecclesias properans horis singulis in hianter laudes Deo reddere assiduò maturabat. Cùmque proficeret annos ferè septem in religionis studio, & sapientiæ gradibus ad virtutum culinina præminebat. Honestus verò præfatus Presbyter dum in senectutis tempore aggrauatus esset, sæpe dirigebat eū per vices, & suburbana ciuitatis vt prædicationis verbo populum vbique ad Christianæ religionis studium prouocabat. Et dum hoc & pater, & magister eius Honestus considerarēt, quod in ipso gratia spiritalis coram omnibus in verbo, & doctrina magis, ac magis crescebat direxit eum ad Honoratum Tolosanæ vrbis Episcopum vt eum in Episcopatus gratiam impositis manibus constitueret quem vt vidit Honoratus Episcopus cognouit in eo quia ad hoc prædestinatus, & electus esset à Domino, vt verbum vitæ, & salutis gratiam in gentibus prædicaret, ordinauitque eum Episcopum vt nomen Domini in Occidentis partibus prædicaret, qui & his verbis eum coram omnibus alloquutus est. Gaude fili quoniam vas electionis Domino esse meruisti. Perge itaque ad dispersionem gentium, a ccepisti enim à Domino gratiam, & Apostolatus officium, noli timere quoniam tecum est in omnibus, scias quia oportet te pro nomine eius multa pati, & ad coronam gloriæ peruenies. Valledicens itaque Firminus Episcopus Honorato Episcopo, ac fratribus, & confacerdotibus suis reuersus est vita comite ad Honestum Presbyterum Magistrum, & nutritorem suū, qui & retulit ei omnia, quæ contigerant ei in via, vel quibus verbis imbuisset eum sanctus antistes ille Honoratus, & quomodo, vel qualiter præceperat ei vt verbum prædicationis, & nomen Iesu Christi in dispersionem gentium annunciarret. Deinde postea non post multum temporis sanctus Antistes præfatus Firminus reuoluens, & considerans scripturarum diuinarum præconium, & Euangelicæ veritatis doctrinam in cordis suigremio reponens, vbi dicit. Ite, docete omnes gentes baptizantes eas in nomine patris, & filij, & Spiritus sancti, & illius, Nolite cogitare quomodo aut quid

loquāmini, non enim vos estis qui loquimini, sed Spiritus patris vestri qui loquitur in vobis : & alterius loci, Quam speciosi pedes euangelizantium bona, & pacem, & aliarum multarum, quæ in diuinis scripturis reperiuntur, vel de persecutione annunciandi Euangelij Filij Dei; tricesimo primo ferè anno ætatis suæ relinquens patriam, genitorem, & genitricem, fratrem & sororem, & dulcissimam parentum suorum cognationem, perrexit in partes Gallia ad Agēensem ciuitatem, ibique residens aliquantis diebus cum Eustachio Presbytero demoratus est confirmans plebem catholica doctrinæ studio, & diuinarum scripturarum gratia instruebat. Deinde Aluernicæ pertransiens confinia ciuitatis, plurimam partem illius terræ ad Christi gratiam prouocauit, ibique confligens cum Archadio, & Romulo de contemptu Idolorum, multa ibidem passus est, tamen illos ad gratiam sacri Baptismatis post multa discrimina perduxit. Postmodum ergo Ligerim transiens flumen ad auxilium Andegauinæ vrbis anno & tribus mensibus in verbo prædicationis detentus est, vbi maximam partem illius prouinciæ ad cognitionem veritatis Euangelicæ perduxit. Audiens itaque quoniam Valerius præses in Gallia in Beluacensiu ciuitate tyrannicam impietatem contra Christianos exerceret, multosque in illis sinibus pro Christi nomine diuersis pœnarum cruciatibus extorqueret ipse beatus Firminus velut athleta Christi validissimus vbi fortior belli impetus imminerebat Beluacensem ciuitatem peruenit, vbi & plurimas persecutorum sustinuit insidias : nam intrusus carcerem vincula, atque flagella innumera sustinuit, die nocteque, Euangelium prædicare non desinens. Postmodum Sergio Præfule subitaneo ictu defuncto à Christiano populo, Firminus Episcopus opus de carcere exoluitur, liberóque salutis verbo Euangelium veritatis omnibus annunciabat, primusque illum populum in fidei soliditate confirmauit. Quo in loco Ecclesiam in honore sanctorum martyrum Stephani, atque Laurentij constituit, & plurimos ibidem populos ad cognoscendum lumen veritatis, à cultura Idolorum reduxit. Deinde veniens ad oppidū Ambianensium decima die mensis Octobris ciuitatem ingressus est, receptusque à Faustino Senatore domum ipsius

ad Baptismi gratiam reuocauit, ipsūque Faustinum catechumenum fecit, domūque Aulentiij Hylaris cum ipso Aulentio baptisauit. Atiliam Agrippini quondam clarissimam coniugem cum liberis, famulis, famulabūsque eodem die baptisauit; conuersāque sunt illis tribus continuis diebus per beatum Firminum Episcopum ferè tria millia virorum vtriūque sexus, & prædictum Faustinum catechumenum ad perfectionem gratiæ spiritualis cum magno Christianorum gaudio perduxit.

Audicositaque Valerius Sebastianus Præses quæ per beatū Firminū Episcopū in illo tempore gerebantur, venit ad urbem Ingressūque ciuitatem Ambianensium, & pro tribunali residens, data iussione præcepit vt tertia die vniuersi conuenirent ad Prætorium Æmilianum, ibique transactis diebus tribus iuxta præceptum Præsidis omnes Tribuni militum, vniuersaque militia ibidem conuenit in vnum. Tunc Præses data iussione præcepit vt curiales, & templorum sacerdotes in eius præsentia conuenirent, ipsiſque assistentibus Sebastianus Præses dixit. Sacratissimi Imperatores Decius, & Valerianus decreuerunt, vt honor, & cultura Idolorum in omnibus finibus orbis à populis, & gentibus conseruetur, & thure altaria secundum veteres, & antiquas Principum consuetudines venerentur, & si quis contra decreta sacratissimorum Imperatorum venire tentauerit, aut conseruare minime voluerit, diuersis tormentorum generibus affligatur, eūque capitalem subire sententiam ex decreto Senatūs, & Principum Romanorum statutum est. Ad quem Auxilius Curialis, & venerabilis Templorum Iouis, & Mercurij sacerdos respondens dixit. Est hic vnus Christianorum Pontifex, qui non solum hanc Ambianensium urbem à Deorum cultu, & religione subuertit; sed penè vniuersum orbem, Imperiique Romani integritatem, ab immortalium Deorum cultu separare videtur. Ad quem Sebastianus dixit. Quis est ille, qui tantum nefas, & scelus profanum ausus est committere? Auxilius dixit. Firminus nomine, Hispanus genere, arte, & eloquentia facundissimus, in omni sagacitate promptus. Hic enim prædicat, & docet populum non esse alium Deum, nec aliam virtutem in cælo, & in terra, nisi Dominum Christianorum

Christianorum Iesum Christum, quem vocat Nazarenum, hunc dicit omnipotentem super omnes deos, deos verò nostros dæmonia nuncupat idola, & simulachra vana, & muta, surda, & insensata liberâ protestatione omnibus esse denunciat. Ita subvertit populum à cultura, & religione deorum, ut iam ad templa veneranda Iouis, & Mercurij, nullus ad thurificandum, vel supplicandum veniat, sed ad Christianam sectam corda omnium Senatorum nostrorum perducit: hunc si non exterminaueris, & diuersis pœnis ad aliorum exemplum nō afflixeris, magnum periculum rei publicæ accrescet, & ad vltimum fundamentum, & stabilitatem Romani Imperij subvertere conabitur. Sed audi consilia nostra præcellentissime Præses, ut Respublica per te saluetur, & de imminenti periculo deos deâsque exsoluas. Iube illum ante Tribunal tuum præsentibus vniuersis huc exhiberi. Tunc præcepit Sebastianus militibus suis, ut illum ad spectacula theatri ad portam Clyppianam post biduum præsentarent. Audiens ergo beatus Firminus, quia sic rei causa agebatur, alterâ die procedens, accessit ad Prætorium, & constanter ante Tribunal in conspectu Principum stetit, & Deum omnipotentem Iesum Christum docuit adorandum, simulachra verò, & profana idolorum delubra destruenda, & exterminanda prædicabat. Ad quem Sebastianus se conuertens, ait: Tunc ille nefandus es, qui templa deorum sanctorum destruis, & à religione sancta sacratissimorum Imperatorum plebem, populumque diuidis? Vnde es, vel quo nomine fungeris? Cuius prolis, vel generis esse videris? Sanctus Firminus Episcopus constanter ei respondens ait. Si de nomine meo requiris Firminus nuncupor, gente Romanus, ordine Senator, ciuis Pampelonensis, fide & doctrinâ Christianus, gradu Episcopus, missus ad prædicandum Euangelium Filij Dei, ut cognoscant gentes, & populi, quia non est Deus præter eum sursum in cœlo, neque in terra deorsum, qui fecit omnia ex nihilo, in ipso vniuersa consistunt, qui vitæ & mortis potestatem habet, & de manu eius, nec quisquam se eripere potest, cui assistunt Angeli, & virtutes cœlorum, cui omne genu flectitur cœlestium, terrestrium, & infernorum, qui inclinat Regna, & balteos Regum dissoluit, sub quo currunt tempo-

rat, & mutantur generationes, ipse in æternum non mutabitur, quoniam idem ipse est, & anni ipsius non deficient, deos verò, quos gentes colitis per illusiones, & fantasias demoniorum simulachra muta, & surda, & insensibilia sunt, qui decipiunt animas, & cultores suos in profundo inferni demergunt, illósque prædico, & liberâ voce denuncio esse diabolicas fabricaturas, & omnibus populis, & gentibus derelinquendas esse pronuncio, ut non cum ipsis in profunda tartari, & gehennam perpetuam, ubi eorum pater diabolus est, demergantur. Audiens hæc Sebastianus Præses, nimio furore repletus, exclamavit voce magnâ, & facto silentio talem protulit sententiam. Per deos immortales, & per inuictam eorum potentiam obtestor te, Firmine, ut ab hac stultitia tua resipiscas, & à sancta religione, quam excoluerunt patres tui ne recedas, sed modò dicto citius te diis sacrificaturum pronuncies: Nam si non feceris, omnium tormentorum genera te excipient, turpissimâque morte in conspectu omnium te faciam consummari. Ad quem sanctus Firminus martyr, constanter nihil formidans, ait: Cognitum tibi sit, Præses Sebastianus, quia tormentata tua, & pœnas quas mihi promittis non formido; sed de tua insipientia, & vanitate magis doleo, quod nunc seruum Dei immortalis, qui omnibus dominatur, impiis tormentorum generibus excrucias. Nam quantò ampliùs mihi seruo Altissimi pœnas promiseris, & cumulari tantò mihi Deus noster sustinentiæ dabit virtutem, ut ad coronam gloriæ immarcescibilis, per tot certamina dignus peruenire merear, quia propter temporales pœnas quas mihi promittis, vitam perpetuam in Regno Filij Dei ubi sine fine cum ipso regnabimus, dimittere nolo. Tu verò cruciatus inextinguibiles, & tormenta perpetua tartari, & flammæ æternas sustinebis, ibique in ardore ignis inextinguibilis pro impietate, quam nunc in Dei seruos exerceas, sine fine ardebis. Sebastianus verò, ac populi, & plebis conuentus mirabantur super constantia, & predicatione beati Firmini martyris, & volebat eum populus de Sebastiani manibus erueri quia per eum ostensæ sunt diuersæ virtutes. Nam & paraliticos erigebat, obfessa à demonibus corpora expiabat, duos à lepræ morbo ad Clypianam portam mundauit,

oculum excussum casto Andreæ filio restituit, & febres, & plurimas infirmitates inuocato nomine Patris, & Filij, & Spiritus sancti sanauit, multasque alias virtutes in eo Dominus operatus est, propterea Sebastianus meruebat eum tormentis tradere, ne per illum tumultus eueniret in populo. Præcepit itaque eum Sebastianus custodibus commendari, & clam eum in carcere noctis silentio capite truncari mandauit, corpusque eius abscondi iussit, ne à Christianis, quos ad veram lucem perduxerat, honorificè coleretur. Confessus est ergo Christum in martyrio beatus Firminus Episcopus, & martyr factus est sub die VII. Kalendarum Octobrium. Faustinus verò, quem iam ipse beatus Firminus antea baptisauerat nocte corpus eius à carcere sublatum eripuit, & in suo cœmeterio, quod Abladana dicitur, cum aromatibus, & lintheaminibus pretiosis concludit. In quo loco multas, & innumera- biles virtutes usque in hodiernum diem Dominus operatur, cui est gloria, virtus, & potestas per infinita sæcula sæculo- rum Amen. Sebastianus denique non post multos dies à mi- litibus Beluaci ciuitate interficitur. Faustianus autem quem antea memorauimus, qui & corpus beati Firmini martyris condidit, in amore, & memoria beati Firmini martyris & confessoris, vnicum filium suum, nomine Firminum nuncu- pavit, eumque sacris literis imbutum, viris religiosis ad in- struendum tradidit: qui postmodum sapientiâ, & doctrinâ in Galliarum partibus, velut clarissimus Solis radius, omni- bus enituit. Nam dum esset decorus, eloquio certissimus, moribus, & castitate probus, omnibus Europæ Ecclesiis pater, & magister effectus est; & cum virtutum gradibus ad culmina Ecclesiæ conscenderet, à Ioanne Lugdunensis Ec- clesiæ Antistite, ad Episcopatus officium rapitur, per quem di- uina misericordia in sancta Ecclesia multa miracula osten- dere dignatus est. Nam & ipse paralyticos multos ad pristi- nam sanitatem restituit, & filium Calisti Patricij à febribus, orationis virtute liberauit, vexatos à dæmonibus multoties per singula loca expurgauit, sicut ipse hodie meritis ipsius singulis se inuocantibus, & in desperantibus longè, latèque coruscat, qui & Ecclesiam in honore sanctæ Mariæ Virgi- nis construxit, in qua sanctus Firminus martyr, & Pontifex

conditus esse traditur, & in qua Firminus Episcopus suam sepulturam elegerat fieri. Sed cum dubium sit propter persecutionem, quæ tunc illic inundauerat, ubi sanctus Firminus martyr à Faustiano claro depositus sit: dubium tamen non est ubi sanctus Firminus Confessor, & Episcopus post multas virtutes ostensus, conditus est, ubi & sine dubio requiescere credendus est. Vixit autem annis quadraginta septem, & sub die Kalendarum Septembrium feliciter à sæculo migravit, regnante Domino nostro Iesu Christo, qui cum Patre simul & spiritu sancto uiuit, & regnat per immortalia sæcula sæculorum Amen. Explicit Passio sancti Firmini Episcopi, & martyris.

AD Caput X. In manuscripto Codice, Passio Fusciani & Victorici hæc est, quæ Dionysij & sociorum aut discipulorum ætas ad Maximianum refertur.

Passio Sanctorum Fusciani & Victorici.

EODEM igitur tēpore quo Maximianus truculentissimus Augustus per arua Galliæ præsidebat, Rictio Varo Præfecturæ dignitatis ordinem agi præcepit. Sancti ergo viri Fuscianus & Victoricus cum duodenario numero sociorum, per ordinem glomerati, vnâ cum venerabili Dionysio Præsule, comitibus cæteris Piatone, Ruffino, Crispino, Crispiniano, Valerio, Luciano, Marcello, Quintino, & Regulo ab Vrbe Roma progredientes, cursu intrepido, pro Christi dimicantes victoria, bellatores Dei egregiè intra fines Galliæ vrbe Parisiis, Duce Christo itineris peruenerunt, atque super illustrante spiritu membratim loca, quæ prædicatione diuini nominis caruerant, elegerunt. Nimirum, quos diuina charitas, fideique ardor connectit adstrictos; diuersitas locorum dispares non facit esse diuersos. Igitur sancti Dei cultores Fuscianus, & Victoricus ab vrbe Tarasconensi prædicandi gratia gressu celeriter petierunt. Sanctus quippè Quintinus diuino fultus oraculo Ambianensem vrbs laudabilis exiit prædicator: sacer ve-

id Domini cultor Lucianus, Bellouacensium ingressus fines
 ardenti animo diuina eloquia Gentili populo prædicabat.
 Beatissimus autem Regulus, cum ad urbem Syluaneensem
 profectus fuisset, tantum illius superna gratia corrigauerat,
 vt confestim gentilem populum ab idolorum cultura, ad fidem
 Catholicam reuocaret, & mox diuino munere tributibus
 Pontificalis insulæ consularum, in eadem vrbe pastorale sus-
 cepit regimen. Per quos Sanctos suos Christus Dominus tan-
 ta dignatus est præbere miracula, vt per eorum suffragia cœ-
 cis lumen infunderetur, & per vexillum crucis à morbo para-
 lyssi membra debilia sanitati pristina restituerentur. Ieiuniis
 atque orationibus crebris instantes, curâ permoti, ita Deo
 peruigiles existebant, vt diebus, & noctibus à Dei laudibus
 non cessarent. Exorta igitur est eo tempore horrenda perse-
 cutio Christianis, atque vniuersum orbem acerba vastabat
 impietas, vt quibuscumque locis à persecutoribus Christia-
 ni inuenirentur, funesto eos gladio non desisterent trucidare.
 Factum est ergo non multo post tempore, vt Rictiouarus
 carnifex Præfecturam, quam à Maximiano susceperat, po-
 tius ad persequendos Dei famulos cruentus laniator irrueret,
 quam pietatis iura seruaret. Ingressus itaque urbem super Mo-
 sellam amnem conditam, quæ Treueros nuncupatur, tam in-
 genti crudelitate Christianos cædi præcepit, vt sanguinis ri-
 uulus in flumen Mosellæ defluentis vndas laticis, vnda san-
 guinis rubricaret, & lymphæ gurgitis inhumatis sanctorum
 Martyrum corporibus præberet tumulum, & vt redintegra-
 tos compagi corporum futuro eos referuaret in iudicio. Præ-
 ceptis igitur Rictiouari Præfecti nequissimi, vndique percul-
 sores monita deferebant, vt loca omnia perlustrantes, vbi-
 cumque Christianos reperirent, palam ad interemptionem
 protraherent, & vt non latentes euaderent, aut occultati tor-
 mentorum supplicia superarent. Sancti igitur Fuscianus &
 Victorius ad Tarasconensem prædium peruenerunt, atque san-
 ctum Dei Quintinum comparem socium fraternâ charitate
 succensi cernere cupiebant, vt mutuâ affectione de conuersa
 gentilitate gauderent. Sed beatum Dei famulum Quintinum,
 quem contemplare desiderio optauerant, diuina prædicando
 eloquia, iam ab eadem ciuitate abiisse audierant.

Nam vt historiæ gesta commemorant, quidam senex nomine Gentianus, grandævâ ætate prolixus, eminens Ambianensium vrbi finitimus, nondum baptismatis vndâ purgatus, cum per beatissimos viros Fuscianû & Victoricû, immensa fieri Dei cognovisset miracula, die quâdam Parisiis vrbis carpentibus iter, obuius extitit percontator, ad quos ait: Quæ queritis, quò vel cursus itineris declinatis, aut ex qua nati estis progenie. Num huius vos patriæ incolæ esse cognovistis? Tum Dei famuli Fuscianus, & Victoricus dixerunt: Nos sumus Christi milites, qui cum magnanimo generositate Quintino viro ab vrbe Roma inclita progredientes Galliarum penetrauimus fines. Idem autem venerabilis senex ab oculis fletum profluens suspirans, imòque trahens à pectore vocem, ait. Ante trium dierum spatia diuinâ illuminatione permoto in corde adstitit mihi, vt Deum vestrum Dominum Iesum Christum, quem vos creditis in eum credens confitear, & in eius virtutis potentia, ex tota animi deuotione conuertar. Sed hunc Dei famulum Quintinum, quem vos quæritis quater denorum, & duorum dierum fluxerunt curricula, quod in municipio Augustæ Viromandorum super amnem Summam à Rictiouaro carnifice truncationis capite amputatus vitæ terminum finiuit. Cumque his dictis expleisset sermones, rursus ad Sanctos Dei Fuscianum, & Victoricum ait, dum vos Christi fatemini esse discipulos, & vexillum Crucis gestatis in pectore, sceleratissimus Rictiouarus præcepit tyronibus, vt vbicumque vos repererint arduâ mancipatione comprehendant. Sed quæso Domini Patres declinare intugurium serui vestri, & apponam buccellam panis donec paucillum possitis quiescere. Cum præsentis igitur tempore Rictiouarus persecutor rabidus ad urbem Ambianensem properasset, iam multa fama per urbem cognouit, quanta per famulos suos Fuscianum, & Victoricum Christus Dominus virtutum signa monstraret. Cumque venerabilis senex Gentianus Sanctis Dei Fusciano, & Victorico, vt in domo eius ingrederentur famulando præberet obsequium: repente Rictiouarus persequutor aduenit, statimque Dei famulos Fuscianum, & Victoricum comprehendi præcepit. Tum Gentianus zelo charitatis pro Christi nomine repletus, exempto gladio ni-

sus exiliuit, vt Riſtiouarum perſecutorem impium verbera-
 ret. Ad quem Riſtiouarus ait : Gentiane, cur te tanta teme-
 ritas compulſit, vt me gladio tranſuerberare coneris ? Vene-
 rabilis verò Gentianus ait : Ego pro Chriſti nomine ani-
 mam meam ponere cupio, cuius imperio mors aufertur, &
 vita largitur, & pro eius famulis corpus tradere non dubito,
 quia & me Chriſti fateor eſſe diſcipulum. Tunc Riſtioua-
 rus furore perterritus, coràm viris Dei Fuſciano, & Victori-
 co, caput Beati Gentiani pro confeſſione Chriſti nominis
 truncari præcipit. At cùm ad eum confluxa populi adſtitif-
 ſet cæterua, & pro tribunali reſideret in ſcæcis conſtitutus,
 procaci voce prorumpens ait. Fuſciane, & Victorice quos
 Deos colitis, aut quem ſacrorum cultum adoratis ? Sancti
 viri Dei reſpondentes dixerunt : Nos credimus, & confeſi-
 mur Dominum Ieſum Chriſtum, quem comperimus ante
 omne ſæculum Patri coæternum ex beata Maria ſemper vir-
 gine ob redemptionem humani generis natum, factorem
 cœli, & terræ, maris, & omnium quæ in eis ſunt, Riſtiouarus
 verò ad eos ait. Recedite ab hac ſtultitia, & ſacrificate Diis,
 Sin autem nolueritis diuerſis vos affligam ſuppliciis. Ad hæc
 famuli Chriſti Fuſcianus, & Victoricus, imperterrita voce
 Riſtiouaro dixerunt : Minas furoris tui ſeruorum Dei con-
 ſtantia non veretur ; quia in te non eſt idoneus intellectus,
 ſed es filius perditionis diabolus, lupus rapax, ſtulte inſpiēs,
 cordis ſeduc̃tor, diabolicæ artis inuentor. Melius vtique ti-
 bi eſſe poterat vt Deos lapideos, & ligneos quos colis proii-
 ceres, & in Deum verum, qui omnia creauit crederes, & con-
 fitereris, & à priſtino errore quo ſeduc̃tus es, ad diuinā cre-
 dulitatē cōuertereris. Tunc Riſtiouarus inſano cœpit frēde-
 re ſpiritu, & ſamulos Dei Fuſcianum, & Victoricum ferro ad-
 ſtriſtos, manibus poſt terga reuinſtis, præcepit tyronibus, vt
 intra, Ambianenſium muros tetro eos concluderent earce-
 re. Sancti igitur Dei cùm ex præceptis Riſtiouari Præfe-
 cti ſæuiſſimi ſub cuſtodia ducerentur, celebri exultatione
 pergebant gaudentes, quia pro Chriſti nomine digni erant
 tormenta perpeti ; Cùmque à loco vbi comprehenſi fue-
 rant vno ſerè milliario, aut circiter ampliùs properaſſent, fa-
 muli Dei fide conſtantes, genibus humo proſtrati, & ſur-

sum corda suspendentes ad aethera lacrymabili prece supplicabant Dominum, dicentes: Domine Iesu Christe, lumen verum, qui es, & qui eras ante dispositionem mundi, qui caelum palmo mentus es & terram pugillo, qui sedes super Cherubim, & respicis abissos, qui producis ventum de thesauris tuis, qui solem tuum oriri facis super bonos, & malos, & pluis super iustos, & iniustos. Te deprecamur agie Deus in veritate quem confitemur, & credimus, quem cernere desideramus ex toto corde, & ex tota anima nostra, suscipe spiritum nostrum, nec derelinquas nos in sempiternum qui regnas cum Patre, & Spiritu sancto in saecula saeculorum, Amen.

Et cum hanc orationem compleissent voce intrepida Ri-
 ctionarus dixerunt: Infauste, lupo rapax, conscius malorum,
 Diabole incrassate saeculo, iam qualem vis in nos exercere
 vindictam, nec perimendo moras diutius inneetas. Tunc Ri-
 ctionarus nimio furore permotus iussit naribus, & auribus eo-
 rum tarincas immittere, & cum clavis candentibus capita eo-
 rum transfigi praecipit, ut loquendi nullam haberent virtu-
 tem, oculosque eorum iussit cuelli. Idem vero Ri-
 ctionarus crudelissimus daemonum exagitatus spiritu, traiecta manu ia-
 cula sanctorum corpora ad vulneranda direxit, atque illico ca-
 pita eorum amputari praecipit. Cum haec ita peracta fuisset,
 Ri-
 ctionarus sceleratissimus persecutor, quasi de quadam
 plaudens victoria, Ambianensium urbem effero corde
 est ingressus, moxque vltione diuina percussus, & insano re-
 pletus spiritu per totam ciuitatem coepit clamare, & dicere.
 Heu me quid agam, aut quid faciam, quia per sanctos Dei
 Fuscianum, & Victorium, quibus dira intuli supplicia into-
 lerabili crucior poena. Eadem videlicet die qua Dei sancti
 martyres palmam sunt adepti, tam ingens fulgur luminis su-
 per sanctorum corpora coruscavit, ut illi qui aderant more
 insolito geminam diei cernerent claritatem. Nam illud
 quod Dominus per sanctos suos praebere dignatus est mira-
 culum, silendum non praeteream, sed veridica ratione pre-
 dicem, quia dum sanctorum martyrum cadauera abscissis ca-
 pitibus iacerent truncata, cursui se diuino intuentem spiritu
 gestantes manibus propria capita ad hospitium beati Gen-
 tiani

tiani martyris gressu remigero peruenerunt, vt quem exhortando adepti fuerant comitem, cum eodem simul dormirent in requiem, & quorum animæ indiuisæ cœlestibus inhabitabant mansionibus, inseparatis in terris requiescerent corporibus. Nam nullius mens de hoc debet ambigere miraculo; quia ipse potest peremptis corporibus grande gressum reddere, qui discipulo imperauit super vndas æquoreas peditus ambulare. Sed cùm peracta dies cursum declinasset ad vesperam, etiam nox atra pōtum subiecta teneret, mox Christiani piissimi viri, clā pergentes itinere ad locū in quo sanctorū martyrum corpora iacebant exanimata, peruenerunt, atque intra ipsa noctis silentia, sanctorum martyrum corpora sub cryptæ tegmine, occulto tumulo condiderunt. Hi itaque martyres sub die tertio Iduum Decembrium, gloriosam adepti sunt coronam martyrij, præstante Domino nostro Iesu Christo, qui cum Patre, & Spiritu Sancto viuūt, & regnat Deus in vnitae Trinitatis per omnia sæcula sæculorum. Amen.

AD CAPVT XIII.

Vita, vel Passio Sancti Lupercij martyris, qui fuit miræ beatitudinis in Vita, & perfectæ virtutis in agere, & passus est in Helisona ciuitate in Prouincia Gallia IV. Calendas Iulij.

Pretiosa sunt Domino, & expectata martyrum certamina, quæ digna sunt pro miraculorum dignitate conscribi: sed tamen sine fortitudinis trepidatione, ad scribendum inchoari non possunt, quia cùm magnarū rerū consideratur assumptio, non est mirū, si suscipiēdi operis timeatur multitudo, & quamuis sermone tenui explicari non valeat, quantum de se dicat veritas passionis, ponitur tamen rei ipsius propositum, licet continere arduum, & habere videatur initium, & in hoc mens trepidationis aliquid habere dicitur, sed sperat quòd per opificem summum, & diuinā instructionem informetur inchoantis initium, & ingenij perstitione per-

dueatur ad effectum. Hic ergo beatissimus Lupercius, natus in Cæsar-Augustana vrbe, mediocribus parentibus, sed meritis excelsus fuit, humilis in terris, in cœlis electus, cui hoc fuit nobilitatis lumen in signe Christo sine culpa seruire; & non de generis intumescens superbia, sed habens de moribus ornamenta, & non sumens de parentali laude iactantiam, sed gratiam agens in virtutibus, exemplo intranssumum exemplum, thesaurum retinens Domini, mundo eorū ipsum complectens, sed & eum Christo pauper regnavit in humilitatis conuersatione, in charitatis vbertate, in castitatis lumine, in diuinorum præceptorum pinguedine, & ita se Domini totum tradidit disciplinæ, vt ab ipsa infantia Domino accederet, & positus in corpore, quasi nihil de carne portaret. Hac itaque beatissimus instructione succinctus, & venerandis operibus magnus Sacerdos, cum, inquam electus Dei calcata mundi culpa diuinis armis initiandus accederet, foelicibus artibus palmam de hoste publico relatum, in militia Christi exercitandus, optimus bellator effectus est, ac se ipsum in templo Christi primitiis offerens voluntarium sacrificium & deuotum, scilicet hostiam victimæ carnis puræ mentis ingenio Deo reddit clarior mente quàm nomine, & meritò maior quàm gradu sine offendiculo suum gerens officium. Cupiuitque in merito crescere, & quod acceperat augere, cuius occulto facto citius velut in vite palmites cœperunt fructificari virtutes, nec pertulit in eo Christus sua dona diu abscondi, quæ de sursum venerant, & ab eo humiliter videbantur amplecti. Denique cum adhuc Christianorum tyrocinium exerceret miraculis eius proditur, & signis cœlestibus illustratur. Ipse namque accedens quadam vice ad officia fabrilia extracta de ardenti camino ferri massâ candente, despectus ab artifice cogitur, vt manu suâ ferrum accensum attolleret, & quanti esset ponderis enarraret. Tunc vir beatissimus Lupercius, non ignarus tantum de Christo præsumebat, quod cum esset in verum virtutibus potens, præstans erat omnibus obedire: mox verò suppositâ manu ferrum altius eleuauit dicens. De calore, callet, sed nouem pondera habet, quod postea habere tantum in statera inuentum est, vt vox libera prædixerat, & sic in vna

specie duplex miraculum propagauit, & cum nec fo ci calor læderet, nec ferri pondera fefellissent. Tandem fractis vitiis in se libidinis vaporem non habuit, qui tam liber diu portauit incendia. Nam qui elementum ignis vicit, ante flamas carnis extinxit, & vt in ipsa pensa probaret ferri pondera fuit hoc ex virtute diuina, vt populus incredulus potius crederet Dei famulum esse Lupercium. Itaque cum esset annorum decem adueniens Holoronam ciuitatem, inuenit ibi quinque cæcos, qui ab annis natiuitatis suæ numquam viderant, & sedebant ad stipem quotidie. Vt autem Dei sanctus vidit flentes ante ianuam, ex spūto liniuit oculos eorum, & illuminati sunt per orationem, & credulitatem Sancti Lupercij. Tunc multitudo populi signauerunt se signaculo Domini, & credebant in Deum, quia videbant magnalia, quæ operatus est Dominus Iesus in virtute famuli sui Lupercij, & quod eorum qui à natiuitate lumen non viderant, per orationem famuli sui aperti sunt oculi. Cum verò esset annorum duodecim, eremum concupiuit, ibique affligto corpore, diu Deo seruiuit. Postea captus est & cathenatus exinde rediit, peruenitque ad urbem Helisonam, super fluuium Gelisam, vbi erat vermis, qui vocabatur Echina, cuius timore in quatuer & dimidio miliaribus nullum facere iter homines præsumebant, & erat in cauernis montium, & petrarum. Dixit autem Sanctus Dei Lupercius circumstantibus ciuitatis; Eamus ad serpentem, & eiiciamus eum, de agro quem possidet. Ad quem veniens Sanctus Lupercius, exiuit, & voluit comprehendere eum. Tunc sanctus Dei orans, aduersus serpentem tulit orarium suum, quo erat indutus, & alligauit eum per collum eius, pertaxitque eum vsque ad fluuium Gelisæ, & contestatus est eum, vt nullam tangeret ripam fluminis vsque dum ingrederetur mare. Tunc multitudo populi laudantes Deum cognouerunt quod gratiâ Domini in famulo suo Lupercio fuerat reuelata, tantam virtutem ostendendo contra magnum serpentem. Cumque viginti sex esset annorum venit ad eum paralyticus, cui erat nomen Astericus, ab annis XXVIII. habens lepram multam pro quo orauit Sanctus Lupercius horis duabus, signauit illum signo Crucis & osculatus eum dixit: sta super pedes tuos; Eadem hora

sed opera manuum hominum. Dij qui non fecerunt cœlum & terram, pereant. Audiens autem Præses vocem eius, silentium fecit, & respiciens in eum dixit. Tu homo non solum iniuriam facis, sed & diis imperas. Hi sunt quibus oportet gratias agere. Ideò modò ingredi, & sacrificia Apollini, qui continet omnem terram, & gubernat sæculum. Dic mihi tamen, de qua ciuitate es tu, & quod est nomen tuum, vel pro qua causa huc venisti? Respondit S. Lupercius: Ego ab hominibus vocor Lupercius, & in Christo Christianus sum: Generaliter autem Cæsar-Augustæ miles fui super multum numerum, sed reuertens ad Christum benè ago cum ipso. Dixit iterùm Præses, ingredi vt sacrifices magno Apollini, sanctus Lupercius dixit, non sacrificabo demonibns. Erubescere Præses, quoniam non sunt dij, sed sunt furda, & mura opera hominum, manu fabricata. Tunc iratus Præses iussit eum in equuleo suspendi, & vngulis vexari, ita vt intestina eius disrumperentur, & has pœnas fideliter in Christo sustinuit. Tunc eum deponi, & foras ciuitatem duci, & per quatuor partes carnes de corpore eius cadebant exterminatæ, quas cilicio aspero abstergi iussit. Rursus applicuit ei galeam ferream, & iussit discalceatum duci super aculeos, & sanguis defluebat de pedibus eius, quasi de fonte. Iterùm iussit eum ciuitatem ingredi, & videns quòd nulla tormenta ei præualerent, iussit fieri arulam magnam, & collum eius acutis configi clauis ab intus, & vno ferro acuto nervos eius euelli, & videns quòd non ei nocebant illa tormenta, iussit eum deponi, & malleo ferreo caput eius tundi, donec cerebrum eius per nares distillaret, & ipse plus in Christo confortabatur. Deindè eum iussit in carcerem trudi, & in arcto cyppo extendi. Iterùm iussit Præses columnam quam vix decem, & octo viri portabant, superponi ventri eius, & dum in custodia fuisset, benedicebat Dominum, qui eius animam & membra confortabat, vt vinceret inimicum diabolum, & ecce lumen præclarum fulsit in custodia. In eadem verò nocte apparuit ei Dominus, dicens: Confortare Luperci, ne deficias, quoniam ego tecum sum. Per me ipsum iuro, & per Angelos meos ac per potentiam meam, quod inter natos mulierum non est maior Ioanne Baptista, qui intercedat pro te. Esto fortis in

veritate, & noli deficere, quoniam ego tecum sum, & non derelinquam te, statimque Dominus ascendit in cœlum. Sanctus verò Lupercius non cessabat deprecari Dominum, nec per somnū vidit, quia hæc visio apparuerat, ei luce factâ. Tūc iussit Præses Sanctum Dei produci de carcere, & ante conspectum suum venire, & ipse psallebat Domino dicens: Deus in adiutorium meum intende, Domine ad adiuuandum me festina. Ingressus verò ad Præsidentem dixit ei. Tu sis cum Apolline, ego sum cū Deo quē inuoco. Iussit eum iterum Præses extendi, & flagellari, cæsusque accepit in dorso centum plagas, & in ventre quadraginta, & scripsit Præses epistolam per orbem terræ, dicens. Si quis magus poterit soluere magicas artes Christianorum, veniat ad me, & dabo ei auri pondera ducenta, & argenti sexcenta, ac possessiones multas, & erit secundus in Regno meo. Tunc sanctus Lupercius vocemagnā clamauit dicens. Domine Iesu Christe, qui dignatus es descendere de cœlo in terram, libera omnes, qui à diabolo detinentur, & libera animam meam, & da mihi signaculum, vt merear ingredi portas Paradisi. Videns ergo Præses Sanctum orantem, iussit eum à liçtoribus cædi, & iterum in custodia detineri. Aliâ verò die iussit Præses maganam fieri, & acutis eam clauauit clauibus, & in medio eius sanctum Lupercium mitti præcepit. Tunc vnus ex Principibus, cui nomē erat Georgius, videns maganam, ac rotam voluentem, & rugientem, intra se cœpit dicere: Putas liberari de isto tormento. Tunc aspiciens eum Dominus dixit ei: Luperci, memor esto temporis in quo Christus inter duos latrones crucifixus est, & respiciens in cœlum dixit ei. Memor sum Domine mandati tui, & dixit, Domine Iesu Christe, cuius imperium permanet in sæculum, sæculi, corona te laudantium, virtus sustinentium, credentium fortitudo, sperantium vita, auxiliator subueni mihi in hac tribulatione. Tu Domine antequam cœlum, & terram faceres ipse es, cuius spiritus super aquas ferebatur & quiescebat, & nullus hominum vidit maiestatem tuam, neque videre potest, perpetuâ sapientiâ cœlum fundasti, & nubes adimplesti, qui pluis super iustos, & iniustos. Domine qui creasti cœlum & terram, & montes ex tua virtute magnificasti, qui imperas congregationi vento-

rum, & eos qui non crediderunt in te, in tartarum tradidisti. Domine Deus qui in posteriori tempore misisti nobis vnicum filium tuum, quem intra Mariæ ventris cubiculum, per tuam pietatem ineluxisti, quod nullus hominum potest intelligere, qui ambulasti super aquas maris, & non apparuerunt vestigia tua in mari, qui de quinque panibus quinque millia hominum saturasti, nunc exaudi me Domine, & accelera, vt eripias me de doloribus qui circumdederunt me, quia in te confidit anima mea, cui est gloria in sæcula sæculorum, Amen. Completâ verò oratione missus est in rotam, & maganam constrictam. Eleuans autem Præses se, dixit omnibus Principibus suis. Videtis quia non est alius Deus nisi Apollo & Hercules, & Diana, & Athena, & Amandorus, & Ypoculus, & Neptunus qui cœlos palmo continent, per quos Reges regnant, & potentes obtinent Regna, & adiecit. Vbi est Deus tuus Luperci? Christus crucifixus, quem Pilatus, & Iudæi interfecerunt. Quare non venit, vt liberet te de manibus meis? statimque venit Dominus in medio, & dixit: Putas, possum te liberare de hac magana vt credant, ac confidant, atque cognoscant, quoniam tu es seruus meus Luperci? Ecce manus quæ plasmavit proto-plaustum, ipsa tibi sufferentiam dabit, & confortatus est beatus Lupercius. Videns autem vnus ex militibus, Anatolius nomine, qui fuit Magister militum, quod famulus Dei cuncta tormenta pro Christo sustinuerat, credidit cum omni exercitu suo clamans, Luperci famule Christi, & nos credimus in Dominum Iesum Christum crucifixum, qui potest liberare nos de isto periculo. Audiens verò Præses, iussit eos eiici foras ciuitatem, & eos in heremum locum, & statuens eos in præcipitium, factoque signaculo Christi ab illis eos percuti præcepit. Tunc iussit venire sanctum Lupercium ante conspectum suum, & afferri lectum æneum, & in illum extendi, & liquefieri plumbum præcepit, & aperiri os venerabilis Lupercij, & superinfundi, quod factum est vt aqua frigidum, & nihil mali sensit. Tunc iussit cum solui Præses, & clauos igneos in capite eius insiggi, & lapidem magnum insculptum capiti eius applicuit, & sic eum volui præcepit, & iussu Domini euulsus est omne genus poenarum, & plumbum velut aqua factum est frigidum,

& nulla plaga in Sancto apparuit. Quod videns Dacianus Praeses, iratus est, & iussit eum à capite deorsum suspendi, & in collo eius lapidem magnum ligari, & fumum naribus eius applicari. Quo facto iussit Praeses bouem æreum apportari, & infixit in eo clauos ferreos acutissimos, & intra eum Sanctum misit vt membra eius disrumperentur, & fieret tanquam pulvis: sed ipse intus gratias agebat Deo. Quo viso, iussit Praeses eiici inde Sanctum, & in custodia mitti, & neruo ferreo constringi, donec excogitaret quomodo eum perderet, quia nihil tormentum ei praeualebat. In eadem verò nocte, in custodia apparuit ei Deus, dixitque ad eum: Confortare Luperci, ne timeas tormentum quod tibi additum fuerit; ego enim tecum sum: Confortare in virtute, & vera confessione, & hoc dicens Dominus ascendit in cœlum. Ipse verò non cessabat dicere, gratias tibi ago Domine Deus meus, quoniam apparuisti mihi. Tunc iussit eum Praeses adduci, & inter Maganas retrudi, & fortiter constringi, & in capite eius serram poni, & secari, vt facilius membra eius disrumperentur: sed ipse amplius in Christo confortabatur, & dixit Dominus ad eum: Confortare ne deficias, quoniam ego tecum sum in omni passione tua. Cui mulier quædam dixit: Domine sancte, natus est mihi filius cæcus, surdus, & paralyticus, & ecce confundor coram vicinis meis, sed si per orationem tuam, saluabitur filius meus, credam in Deum tuum. Videns ergo Sanctus Dei fidem mulieris, dixit ad eam, affer mihi filium tuum, & accipiens infantem posuit eum super genua sua, imponensque ei manum suam orauit ad Dominum, & completa oratione insufflauit in oculos eius, & continuo aperti sunt, & visum recipit, & dixit ei mulier. O famule Dei, præsta vt ipse audiat, & ambulet, dixitque ad eam sanctus Lupercius: sufficit ei nam gressus eius non erit cognitus vsque ad diem quo eum vocauero, tunc audiet vocem Domini, & veniet ad me, & amplius ei non est locuta mulier. Timuit enim eum, quia vidit vultum eius sicut Angeli Dei. Praeses verò cœpit deambulare in palatio suo, respiciensque vidit sanctum stantem in signo mirabili, & multitudinem populi circa eum, qui facto signo Christi percussit terram pede, & exiuit fons aquæ viuæ, & baptizauit eos in nomine Patris,

&

& Filij, & Spiritus sancti, & introierunt cum eo in ciuitatem. Baptizati sunt autem tunc à S. Lupercio mille sexcenti, & octo, qui statim crediderunt in Dominum Iesum Christum, & ingressi ad Præsidentem dixerunt: Tu sis cum Apolline, & nos cum Domino nostro Iesu Christo: & respiciens Sanctos Dei Præsides conturbatus est sicut leo, & iussit eos suspendi pedibus, & gladio percuti. Coronati sunt autem in nomine Domini per sanctum Lupercium illi omnes: Tunc Præsides ad Sanctum Dei dixit, per Solem, & septuaginta & octo deos, & matrem eorum Dianam te obtestor, consenti mihi fili Luperci ut patri, & sacrificia Apollini, qui continet omnem terram, & carebis tormentis horrificis. Dixit ad eum Sanctus Dei, ubi fuerunt absconsa verba ista mansueta? Tanto tempore in manibus tuis sum, & tormentis variis tradidisti me. Nam & pro te gratiam Dei mei acquisiui, & omnes, qui in Deum meum crediderunt, sed sermones mansuetos, & verba dulcia à te huc vsque non audiui. An ignoras Præsides, quia genus Christianorum immortale est, & contra omnia tormenta diaboli resistit, sufferens omnia? Quare suades mihi ut Apollini tuo sacrificem, & faciam voluntatem tuam. Tunc Præsides lætus factus est, & cœpit caput eius osculari. Sanctus verò Lupercius non permittebat dicens, non est talis consuetudo vrbis Helisônæ, sacrificabo primùm diis, & sic meum osculaberis caput. Rursùmque dixit Præsidi. Tu es morbidus, & sol declinabit, non possum hodiè sacrificare diistuis, sed præcipe me hodiè in custodiam retrudi, ut cras sacrificem diis. Respondit Præsides, non eris in custodia ut pœnis tradaris, sed pro his plagis, quas tibi iussi imponi, indulge mihi, ut parituo. Tunc flexit genua famulus Dei, & orauit dicens. Quis Deus magnus, sicut Deus noster, Tu es Deus qui facis mirabilia. Tunc dixit Præsidi, congrega omnes seniores, & Principes tecum, & stabo in palatio tuo, ego & Sacerdotes deorum, & omnis exercitus militum, ut omnes videant quando sacrificauero Apollini. Tunc præcepit Præsides præconi ut clamaret voce magnâ dicens. Conuenite omnes populi ad templum deorum, quia Lupercius famulus Christi sacrificabit magno deo Apollini. Quod mulier audiens, cuius filius cæcus fuerat natus, & per orationem S. Lupercij illuminatus, confe-

stium dissipauit crines capitis sui, & scidit vestimenta sua, attollensque filium suum, transibat clamans voce magnâ, & dicens: Væ tibi Luperci, qui mortuos suscitasti, & cæcos illuminasti, & claudos curasti, & multa bona operatus es aduersus inimicum. Quomodò vis sacrificare Apollini, auertens omnes populos, qui credere desiderabant in nomine Iesu Christi Saluatoris? non permittat hoc Deus fieri. Væ tibi diabole, & operibustuis. Sanctus verò audiens vocem mulieris, silentio facto vocauit eam ad se, & dixit: pone infantem ante me, & dixit infanti. Christus qui illuminauit abscondita tenebrarum ipse tibi imperat, vt stes super pedestuos, & veni, & loquere omnibus. Eadem horâ surgens infans venit ad famulum Dei, & ille dixit ei: Tibi dico puer, ingredere in templum paganorum, & dic idolo Apollinis: Tibi dicit famulus Christi, exi velociter, & ingressus puer in templum dixit idolo. Tibi dico idolum surdum, & cæcum, ac mutum, deceptio, ac perditio animarum in te credentiū, Lupercius seruus Christi vocat te, & cœpit Apollo clamare. O Iesu Nazarene omnes ad te traxisti, & nunc contra me manifestasti infantem trium annorum. Vnde hoc vt talis puer ad me ingrederetur? Adueniens idolum stetit ante famulum Dei. Dixit ad eum S. Lupercius. Tu es deus paganorum? Nonne cognoscis Luperci quid ego sum? Sustine me vnâ horâ, & indicabo tibi omnia, dixitque ei famulus Dei. Quicquid vuleris dic. Respondit idolum, & dixit. Quomodò Deus cælum, & terram creauit, plantauit Paradisum ad Orientem, & dixit: Faciamus hominem ad imaginem & similitudinem suam. Sed & Princeps noster deiectus est de cælo, & nos omnes cum eo, quia dixit in corde suo: In cælum ascendam, & super astra exaltabo solium meum, sedebo in latere Aquilonis, regnabo in nubibus, & similis ero Altissimo. Ideò iratus Dominus abstulit à nobis gloriam nostram, & proiecit nos vt pluuiam super faciem terræ, & propterea facti sumus minimi omnium creaturarum, & ob hoc ego maneo in statu istis, & si potero aliquem seducere, hoc mihi lucrum est. Sanctus Lupercius dixit: Miser tu cum sis miserrima creatura, & tuo de merito sis damnatus, cur decipis mentes hominum & à viritatis deuiare voluisti? Ego te mittam in infernum, etis ibi vsque in diem iudicij, quando

eris rationem redditurus ante tribunal Christi, & ingressus in templum, insufflauit idolum Herculis, & omnium simulachrorum statuas, & facta sunt velut puluis. Rursùm dixit: Ite omnes dii paganorum in perditionem, & nusquam appareatis. Tunc dæmones rugientes cœperunt fugere dicentes. Magnus est Deus Christianorum, qui potest eripere credentes in se de tribulatione. Ideoque Sacerdotes paganorum confusi vehementer, & leuantes Sanctum Dei adduxerunt ante Præfidem, & indicauerunt perditionem deorum suorum, quomodo in inferiorem infernum misisset eos. Igitur Præses dixit ad sanctum Lupercium. Induratum est cor tuum, vt video, Luperci, quia non vis adorare deos nostros. Quamobrem iubeo te extra ciuitatem ab apparitoribus duci, & capitalem subire sententiam die IV. Calend. Iuliarum, Regnante Domino nostro Iesu Christo, vnâ cum Patre & Spiritu sancto in sæcula sæculorum. Amen.

AD CAPVT XIV.

Passio sancti Vincentij Martyris Christi, qui passus est in Provincia Galliarum, in pago Agenensi, in castro Pociaco V. Idus Iunij.

DE sancti, ac beatissimi Vincentij martyris passione, triumphus eius aliqua dicere nos hortatur, sed verba frustrantur, & in laudem inclyti Martyris loquuturi deserimur meditationum ingenio, non materia meritorum. De cuius gestis, atque virtutibus æmula scilicet Christianis, & irreligiosa, ac profanis cultibus dedita, quantum intelligi datur, antiquitas filere magis voluit, quam vllistumulorum monumentis notitiæ hominum, atque memoriæ id commendari. Pauca tamen de plurimis quæ fidelium relatione comperimus, stylo, & arte perstringimus. Nam merita illius facilius virtutibus agnoscimus, quam sermonibus explicare, cum præsertim nos non debeamus explicare sermonibus, nisi quæ probantur coherere virtutibus. Cœptam ergo passionis historiam in quantum à Domino fandi copia suggeritur, exc-

quamur: quia laudare inclyti, mirandique Martyris Vincentij gesta ipsius carptim magnis clamoribus insignita protestantur. Tentus itaque in Agennensi territorio, Mireonensis ruris agro Velano, vbi sacrilega paganorum turba conueniebat, ceremonias non religionis veræ, sed falsæ, & rerum seductionis infectans, ad templum quoddam inibi constitutum, quod inhabitantis dæmonis fallacia conuenientibus ibidem vulgis, eorum oculos, mentesque fallebat, ita vt putaret se minus deuota plebicula, aliquid ibi operis Dei, in illudentis diaboli simultatibus intueri. In hoc namque loco prædictus spiritus immundus, tunc incolebatur ab omnibus, & etiam ab ipsis agricolis, qui nunc cruore martyris sublimatus, Basilicæ etiam constructione conspicuus, & annis singulis conuenientibus ibidem singulorum castrorum populis, quasi florum amœnitate variatus, mirâ veneratione in Martyris Christi Vincentij pulchritudinem declaratur. Ad memoratum ergo delubrum, cum ante dictæ vrbis plebs, & populus conueniret tempore constituto, fallaciam, quâ eos nequissimus diabolus decipiebat, suppliciter, & superstitione vnâ, & veneratione solitâ, ex cultum ante ipsius templi fores, quasi ad nutum ipsius numinis, immò verius dixerim dæmonis, rota erat solita flammis circumsepta prorumpere, & à summo collis vertice in profluentis fluminis gurgite in præceps deorsum propè ad nihilum percurrere, rursumque à flumine ad templum eadem rota venerata, vomens incendia videbatur remeare. Ergo videntibus huiusmodi phantasma fallacissimus ille diabolus, & inuidus bonorum, & valde nequissimus deprauator persuadebat ipsis miseris, vt eum crederent esse, qui non erat. Iam solitus dici concursus aduenerat, in quo aspicientes progredientis rotæ igneum gyrum inhiantes populi sollicitudine magnâ existerant. Inter quas populorum cateruas S. Vincentius Martyr Christi mox futurus, miseratione Domini, ne populus diutius illudicaretur, exhibetur, nulli antea incolarum cognitus, nec Clero, sed quantum rei exitus docuit, martyrio coronandus aduenit. Et quamam esset populi celebritas sollicitus Dei cultor Vincentius agnouit. Nec eum dolus diaboli, quia erat Dei

famulus Christicola fallere poterat. Prorumpens ergo de templo, fraudulenta diabolicæ machinationis opera athleta Christi, eleuata sursum dexterâ, signo crucis obruit, atque omnis illicò diaboli deletâ phantasiâ, factò signaculo veræ deitatis, euauit, & numquam vltcriùs prorsus fallacia nequissimi deceptoris, mentes hominum in posterum seductura ibi comparuit. Attonitus itaque Præses, potentiam nominis Dei abhorret, perspicit vacua Dei sui incendia, per signaculum veri numinis, ingemuit, religionemque subito deplorat irrisam, nec genæ lacrymis caruerunt. Nam exagitur furis, & sanctum Dei famulum Vincentium, catenarum maculis præcipit implicari, & victum ad examinis Dei sui aditum iubet vsque perducì: sperans ibi vel reliquias esse, quibus vltionem ei redderet, Sed cum in infamiam fidei hominis resedisset diabolus, desertâ solitâ sede, habitaculum sibi elegit in Præsede, vt sanctus Vincentius celerius migraret ad cælum, & Præsides agitante diabolo in supplicio sempiterno præceps descenderet in infernum. Liçtoribus igitur ad quæstionem Præsidis, vir beatus Vincentius supplicis innocens mancipandus attrahatur, in quo loco Præsides fatellitibus circumseptus nomen, patriamque, genúsque inquirat. Cui nihil vir inclytus, nisi seruum se Christi, & Vincentium nomine profitetur, & cum nihil aliud interrogatus, sæpius nisi seruum se Christi, & Vincentium nomine responderet, commotus Præsides, videns despici se ab eo, & eleuans se à solio irâ repletus exclamauit, & inde fossis in terram peracutis sudibus, sanctum Dei famulum Vincentium iubet extendi. Cumque adhibitis hincinde verberibus teneram corporis cutem turbidus lacerator scinderet, & hominem Dei ad nullam molestiam prouocaret, sed cum magna exultatione, Dei famulū se fateretur. Tunc Præsides torqueri diutiuseum iubet, & ipse nempè author sceleris, & suppliciorum illator furore succensus, duci iubet beatum Vincentium citò ad stadium, ne præcipitaret delubrum. Absolutus est ergo à patibulo, membris quidem laceratus, sed spiritu alacer, & robustus. Cum autem ad victimam duceretur oratione factâ, signans se signo crucis, adeò lætus erat in Domino, quòd ad coronam victoriæ proximus imminebat, & quia quic-

tem potius, quàm mortem excipiebat. Tunc Præfæs ad con-
stitutum locum cum suis satellitibus affuit. Adest & appari-
tor, vt eum gladio percuteret, & sic beati Vincentij Spiritus
capitis gloriosâ detruncatione, post triumphum alta cœli
conscendit ad præmium. Hæc postquàm ibidem gesta sunt,
corpus eius Christiani collectum altis scrobibus condide-
runt, vbi per ter dena aut ampliùs lustra, fidelibus sacri cor-
poris membra latuerunt, & nunquam ibi post martyrij diem
cultus dæmonum, aut phantasmata apparuerunt. Post lon-
gum verò temporis spatium ipse martyr quemdam Chri-
stianum in somnis admonuit, vt corpus suum reuelaret, &
incognitum nomen suum edocuit, locumque latentis sepul-
turæ manifesta indicatione detexit. At vbi ad recipiendum
martyris corpus B. Vincentij homo prædictus ad Pompe-
iacum castrum venit, non longè à Reone mittit ad quennam
quatuor ferè, at quinis millibus constitutum, & quasi præ-
fens loqueretur edixit. Sancti igitur viri, & religiosi eiusdem
Pompeiæensis castri, nec non & Presbyteri relatione huius
reuelationis edocti, & indicatum locum magnâ fide, ac reue-
rentiâ conuenerunt, & alacriter inquirentes, quod eis indi-
catum fuerat, post tanti temporis spatia repererunt sancti
martyris Vincentij corpus illæsum, post tanta supplicia, tan-
tique temporis intervallo tabo liuidum, nullis compagibus
dissolutum, nullis vermium moribus exartum. Ad elec-
tum ergo martyris beati Vincentij locum iuxta reuelationē
admonitam effossa à fidelibus membra gestantur, & Pom-
peiaco in complacito sibi solo, vt ipse monuerat, tumulatur,
vbi sanctificationis gratiam promeretur, vbi deuoti, & præ-
tiosi corporis præsentia gloriatur. Sed propagari se potius
venerabilis vir inclytus martyr Vincentius pro conferenda
locis gratia voluit, quàm mutari: hic vbiq; orantibus cum
inuocatus fuerit, promptus adesse dignatur; sed vt aliqua in
locis pluribus beneficia tribueret præsentia tumuli per san-
cti Vincentij martyris artus potentiam, ideò magna virium
virtutem tua voluit munerari. Nam veteribus loci illius in
colis gens Goticæ in eius præcipuè festiuitate dominaban-
tur, sub hostilitatis sorte, & omni proprietatis iure priuauit
eos diù generationis illius rapacitas, huc illucque bacchata,

& repleta diuerſorum facultatibus, nec expleta. Tandem ad hunc præſumptionis auſum ſeduc̃ta inſtiñctu ſuperbiæ, & nimis rapinis, & diuitiis elata, & Arrianę hæreſeos imbuta uenenis ad terras præſatas peruenit, vt dirueret beati Vincentij Bæſilicam, & diſſolueret ſepulturam. Transferre etiam ipſius membra præſumeret, quod Nicaſium potentiſſimum, & nequiſſimum ſacerdotem iuuenilis ætas facere meminit præſumiſſe, nec longè poſt præſumptionis auſum, pater hy-laris haud ſponte, ſed ſorte Dei obtinuit gubernacula regionis illius, qui ſtatim eum genere, familiã, & omni utilitate priauit, & ipſe intra Hiſpaniarum Alpes ad preces martyris Vincētij ad diuina migravit. Quo factò protectione illius martyris, omnem ſuperbam potentiam demonum de loco ſepulturæ ſuæ vir Deo placitus amouit, nec ad integram peſſimi vltionem migrati Hiſpaniæ ſola ſuffecit. Nam læſiſſimu nutu Dei gentis ſuæ Principibus, in Italiam vſque tranſlatus eſt. Et licet ſuperauit fœtidum lacum illæſus factò ſuo, dignè per aliquot tamen annos vexatus eſt tali, morbo, mulctatus ſcilicet exilio. Poſt integram vero exilij, longamque mœſtitiam ab Italia in Hiſpaniam, & ab Hiſpania rurſus redire præſumpſit non vt ferociùs aliquid ageret, ſed vt arrogantis vitæ curſum iuxta martyris ſepulchrum conſummaret. Nam eo in nauicula ad alteram ripam fluminis tranſeunte, abſorbentibus vndis demerſus, vt martyris iniuriam magno iudicio, diuina ſententia vindicaret. Oremus itaque Dominum Deum noſtrum, vt qui martyri beatiffimo Vincentio tanta dignatus eſt tribuere, nobis eius interuentu benignam retributionem concedat, præſtante Domino noſtro Ieſu Chriſto, cui eſt honor, & gloria, virtus, & poteſtas in ſæcula ſæculorum, Amen.

AD CAPVT XVI.

*Passio sancti Iuliani Martyris qui passus est V. Calendas
Septembris.*

SVblimem, atque venerabilem passionem beatissimi Iuliani martyris referre disposui, quæ patronum plebs Aruernensis sibi subuenire congaudet. Qui licet martyrismum non fugiens, in Aruernensem urbem aduenit, quem Christus pro dilectis eis intercessorem tribuit, ut urbs, & plebs tanti martyris tutela muniretur. Et quoniam passionem eius nondum intercipit obliuio, nunc oportet eandem fidelibus scriptis intempora secutura transmitti. Quoniam sicut in vniuerso orbe illustrissimum est martyres venerari, ita & huic plebiculæ sanctum Iulianum martyrem intercessorem, vel suffragatorem præstare dignatus est Dominus. Igitur illo tempore in Viennensium vrbe accidit persecutio Christianis sub Crispino quodam Præsidente; sanctissimus autem Ferreolus iam à Deo martyr fore probatus, tunc in supradicta vrbe Tribunitiam gerebat potestatem, sic tamen gerebat militiæ officium, ut sacræ religionis propositum adimpleret: Beatum autem Iulianum ideo quod esset vir Christianissimus in suo solatio detinebat. Cùmque ipse sanctus Ferreolus comperisset de Christianorum persecutione, ait ad sanctum Iulianum: Cognoui quidem persecutionem Christianorum ad hanc urbem esse venturam, & ideo obsecro te, ut ab istis locis recedas, quousque desinat persecutio in Christianos. Cùmque exhortationem hanc audisset beatus Iulianus, in territorium Aruernensis urbis se contulit. Ingressusque tugurium cuiusdam mulieris veteranæ, ab ea se occultari deprecatus est, eo quod hospitium eius non longè haberet à loco ubi à Gentilibus yana simulachra colebantur. Ad cuius latebras persecutores protinus affuerunt, à muliere sciscitantes, ubi nam esset, qui ante paululum ad suum hospitium confugisset: illa verò negante vllum ibi esse, sanctus vir volens sibi

sibi coronam fraudari, persecutoribus se offerens ait: Hic est quem quaeritis, implete quod vobis à Principibus vestris præceptum est: cumque aliquantulum orationi incubuisset, ceruices suas persecutoribus obtulit. At illi extracto gladio caput eius amputantes, atque ad exemplum cæterorum, qui in Viennensium ciuitate morabantur, caput S. Martyris secum detulerunt, reliquo corpore sacri sanguinis sui vnda perfuso. In illis verò temporibus à Gentilibus vana superstitio in illis locis colebatur; duo tamen senes compuncti diuinâ virtute, corpus S. Iuliani, de loco vbi ipse decollatus est, ad viam, cui Briuates nomen est, transtulerunt, & venerabiliter sepultura tradiderunt. Qui inde ad propria redeunt, pro beneficio sepulturae senserunt tantam fortitudinem sibi à Deo datam, quantum in iuuentute habuerant, & pristina recepissee virtutem. In illis verò diebus, quidam diues de Hispaniæ partibus Imperatori cuidam Treueris sedenti, culpabilis extitit, quem accersitum, & carceri mancipatum pro suo crimine iussit post perendinatos dies capitalem subire sententiam. Quod cum comperisset vxor eius anxiosa, atque mœsta, ad cadauer mariti sui colligendum celeriter properabat, cumque per Briuatensum vicum matronæ prædicti senes quò tenderet, vel quare tristis esset, diligentius inquirere, ipsi omnia reuelauit. Tunc dixerunt matri-familiæ: Ante paululum temporis decollatus est in his partibus à persecutoribus quidam Christianus, cuius corpus nos cum summo honore sepelientes, & inde redeunt, eandem, quam in iuuentute habuimus, sensimus nos recepissee fortitudinem, & virtutem. Cum autem hoc audisset fidelissima mulier, statim ad sepulchrum S. Martyris orationi incumbens, spopondit ei, vt si virum suum videret incolumem, & domum suam reuerteretur, in illius honore cellulam super sepulchrum eius ædificarent. Cumque diutissimè ibi orasset, proficiscens tandem venit ad ciuitatem, in quâ ingressa, vidit virum suum Regiâ indulgentiâ absolutum, qui non solum absolutionem meruerat: verum etiam honorem receperat. Qui remaneat, & ad beati Iuliani sepulchrum vota complentes, cellulam sicut mulier promiserat, construxerunt, & deinceps omni vitæ suæ tempore ingentia munera pro consolatione tanti beneficii, ad

venerabile sepulchrum ipsius detulerunt. Postea verò opinio beati martyris, vel fama ibidem declarata omni populo celebranda innotuit. Nunc verò populo illi talis testis assistit, quod à plebe illa Martyris patrocinium numquam recessit, & ideo pro immenso eius beneficio à fidelissimis Christianis ædificata est ibi Basilica in honorẽ ipsius, quæ celsum protulit ædificata fastigium, quæ non vno tantum muneris ornata est privilegio, quia peculiaris patroni nostri referta est virtutibus. Nec hoc silebo miraculum quod Dominus ad laudem nominis sui facit. In die enim Natalis ipsius, multa fidelibus beneficia orationibus, & intercessionibus S. Iuliani Martyris Dominus operatur. Cæci namque illic illuminantur, dæmones effugantur, & omnes infirmi sanantur, & in pace benedicitur Christus Dei filius, cui est honor, & gloria, virtus, & potestas in sæcula sæculorum. Amen.

Finis Partis secundæ.

A D D E.

Libro I. cap. 15. pag. 30. lin. 16. *ductus est*, adde *à spiritu*. Pag. 16. cap. 5. lin. 5. post *intelligunt*, adde, quæ Epiphanium scripssisse miror, ac penè dubito. Recenset enim ille in Panar. libr. 11. Tom. 1. Hæresi 51. cap. 11. variam Pauli Apostoli prædicationem, & ait, *prædicat primum in Dalmatia, & Gallia, & in Italia, & Macedonia, maxime verò & primum in Galia, ut & ipse Paulus de quibusdam suis discipulis ait in Epistolis, Crescens, inquit, in Gallia, non enim in Galatia, ut quidam errantes existimant, sed in Gallia.* Verum hæc verba Pauli codicibus aduersantur, quæ legunt *Crescens in Galatiam*; neque verum est quod illa verba insinuant *primo & maxime in Galliis* Paulum prædicasse, sed solum in Gallo-Græcia, ut patet ex Actis Apostolorum, & eius Epist. ad Galatas. Quare cum Ado in Gallia Crescentis memoriam die 29. Decembris, & in Galatia alterius discipuli Pauli antiquissimum Romanum Martyrologium die 27. Iunii celebrent, duos Crescentes distinguendo fortè non aberrabimus.

Libro II. cap. XVIII. pag. 83. lin. 2. post 179. adde, *vel M. Aurelij VII. ut alij dicunt ex Chronico Ensebij, & eius Historiam corrigunt.*

Libro III. cap. XXIX. pag. 129. lin. 16. Saturninum *hunc* Rhetorem esse existimat. Eodem Libro cap. XXXVI. pag. 137. lin. 25. post *constat*, adde, *Pontius Vir clarissimus Philipporum Imp. ad Christi fidem*

conuersione illustris, Româ profugus, in Galliis in Cemelsensum Alpibus in
maritimis urbe confederat. Illum Christum prædicantem, veniens Româ
in Galliâ Claudius Præfex interrogat, propter Viri dignitatem ad Imperato-
rem de eo refert, & accepto responso sacrificiâ repudiantem crudelissimis sup-
pliciis addicit: rumpuntur equules, vrsi in Pontium immitti venatores dilac-
erant. Ipse Christi Martyr ingenti stru lignorum impositus, mediis in flam-
mis seruatur incolumis, & diuinam in Imperatores vltionem prænuntians,
iubente Præfide ad collem rivo imminentem capite plectitur.

C O R R I G E.

Libro I. pag. 1. lin. vlt. lege *Clementem Romanum Episcopum*. Pag.
13. lin. 1. loco *qua*, lege, *acmox*. Pag. 15. lin. 21. lege *Marcellam*.
Pag. 29. cap. 15. lin. 2. ab *Angelo monitus*. Pag. 31. lin. 26. loco *multa*
lege *nulla*. Pag. 32. ante *Georgium* scribe *numerus XVI*. Pag. 45. lin.
8. ex *veteri*. Pag. 49. lin. 11. dele *magnum*. Pag. 50. lin. 19. apud *Grego-*
rium. Pag. 55. cap. 33. lin. 8. loco *secundi*, reponere *tertij*. Pag. 61. lin.
14. lege *tertio non secundo*.

Libro II. Pag. 67. cap. 2. lin. 6. *quidam*. Pag. 68. cap. 4. lin. 19.
Andeolum. Pag. 78. lin. 15. *Aurelianum*. Pag. 82. lin. 4. *peiorum*. Pag.
90. lin. 15. *vobis pudenda*.

Libro III. Pag. 104. lin. 27. *præfederunt*. Pag. 110. cap. 6. lin. 17.
instituta controuersia. Pag. 111. lin. 4. *desideras*? Pag. 125. lin. 20. *incon-*
ditis. Pag. 129. lin. 16. *hunc Saturninum*, lin. 18. *Consules*. Pag. 130. cap.
30. lin. 6. *Nathanaëlem*. Pag. 133. lin. 19. *nec curet*. Pag. 135. lin. 3. *pote-*
statis. Pag. 138. cap. 38. lin. 16. *ipsi Lolliano*. Pag. 145. cap. 45. lin. 8.
Enilasio.

Libro IV. Pag. 154. lin. 15. *Hormisda*. lin. 16. *Iovinianus*. cap. 7. lin.
6. dele *ac*. Pag. 155. lin. 2. *Varum*. lin. 4. *Sebastiano*. Pag. 158. lin. 2.
promulgabans. lin. 8. *Axonam*. lin. 18. *Rictius*. lin. 20. dele *esse* & repo-
ne. *Ille in Gallia*. Pag. 161. c. 18. lin. vlt. *confunditur*. c. 19. lin. 7. dele
Remis Macra virgo. Pag. 162. lin. 4. *Prætorio*.

A P P R O B A T I O.

NOS subſignati Doctores in ſacra Facultate Theologiæ Pariſi teſtamur, hoc primo volumine in quatuor libros diſtincto, quibus initia Hiſtoriæ Eccleſiæ Gallicanæ deſcribuntur, & ad ratam temporum libellam multa ex parte reuocantur, à nobis quidem accuratè perſeſto, nihil contineri quod Fidei Catholiciæ Apoſtolicæ & Romanæ aduerſetur. Dignumque videri quod ad publicam vtilitatem in lucem emittatur. Datum Lutetiæ Gal. Auguſti. Anno milleſimo ſexcentefimo trigefimo quinto.

HEMERE:

DV PRESNE, DE MINCE.

P R I V I L E G E D U R O Y.



NOUS PAR LA GRACE DE DIEU ROY DE FRANCE ET DE NAVARRE. A nos Amex & ſeuers Conſeillers les gens tenans nos Cours de Parlement, Maîtres des Requeſtes ordinaires de noſtre Hoſtel, Baillifs, Senefchaux, Preuoſts, leurs Lieutenans, & tous autres de nos iuſticiers, & Officiers qu'il appartient, ſalue. Noſtre cher & bien-ami **JEAN CAMUSAT**, nous a fait remonſtrer qu'il deſideroit faire imprimer vn liure intitulé, *Hiſtoriarum Eccleſiæ Gallicanæ tomus primus, in duas partes diuiſus. Authore F. Boſqueto, Narbonenſi Praſore.* S'il auoit nos lettres ſur ce neceſſaires, leſquelles il nous a tres humblement ſupplié de luy accorder. A ces cauſes, Nous auons permis & permettons à l'expoſant par ces preſentes, d'imprimer, ou faire imprimer, vendre & debiter en tous les lieux de noſtre obéiſſance, ledit liure en telles marges, en tels caractères, & auant de ſoin que bon luy ſemblera, durant l'eſpace de dix ans entiers & accomplis, à compter du iour qu'il ſera acheué d'imprimer pour la premiere fois. Et faiſons tres-expreſſes deſſences à toutes perſonnes, de quelque qualité & condition qu'elles ſoient, d'imprimer ou faire imprimer, vendre ny distribuer en aucun lieu de ce Royaume ledit liure entier, ou partie d'iceluy, ſous pretexte d'augmentation, correction, ou autrement, en quelque ſorte & maniere que ce ſoit, durant ledit temps, à peine de quinze cens liures d'amende, applicables vn tiers à nous, vn tiers à l'Hoſtel Dieu de Paris, & l'autre tiers audit expoſant: de conſiſcation de tous les exemplaires contrefaits, & de tous deſpens dommages & intereſts. A condition qu'il en ſera mis deux exemplaires en noſtre Bibliothèque publique, & vn en celle de noſtre tres-cher & feal le ſieur Seguier Cheualier, Gardé des ſeuers de France, auant que de l'expoſer en vente, à peine de nullité des preſentes, du contenu eſquelles, nous voulons & vous mandons que vous faciez iouyr l'expoſant plainement & paifiblement, ſans qu'il luy ſoit donné aucun trouble, ny empêchement. Voulons auſſi qu'en mettant au commencement ou à la fin dudit liure vn bref extrait des preſentes, elles ſoient tenues pour deuément ſignifiées, & que ſoyt adiouſtée comme à l'original: mandons en outre au premier noſtre Huifſier, ou Sergent ſur ce requis, de faire pour l'exécution des preſentes tous exploits neceſſaires, ſans demander autre permiſſion. Car tel eſt noſtre plaifir, nonobſtant clameur de Haro, Charte Normande, & autres lettres à ce contraires. Donnée à Paris le 14. iour d'Août, l'an de grace 1635. & de noſtre regne le vingt-fixième. Par le Roy en ſon Conſeil, **CON R A R T.**